





~~47~~

ii 7/1





# GAIM

AN

# D E M H O I R

DO'N T-SLUAGH

NEO-IOMPAICHTE,

*IOMPACHADH AGUS BIH BEO.*

AIR EADAR-THEANGACHADH O BHEURLA

RICHARD BAXTER.

AGUS A NIS AIR A GHLANADH O MHEARACHUDAIBH LION-MHOR EUGSAMHUIL,

*Le P. MACPHARLAIN,*

Eadar-theangair Toiseach agus Fàs Diadhachd 'san Anam, &c.

---

DUN-EUDAINN :

*Clo-bhuailte le I. Cléireach, 'an Sràid a Chruidh.*

AGUS R' AN REIC LEIS AN EADAR-THEANGAIR AIG 346,  
'AN TAIC AN TIGH-THOMHAIS, DUN-EUDAINN.

---

1811.

*Adv. Bib*

*Entered at Stationers' Hall.*

---

## CLAR-INNSEADH.

---

<i>Aobhar na h-oibre</i>	-	-	-	-	-	v
<i>Roi'radh</i>	-	-	-	-	-	vii
<b>TEAG. I.</b> 'Sè lagh neo-chaochlaideach an Tighearna Dia, gur eigin do luchd-aingidheachd iompachadh no bàsughadh	-	-	-	-	-	4
<b>TEAG. II.</b> 'Sè gealla Dhc gum bi daoin' aingidh beo, ma philleas iad gu h-iomlan neo-chcalgach	-	-	-	-	35	
<b>TEAG. III.</b> Is taitneach le Dia iompachadh agus sonas dhaoinc, ach is mi-thaitneach leis am bàs agus an truaighe; is roighniche lcis gun iompaicheadh agus gum maireadh iad beo, na gun gabhadh iad air an aghaidh, agus gu 'm bàsaicheadh iad gu truagh	-	-	-	-	42	
<b>TEAG. IV.</b> Is dearbh-fhirinn so, agus do bhrigh nach b' àill le Dia gu 'n cuire daoin 'an teagamh i, dhainghnich è dhoibh i le a mhionn follaiseach fein	-	-	-	-	52	
<b>TEAG. V.</b> Tha 'n Tighearn ag asluchadh agus ag earulachadh air daoin aingidh iompachadh	-	-	-	-	60	
<b>TEAG. VI.</b> Tha 'n Tighearn ag aontachadh a chùis a cho'-reusonachadh riu, 'sa feòraich de luchd-aing- idheachd c' arson a bhàsaicheas iad	-	-	-	-	75	
<b>TEAG. VII.</b> Mar iompaich na-h-aingidh an diaigh so uile, cha 'n i coire Dhe ach an coire fein gu 'm bàsaich iad; 'si an antoilealachd fein fior-aobhar an leir-sgríos; uime sin bàsaichidh iad a chionn nach àill leo ach bàs	-	-	-	-	102	
<b>DEICH SEOLAIDH,</b> a' tòiseachadh aig	-	-	-	-	132	
<b>Tri Urnuighean</b>	-	-	-	-	142	

*Cunntas gearr mu thimchioll an leabhair so leis  
an Olladh\* Calamis.*

"A measg a sgriobhanna lionmhòr, 's è *Gairm do'n t-sluagh neo-iōmpaichte* obair is ro-fheumaile. Bha "sèathnar bhràithre air an iompachadh cò'lath léis. Bha "fichead mìle leabhar dheth air an sgaoileadh ann an "còrr beag agus bliadhna. Chaidh eadar-theangachadh "'am Fraingis, agus an cànmhuinibh eile na Roinn-Eorpa: agus dh' eadar-theangaich *Mr. Elliot* è ann an "cainint nan Innsibh. Tha *Olladh Cotton Mather* ag "innse gun d' rinn a leughadh na h-urrad dhrùghaidh "air Prionnsadh anns na h-Innsibh, 's gun do shuidh "è ga leughadh a' sile dheur gus an d' èug è."

\* *Doctor*

## AOBHAR NA H-OIBRE SO.

---

ANNS an eolas ghoirid a bha agam air seirbhiseach urramach agus foghlumta Chriosd, Easpuig Usher, bu tric leis, o àm gu h-àm bhi 'g am bhrosnachadh, chum riaghailt sduiridh a sgriobhadh, do gach inbh fa leth, doluchd-aidmheil a chreidimh Chriosduidh, a shonraich-éadh amach do gach neach a chuibhrionn fein; a' tòiseachadh leis na daoinibh neo-iompaicht' agus a' gabhail air m' aghaidh chum nan leanaba ann an Criosd, agus 'na dhiaigh sin, chum nan daoine neart-mhor, a' coi'-measgadh cuideachaidh shonraicht an aghaidh gach peacaidh fa leth, air am bheil iad teomadh. Thug mi air iartas obann-san 'n ar ceud cho'-luadar, gun robh so 'na rùn roimh 'n àm sin; agus dh' imis mi dha, gun d' rinneadh sin gu coi'-lonta cheana le mòran; agus gu 'm b' è ain-eolais-san air mo laigsinn, a thug a'ir a smuainteachadh gun robh mi ni bu teomadh air an obair na bha mi. Cha d' fhothainn so leis, ach thug è ionnsuidh eil orm. Tha è agam r'a ajdeachadh nach do għluais impidh mi, oir cha bu leur dhombh gun robh anabharr feum air tuille dheanamh, na bha deanta cheana air an doigh sin: no gu 'm bu chosmhud dhomhsa tuille dheanamh Agus air an aobhar sin dhealaich mi ris; gun rùn air bith gu iartas a fhreagradh. Ach o dh' eug è, is tric a chuihnich mi a bhriathra: agus dh'aom am meas mòr agus urramach a bha agam air mi, a smuainteachadh air iartas le cail-eigin do thlachd. Agus mar a bha e ann am rùn o cheann ghoirid, riaghailt a sduireadh teaghlaich a sgriobhadh, thòisich mi r'a thoirt fainear cia direach a dheanadh so an t iùl domh; agus gun labhrainn air cor anma dhaoine fa leth, roimh 'n dàimhe fa leth. Ann an lorg so, chuir mi romham le còmhna Dhe, gabhail air m' aghaidh air a mhodh so a leanas. Air tùs, labhairt ris an t' sluagh pheacach nach do bhioradh le h-aithreachas, agus nach 'eil, a' cuir rompa pilleadh, no idir a' gabhail cùraim do 'n obair. Agus mheas mi gum b' fheumaile dhoibh so, impidh dhùsgaidh, na riaghailt sduiridh amhàin. Oir tha riaghailt a' roimh-chiallaichadh gu bheil daoine toileach gluasad d' a rèir: ach tha an dream ris a bheil mo cheud ghnothach

ann an suain pheacach le 'n toil, agus mar dhaoine gun mhothachadh thug iad thairis iad fein, do pheaca, le ciocras Eph. iv, 19. Anns an dara h-àite, tha mo ghnothach ris an dream sin anns am bheil cail-eigin do rùn gu pilleadh, agus tha a' gabhail cùraim de 'n obair; d'an sdùireadh gu fior-leasacha beatha, chum nach caill iad an saothair. Anns an treas àit, is eigin seoladh a thoirt do na criosuidhibh is òige, agus is laige, chum gum bi iad air an daighneachadh agus air an togail suas gu buan maireaùmach. Anns a cheathramh àite, tha seola r'a thoirt chum nan criosuidhean a chùl-sleamhnaich, agus a fluair tuisle, a thogail gu tearuinte. Os barr, tha impidh agus seola an aghaidh cuid de sheachranaibh sonraichte na linn so de 'n t' saoghal, agus an aghaidh cuid de pheacaibh coitcheann millteach, ann am rùn. Mar a bhuiteas do sheola thoirt do choguisibh atha fo amharus buaireasach, rinneadh sìm cheana. Cha sgriobh mi seola do 'u t' sluagh neart-mhor, do bhrigh gun d' fluair iad urrad colais o Dhìa cheana. Agus tha a chuid dheireannach gusonraicht, a sheoladh gach dàimh fa leth, ann an coi-lionadh an dileasain. Agus sgriobhadh cuid diu sin cheana: is ann aig Dia amhàin ata fios, am bi àine no athais agam a sgriobhadh tuille. Air an aobhar sin, foillsichidh mi gach cuid dhiu so leo fein, mar a sgriobh mi iad: gu h-àraidh, a chionn gun do dhealhhadh iad a sdùireadh dhaoin anns gach inbhe fa leth, agus nach bu mhath leam gun cuireadh meud, no luach an leabhair, eagal orr' a chumadh iad, o lengh-adh nan nithe sìm a sgriobhadh chum an leas. Dh' fhoillsicadh a chuid so, air tùs, do chéannardaibh agus do phàrantaibh r'a leughadh gu tric ann an teaghlaichaibh, ma tha luchd tuarasdail, no clann neo-iompaicht' aca. Anns an dara h-àite, do 'n dream neo-jom-paichte sin r'a leaghadh, agus i'a smuainteachadh oirre, leo fein. Anns an treas àite, do 'n dream is saibhire, anns am bheil tiom-chridh air bith, do na-h-anmaibh truagh so, r'a toirt do 'n aitim mhi-naomha, aig am bheil feum oirre: mur 'eil ni 's fearr aca laimh riù, r'a ghnàthachadh, no r'a thoirt uatha. Gu mosgladh Dia sinn, a shaothaireachadh obair ar slainte, chum tearmainn d' ar n-anmaibh fein, agus do anmaibh dhaoin eile, mar dheisciobla dileas fa cheannsal an De uile bheannuichte, Cruthai-fhear, Fear-saoruidh agus Fear-naomhachaidh an anma. Gu mosgladh Dia sinn chum so a dheanamh, am feadh a mhaireas an là, latha taigse nan gràs, agus mun tig oirn o'che tinneis agus bàis: chum nach spionar a' fearann nam beo sinn, ann am boilsgin ar neo-chùraim agus ann am meadhon ar n-aingidheachd. Amen.

## ROI'R A D H.

---

---

*Do gach neach mi-naomh a leughas an leabhar so, gu h-àraidh do m' luchd èisdeachd ann am baile, agus ann an Sgìreachd Chiderminster.*

*Fhearaibh agus a Bhràthraibh,*

**A**IR bhith do'n Dia shiorruidh a chruthaich sibh, chum beatha bhith-bhuain, agus a shaor sibh trid aon Mhac a ghràidh, an uair a chaill sibh sibh fein, agus 'ur còir air sonas, cuimhneach oirbh 'nar peacaidh agùs truaighe, dhealbh è an soisgeul, agus naisg sè è le a Spiorad, agus dh'àithn è da luchd-teagaisg a shearmonacha do'n t-saoghal, chum, air maitheanas bhi air a thairgse dhuibh gu saor, agus neamh air a chuir f'ar comhair, gu 'm faodadh è 'ur gairm o'r n-ann-toil fheolmhoir agus o leanmhuinn an t-saoghail mhealltaich so, agus gu eolas a thoirt duibh air a bheatha chum an do chruthaicheadh agus an do shaoradh sibh, mu'm bàsaich sibh gun tearmunn. Cha do chuir è d' ar n-ionnsuidh fàidh no Abstol, aig an robh an teachdoireachd o fhoillseacha neo-mheadhonach, gidheadh tha è 'g ar gairm le luchd-teagaisg ghnàthaichte, aig a' bheil barantas uaith-fein an soisgeul ceudn' a shearmonachadh, a chuireadh air tàs

'an cèill le Criosd agus le a chuid Abstolaibh. Tha'n Tighearna ri freiceadan oirbh, agus 's leur dha cia dearmadach air fein agus air 'ur crich dhereannaich sibh, agus cia neo-chùramach 's a tha sibh mu nithe siorruidh, mar dhaoine nach tuig ciod a th' aca r'a dheanamh no ri fhulang. 'S leur dha cia dànn ann am peacadh, neo-sgàthach roi bhagradh, agus neo-chùramach m' ar n-anmaibh sibh, agus gu bheil deanadais nan ana-creideach 'n ar caithe-beatha, am feadh a tha aidmheil nan criosdui'ean 'nar briathraibh. Tha è fiosrach gu bheil an latha uabhasach dlù dhuibh, san tionnsgainn 'ur sìor-dhòlas, ur caoidh agus ur gearan gun tairbhe, ann an dòruinn agus ann an eadòchas; agus reubaith bhi cuimhneachadh air ur n-amaideachd na h-anma asaibh, mar bac sibh è le fior-iompacha. 'S aithne do 'n Tighearn ur cor, ni 's fearr no is aithne dhuibh fein è; agus o thim-chridhe d' ar n-anmaibh peacach truagh, dh' earaluich è air a luchd-teagaisg labhairt ruibh 'na aim fein, chum ur peacadh agus ur truaighe fhoillseacha dhuibh gu soilleir, agus cia truagh ur crioch, agus cia brònach an t-atharrach a thig oirbh gu goirid, ma thèid sibh ach beagan ni 's faide air ur n-aghaidh. Leis mar cheannaich è sibh le luach co daor, le fuil neo-chiontaich a Mhic Iosa Criosd, agus a thug è dhuibh gealladh co coitclionn shaor air mathanas peacaidh, air gean-math agus air gloir shiorruidh, dh' iarr è air a luchd-teagaisg so uile a thairgse dhuibh mar thiodhlaca Dhe; agus earalachadh oirbh smaoineachadh air mòr-luach na tairgse, agus am feum a th' agaibh oirre. Is truagh leis bhi 'g amharc oirbh àit' ann an ro-chùram saoghalta, agus ann an ana-miannaih feolmhor, 'an dian-thòir air faoineachd cloinne-bige, agus a mi-bhuileachadh ur n-aimsir ghoirid luach-mhoir air nithe gun seadh; an aimsir sam bu chòir dhuibh sibh fein ullachadh fa chomhair na beatha shiorruidh; agus air an aobhar sin spàrr è air luchd-teagaisg an t-sois-

geil bhi 'g èigheach 'nar diaigh, agus innse dhuibh  
 gu bheil sibh a' call ur saothair, agus 'an cunnart ur  
 n-anmaibh a chall cuideachd, agus a nochda dhuibh  
 cia mòr agus math na nithe sin a gheibh sibh gun  
 teagamh, ma dh' èisdeas sibh ris a chuire so. Fhreagair  
 an luchd-teagaisg àithne Dhe : Thainig iad d' ar n-  
 ionnsuidh leis an teachdoireachd a dh' earalaich è  
 dhoibh a shearmonachadh dhuibh le dùrachd 'an àm,  
 agus 'an an-àm ; agus thog iad an guth mar ghall-  
 truimp, a leigeil ur seachranaibh peacach ris duibh.  
 Ach mo thruaighe ! chum am mulad-san, agus ur  
 leir-sgrios fein, dhruid sibh ur cluas, agus ragaich sibh  
 ur muineal ; chruadhaich sibh ur cridhe fein, agus  
 bhris sibh an cridhe-san ; agus chuir sibh air an ais  
 iad chum Dhe, le osnaibh, a dh' innse dha gun do  
 reic iad a theachdoireachd ribh, ach nach do drùigh i  
 oirbh, agus gur gann a fhuair iad èisdeachd iom-  
 chuidh uaibh. Och ! nach bu tobair dheur sùile  
 luchd-teagaisg, chum gu 'n guileadh iad arson ainéo-  
 lais am pobuill, aig a' bheil Criod, mathanas, beatha  
 bhith-bhuan, agus flaitheas na glòire 'nan tairgse ;  
 gidheadh, aig nach 'eil cridhe ghabhail eolais orra, no  
 g' am meas a rèir am mòr-luaich ! aig am faoda  
 Criod, gràs, agus glòir a bhith, co math 's aig daoin'  
 eile, mar bhithheadh an ain-eolas agus di-meas toileil !  
 O ! nach lionadh an Tighearn ar n-anma le tuille  
 tim-chridhe do na truaghainibh so, chum gun tilgea-  
 maid sinn fein aig an cosaibh, gun leanamaid iad  
 chum an ionadaibh-comhnuidh, agus gun labhramaид  
 riu le deuraibh goirt. Shearmonaich sinn fada do  
 mhòran diubh gun tairbhe sami bith, dhealbhadh  
 briathra soilleir so-thuigsinn, ach tha àireamh mhòr  
 dhiubh nach tuig : dhealbhadh briathran guineach  
 drùigheach a thoirt mothachaidh dhoibh, ach cha  
 mhothaich iad. Nan drùigheadh an impidh is cud-  
 thromaire orra, mhosglanaid iad. Nan oibricheadh  
 na nithe is blasd' orra, thàlaidh an luchd-teagaisg

riu fein iad; agus bhuidhneadh iad an cridhe. Nam maothaicheadh am bagradh borb is uabhasaich iad, bhiodh iad fo gheilt-chrith arson an aingidheachd. Nan còrdadh firinn agus treibh dhireas riu, chuirte impidh orra gun dàil. Nan èisdeadh iad ris an Dia a chruthaich iad, agus ri Criosd a cheannaich iad, dh' atharraicht' an cor air ball. Nan èisdeadh iad ris na sgriobtuir naomha, cha b' fhada gus an d' thugta buaidh orra. Nan èisdeadh iad ri riason, seadh, ris an reuson is treise, agus is fearr, cha teagamh nach cuirt' impidh orra gu luath. Nan èisdeadh iad ri 'm fiosracha fein, agus ri fiosrachadh an t-saoghail gu leir, leasaicht' a chùis: seadh, nan èisdeadh iad r' an cogaisibh fein, bhiodh an staid ni's fearr na tha i. Ach m' ar èisdear ri gnè air bith, ciod tuille nìtear riu. Ma nìtear di-meas air Dia neamha, co a bheirear fainear? Ma nìtear di-meas air gràdh luach'or, agus fuil rioghailean Fhir-shaoruindh, ciod è air ain bi meas? Mar creid iad gu bhéil glòir ion-mhiannuicht anns na neamhaibh, agus m' as neo-ni' leo gàirdeachas siorruidh; ma ni iad sgeig air ifrinn agus dannsa mu bhruaich an t-sluichd gun iochdar, agus sùgradh ri teine millteach, 'n uair bhos Dia agus daoin' a' toirt rabhaidh dhoibh bhi air am faicill; ciod a nìtear ris na h-anmaibh truagh sin?

Aon uair eile, ann an airm Dhe nam flaitheas, reicidh mi 'n teachdoireachd a sparr è orm, agus fàgaidh mi agaibh i ann an sgriobha seasmhach buan, d' ar n-iompacha no d' ar dìte, chum ur n-atharrachadh no dh' èiridh ann am breitheanas 'n ar n-aghaidh; agus gu bhi 'na fhianais 'n ar n-aghaidh, gu 'n d' fhuair sibh aon uair cuire dùrachach gu pilleadh. Chuinnibhs' uil' è a ta fo thràillealachd do 'n diabhol, do 'n t-saoghal, agus do 'n fheoil; sibhse tha struigheadh ur n-aimsir 'an toir air suaimhneas talmhuidh; agus a' bàthadh ur coguisse le misg, le craos, le diomhanas, agus niacnus amaideach, sibhse gan leur am

peacadh, gidheadh, a tha 'ga chuir 'an gniomh, mar gun d'thuga sibh dùlan an De Uile-chumhachdaich, agus gach dòrainn is urrainn da a dheanamh; agus mar g' an abradh sibh ris dol ga chomas, agus gun ur caomhnadh? Cluinnibhs' uile nach cuimhnich Dia, agus nach 'eil a' gabhlail tlachd 'an nithibh naomha, ann am focal no ann an aoradh an Tighearn, 'an smuaintibh no 'an iomradh air beatha shiorruidh; siblise tha neo-chùramach m' ur n-anmaibh neobhàsmhor; agus nach builich aon uair a dh' flaicinn ciod an staid sa bheil iad, co dhiu tha iad mi-naomha no naomhaichte agus deas r' an taisbineadh 'an làthair an Tighearna! Cluinnibhs' uile, a pheacaich 'an aghaidh soillse, a thruaill sibh fein le mi-dhiadhachd, agus neo-chreidimh, agus nach toir creideas do dh' fhocal Dè. An ti aig a' bheil cluas chum èisdeachd, èisdeadh è gairm ghràsmhor, gidheadh, uabhasach Dhe! Tha shùil oirbh rè na h-ùine so, tha ur peacadh sgriobht' ann an leabhar a chuimhne, agus cluinnidh sibh gu deimhin a rìs è; tha 'n leabhar air coimhead Dhe san àm so, agus sgriobhaidh sè è air ur n-anmaibh le h-uabhasaibh; agus an sin coimhidh sibh fein è. A dhaoine peacach, is truagh gun fhios aguibh ciod a tha sibh a' deanamh; agus co g' a' bheil sibh a' toirt oilbheum fad na h-ùine so. Is dorachadas a ghrian fein 'an làthair gloir na mòrachd sin, ga bheil sibh a' toirt mì-mhodh gach là, agus a bhrosnaich sibh chum feirge 'n ar n-aghaidh fein. Cha b' urra na h-aingil pheacach seasamh 'na fhianuis, ach thilgeadh urchair uabhasach dhiubh do dhoimhne dòruinn shiorruidh: agus a' bheil do chridhe aig cnuimhibh dìblidh mar tha sibhse, oilbheum a thoirt do Dhia gu dùlanach, agus cuir 'an aghaidh an Dè Uile-chumhachaich, a ghairm o neo-ní sibh! Och! nach 'eil am fios is lugha agaibh air an staid bhrònaich anns a' bheil na h-anmaibh sin a bhrosnaich an Dia neart-mhor 'n an aghaidh fein. Theid aig focal

Dè leis an do ghairmeadh air tùs o neo-ni thu, air do ghairm a rìs gu neo-ni. Cuiridh gruaim a ghnùis as duit, agus tilgidh è 'mach thu 'an iomall dorcha-dais. Cia buidheach dhiot na diabhoil leis an do bhuaireadh thu, cha 'n 'eil a dhi orra ach cead o 'n Tighearna, do ghlacadh agus do ghnàthacha mar an cuid fein ! 's an sin bithidh tu ann an ifrinn gun dàil. Ma tha Dia a' t-aghaidh, tha gach ni a' t-aghaidh. Cha 'n 'eil an saoghal so ach mar ghainntir dhuit ga mòr do ghràdh air ; cha 'n 'eil thu ach air do choimhead ann gu latha na feirge. Job. xxi. 30. Tha 'm breitheamh a' teachd ; tha t-anams a' triall. Seadh, an ùine ghearr, their do chàirdean umad 'gu 'n d' èug thu ; agus chi thu 'n sin na nithe air a' bheil thu 'n dràst' a' deanamh di-meas, agus mothaidh tu gur fior an ni nach do chreid thu roimhe. Blieir am bàs na h-urrad dhearbhaidh dhuit air a chùis, 's nach fhaod thu cuir 'na aghaidh ; dearbhadh a thilgeas bun os ceann gu tur do bhreisleach fhein-speiseil, agus do chonnspoid 'an aghaidh focail agus slighe Dhe. Agus an sin thig grad atharrachadh air t-inntinn. An sin bi a' d' neo-chreideach m'as urrainn duit : seas ris gach cainnt bu' ghnà leat a labhairt an aghaidh nan sgriobtuire, agus 'an aghaidh beatha neamhaidh naomha. Dean a chùis sin a thagradh 'an làthair an Tighearna bu ghnath leat a chonnsachadh 'an aghaidh do luchd-teagaisg, agus na h-aitim sin air a' bheil eagal Dè. Seas an sin ri d' shean-bharailibh, agus ri d' smuaintibh di-measach air dicheall nan naomh. Deasaich a nis do reusan is treise, seas suas 'an làthair do bhreitheamh, agus tagair gu duineil cùis do bheatha fheolmhoir; shaoghalta, agus mli-dhiadhaidh. Ach biodh fios agad gun tagair thu le neach' nach faod thu a smàdadadh uait, mar a smàdas tu do cho'-chreatuirean. O ! anmain thruaigh mheallta ! cha 'n 'eil ach sgàile tana feolmhor eadar thu agus an sealladh uabhasach sin, a chuireas tosd

ort gu goirid, agus a bheir ceol agus rùn eile dhuit ! Co luath sa thairneas am bàs an sgàile so, chi thu na dh' fhàgas gun smid thu. Cia grad a thig an là agus an uair sin ! M' an caith thu ach beagan tuill' àine ri sùgradh, m' an cealaich thu ach beagan tuille de lòn so-bhlasta, m' am meal thu ach beagan tuille de 'n urram agus de 'n t-śaibhreas shaoghalta, struighear do chuibhrionn, criochnaicheadh do shòlas, triallaiddh gach ni air 'n do shocraich thu t-inntinn, gach ni air 'n do reic thu do Shlanui' fhear agus do shonas ; agus cha 'n fhàgar agad ach an cunntas trom. Mar mheir-leach ladurn' à shuidheas gu misgeach ceol-mhor san tigh-òsda, ag òl na braid, gus am bi a mhuineal an sàs acasan a tha gu dian air a thòir. 'S ionann ur cor-sa : Am feadh a tha sibh air mhisg le ro-chùram agus sòlas feolmhor, agus a' deanamh uaill a aobhar ur nàire, tha 'm bàs gu dian an tòir oirbh, g' ar glacadh, chum an t-anam a splonadh asaibh, agus gu iomain do 'n àite air am beag a tha sibh san àm a' smuainteachadh. Abraibh 'n uair bha sibh gu gniomhach dàn' ann am peacadh, gun robh maor a' teachd le cabhaig g' ar glacadh, agus g' ar cuir gu bàs, ge nach faice sibh ò, gidheadh nam biodh fios agaibh gun robh è ri teachd, nach cuireadh so stad air ur sùgradh, agus nach biodh sibh a' smuainteachadh air cabhag a mhaoir, agus ag èisdeachd c' uin a bhualleadh è 'n dorus. Is truagh nach tuigeadh sibh cabhag a bhàis ; ge nach d' rug è oirbh fhathast ! cha 'n 'eil teachdoire co luath ris ! cha 'n 'eil maor air bith co cinnteach ris ! cha chinntiche gun d' thoir a ghrian a solus duibh sa mhachuinn, na gun d' thig am bàs gun dàil oirbh ; agus c' àit an sin a' bheil ur sùgradh agus ur sòlas ? An d' thoir sibh a dhùlan gu fanoideach ? An dean sibh ball-magaidh de 'n dream a thug rabh-adh dhuibh ? Am fearr an sin a bhi cràbhach diadhaidh, no saoghal't agus ana-miannach ? Agus an sin co is sealbhadoir air na nithibh a bha sibh a' càrnadh

suas? Luc. xii. 19, 20, 21. Nach 'eil sibh a' faicinn gu bheil làithean agus seachdainean a' triall gun stàd, oi'ch agus maduinn a' leanmhuinn a chèile gu dlù? Coidlìdh sibh fein, ach cha chodal g' ar dòruinn; tha ur triallsa mall, ach is cabhagach am breitheanas tha 'n tòir oirbh, 2 Pead. 2. 3, 4, 5. glacaidh è sibh gu h-obann, agus bheir è sibh do dhioghaltas mar chobhartach. “O gu 'm biodh sibh glic a thuigisinn “so, gu 'n d-thugadh sibh fainear ur crioch dheirean-“nach!” Deut. xxxii. 29. An ti aig a' bheil cluas chum èisdeachd, cluinneadh è gairm Dhe ann an latha so a shlainte.

O! dhaoine peacach neo-chùramach, is truagh gun fhior-eolas a bhi agaibh air mòr-luach a ghràidh a tha sibh a' dearmad, agus air fuil luachmhoir Chrìosd, air a' bheil sibh a' deanamh tàir! Och! gun fhior-eolas agaibh air saibhreas slainteil an t-soisgeil! Is maирg gun an t-eolas is lugha agaibh air cinnt agus firinn, gloir agus sonas na beatha shiorruidh, air nach socraich sibh ur n-inntinne, agus nach gabh sibh os laimh iarruidh os cionn gach ni. Nam biodh ach an t-eolas is lugha agaibh air a bheatha shiorruidh an lathair Dhe, a bheatha a tha sibh a nis a' dearmad, cia grad a chuire sibh cùl r' ar peacaidh? cia grad a dh' atharraicheadh sibh ur n-inntinn agus ur beatha, ur giulan agus ur cuideachd, agus a philleadh sibh ur cùram agus aomadh ur tograi 'ean chum sruth-chlais eile? Nach bu tàmailteach leibh gèilleadh do 'n bhuaireadh a tha nis g' ar mealladh, agus g' ar cuir air seachran? Cia èudmhòr a mhosgladh sibh gu fearail, air tòir na beatha ro-shona so? cia dùrachdach a dheanadh sibh ùrnuigh ri Dia? cia deothasach a bhiodh sibh gu èisdeachd, gu foghlum, agus gu fios-rachadh? cia dùrachdach 'an smaoineachadh air naomh-reachd Dhe? cia gealtach roi pheacadh, 'an smuain, 'am briathar, agus 'an gniomh? cia dìleas ann an toileacha Dhe, agus chum fàs ann an naomh-

achd.? O! nach b' àghmhòr an t-atharracha so? C' arson nach creide sibh fior-fhocal Dè, a leigeas ris duibh na nithe siorruidh gloirmhor so.

Seadh, ceadaichibh dhomh innse dhuibh, gur beag ur n-eolas air an eadar-dhealucha sin a tha air talamh fein, eadar a bheatha sin a dhiult sibh, agus a bheatha gan d' rinn sibh roghainn. Tha na daoine naomh-aicht' 'an co-chainnt ri Dia, 'n uair is gann tha chridh agaibhse smuaineachadh air; agus an uair nach 'eil sibhs' ach 'an co-chainnt an t-saoghal agus na feola, tha 'n co'-luadar-san air neamh, am feadh a tha sibhse 'n ar coigrich air an ionad sin, agus ur bolg agaibh mar Dhia, agus 'an tòir air nithibh saoghalta. Tha iadsan an tòir air sealla do ghnùis ghlòir-mhor an Ard-righ, 'n uair nach 'eil sibhs' ag iarruidh aon ni is àirde no an talamhs': Tha iadsan ri saothair fa chomhair na beatha gun chrioch, aïns am bi iad mar na h-aingil, 'n uair a tha sibhse gu h-iomaguineach a' ruaga nan samhladh mealltach, 's a' càrnadh suas nithe diombuan nach meal sibh ach góirid. Cia dìblidh truagh a bheatha thalmhaidh, fheolmhor, pheacach, agus an-diadhaidh, 'an coimeas ri beatha spioradail, luachmhoir nan creid' each. S tric bù duilich truagh leam bhi 'g amharc air mac-samhuil nan daoine so, le dealas an t-saoghal, a' caitheadh am beatha le cùram agus le saothair, gun a bheag a sholar, ach beagán lòin agus eudaich, no beagan de thoic dhiombuain, de shuaimhneas feolmhor, no de urram faoin, mar nach biodh ni bu luachmhoire aca r' a chuimhneachadh. Ciod an t-eadar-dheàluchadh a th' eadar beatha nan daoine sin, agus beatha nam brùidean sin, a chaitheas an aiinsir ri h-ith, ri h-obair, agus a' tarraing àile na beatha, a mhàin chum gu 'm bi iad beo? Chá bhlaist iad an sòlas neamhuidh sin is lòn anma do 'n chreid'-each. B' fhearr leam beagan de 'n cho'-fhurtachd a tha 'g èiridh o roi-smuainteachadh air an oighreachd neamhuidh do 'n fhior-chriosduidh, le oilbheumaibh

agus le fhlangaisibh air fad, na uile shòlas agus soirbheacha mealtach a pheacaich. Cha b' àill leam bhi aon uair air mo bhiora gu diomhair le agartas mo chogais, no le smuaintibh doilleir uabhasach bàis agus beatha ri teachd, air gach earras saoghalta a choisinn an droch-shluagh, no ris an ion doibh fiuthair a bhi aca gu bràth. Nam bithinn fein ann an cor feolmhor neo-iompaichte luchd-aingi'eachd, agus fios a bhi agam air na nithe sin is aithne dhomh, agus a' creidsinn na nithe a tha mi nis a' creidsinn, shaoilinn gu 'm bu roi'-bhlas air ifrinn mo bheatha. Cia tric a smuaintichinn air uabhas an Tighearna, agus air latha eagallaich a bhreitheanais a tha teachd le dian chabhag am' ionnsuidh. 'S cinnteach gu 'm biodh bàs agus ifrinn a ghìnà fa m' chomhair. Smaoinichinn orra san là, agus bhruadairinn orra san oïche ; luidhinn sios agus mhosglainn le geilt-chrith, agus chaithinn mo bheatha gu h-uabhasach, an t-eagal gun d' thigeadh am bàs orm roi' iompacha. Bu bheag mo shòlas ann aon ni a shealbhaichinn ; bu bheag mo thlachd de chuideachd, agus bu bheag mo ghàirdeachas ann aon ni saoghalt' am feadh bu leur dhomh mi fein fo fheirg agus fo mhallachd Dhe ; b' eagal leam an guth so a chluïntinn, "O ! amadain, an nochd fein iarrar "t-anam ort." Agus bhithheadh a bhreith uabhasach so sgriobht' air mo choguis, "Cha 'n 'eil sith do 'n "aingidh deir mo Dhia." Isa xlviii.22. O ! pheacacha truagh! Dh' fhaodadh sibh beath' is sòlasaiche na so a chaitheadh, nam bitheadh sibh ach toileach, do rir-eadh toileach, eisdeachd ri Criod agus teachd a dh' ionnsuidh Dhe. Dh' fhaodadh sibh an sin tarraig dluth do Dhia le dàñadas, ar n athair neamhaidh a ràdh ris, agus earbs' a dheanamh as gu muinghineach. Ma dh' amhairceas sibh air gealltanasa, faodaidh sibh a ràdh is leinn fein iad so uile. Ma dh' amhairceas sibh air mallachd, faodaidh sibh a ràdh, shaoradh uaithé so sinn. An uair a leughas sibh an reachd,

is leur dhuibh cia uaith a shaoradh sibh ; an uair a leughas sibh an soisgeul, chi sibh ur Fear-saoraidh, chi sibh sruth-chlais a ghràidh, a bheatha naomha, agus fhulangas ; faodaidh sibh a lorgachadh ann an obair ur slainte, air a dheuchainn, air a dheuraibh agus air fhuil. Chi sibh am bàs lan-chlaoite, neamh fosgailte gu farsaing rèidh, ur n ais-eiridh agus ur gloracha daighnicht' ann an ais-eiridh agus ann an glorachadh ur Tighearna. Ma dh' amhairceas sibh air an naomh-shluagh, faodaidh sibh ur bràthaire agus ur co'-chompanaich a ràdh riu. Ma dh' amhairceas sibh air daoine mi-naomha, is aobhar gairdeachais leibh gun do shaoradh sibh o 'n staid sin. Ma dhearcas sibh air na neamha speur-ghlan, air a ghrèin, air a ghealaich agus air na reulta fior-ghlan gun àireamh, nach ion duibh a ràdh, is glor-mhora gu neo-chriochnach gnùis ar n Athair neamhuidh-ne no na soilse dhealrach sin uile ; agus is glor-mhora an sonas a bheir e mar oighreachd shiorruidh d'a naomh-shluagh. Cho 'n fhacadh sùil, cho chuala cluas, agus cha do thuig cridhe duin' an t shiorruidheachd shona ghlor-inhor a gheall an Dia nach breugaichear d' a theaghlach reson't air thalamh, a bheir gèill d' a iartas. Ma smuainticheas sibh air an uaigh, faodaidh sibh a chuimhneachadh le gairdeachas gu bheil ur n Athair neamhaidh, ur Slanui-fhear beannuichte, agus an Spiorad glor-mhor, co dluth an dàimh d'ar luaithre, as nach faodar a dhi-chuimhneachadh no a dhearmad ; ach ath-bheothaicheadh e ni 's cinntiche, no na treabha luis-bheo anns an earrach. Do bhrigh gu bheil an t-anaim, freumh a chuirp, sir-bheo ; agus gu bheil Criosd freumh a chuirp agus an anma, sir-bheo. Seadh, faodar am bàs rigi nan uamhas, a chuimhneachadh le gàirdeachas ; do brigh gun robh dùil agaibh ris, d' ar saoradh, o fhuighleach peacaidh agus amhghair ; agus a leige ris duibh na nithe sonadh air an cualadh sibh iomradh, chum as gum mothaicheadh

sibh o ur fiosrachadh fein cia luach-mhor a chuid a roighnich sibh, eadhon, creideamh, naomhachd, agus neo-chealgaireachd. Leigear a chuis fa 'r ràidh fein a chàirde caomh. Nach roighniche gu mor leibh, bhith cinnteach a sonas siorruidh, agus bhi deas chum an saoghal so fhàgail air iartas bàis, na ur beath' a chaitheadh mar an aitim an-diadhaidh, ag a' bheil an cridhe trom-luchdaichte le dèistinn, òrais misg agus ro-churam na beatha so, agus air an tig am bàs gu h-obann? Nach bu shòlasach ur beatha, nan deanta oighreacha neamha dhibh, agus nan tug-tadh cinnte dhuibh air teasgaирginn an uair a dh'fhàgas sibh an saoghal so? O! seallaibh timchioll oirbh a nis, smuaintichibh ciod e ata sibh a' deanamh, agus na tilgibh uaibh an dochas so ar son fior neo-ni. Cha toir an saoghal agus an fheoil maraon, duibh a leithid so do dhòchas sòlasach.

Gun luaidh air an àn-rath a thairngeas sibh oirbh fein, tha sibh draghail do dhaoin' eil', am feadh ata sibh neo-iompoichte. Is draghail do 'n uachdaran ur cuir fo reachd. Tha sibh draghail d' ar luchd teagaisg le bhith a' cuir an aghaidh an t-solais iuil a tha iad a' taigseadh dhuibh. Cha 'n 'eil dragh air domhan a's mo leo, no ur peacadh agus ur n-àn-rath. Tha sibh draghail do 'n rioghachd, agus a' tarraing dioghaltais De oirre. Is eigin gur sibh a tha buaireadh sith nan Eaglaise, agus a' bacadh ar coi-rèite, ar deagh riaghailt, agus ar leasacha beatha. Is eigin gur niasla draghail sibh do na h-eaglaisibh anns am bheil sibh 'g ar fairneadh fein, agus do gach ionad eil' anns am bi sibh. Och! a Thighearna! Cia bronach an gnothach ann an Sasgunn fein, anns a' bheil saibhreas an t-soisgeil os ceann gach aon rioghachd eil' air talamh; anns a' bheil teagasg co-shoilleir choitchionn; agus gach cuideach' a b' àill leinn, co-dlùth dhuinn; an uair a chosgair an cloidheimh sinn; an uair a ruidh dioghaltas mar theine trid an fhearin; an uair a

shaoradh sinn ; agus a choi'-cheangail trócair co iongantach sinn ri Dia ; ris an t-soisgeul ; agus ri beatha naomha ; seadh, 'n á dhiaigh so uile, gum bitheadh ar caithreacha, ar bailte, agus ar dùthaich, air an lionadh le h-anbharr do shluagh neo-naomh-aichte, agus air lùisreadh le h-àilghios agus le neo-stuamachd, mar a chi sinn le mulad anns gach àite ! Shaoileadh neach an diaigh an t-solais, a chostais, agus an dioghaltais so uile, agus an diaigh trocair Dhe gun deanadh sluagh na rioghachd so coi'-cheangal dluth r'a chèile, gum pilleadh iad chum an Tighearna mar aon duine ; agus adh' ionnsuidh an luchd-munaidh, a' caoidh am peacaidh, agus ag aslachadh orra gabhail leo, ann an irioslacha follaiseach, ann an aidmheil peacaidh, ann an iarraidh maitheanais o'n Tighearna, agus a' guidheadh comhairle shlainteil d'an sduireadh anns an àm ri teachd, agus gum b' ait leo bhi riaghlaichte leis an Spiorad o'n leth a stigh, agus le ministreibh Chriosd o'n leth a muigh do reir focail De. Shaoileadh neach an diaigh urrad reasoin agus dhearbhaidh as a chuala sibh : agus an diaigh nam meadhona agus na trocair so uile, nach d'fhàgadh'n ar measg, aon neach an-diadhaidh, no an-saoghalta, no misgeach, agus nach 'eil ann am baile 'n ar duthaich, nàmhaid do naomhachd, no neach air am beag ath-leasacha creidimh, no beusan. Ge nach do choi'-reitich sinn uile mu dheas-ghnàthaibh àraigdh, no mu mhodh riaghlaidh eaglais agus rioghachd ; shaoileadh neach gum bu choir dhuinn roimh an àm so còrdadh mu 'r beath' a chaitheadh gu neamhaidh naomha ; gu freagarach ùmhail do Dhia, agus d'a mhinisteiribh, ann an sìth agus ann an gràdh d'a chèile. Ach mo thruaigh, cia fad o na beusaibh so ar muinntir ! tha anabharr dhiu ann an iomad aít, a' socrachadh an cridh' air nithe talmhuidh, gun iarraidh aca air rioghachd Dhe agus a ceartas air tùs, ach ag amharc air naomhachd mar ni gun fheum ; ma chluinnnear

urnuigh 'n an teaghlachaibh, cha 'n ùrnuigh intinneach dhùrachdach gach là ; ach briatharan coi'-dheis gun seadh, an uair thearc a chuirear an ceilidh iad ; cha do theagaisgeadh eolas Chriosd no coi'-cheangal nan gràs d' an sliochd ; cha do thogadh suas iad ann an teagasc an Tighearna, ge do ghealladh so as an lèth ann am baiste. Cha toir iad teagasc slainteil d' an luchd-tuarasdail ; ach ma ni iad obair cha 'u iarrar tuille. Tha barrachd de dhraostachd neo-gheamnaidh, de anacainnt mhallaichte, de mhionnaibh gairineach, agus de mhallachadh oillteil 'n an teaghlachaibh na a chluinnear de bhriathraibh grasmhor a ta chum foghlui. Cia tearc teaghlaich air am bheil eagal an Tighearna, agus a dh' fhiosraicheas ann am focal De, agus d'a mhinisteiribh, cia am modh air an coir dhoibh am beath' a riaghlaichiadh, agus ciod è a ni iad ! is tearc iad a tha toileach bhi teagaisgte agus riaghlaichte, agus aig am bheil dùil chridheil re beatha shiorruidh ! is iad a bhuidheann thearc a bheannuich-eadh mar so le Dia, gnath-fhocal nan coimhlearsnach. An uair a chi sinn cuid do dhaoin' a' caitheadh am beatha le misg, uaill, agus an-saoghaltachd, agus a chuid mhor dhiu a' gabhail ro-bheagan càraim d' an sonas, ged a tha chùis muladach gun teagamh air bith, gidheadh, is gann a dh' fhaodar an truaigh a leigeadh ris doibh, agus is gainne gu mor a dh' fhaodar an teasairginn agus an ath leasachadh : ach ann diaigh dhuinn gach ni a dheananibh a ta 'n ar cumhachd, chum an teasairginn o am peacaibh, is eigin duinn cuid diu fhàgail mar a fhuair sinn iad. Ma thilgeas sinn amach iad do reir focail De, o cho-chomunn na h-eaglais, ann diaigh dhoibh ar comhairl' a dhiultadh gu rag-imhuinealach ; lasaidh am fearg 'n ar n aghaidh gu bras, mar gu 'm bu naimhde dhoibh sinn ; lionaidh an anama le mi-run agus brùchdaidh iad oirn è ; is fearr leo dol ann ordugh ca:ha, an aghaidh an Tighearna, agus a naoimh-reachd, an aghaidh

eaglais, agus a mhiniostiribh ; no an aghaidh a pheac-aidh bhàs-mhoir. So staid bhronach Shasguinn : tha ar n-uachdarana cairdeil do ghiulan diadhaidh : tha sàr-cho'-throm againn chum coi'-rèite agus ath-leas-sacha creidimh agus beusa, agus is fada le ministeribh tairis an t-soisgeil gus am faic iad eaglais De fo dheagh riaghailt, agus naomh-reachd Dhe mar riaghailt beusan aig gach neach : ach is beag nach 'eil cumhachd peacaidh an t-sluaigh a' cuir gach ni an neo brigh. Is tearc àit anns aìn faod ministeir tairis an t-soisgeil fior-fhoghlum smachdail Chriosd a chuir 'an gniomh ; no am peacach leis nach aithreach an giulan a 's masluich, fhògradh a' co'-chaidreamh na h-eaglais, no, o cho'-ghabhail suipeir an Tighearna, gun bhith mar chuspair anacainnt aig cuid mhor de 'n t-sluagh : mar gum bu ghlice na h-anama ain-eolach neo-churamach so no an luchd teagaisg, seadh na Dia fein, agus mar gu 'm b' fhearr an luchd riaghlaidh iad no an aitim ris an d' earb Dia riaghailt na h-eaglais. Agus mar so, aìn an la ar fiosrachaидh, an uair a bheir Dia gairm-dhuinn eaglais fein ath-leasachadh, abraibh gu bheil na h-uachdarain deonach, agus gu bheil na ministeirean treibh-dhireach ro-dheonach, gidheadh, tha an sluagh ro ain-deonach, tha iad dall agus cruadhaichte le peacadh, air achd 's gu bheil iad, seadh, aìn an la an t-solais iuil agus tairgse nan gràs, ceannairceach naimhdeil ann aghaidh an t-solais ghràs-mhoir, agus cho phill iad air impidh Dhe fein, a ta 'g an cuireadh gu càirdeil, agus cha ghabh iad sealla d' an amaideachd, no colas air an leas. Och ! is truagh gun eolas aig sluagh Shasguinn anis fein air na nithe sin a bhuiteas d' an sith mum folaicheadh o 'n suilibh iad !

O ! dhaoin' amaideach thriuagh ! cia an draoidh-eachd a lion ur n-anama leis no h-urrad bhoile, agus ur cridhe leis na h-urrad inharabhattais as gur naimhde co bàs-mhor dhuibh fein sibh ! an ruich sibh co

chrosta dhian chum dòrainn, as nach faod focal De no impidh dhaoin' ur n-intinne atharrachadh, ur lamhan a bhacadh, no stad a chuir oirbh gus am fág sibh àit ur teasairginn. Seadh, a dhaoin' aingidh cho mhair a beatha so gu bràth; cha'n fhuirich an fhoighid so ruibh gu siorruidh. Na saoilibh gu'm mi-ghnàthaich sibh ur Cruthai-fhear agus ur Fear-saoraidh; gun toir sibh gèill d'a naimhdibh; gu'n truaill sibh ur anama fein; gun cuir sibh dragh air an t-saoghal; gun dean sibh ea-coir air an eaglais; gu'n toir sibh oil-bhcum do'n t-sluagh dhiadhaidh; gun cuir sibh campar air ur luchd-munaidh; no gum bac sibh ath-leasacha creidimh; na saoilibh gu dean sibh so uile, agus nach crean sibh fein air. Cha'n'eil fios agaibh ciod e a chostas so dhuibh, ach gheibh sibh fios air gu goirid, an uair a ghabhas an Dia cothrom-ach cunntas dibh, agus a bhuineas è ruibh air mhodh nach do bhuin ur n-uachdarana saoghalta no ur n Aodhaire neo-acarrach ruibh, mur gabh sibh roimh dhòrainn shiorruidh le fior-iompochadh, agus le gradumhlachd a thoirt do ghairm Dhe. An ti ag am bheil cluasa chum eisdeachd cluinneadh è, am feadh ata àrd-ghuth na trocair a' toirt cuire dhà.

Is leur dhomh cunnuil aingidh a ta air tuineachadh gu teann ann an anmaibh mhòrain de dhaoin' an-diadhaidh.

Saoilidh iad nach 'eil Dia co chùramach mu smuainte, bhriathara agus ghniomharra dhaoine, 's a tha chlèir a' cuir am cèill doibh; agus air an aobhar sin, is ro bheag an cùram fein diubh. Chum an an-diadhachd so a leigeil ris do'n dream sin, cuiridh mi orra na ceisltean so a leanas.

1. An saoil thu gur co dheas le Dia an duine no brùid thu? Ma's eadh, co a chruthaich agus a choimhead thu? Mur h-eadh, bith cinnteach gur math leis do ghiulan a bhith mar dhuine. Cha'n'eil neach air bith co amaideach 's gu'n dean e obair

ealanta, gu 'n tog è tigh, no long, gun chùram à ghabhail gum freagair iad am feum fein. Na leigeadh ur näire dhuibh amaideachd cho mhòr a chuir as leth an De a 'ta neo-mhearachdach an gliocas, 's gun cruthaicheadh è creatuir co luach-mhor ris an duine, sgeadaichte le ceadfaibh co oirdheirc gun tuille cùram a ghabhail deth. Ciod è mu'n d' thug Dia dhuit anam comasach air eolas a ghabhail air fein; ciod è mu'n d' thug è cridhe dhuit comasach air lasadh le gràdh dha fein; ma 's coi'-dheas leis am bith thu eolach no ain-eolach air; an toir thu gràdh no fuath dha? nach faic thu ann an cruitheachd an t-saoghal, gach ni cumta no dealbhta chum fhèim fein! tha na brùide ain-eolach air Dia; cho 'n urr' iad gràdh a thoirt d'a, do bhrigh nach do dhealbhadh iad chum na criche so; ach tha do chruth-sa a' dearbhadh gun do chruthaicheadh do Dhia thu, agus fa choinneamh saoghal eile.

2. An saoil thu gu bheil Dia uile-làthaireach, neo-chriochnach, agus làn-fhoghainteach? Mur saoil thu so, cha 'n 'eil thu creidsinn gur Dia e; agus is mi-reasona r'a smuainteachadh gun do chruthaich Dia saoghal a 's mò mòr-luach na è fein! oir cha cho'-pairtich neach air bith tuille na tha aige fein. Ach ma 's eigin duit aideachadh gu bheil Dia uile-làthaireach, agus co fhoghainteach do gach aon neach fa-leth, is ge nach bitheadh creatuir air bith eil' aige r'a thoirt fainear, is eigin duit aideachadh nach 'eil è neo-chùramhach mu chridhe agus mu ghiulan cloinn nan daoine: oir tha iad na shealla do ghnàth. Is barail mhaslach mu Dhia, mar bhith criochnach, neo-fhoghainteach, neo-làthaireach, a ta toirt air daoin' a smuainteachadh gu bheil è neo-chùramhach mu 'n cridh' agus mu 'n giulan.

3. An saoil thu gur coma le Dia ciod è a tharlas do d' chorp? an coma leis am bith thu tinn no slàn? beo no marbh? ma 's coma, co uaidh a fhuair thu

beatha, slaint' agus lòn saoghalta? ma fhuair thu o neach eil' ach o Dhia iad, innis co è? nach 'eil thu a' guidheadh beatha agus slaint' o Dhia? am bheil thu co àn-dàna as gu 'n abair thu ris, cho dean mi bun as do chàirdeas, cho bhith mi a d' chomain air son beathaidh no lòin latha eile? ma tha thu co an-dàna 's gu 'n abair thu so, is duine dall an-diadhaidh thu. Ma shaoileas tu gu bheil spèis aig Dia do d' chorp, an saoil thu nach 'eil spèis aige do t-anam, a 's mò mòr-luach? ma tha e ga t-altram le saibhreas a mhaitheis nach traogh, bi cinnteach nach coi-dheas leis an toir thu gràdh no fuath dh'a an èirc a chairdeis.

4. An creid thu gur è Dia Ard-riaghla-fhear an t-saoghal? mur è, ni bheil an saoghal fo riaghait chothromaich air bith. Oir mar nach 'eil cumhachd ag sith-bhreitheamh ach o 'n uachdaran; mar an ceadna, ni bheil cumhachd ag uachdaran ach o Dhia; ni mo ata uachdaran laghail ach fa ùghdarras-san. Ach mur 'eil ùghdarras aig Dia, tha 'n saoghal ainmhithe. Ach ma 's eigin duit aideachadh gur è Dia ard-riaghla-fhear an t-saoghal, cia neo-ghlic agus mi-chothromach an riaghla-fhear a b' àill leats' a dheanamh dheth, ma shaoileas tu gu bheil è coi-dheas mu rùin' agus mu ghiulan a chuid iochdrana? cha 'n 'eil an so ach a bhith ag àicheadh gur Dia è.

5. Ma 's coi-dhcas le Dia ciod è a tha 'n ar n-intinnibh agus 'n ar gniomharraibh. Ciòd ar son a dhealbh è lagh d' ar smuaintibh, d' ar briatharaibh, agus d' ar gniomharraibh? an sparradh e oirn an ni bu choma leis? an toirmisgeadh è am peaca co teann na 'm bu choi'-dheas leis ge do chuireamaid 'an gniomh e? 'an gealladh è beatha shiorruidh do 'n umhlachd naomha, na 'm bu choi'-dheas leis ge do chaitheamaid ar bcatha gu h-eas-umhail mi-naomha? Am bagradh e daoin' an-diadhaidh le h-ifrinn na 'm bu choi'-dheas lcis ge do bhitheamaid an-diadhaidh. Am bheil thu co ro-dhàna's gu 'n abair thu, gur maith

leis an Dia chumhachdach naomha, an saòghal a mhi-riaghachadh le breig, agus daoin' a mhealladh gu humhlachd? Tha againn ann an lagh nàtuir cha 'n i amhain coimhairl' ar leas, ach dòchas an t-sonais shiorruidh, agus bagradh na dòrainn bhith-bhuain, as eas' uis nach faodar an saòghal a riaghachadh; agus air chinnt cha 'n ann le mealtoireachd, ata gliocas gun mhearachd, uile-chumhachd, agus maitheas nach traogh a' riaghachd an t-saoghal.

6. Mur bitheadh Dia ro-chùramach mu'r cridhe agus mu'r giulan, ciod air son a dheanadh è an saòghal freasdalach dhuinn? Nach d' thug e grian, gealach agus reult' a dheanamh an iuil duinn; an talamh agus a luchd-àiteachaidh a fhreasdal d'ar feum, le'm bladh agus le'm beathaidd; agus an abair thu nach'eil è ro-chùramach mu'r cridh' agus mu'r giulan? Tha so co amaideach r'a ràdh, as ge d' abradh tu gun do chruthaich Dia an saòghal an diomhanas, agus nach do ghabh e càram air bith dheth o'n àm sin.

7. Mur bitheadh Dia càrainach mu leas ar n'anama, cho chuireadh e a Mhac d' ar saoradh, d' ar glanadh o aingidheachd, agus d'ar naomhachadh dha fein mar phopull dileas. Tha mòr-luach-saoraidh an t-sluaigh pheacaich, agus deagh-rùn iongantach Dhe, ann an obair ar saoruidh, a' taisbineadh gu soilleir gu bheil fuath aig air a pheacadh, agus gur ro-inhòr a ghràdh air naomhachd.

8. Mur tugadh Dia fainear ar n'anama agus ar beusa, cho tugadh è mar obair d'a mhinisteiribh bhith 'g ar cuireadh gach là chum aithreachais, agus nàomhachd beatha, cha sparradh è orra urrad shaothair a bhuileachadh air sluagh peacach, chum an cosnadh do Dhia; ni mò a dh' ordúicheadh è chum na criche so, gach deagh ghniomh diomhair agus follais. Am bheil Dia a' sparradh an t-saothair so a bhuileachadh air ni a's coma leis.

9. Ni mo a chlaoídheadh Dia daoin' aingidh le h ifrinn na dòrainn an taobh thall do'n uaigh, no le diogh-altais uamhasach an taobh a bhos di, mar tha na miltean a' mothachadh ; na'm bitheadh e coma mu'n smuainte, am briathara agus an gniomharra Shaoilinn gun tuig-eadh daoin' aingidh a ta 'g osnaich fo-smachd co tric, gu bheil suil aig Dia air an cridhe agus air an guilan.

10. Agus cia mar dh' fhaodas an spiorad naomh bhith mar Fhear-naomhachaидh againn, ma tha Dia coi'-dheas, am bith sinn glan no neo-ghlan ? am bheil thu co ro-dhàna as gu 'n abair, no gu 'n smuaintich thu gun do ghabh an Spiorad naomha obair gun fheum os laimh ?

11. Shaoilinn gun tuigeadh sibh, o mhi-run a bhuaireadair, gu bheil Dia naomha, agus gur fuathach leis eacoir ; agus gur fior fhocal-san, a ta 'toirt fios duinn air dioghaltas siorruidh a pheacaидh. Tha 'n scrioptuir a' toirt fios duinn air tuisle nan aingle, agus gu'n d'rinn am peaca diabhlaibh de mhòran diu, agus eas-cairde mi-rùnach do shonás an duine. Agus nach leoир-shoilleir dhuibh gur fior sin ? Cia mar eil' a bhitheadh iad a' buaireadh dhaoine co'-dùrachdach, mar tha sinn a' mothachadh o'r fiosrachadh fein ? no mur lan-dearbha leis an neo-chreideach so, ciod uim' a dhealbh iad a choilion innleachd a tharraing dhaoine o an Dia, agus o an sonas, mar a rinn iad ? Ciòd uim' a thaisbin iad iad fein do' choilion neach ann cruitheachdaibh agus ann rioclaibh uamhasach, agus mu ghnothaichibh millteach, a ta gu leor-shoilleir a' dearbhadh an cor muladach dèisteannach, an eas-cairdeas mallaichte do Dhia agus do dhaoinibh, agus an dian-thogradh chum daoin' a inhealladh gu slighe peacaидh, d' an crioch leir-sgrios ? Mur creid an neo-chreideach gu bheil diabhail da rìreadh ann, no spiorada mi-runach truagh, d' an do thilg am Messiah neart-mhor, urchuir uamhasach o airde nam flaitheas, chum doimhn' ifrinn na dòrainn, d' an sior-

chlaoidh air son an sainnt anabarraich inbhe, diabhaill le 'm miann an cinne-daoin' a tharraing le'n innleachdaibh chuman ionada còmhnuidh dòrainneach fein ; mur creid an neo-chreideach so, thigeadh è agus reasonaicheadh e a chùis riumsa, agus gun dàil air bith, bheir mi dha coilion dearbha gun teagamh, as nach bith smid aige r'a ràdh an aghaidh an cinnt agus am firinn mur abair è nach creid è. Urrad dhearbhaidh, as nach toir mi buidheachas do'n neo-chreideach an-diadhaidh air son geill a thoirt domh, mur toir e thairis d'a reuson, ann àite cead a thoirt d'a dearcadh air solas iùil na firinn.

12. Fa dheoidh, ma shaoileas sibh do rireadh, gu bheil Dia (an t'ard-riaghla'i'ear siorruidh, uile-làthair-each, a tha cumail suas an t-saoghail le uile-chumhachd,) a'gabhaill co beag càraim do dhaoinibh agus d' an gniomharraibh ; agus gu'bheil è coi'dheas am bi iad naomiha no mi-naomha, ùmhail no eas-ùmhail d'a lagh : an sin, measaidh sibh, mar mo bharail, gur co beag càraim is còir dhuibhs' agus d' ar co'bhràth-airibh a ghabhail de na nithibh sin.

Air an aobhar sin 's eigin domh da cheist a chuir oirbh 'an so.

1. An coma leibh ciod a labhras daoin' eil' umaibh, no a ni iad oirbh ? Am bu taitneach leibh gu mas-laicheadh, agus gu'm mi-ghnàthaicheadh iad sibh ; no gun cuireadh iad teine r'ar tighibh no r'ar bältibh ; no gum milleadh iad ur mnài, ur clann, agus ur sprèidh, no gu'n cuireadh iad sibh fein ann an gainntir, chuni ur lot agus ur cosgraidh ? Ma 's mor an t aobhar gearain leibh an ana-cainnt a bheir daoin' eile dhuibh, agus an èa-coir a ni iad oirbh ; am bheil sibh co mhòr air boile, 's gun saoil sibh nach olc leis an Dia uile chumhachdach naomh' an ana-cainnt a bheirear, agus an èa-coir a nithear air fein, no air a luchd-muinntir, agus sin, le cnuimhibh co diblidh ri daoinibh, a chruthaicheadh le lamhaibh fein ? Mur fàgadh ur fein-spèis

dall agus claon-blhreitheach sibh, bu leur dhuibh gur toiltéannach' ar tuille dioghaltais aon pheacadh 'an aghaidh Dhe, na deich mile do mhiltibh peacadh an aghaidh thruaghanna suarrach mar sibhse. Nach eadar-dhealaich sibh deagh fhear tuarasdail, o dhroch fheatuasdail ? leanabh umhail, o leanabh eas-umhail ? Mac a chuireas anam ann cunnart air ur son, o mhac leis am fada gus an leagar le saighead bàis sibh, chum 's gun sealbhaich e fein ur n oighreachd ? caraid dileas o eas-caraid millteach ? mur eadar-dhealaich, cho daoine sibh, ach creatuirean eil' an riochd dhaoine. Ma dh' eadar-dhealaicheas, an sin, is measa sibh na daoine, ma b' àill leibh nach eadar-dhealaicheadh an t uile-chumhachdach, ach gugann, na hanmaibh naomha le 'n ionmhuinn e os ceann an t-saóghail gu h iomlan ; o na h anmaibh mi-naomha nach toir fainear è.

2. Chuirinn mar cheist oirbh am bu mhath no am b' olc leibh, gun tugadh na h uachdrana saoghalta fainear briathara agus gniomharra nan iochdrana ? ma b' olc leibh so, ciod e a b'ait leibh, ach gun rachadh an saoghal uile gu mi-riaghait, gum faodadh am meirleach aim-beartach ur creachadh ; gum faodadh luchd mi-ruin ur marbhadh agus ur murt ; gum faodadh daoine sanntach ur n aitreabh, ur fearann ur n-eallach agus ur maoin a thoirt uaibh ; agus gum faodadh luchd diolanais agus adhaltrais ar mnài phòsta agus ar n-ingheana a thruailleadh ? Ach mur taitneach leibh an aimhrèite so, an sin, is daoine ro mhi-reasonta sibh, nam b' àill leibh gun tugadh na h uachdrana saoghalta gniomharra dhaoine fainear, agus nach tugadh Dia, àrd-uachdran nan uile bheo fainear iad. Ma b' àill leibh gun crochadh na h uachdrana saoghalta an dream a ni èa-coir oirbh, agus nach buineadh an t-uachdran siorruidh ris an dream a ni ea-coir air fein, à ni di-meas air a lagh, agus tailceas air ùghdarras, lochd a 's mo gu neo-chriochnach na aon èa-coir a nithear air duine. Mar gum b' àil' leibh gun smach-

daichte daoin' èa-corach le maoraibh, gun righ, gun bhreitheamh, g'an toirt fainear, oir tha righ ni's isle gu mòr fo ùghdarras De, na tha maor fo ùghdarras righ.

C'uime cheilear an fhirinn ! Tha daoin' aingidh air tuiteam co fad o Dhia, agus co domhainn annta fein, as gu bheil iad mar Dhe'n am barailibh mearachdach fein, agus cha'n aithne dhoibh Dia, ach iad fein : agus air an aobhar sin, b' àill leo gun tugtadh fainear gach ea-coir a nithear orra agus math a bheirear dhoibh. Ach b' àill leo nach cuirteadh an suim air bith, an ea-coir a nithear air Dia, no an eas-umhlachd a bheirear dha. Tha smuainte co maslach agus neo-urramach aca air Dia, (as ged bu chreatuir mar iad fein e, nach faod bhith achi anns an aon àit, anns an aon àm,) as gu bheil iad a' toirt orr' a fhreasdal a mhaslachadh, agus a smuainteachadh nach 'eil sgoinn aige de mhath no dh' olc, agus nach toir e fainear an duine diadhaidh, agus nach smachdaich e an duin' an-diadhaidh, ach gu bheil e mar iodhola nan cinneach, ag am bheil sùile leis nach leur dhoibh, cluasa leis nach cluinn iad, agus làmha leis nach cuir iad cumhachd 'an gniomh. Achi an uair dh' fhosglas Dia leabhar a chuimhne, anns a' bheil sgriobht' an aitim sin air a' bheil eagal fein agus a smuainticheas air ainm, agus an uair a their an Triath riù, anns an àm san dean e suas a sheuda, "Is "leams' an dream so ;" agus caomhnaidh se iad mar a chaomhnais Athair a Mhac umhal, an sin thig daoin' an-diadhaidh g' an cèill, agus saorar daoine diadhaidh o'm fulangais agus o'n eagal gu siorruidh, agus eadar-dhealaichidh am breitheamh luchd deagh-bheusa, o luchd mi-bheus, agus an dream a bheir geill d'a, o'n dream nach tabhair, Mal. iii. 16, 17, 18.

'Tha mi cluinntinn cunnul eile ro choitcheann ann am briathraig dhaoin' an-diadhaidh, gu h-àraidh o cheann ghoirid : their iad, "Ch'an urra sinn gniomh "air bith a dheanamh as eaghuis De ; tha sinn gun

“ ghràs mur toir e dhuinn è ; agus ma bheir, pillidh  
 “ sinn gu grad ; mur do roi òrduich e sinn chum sonais,  
 “ agus mur pill è fein sinn, am faod sinn sinn fein a  
 “ philleadh, no a theasairginn ? cha 'n ann anns an  
 “ neach a mhiannaicheas no anns an neach a ruidheas  
 “ ata so.” Agus an sin saoilidh iad gu bheil an leithsgeul gabhta.

Fhreagair mi a chunnul so cheana, seadh anns an leabhar so fein ; ach ceadaichibh dhomh anis an urrad so a ràdh

1. Ge nach urra dhuibh sibh fein a theasairginn ; is urra dhuibh deoch de nimh bhasmhoir a ghabhail chum ur dochainn. Is e Dia amhain a naomhaicheas ur n anmaibh ; ach co a thruaill iad ? An gabh sibh deoch de nimh bhàsmhoir gu deonach, do bhrìgh nach urra dhuibh sibh fein a theasairginn ? Shaoilinn mur urra dhuibh mearachd a pheacaidh a leasachadh, gur mò bu choir dhuibh sgur dheth agus bhith air ur faicill roimhe.

2. Ge nach iompoichear sibh ach le gràs sonraighe Dhe, gidheadh is feumail dhuibh fios a bhi agaibh gun toir an 'Tighearn' a ghràs, ann an gnàthachach nam meadhona naoinhl' a dheonaich è fein chum na criche sin ; agus faodaidh an gràs coitcheann, neart a thoirt dhuibh na meadhona sin a ghnàthachadh ; agus am peacadh millteach a chumail o bhriseadh amach ann an gniomharraibh. Am faod sibh a ràdh le firinn, gu bheil sibh a' deanamh urrad as tha 'n ar comas ? Am faod sibh gabhail seach an tigh òsda, no deoch bhuaireasach a sheachnad ? no 'n co' commun a chruadhaicheas ann am peaca sibh a thrèigsinn ? Nach 'eil sibh comasach dol a dh' èideachd focail De, agus smuainteachadh air an teagast a chluinn sibh, air pilleadh dhuibh chum ar n ionnadaibh còmhnuidh ? Agus smuainteachadh 'an uaigneas, air ur staid fein, agus air nithibh siorruidh ? Nach 'eil sibh comasach deagh leabhar a leughadh, o là gu là, gu sonraighe air

là an Tighearna, agus dol 'an co'chainnt luchd eagail  
De ? cha 'n fhaod sibh a ràdh le firinn, gun d' rinn  
sibh do rèir ur comais.

3. Agus air an aobhar sin, bithibh cinnteach gun  
caill sibh còir air gràs agus cuideacha Dhe, le 'r peaca  
toile, agus le'r neo-chùram, ge nach faod sibh gun  
ghràs, pilleadh ri Dia. Mur dean sibh na dh' fhaodas  
sibh, is ceart do Dhia an gràs sin a dhiultadh dhuibh,  
leis am faodadh sibh tuille mòr a dheanamh.

4. Na smuaintichibh mu òrducha Dhe, gun do sgar  
è a chrioch o na meadhonaibh, ach gun do choi'-  
cheangail è gu teann re chèil' iad. Cha do roi-òrduich  
Dia sonas siorruidh riamh, ach do 'n t-sluagh naomh-  
aichte, no truaigh bhi-bhuan ach do'n t-sluagh mhi-  
naomhaichfè. Roi-òrduich Dia co chinnteach o  
shiorruidheachd, am bi barr ur fearainn tarbhach no  
mi-tharbhach am bliadhan, agus a cheart aimsir a  
bhitheas sibh beo air thalamh ; as a roi-òrduich e an  
sealbhaich no nach sealbhaich sibh sonas bith-bhuan.  
Mheasadh sibh mar amadan, an neach a sguireadh de  
threabha, de chur, agus de chliathadh, ag ràdh, " Ma  
" roi-òrduich Dia, gum bi barr m' fhearrainn gu tarbh-  
" ach trom, tarlaidh so, ge nach treabh, nach cuir,  
" agus nach cliath mi. Ma roi-òrduich Dia saoghal  
" fada dhomh, mealaidh mi è, ge nach ith agus nach  
" òl mi ; ach mur do roi-òrduich è so, cha chum  
" biadh no deoch beo mi." An aithne dhuibh am  
freagra bheir sibh air a leithid so do dhuine ? ma 's  
aithne, thugaibh am freagra ceudn' oirbh fein ; oir is  
ionann a chùis : tha òrducha Dhe co chinnteach mu'r  
corpaibh 's a tha e mu'r n anmaibh. Mur aithne  
duibh am freagra, dearbhaibh gach co'-dhuna dhiubh  
sin air ur cuirp, mu 'n gabh sibh do dhàandas am  
feuchainn air ar n anmaibh : feuchaibh air tùs an cum  
Dia suas sibh gun bhiadh, gun deoch, gun aodach ; an  
toir è bàrr tarbhach dhuibh, gun treabha, gun saothair ;  
an treoraich è gu ceann ar n uighe sibh gun astar, gun

dicheall : agus ma shoirbhicheas sibh 'an so, feuchreibh 'n a dhiaigh sin, an treoráich Dia sibh chum flaitheas na glòire, gun ghnàthacha dicheallach a dheanamh air meadhona nan gràs ; agus suidhibh sios, agus abraibh, cha 'n urrainn duinn sinn fein a naomh-achadh.

Mar a bhuiteas do 'n t saor-thoil, mu 'n do chonnsaich sibh co fad : cha 'n 'eil na Diadhaire a'mi-chordadh uimpe co mhòr 's a shaoileas sibh. Tha Augustinus agus Pelagius, tha Calmhinus agus Arminius, tha Chlèir Dhominicach agus a Chleir Iesuiteach gu h aonsgeulach, agus gu coitcheann, a' dearbhadh saor-thoil an duine ; tha luchd an fhior-chreidimh, ag ràdh gu bheil an t-saor-thoil truailte agus a' claoadh gu h-aimhleas. Dhìt Epiphanius Origenes, air son gun dubhaint è gun do chaill an duine dreach na diadhachd, agus chuir e so as a leth mar mhi-chreidimh. Gidheadh faodaidh neach a ràdh le firinn, gun do chaill an duine dreach na diadhachd ; agus faodaidh neach eil' a ràdh nach do chaill. Oir tha da dhreach dhiadhaidh air an duine : a h-aon diubh nadurra, eadhon, reason agus saor-thoil, agus cha do chailleadh iad so. Tha an dreach eile ceutfadhach, agus beusach, agus is i so an naomhachd, agus chailleadh moran di, ach dh'aisigeadh agus dh' ath-nuadhaineadh le gràs i. Is neach gun tuigs' a dhiultas gu bheil toil anns an duine tha saor do bhrìgh nàduir, saor a sheachnadhl uilc agus a leanmuinn maitheis. Ach cha 'n 'eil i saor o dhroch-thograibh. Is cleachdainn di (o ana-bharr ain-eolais agus mi-fhaicill,) bhi gu tric 'an aghaidh Dhe agus naomhachd, agus a' claoadh gu nithe talmhuidh feol-mhor. Tha i 'na tràill aig togra peacach. Shaoilinn nach faodadh an creideach criosduidh, no am mi-chreideach a thainig gu h aois agus neart reasoin, so àicheadh no a dhiultadh. Ach is muladach le m' anain, 'an diaigh m' uile theagaisg agus m' impidh, gu bheil e agam r'a aideachadh le

dubh-bron, nach 'eil deagh-thogra, no an t-saor-thoil spioradail annaibh; oir nam bitheadh, cha'n fheumadh sibh a leithid so do leabhar a chuir impidh oirbh dòrainn a sheachnad, agus sonas a roighneachadhl. Ma tha easbhuide na saor-thoile spioradail so oirbh, cha ghabh sin ur leith-sgeul, ach meadaichidh e ur truaigh, agus an-tromaichidh è ur dioghaltas: do bhrìgh gum faod sibh ruigheachd air urrad di, 's a cheadaicheas neo-fhoirfieachd ur nàduir dhuibh a shealbhachadh. Oir tha searmonach' an fhocail, èisdeachd chùramach, agus giulan do reir an teagaisg fhallainn a chluinn sibh, 'n am meadhonaibh sonraicht' agus 'n an seola, chum ruigheachd air saor-thoil spioradail, no dian-thogra sainteil, a roighnicicas ur leas, agus a sheach-nás ur n aimhleas.

Seadh, a mhuinnitir ionmhuinn, ceadaichibh dhomh tri athchuinge iarruidh oirbh, agus ann sin sguiridh mi.

1. Leughaibh an leabhran so gu dùrachdach; agus ma dh' fheumas neach air bith d' ar teaghlaichaibh è, leughaibh a rìs, agus a rìs è: agus nan rachadh luchd eagail De, o àm gu h-àm, a dh' ionnsuidh an coimhearsnach' ain-eolach, agus an leabhar so no a leithid eil' air an stèidh cheudn' a leughadh dhoibh, dh' fhaoide gum bitheadh iad 'n am meadhonaibh a chosnadhl anmaibh. Ma bhitheas sibh co leasg mu 'r saothair, 's nach leugh sibh air m' impidh an teagastg aithghearr so, chum ur slainte fein, cha 'n 'eil ach spèis ro bheag agaibh d' ar n-anmaibh; agus is ceart an ni gun rachadh sibh 'am mugha.

2. Ann diaigh dhuibh an leabhran so a leughadh a rìs, agus a rìs, sparrainn oirbh dol 'an uaigneas, agus an ni sin a leugh sibh a ranisachadh car tamuill, agus a smuainteachadh agaibh fein 'an làthair an Tighearn', am bheil è fior, am bheil è maothachadh ur n-anama, agus am mithich leibh amharc mu 'r timchioll. Ghuidhinn oirbh mar an ceadna, gun

lubadh sibh ur glùn gu h-urraramach cràbhach, agus gu 'n aslaicheadh sibh air an Tighearn', ur sùilean fhosgladh a leirsinn na firinn; ur n-anmaibh iompochadh a thoirt gràidh laiste dha fein; agus gu 'n guidheadh sibh uaithe gach gràs slainteil a dhearmaid sibh co fhada, agus gnàthaichibh an obair sin o là gu là, gus an lan-iompoichear ur n-anmaibh. Os-barr, rachaibh a dh' ionnsuidh ar n-aodhaire, ri 'n d' earb Criod ur saodachadh chum inealtra na slainte shiorruidh, agus a tha 'gabhair cùram d' ar slainte, agus d' ar tearmann spioradail, mar a ghabhas lèigh cùram d' ar slainte chorporra, agus iarraighe orra an t-slighe air an còir dhuibh triall a sheoladh dhuibh; agus thugaibh fios doibh air staid ur n-anama, chum 's gum bi an comhairle agus an còmhnhadh agaibh mar chuid-eacha. No mur 'eil fear teagaisg dileas agaibh, 'n ar sgìreachd fein, rachaibh a dh' ionnsuidh fir eil' a chuidicheas leibh ann ur feum ana-barrach.

3. Co luath 's a gheibh sibh, le leughadh, smuain-teachadh, agus comhairle fir-theagaisg, mothachadh de pheacadh agus de thruaigh; agus eolas ur dleas-nais, ur sonais, agus ur n-ioc-shlainte; na deanaibh moille ach trèigibh ur comunn agus ur giulan peacach gun dàil; agus pillibh ri Dia, agus freagraibh a ghairm. Ma 's ionmhuinn leibh ur n-anmaibh fein, thugaibh fainear nach diult sibh gairm ard-ghuthach Dhe, agus nach mùch sibh ur coguis; chum 's nach measa dhuibh ann an la a bhreitheanais, na do Shodom agus do Ghomorrah. Iarraibh o Dhia eolas na firinn; mar a b' ait leibh agaibh è: agus na meal-laibh ur n-anmaibh fein gu toileil. Rannsaichibh an scrioptuir naomha gach là, agus feuchaibh am bheil a chùis-mar a chluinn sibh o'r luchd teagaisg; feuch'aibh an tearuinte dhuibh sibh fein earbsa ri neamh no ri talamh; am fearr dhuibh Dia a leanmhuinn na duine; reason a leanmhuinn na ana-miann; am fearr dhuibh ur beath' a chaitheadh ann am fior-ghloine

gun smal, no ann am peaca gràineil ; agus an tearuinte dhuibh buanachadh ann an staid neo-naomhaichte aon la ni 's faide ; agus ann diaigh dhuibhamus air an ni a 's fearr, togaibh è mar roghainn gun dàil. Ma b' àill leibh bhi dileas d' ar n-anmaibh fein ; agus mur ionmhuinn leibh sior-dhòrainn, guidheam oirbh, 'an ainm an Tighearna gabhaibh a chomhairle reasonta so. O ! nach bu shonadh an rioghachd so, agus nach bu shona gach baile agus dùthaich innte nam b' urrainn duinn impidh a chuir air ar coimhearsnach' aontachadh leis an earail fheumail so ! nach b' ait leis gach aodhaire dileas amharc air a threud a' fàs naomha, neamhuidh do rireadh ! B' è so coi'-rèite, sìth, tearmann, agus uaill ar n-eaglaisibh ; sonas ar coimhearsnach', agus co'-fhurtachd ar n-anama. 'An sin, cia h-intinneach a shearmonaicheamaid sìth agus fuasgla dhuibh ; agus a fhrithealamaid dhuibh baiste agus suipeir an Tighearna ; na deas-ghnàtha sin a tha ciallachadh nasga na sìth ? agus cia mor an gràdh agus an gàirdeachas leis an caitheamaid ar beath' 'nar cuideachd ? Aig adhart ur bàis, cia dòchasach a bheireamaid misneach d' ur n-anmaibh, an uair a thrialladh iad chum saoghail eile ? agus an àm ur nullachaidh, cia cridheil a ghabhamaid cead dibh ag an uaigh, ann dùil co'-dhail a chumail r' ar n-anmaibh ann an rioghachd nam flaitheasa ; agus an dòchas ur cuirp fhaicinn, àrdaichte chum an ionaid ghlor-mhoir sin.

Ach ma bhuanacheas sibh ann an giulan neo-chùramach, ain-eolach, feolmor, saoghalta, agus minnaomha ; agus mur faod ar guidhe dùrachdach agus ar saothair, impidh a chuir oirbh gun sibh fein a leirsgrios gu deonach ; an sin leanamaid eisimpleir ar Tighearn' a tha spèiseil mu 'n bheagan sheud' a tha aige, agus mu 'n treud a ghabhas an rioghachd neamhaidh mar oighreachd, an uair a shealbhaicheas am mor-shluagh aingidh, an dòrainn a thoill iad. Is

tearc nithe luach-imhor an domhain. Cha 'n 'eil iomad grian, no gealach, anns an t-saoghal so. Is beag do 'n chruinne-che a 's òr, no a 's airgiod. Is tearc righre, flaithe agus àrd-uaislean, ann am measg cloinn nan daoine. Cha mhór ata geur-chuiseach, glic air thalamh. Air an aobhar sin, ma tha an geata cumhang, agus an t-slighe aimh-leathann, is tearc iad a gheibh sonas; gidheadh, gheibh Dia a ghloir, agus a shòlas fein, anns a buidheann theirc sin. An uair a thig Criod le ainglibh cumhachdach, ann an teine lasarradh, a dheanamh dioghaltais air an dream nach gabh eolas air Dia, agus nach toir gèill d'a shoisgeul, cliùthraighear a theachd leis a naomh-shluagh, agus is aobhar iongantais ait è do gach creid'each.

Mar a bhuineas do 'n chuid eile de 'n chinneadaonna, mar dh' aontaich Dia an t-Athair an cruthachadh; agus Dia am Mac paineachas am peacaidh a ghiulan air a chrann, agus mar nach do mheas e am fulangas sin faoin, ged a bha fios aige, le diulta naomhachaидh an Spioraid, gu 'm milleadh iad iad fein, fa dhere; mar an ceudna, ge nach faodar iad sin a chruinneachadh chum Criod, cho mheas luchd teagaisg an t-Soisgeil gu bheil an saothair uile caillte.

A leaghadoir sguiridh mise dhiot, an uair a leughas tu an leabhar so; ach cha do sguir am peaca dhiot, seadh am peaca sin a shaoil thu a dhi-chuimhnicheadh o chionn fhada. Cha do sguir an diabhol diot, ge nach faic thu anns an àms' e, Cha do sguir Dia-dhiot, do brìgh nach àill leatsa gun sguir thu air impidh-san, do 'n pheaca mhilteach, a fhuair lamh 'n-uachdar ort. Sgriobh mi an impidh so dhuit, mar do neach aig a' bheil fios gu bheil è a' dol chum saoghail eile gu goirid, saoghal, anns am faic è fein na nithe sin air an do labhair mi. Mar a b' àill leat am feasd mis' a choinneachadh le gàirdeachas an làthair an 'Tighearn' a chruthaich sinn le chèile; mar a b' àill leat tearnadh o 'n phlàigh shiorruidh a dheasaich-

eadh do gach neach a ni dimeas air sonas ; gach neach nach do naomhaicheadh le Spiorad nan gràs ; agus leis nach ionmhuiinn co'-chomunn nan naomh, mar bhall de 'n eaglais flior-ghloin choit-cheann ; mar tha dùil agad gum faic thu gnàis Chriosd am breith-eamh, agus mòrachd Dhe an Athar ann an sìth shòlasaich ; agus gun gabhar thu gu fàilteach chum rioghachd na glòir' am feasd, an uair dh' iomainear lom-nochda a fearann nam beo thu ; guidheam, guidheam, ort, cluinn gairm Dhe, agus freagair i ; pill le rùin sheasmhaich anama, chum 's gun sealbh-aich thu beatha shiorruidh. Mur gabh thu ri cuire Dhe, agus gun flior aobhar agad a dliiultadh, ach t-an-toil fein ; tha mi toirt iartuis theann dhuit freagràdh air a shon so, an lathair an Tighearn ann an la a bhreitheanais, agus a' sparradh ort, fianuis a thogail leams' an sin, gun d' thug mi rabhadh dhuit, agus gu bheil thu mar chobhartach aig an diabhol, cha 'n ann do brìgh nach d' fluair thu cuire gu pilleadh chum beatha shonadh, ach do bhrìgh nach d' thug thu creideas no gèill do 'n chuire ; mar a dhearbhar osbarr le fianuis,

*Do chomhairlich dhùrachdaich,*

RICHARD BAXTER.



# GAIRM

DO'N

## T-SLUAGH NEO-IOMPAICHTE.

---

ESEC. XXXIII. 11.

*Abair riu, mar is beo mi, ars' an Tighearna Dia, cha 'n  
'eil tlachd air bith agamsa ann am bàs an aingidh, ach  
gu'm pilleadh an t-aingidh o shlighe, agus gu'm biodh  
è beo : pillibh, pillibh, o'r droch shlighibh, c'ar son a  
bhàsaicheas sibh, O thigh Israel?*

B' IONGANTAS uabhasach le mòran eile co mathi as leamsa, bhi a' leughadh anns an sgriobtuir naomha, cia tearc'an dream a thearnar ; agus gu'm bi a chuid is mò dhiubhsan a ghairmear, air an druide gu siorruidh a mach a rioghachd neamh, agus air an claoidh maille ris na d'eamhain ann an teine bith-bhuan. Cha chreid na neo-chreidich so 'n uair a leughas iad è, air an aobhar sin, 's eigin gu'm mothach iad gu trom è : tha iadsan a tha ga chreidsinn air an co'-eigneachadh gu ghlaodhaich le Pol, Roimh. xi. 33. " O doimhne " saibhris araon gliocais agus colais Dè ! Cia do-rann- " suchaidh a bhreitheanais, agus do-lorgachaидh a " shlighibh !" Ach tha reuson fein a' teagastg dhuinn coire na droch-bheirt 'fhàgail orrasan a ni è. Uime sin 'n uair a chi sinn droch gliniomh sam bith, brosnaichidh fonn ceartais sinn a rannsachadh a mach an

ùghdair, chum gu'n guilaineadh è dochair mhaslach a ghniomha, mar a mhi-chliu fein. Nam faiceamaid duine millte, agus air a ghearradh na bhloidibh as a chèile air an t-slighe, dh' fheòraicheamaid air ball, Och ! co a rinn an t-an-iochd so ? Ma chuirear baile gu deonach ri theine, fiosraichi sibh gu grad, co 'n duine mi-chneast a rinn è ? Fòs 'n uair tha sinn a' leughadh gu'm bi mòran mar athainde teine ann an grìosaich ifrinn gu siorruidh ; nach eigin duinn a smaoineach, Cia mar tharlas so ? co è an coireach ? co is aobhar an-iochd'ar do'n truaighe so ? agus 's tearc neach a dh' aidicheas a chionta. Aidichidh gach aon neach gur h-è 'n droch-spiorad an coireach ; ach cha fhreagra so do'n cheist, do bhrìgh nach è am priomh ùghdar. Cha 'n èignich, ach brosnaichidh è daoine gu peacadh, agus fàgaidh è gun roghainn fein a chuir an gniomh, no gun a chuir. Cha ghiulain è daoine chum an tighe-òsda ; cha 'n fhosgail è 'm beul le foirneart, a thaosga deoch bhuaireasach anna ; cha mhò a ghlacas è cho teann iad, 's nach faod iad dol a thoirt umhlachd do Dhia ; cha mhò a dh' èignicheas è an anmaibh o smuaintibh naomha. Uime sin tha choire ri fàgail eadar Dia fein, agus am peacach; is eigin gur è 'n dara neach dhiubh, fior aobhar na truaighe so uile, co air bith è ; oir cha 'n 'eil neach eile ri choireachadh : diultai Dia a choire so, agus cha ghabh è air fein i ; agus 's tric leis a pheacach aingidh a diùlta cuideachd ; 's i so a chonnsuid a tha ri rèiteachadh ann am theagasgsa.

Tha 'n Tighearn a' gearan air an t-sluagh, agus tha 'n sluagh a' coir-ionchair air an Tighearna. Tha chonnsuid so air a co'-riasunachadh ann an Caib, xviii. 25. far a' bheil an sluagh gu soilleir, agus gu h-ann-dàna ag ràdh, " nach 'eil slighe an Tighearna coth- " romach." A deir Dia, " 's i 'n slighse nach 'eil " cothromach," Caib. xxxiii. 10. Ars' an sluagh, " ma bhitheas ar cionta, agus ar lochdan oirn, agus

“ gun searg sinn annta, cionnas a dh’ fhaodas sinn  
 “ mar sin bhi beo ?” Mar gan abradh iad, ma bhàsaicheas sinn gu truagh, am faod sinn a leasuchadh ?  
 mar nach b’i so an coire-san, ach coire Dhè. Ach tha Dia ’am briathraibh mo theagaisg ga shaoradh fein uaithe, agus ag innse dhoibh mar dh’ fhaodas iad an truaighe so a bhacadh ma bhios iad deonach air a dheanamh : agus a’ cuir impidh orra meadhona feumail chum na criche sin a ghnàthachadh ; agus m’ar gabh iad r’ a impidh, tha è toirt fios doibh gu bheil coire na truaighe aca fein ; agus mar toilich so iad, cha sguir è ga’n smachdachadh. Is easan am breitheamh, agus bheir è breth orra a rèir an gniomharraibh ; cha bhreitheachan iad air Dia, no orra fein, a dhì-bhail ughdarrais, gliocais, agus neo-chlaon-bhreth ; cha trod agus cha chonnsucha ri Dia a ni ’n gnothach, no a shaoras iad o’n cheartas a chuir ’an gniomh, air a’ bheil iad a’ deanamh gearain.

1. Tha ’n rann so a’ ciallucha, gu bheil Dia ga shaoradh fein o choire leir-sgrios dhaoin aingidh nach iompaich. Cha dean è so leis an reachd àicheadh, chum na h-aingidh a chuir gu bàs siorruidh ; no le a bhreitheanais a chuireas è ’an gniomh do rèir an reachd sin àicheadh ; ach le fior aidmheil, nach taitneach leis aìn bàs, ach gun iompaicheadh iad, chum gu’m maireadh iad beo ; agus dhaighnich è so le mhionnaibh fein.

2. Earail dhùrachdach do luchd-aingi’eachd iom-pachadh ; earail leis a’ bheil Dia, cha ’n è a mhàin a’ sparradh an leas orra, ach a’ cuir impidh chàirdeil orra gabhail ris, agus ag aontachadh a chùis a reusonacha riu, c’ ar son a bhàsaicheas sibh ? ’Si crioch àraigdh na h-earail so, gu’m pill, agus gu’m mair iad beo : Agus ’siad a dara crìocha (mar pill iad) an dithis so a leanas.

1. A thoirt mothacha dhoibh trid nam meadhona a ghnàthaich è, nach i coire Dhe, ach an coire fein ma theid iad am mugha.

2. A dhearbhadh dhoibh o'n toilealachd shoilleir fein, le cùl a chuir ri uile aitheantaibh agus impidh an Tighearna, gur i an coire fein ma mhillear iad ; agus gu'm bàsaich iad, a chionn nach àill leo ach bàs.

Tha bladh an stèigh theagaisg so a' co'-sheasamh sna nithibh a leanas

1. Teagasg. Is è lagh neo-chaochlaideach an Tighearna Dia, gur eigin do luchd-aing'i eachd iompachadh, no bàsachadh.

2. Is è gealla Dhe gu mair na h-aingidh beo, ma philleas iad.

3. Tha Dia a' gabhail tlachd 'an iompachadh agus 'an slainte nan aingidh ; ach is neo-thaitneach leis am bàs agus an leir-sgrios : is taitniche leis gu'm pilleadh agus gu'm bitheadh iad beo, na gu'n gabhadh iad air an aghaidh agus gu'm bàsaicheadh iad.

4. Is dearbh-fhirinn so, agus do bhrigh nach b'àill le Dia gu'n cuire daoin 'an teagamh i, dhaighnich è dhoibh i, le a' mlionn follaiseach fein.

5. Tha 'n Tighearn ag asluchadh agus ag earulachadh air daoin' aingidh iompachadh.

6. Tha 'n Tighearn ag aontachadh a chùis a cho'reusonacha riu, 'sa feoraich de luchd-aing'i eachd c'ar son a bhàsaicheas iad ?

7. Mar iompaich na h-aingidh an diaigh so uile, cha 'n i coire Dhe ach an coire fein gu'm bàsaich iad ; 's i an an-toileileachd fein fior aobhar an leir-sgrios ; uime sin bàsaichidh iad a chionn nach àill leo ach bàs.

Mar a leigeadh ris duibh gach teagasg dhiu so, ann am briatharaibh soilleir, a nìs labharar caileigin orra gu h-aithghearr ann diaigh a chèile.

1. Teagasg. Is e lagh neo-chaochla'each Dhe gur eigin do 'n duin' aingidh pilleadh no bàsachadh.

Ma chreideas sibh Dia creidibh so : cha 'n 'eil ach iompochadh no dol a' mugha aig an duin' aingidh fa roghainn. Tha dearbh-bheachd agam gur gann a

chuirear mar fhiachaibh air luchd-aingi'eachd gur fior no cothromach so. Cha 'n iongantach ged chuireas luchd-cionta cunnuil ar an lagh. Is tearc an dream a chreideas a ni nach bu mhath leo a bhi fior; agus is teirce iad gu mòr le 'm bu mhath a ni sin a bhi fior, a shaoileas iad a bhi 'n an aghaidh fein. Ach cha ghearan air an lagh, no air a bhreitheamh a theasairgeas fear mi-ghniomh. Dh' fhaodadh creidimh agus gèill a thoirt do 'n lagh a bhàs a bhacadh; ach cha dean a bhi ga àicheadh agus a' faghail coire dha ach a bhàs a luathachadh. Mar biodh a chuis mar sin, dhìte ceud an lagh mu 'n aon duin' a dhearbhadh a mhòr-luach: agus bu roighniche le luchd-aingidh-eachd bhi a' tagradh nach bu chòir an smachdachadh, na bhi 'g èisdeachd àitheanta agus aobhair an cuid uachdran' a dh'iarras gèill uatha. Cha do dhealbhadh an lagh chum 's gun tugadh tusa breith air; ach chum do riaghlaigh, agus a thoirt breith ort, do reir t-umhlachd, no t-eas-umhlachd dha. Ach ma tha neach air bith co dall an-dàna, 's gun cuir e firinn agus ceartas an reachd dhiadhaidh an teagamh; bheir mi dha dearbhadh aithghearr orra le chèile, dearbhadh, a lan-thoilicheas, mar a shaoileas mi, gach duine reasond' air bith.

1. Ma chuireas sibh an teagamh gur e so focal De; aùn àite ceud teagast eile; toilicheadh am beagan so sibh. Mat. xviii. 3. "Gu deimhin a deirim ribh, " mur iompaichir sibh, agus mur bi sibh mar leanabana, nach d' thèid sibh a steach do rioghachd "nèimhe."

Eoin. iii. 3. "Gu deimhin, deimhin, a deirim riut, " mûr ath-ghineir duine, cha 'n fhaod e rioghachd "Dhe fhaicinn."

2 Cor. v. 17. "Ma bhithreas duin' ann an Criod, " is creatuir nuadh è, chaidh na seann nithe seach, "feuch tha na h-uile nithe nuadh."

Col. iii. 9, 10. "Chuir sibh dhibh an seann duine  
 "maille r'a għniomħaraibh, agus chuir sibh umaibh  
 "an nuadh-dhuine ath-nuadhaicht' ann an eolas a  
 "reir ħomhaigh na ti a chruthaich è."

Eabh. xii. 14. "Gun naomhachd cha 'n fhaic aon  
 "neach Dia."

Roimh. viii. 8, 9. "Cha 'n fhaod iadsan a tha san  
 "fheoil Dia a thoileachadh. Cha le Criod, an neach  
 "aig nach 'eil a spiorad."

Gal. vi. 15. "Ann an Iosa Criod, cha 'n 'eil  
 "taurbhe air bith ann an timchioll-għearradh, no ann  
 "an neo-thimchioll-għearradh, ach anns an nuadh-  
 "chruthacha."

1 Pead. i. 3. "A rēir a mhōr thròcair, dh' ath-  
 "ghin è sinne gu beo-dhòchas."

Rann. 23. "Air dhubbh bhi air ar n-ath-ghin-  
 "eamhuin, cha 'n ann o shiöl truaillidh, ach neo-  
 "thruaillidh, le focal an Dè bheo, agus a mħaireas gu  
 "siorruidh."

1 Pead. ii. 1, 2. "A' cuir uaibh gach uile mbì-  
 "ruin, gach cealgairreachd, gach mealtaireachd, gach  
 "farmad, agus ana-cainnt; miannaichibh mar naoidh-  
 "eana air an ùr-bhreith, bainne fior-ghlan an fhoc-  
 "ail, chum as gum fàs sibh leis."

Sal. ix. 17. "Cuirear na h-aingidh gu h-ifrinn, na  
 "cinnich nach cuimhnich Dia."

Sal. xi. 4. "Dearbhaidh an Tighearn' an t-ion-  
 "racan, ach is fuath le anam an t-aingidh."

Mar nach feum mi stad, a mhìnnejjad nam  
 briathara leoир-shoilleir so, shaolinna nach mò na sin a  
 dh' fheumas mi tuill' a chuir riu do 'n mhōran a  
 dhearbas an niċċedna, ma's dwine thu a chreideas  
 focal Dè, chual thu cléana ni's leoир a dhearbadh  
 gur eigin do 'n duin' aingidh iompachadh no dol am  
 mugħha. Thugadli co fhad air t' aghaidh thu cheana,  
 's gur eigin duit aideachadh gur fior so, no a ràdh gu  
 direach nach creid thu focal De. Agus mur creid

thu Dia, thug mi dùil diot: thoir fainear thu fein, mar is fearr a dh' fhaodas tu; oir is cosmhuil gur goirid gus am bi thu ann an ifrinn. B' ealamh a dheanadh tu lamh-dhearg air neach a bheireadh a bhrèug dhuit; agus a' bheil thusa co an-dàna 's gun cuir thu breug air Dia? Ma dh' innis thu do Dhia gu saor, nach creid thu è; na coirich è ge nach toir è tuille rabhaidh dhuit; no ged a thrèigeas è thu; no ged a bheir è thairis duit mar dhuine gun dòchas: oir ciod uime bheir è rabhadh dhuit, mur creid thu è? Ged chuireadh è aingeal o neamh ad ionnsuidh, is cosmhuil nach creideadh tu è; Oir ciod a labhras aingeal ach briathara Dhe: agus nan tugadh aingeal soisgeul air bith eile ad' ionnsuidh, cha b' ion duit a chreidsinn; ach a niheas mar theachdaire mallaichte, Gal. i. 8. Agus gu deimhin cha cho mhath an aithrigh air creideas aingeal air bith, ri mac Dhe, a thainig o' n-Athair a thoirt an teagaisg so dhuinn; mur aithrigh easan air creideas, cha 'n aithrigh air creideas uil' ainglibh nam flaitheas. Ma sheasas tu air na cùmhà-nantaibh so ri Dia, sguiridh mi dhiot, gus am buin è fein riut, air mhodh a 's fearr a leigeas ris do chionta dhuit. Bheir àrd-ghuth Dhe ort gun cluinn thu è. Ged dh' earalaicheas è ort gu sèimh èisdeachd ri guth a shoisgeil, bheir è ort gu 'n cluinn thu guth labhar a bhìnne, leis an dìtear thu, an uair nach cluinnear do ghearan. Cha 'n urra sinn a thoirt ort gun creid thu an aghaidh do thoile; ach bheir Dia ort gu 'm mothach thu an aghaidh do choile.

Clinneamaid do leith-sgeul? Ciod uime nach creid thu focal De? An è gu 'n abair è gur eigin do luchd-aingidheachd iompachadh no dol am mugha? Is aithne dhomh do leith-sgeul; measaidh tu nach cosmhail gu 'm bi Dia co an-iocdhdmhor; saoilidh tu gur an-iochd daoin' a dhíteadh gu siorruidh, arson coire co beag ri giulan peacach. Agus tha so 'g ar treorachadh chum an

2. Dara ceann teagaisg, A dhearbhadh ceartais De, an lagh agus am breitheanas. Agus

1. Air tùs, shaoilinn nach àicheadh agus nach diultadh sibh, gur ro iomchuidh do anam neo-bhàsmhor, bhi riaghlaichte le lagh a gheallas duais bhith-bhuan, agus a bhagras dioghaltas siorruidh; No cha bhiodh an lagh freagarrach do nàdur an iochdrain, nach lan-riaghlaichear le meadhonaibh a's laige na muinghinn agus eagal nithe siorruidh; mar a thàrlas an cùis dioghaltais aimsireil. Nan tugadh Dia amach reachd, a smachdaicheadh gach peacadh uabhasach le bruid cheud bliadhana, dh' fhaodadh so bhi foghainteach ann càileigin, mar is co fhada r' ar n-aois è. Ach mur bitheadh paineachas eile roimh 'n 'Tuil, ach am paineachas cheud bliadhana so, an uair a mhair daoine ochd no naoi ceud bliadhan air thalamh, cha 'n fhoghnadh è, do bhrìgh gu 'm faodadh iad fios a bhi aca, gum mealadh iad na h-urràd do cheudaibh bliadhna saor o 'n phaineachas. Is ionann a thachair 'n ar cor-ne.

2. Shaoilinn gu 'n abradh sibh, nach 'eil gealladh air glòir shiorruidh agus dho-thuigsinn, a' co fhreagrach do ghliocas De, agus do staid an duine: agus ciod uiine nach creid sibh gu bheil bagra na truaigh shiorruidh agus dho-labhairt, mar sin cuideachd?

3. An uair a chi sibh 'am focal De, gu bheil è air an doigh so, agus gum bi è air an doigh so, an saoil sibh gur ion duibh cuir an aghaidh an fhocail sin? An gairm sibh ur cruthai-fhear 'an làthair cathair breitheanas; agus an toir sibh breith air fhocal do rèir casaid na brèige? An suidh sibh, a thoirt breith air, a rèir lagh ur smuainte fein? An glioca, am fearr, agus an ionraice sibh na Dia; an eigin do Dhia nam flaitheas agus na talmhainn, gliocas fhoghlum uaibhse? An eigin do ghliocas gun mhearrachd foghlum a ghabhail o amайдeachd? An eigin do fhior-ghloine gun smal gabhail re smachd o pheacach

salach, brein, nach urr' è fein a chumhail glan car aon uaire? An eigin do 'n uile-chumhachdach seasamh an làthair cathair breitheanais chnuimhe diblidh. Och an-dànadas uabhasach an luaithreagain gun tuigse! An cuir am famh, an cuir an dall-luch, dorchadas as leth na gréine, agus an gabh iad os laimh an saoghal a shoillseachadh? Cia an t-àit anns an robh thu 'n uair a dhealbh an t-uile-chumhachdach a lagh, agus nach d' iarr è do chomhairle? Gu deimhin dhealbh è a lagh mun do ghineadh thu, gun do chomhairl' iarraidh, agus bha thu ro-flada gun teachd a dh' ionnsuidh an t-saoghail g'a thilgeadh bun os-ceann: ma bha thu co ghniomh-chomasach, c' arson nach do mhosgail thu o neo-ni, agus nach do chuir thu an aghaidh Mhaois agus Chriosd an uair a bha iad air thalamh, agus nach do theasaирg thu Adhamh agus a shliochd peacach, o 'n bhàs bhagarrach, chum 's nach bitheadh feum air Criosd! Agus ciod e ma chumas Dia fhoighidinn agus a thearmann uait, agus ma cheadaicheas è dhuit tuiteam ann an Ifrinn am feadh a tha thu a' connsachadh 'an aghaidh a reacnìd, an creid thu an sin gu bheil Ifrinn ann?

4. Ma 's olc co mòr am peacadh, as gum feum è bàs Chriosd mar Iobairt glanaidh, cha 'n iongantach ged thoilleadh è ar truaigh shiorruidh-ne.

5. Ma thoill peaca nan Deamhan claoidh shiorruidh, c' arson nach toilleadh peaca dhaoin' è, mar an ceud-na?

6. Shaoilinn gun tuigeadh sibh nach faod na daoin' a's fearr, agus ni a's lughna sin gu mòr, luchd-aingidheachd, breith chothromach a thoirt air droch-thoillteannas peacaidh. Mo thruaigh tha sinn dall agus claon-bhreitheach. Cha 'n fhaod sibh bhi lan-eolach air droch-thoillteannas a pheacaidh, gus am bi sibh lan-eolach air olc a pheacaidh; agus cha 'n fhaod sibh bhi lan-eolach air olc a pheacaidh gu

bràth, gus am bi sibh lan-eolach, 1. Air mòr-luach an anma air an do chuir è mi-dhreach. 2. Air mòr-luach na naomhachd a chuir è a' cuimhne. 3. Air reusan agus mòr-luach an reachd a bhriseadh leis. 4. Air mòr-luach na gloire air an d' rinn è dimeas. 5. Air feum agus mòr-luach an reusoin air an do shaltair è gu trom. 6. Seadh, no gus am bi sibh eolach, air mor-luach gun chrioch, uile-chumhachd agus naomhachd an Dè mhòir, air an d' rinn am peacach urrad cheannairec ! An uair is aithne dhuibh iad sin uile, is aithne dhuibh droch-thoillteannas peacaidh os-barr. Tha fios agaibh gu bheil an ceannairceach ro-chlaon, a thoirt breith chothromach air naomh-reachd agus air gniomharradh an àrd riaghlaifhir. Bheir sinn breith le mothach a chuibhricheas ar reuson. Chi sinn 'an gnothaichibh coitcheann saoghalta, gum meas mòran gur ceart an cùis fein ; agus gur mi-cheart gach cùis ata 'n an aghaidh : agus is diomhain d'an càirdibh glic agus neo-chlaon-bhreitheach atharrach so a chuir mar fhiachaibh orra. Is tearc clann mhi-umhal, nach abair gur athair gun iochd le 'm buailear iad. Is tearc duine rag-mhui-nealach, neo-ghlan, nach cuir euceart as leth na cléire, ma dh' fhòras iad o chomunn nan naomh' è, gus am pill e'r'a Dhia le nuadh unhlachd. Is tearc meirleach no fear-murt a chrochar, nach cuireadh euceart as leth an reachd agus a bhreitheamh ; nam fuasgladh sin o 'n chroich iad.

7. An saoil sibh gu bheil na h anamà neo-ghlan ionchuidh air neamh ; an t-ionad nach fosglar gu bràth do thruailleachd ? Mo thruaigh, cha 'n urr' iad cuspair an gràidh a dheanamh do Dhia air thalamh, no obair air bith a dheanamh, a 's taitneach leis. Tha iad an aghaidh Dhe, is fuath leo an ni sin a 's ionmhuinne leis ; cha 'n urr' iad a mhealainn a cho'-chomuinneo-iomlan sin le Dia, a tha a chuid naomh a' sealbhachadh air thalamh. Uime sin, cia mar dh'

fhaodas iad teas-ghràdh iomlan a thoirt da, agus co-chomunn sòlasach a shealbhachadh leis, seadh sonas siorruidh nam flaitheas? Cha chuir sibh an-iochd as ur leth fein, ge nach fàiltich sibh ur nàinhd 'an glacaibh ur gràidh, mar fhear-cogair dileas; agus ge nach toir sibh cuid d'ar bòrd agus d'ar leabuidh do mhuic bhrèin an òtraich: cho chuir, seadh, ged chasgaireadh sibh i sin, nach do pheacaich riamh; gidheadh, an coirich sibh Aird-thighearna, agus Riaghla-fhear glic, cothromach, agus gràsmhor an t-Saoghail; ma dh'-fhògras èn sluagh neo-iompaichte chum dòrainn shiorruidh.

### FEUM.

Guidheam, guidheam oirbhs' uile, le 'n ionmhuinn ur n-Anmaibh fein, an àite connspoid a chuir air Dia, geillibh dha gu grad: agus an àite cunnul a chuir air fhocal, gabhaibh ris gun dàil, agus gluaisibh d'a rèir, chum ur leas. Gabhaibhs' uil' a tha neo-iompaicht' anns a cho'-thional so, ri so mar dhearbh-flhirinn De; eadhon, gur eigin duibh gu goirid, impachadh, no dol am mugha; cha 'n 'eil duibh ach an dara cuid pilleadh no bàsachadh. An uair a dh'innis an Dia nach breugaichir so dhuibh; an uair a chluinn sibh è o Chruthai-fhear agus o bhreitheamh co-thromach na talmhainn: is mithich, seadh, is tuill' is mithich, do neach aig am bheil cluas adh' èisdeachd; oir chi sibh anis, an ni as an ion duibh earbs' a dheanamh. Is daoine marbh agus air dol am mugha sibh, mur pill sibh. Nan insinn atharrach so dhuibh mheallainn le brèig sibh. Nan ceilinn so oirbh mhillinn sibh, agus bhithinn ciontach d' ar ful: mar a dhearbh-as na ranna sin, roi m' theagascg, Rann. 8. "An "uair a their mi ris an aingidh, O dhuin' aingidh, "bàsaichidh tu gu deimhin; mur labhair thu, a thoir- "measg a shlighe do 'n aingidh, gheibh an duin' "aingidh sin bàs 'na aingi'eachd ach iarraigd mis

“ fhuil air do laimhse.” Chi sibh a nis, ged is teag-  
asg garbh agus mi-thaitneach so, gidheadh, is è a leithid  
a's eigin duinn' a shearmonach', agus a's eigin  
duibhs' èisdeachd. Is fearr dhuibh ionradh a chluin-  
tinn air ifrinn, no a dòrainn fhulang. Mur feumadh  
sibh è, cha chuireamaid searbhadas air ur cluasaibh  
beadarrach le firinn a tha co neo-bhinn leibh r'a cluin-  
tinn. Cha bhiodh ifrinn co làn, nam bu toileach le  
siol Adhaimh ach eolas a ghabhail air an staid fein, a  
h-ionra a chluintinn, agus smuainteachadh oirre le  
dùrachd. Is è an t-aobhar gur tearc an dream a  
theasairgir o ifrinn, nach gabh daoine do dhocair orra  
fein, dol a steach gu spàirneil, air doras cumbainn an  
iompachaidh ; no triall air slighe aimh-leathann na  
naomhachd, am feedh ata ùin aca ; agus cha chûir iad  
spairn orra fein, do bhrìgh nach do mhosgladh iad gu  
beo-mhothacha do 'n ghàbha mhòr anns a' bheil iad ;  
agus cha do mhosgladh iad, do bhrìgh gur leisg leo an  
cunnart a chluintinn, no smuainteachadh air ; agus  
tarlaidh cuid de so, o riomhadh amaideach, agus o  
fhein-speis fheolmhor ; agus tarlaidh cuid eile dheth  
do bhrìgh nach math a chreideas iad am focal a-bhagras  
an dòrainn. Mur lan-chreid sibh an fhirinn so,  
shaoilinn gun tugadh a truimead oirbh acuimhneachadh,  
agus gun leanadh i ruibh, gun fhois a thoirt d'ar n  
anmaibh, gus an iompaichear sibh. Nan cluinne tu  
an guth so ach aon uair, o bheul Aingil, “ Is eigin  
“ duit iompachadh no dol am mugha : pilleadh no  
“ bàsachadh !” Nach leanadh è ri t' anam gu teann :  
agus nach tathaicheadh è thu gach oïch agus là ?  
Nach cuimhnicheadh tu air ann an gniomh a phe-  
caidh ? Nach cluinneadh tu gu labhar ann ad chluas-  
aibh do ghnàth “ Pill no bàsaich !” O, nach bu  
shonadh ur n-anmaibh nan oibricheadh è orra mar so ;  
agus mur di-chuimhnichte gu bràth è : agus mur  
tugadh è fois duibh, gus an iomaineadh è dh' ionnsuidh Dhe sibh ! Ach ma dh' fhògras sibh uaibh è, le

di-chuimhne, agus le mi-chreidimh, cia mar dh'oib-  
richeas e chum slaint' agus iompachaidh dhuibh ?  
Ach thugaibh so leibh mar aobhar dubh-broin, ge d'  
fhògras sibh an guth so as ur cuimhne cho 'n urra  
sibh d'a fhògradh as ur Bioblaibh : ach seasaidh è  
annta, mar fhirinn naisgte, a thoirt sanais duibh gu  
bràth, nach 'eil duibh ach "Pilleadh no Bàsachadh."

Och, ciod uinie 'nis nach 'eil cridhe gach peacaich  
air a bhiora leis an dearbh fhirinn so ! Shaoileadh  
neach a nis, gum biodh gach anam neo-iompaicht' a  
chluinneas na briathran so, air a bhiora gu goirt ;  
agus gun smuainticheadh iad annta fein, agus gu 'n  
abradh gach neach, "Is e so mo chor-sa," agus cha  
ghabhadh è fois gu bràth, gus am mothaicheadh è  
iompacha fein. Creidibh a dhaoine, nach mair am  
fonn suaimhneach neo-chùramach so ach goirid. Is  
da ni inhosglach, iompachadh agus sgrios : agus cha  
'n fhada gus am mothach sibh a h-aon diu. Faod-  
aidh mi a ghealtainn, co chinnteach 's ge d' fhaicinn  
le m' shuilibh è, gun toir gràs, no ifrinn oirbh a ràdh,  
gu goirid, (an uair a bheir iad dhuibh beo-mhoth-  
achadh air na nithe sin) "Ciod a rinn sinn ? Cia  
"amaideach aingidh a għluais sinn ?" Cha mhair staid  
sgeigeil nam peacach gun umhaill ach tamall beag.  
Co luath 's a Philleas no a Bhàsaicheas iad, thèid  
crioch air am breislich an-dàna, agus pillidh an ciall  
agus am mothacha riu.

Ach tha dà ni agam anns an amharc d'an cosmhuil  
an duine neo-iompaicht' a chruadhachadh, agus mo  
shaothairs' a chuir an neo-brìgh, mur gabhar rompa :  
agus is iad sin an da fhocal so, an *t-aingidh*, agus *iom-  
pacha*, an uair a thuigear ann an seadh mearachdach  
iad. Ars' aon neach ris fein, "Is fior gur eigin do'n  
"aingidh iompachadh no bàsachadh : ach ciod è sin  
"domhsa ?" Cha 'n 'eil mi aingidh ged a' tha mi  
peacach, mar gach duin' eile do'n t-sluagh. Arsa  
neach eile ris fein, Is fior gur eigin domh pilleadh o

m' dhroch shlighe; ach tha dùil agam nach 'eil sin gun deanamh gus a nis, oir phill mi o chionn fhada. Agus mar so, an uair a shaoileas daoin' aingidh nach 'eil iad aingidh, ach iompaichte; chaill sinn ar saothair, ann an impidh a chuir orra gu pilleadhl. Air an aobhar sin, mun gabh mi ni 's faid' air m' aghaidh, innsidh mi dhuibh co iad na daoin' aingidh d' an eigin pilleadhl no bàsachadh; agus mar an ceudna, ciod is ciall do'n iompachadh; agus co tha lan-iompaichte; agus chuir mi romham gun so innseadh dhuibh gus a nis; oir is i so riaghait is fearr a fhreagras do'm ghnothach.

Agus tha è agaibh r'a thoirt fainear ann an so, ann am briathraigheibh ar teagaisg, nach ionann duin' aingidh agus duin' iompaichte; oir cha 'n 'eil duin' aingidh iompaichte, agus cha 'n 'eil duin' iompaicht' aingidh; agus mar so 's ionann bhi aingidh agus bhi neoiompaichte. Air an aobhar sin, ann an leigeil a h-aon diu ris, leigear ris iad maraon.

Mum feed mi nàdur aingidheachd no iompachaideh innseadh dhuibh; 's eigin domh tòiseachadh o'n ceud thionnsgna.

B' iomchuidh le Cruthai-fhear cumhachdach an t-saoghail, tri seorsa chreatuirean beo a ghairm o neo-ni; dhealbh è na h aingle, spiorada fior-ghlan, reasonda, neo-bhàsmhor, agus neo-cheangailte ri corpaibh; agus air an aobhar sin iomchuidh a dh' àiteachadh nam Flaitheas. Dhealbh è na brùidean, gun anam reasonda; agus air an aobhar sin iomchuidh a dh' àiteachadh na talmhainn. Thug è do'n duine nàdur meadhonach eadar aingle agus brùide; dhealbh è a chorpa gu h-iongantach innleachdach, agus chuir è spiorad reasond agus neo-bhàsmhor ann, d'a àiteachadh, agus d'a riaghladh; agus uime sin, iomchuidh a dh' àiteachadh neamh agus talmhainn. Ach mar thugadh corp do'n duine mar iochdran ùmhal d'a anam; cha d' fhuair è an talamh so mar bhuan-chòmhnuidh

shonadh : ach mar shlighe air an triall è dh'ionnsuidh nam flaitheas. Chruthaicheadh an duin' ann an staid bheannuicht', a dhearcadh air mòrachd ghlòr-mhor an 'Tighearn', a seinn haleluiah dhà leis na h-ainglibh naomha ; agus a dheanamh àrd-chuspair a ghràidh dheth gu siorruidh. Agus mar a chruthaicheadh an duine chum na criche so, dheonaich Dia dha meadhona ionchuidh a ruigheachd oirre. De na meadhonaibh sin, tha dà ghnè. A cheud ghnè a riaghlaigh fonn anam an duine. An dara gnè, a riaghlaigh a bheatha agus a ghniomharra. Mar a bhuiñeas do'n cheud ghnè, chuimisich Dia fonn anam' an duine r'a chrich ; a' toirt dha urrad eolais air fein 's a bha ionchuidh air a staid, agus cridhe ag aomadh d'a ionnsuidh fein le gràdh naomha. Gidhéadh cha do dhaingnich Dia an duine gu neo-chaochlach anns an staid sin ; ach air a dhealbh dha 'n a dheanadaich saor, dh'fhàg è gu comhairl' a shaor-thoile fein è. Mar a bhuiñeas do 'n dara gnè, thug Dia mar a fhreagradh dha fein, lagh iomlan do'n duine, a' sparadh air buanachadh ann an teas-ghràdh nach fuaraich gu bràth, agus ann an ùmhlaichd gun mhearachd a thoirt dha fein. Ach le brise toileil an reachd sin, cha do chaill an duine, còir, amhain air muinghinn nabeatha shiorruidh; ach mar an ceudna, dh'iompaich è anam o Dhia, shocraich è a smuainte air nithe diblidh feolmhor, agus mar so, is beag nach do thilg è dheth dreach na diadhachd gu h-ionmlan. Air an doigh so, dhearmaid an duine glòir Dhe, agus gèill d'a reachd, a chrioch chum an do dhealbhadh è ; agus chaidh è air seacharan cian, o 'n t-slig' a threoraicheas da h-ionnsuidh ; agus sin an smuaintibh anma, agus ann gniomharaibh a bheatha. Chaill an duine am fonn naomha sin, spèis an anma do Dhia agus da lagh ; agus fhuair è 'n àite sin, fein-spèis fheolmhor, a shàsaicheas è le nitibh talmhuidh ! Air fàs da ain-eolach air Dia, agus eolach air a chreatuir : tha cuairt .

na beatha so a co'-fhreagradh do thogra claoen a chridhe; cha 'n 'eil è beo do rèir naomh-reachd Dhe, ach do rèir an-toil fheolmhoir fein: dh' iarr e an creatuir a thoileachadh a chiocrais fheolmhoir, ann àit a bhi ag iarraidh an Tighearn' a riar. Thainig sinn uile chum an t-saoghail, leis an nàdur, no leis a chlaon-thogra thruaillidh so: "Oir co dh' fhaodas ni "fior-ghlan a thoirt o ni neo-ghlan? Iob. xiv. 4." Mar ata gnè fhuileachdach bhorb anns an leomhann, mun cosgair è an t-shealg, agus gnè nimheil anns an nathair, mun lot i le gath; mar an ceudna, tha a ghnè pheacach, no an togra milteach so, 'n ar naoidheanachd, mun smuaintich, mun labhair, agus mun dean sinn gu h-olc. Agus uaith so sruthaidh uile pheacadh ar beatha. Cha 'n è so amhàin, ach an uair a sholair an Dia tròcaireach cungaidh-leighis duinn, eadhon an Tighearn' Iosa Criod, mar leigh d' ar n-anmaibh, agus mar cheannard g'ar treorachadh gu Dia; is ionmhuinn le'r gnè an cor anns am bheil sinn, agus is leisg leinn a fágail, agus uime sin tha sinn an aghaidh uile mheadhona ar saoraidh: ged a theagaitsg cleachdainn duinn buidheachas a thoirt do Chriod arson a chàirdis, gidheadh, tha fein-spèis fheolmhor a' cuir impidh oirn a chungaideh-leighis a thairgeas è, a dhiultadh, agus a' sparradh oirn ar leith-sgeul fein a ghabhail an uair dh' earalaichéar oirn an leigheas a thairgeas Criod duinn a ghabhail, agus a ghairmear sinn a thrèigsinn gach ni saoghalta, agus da lean-mhuinn-san chum Dhe na gloire.

Guidheam, guidheam oirbh, leughaibh an duilleag so a rìs, agus comharrachaibh i; oir anns na briathraibh so, tha fior-chunntas agaibh air staid ur nàduir thruaillte; agus air an duin' aingidh. Oir is duin' aingidh, agus buailteach do bhàs siorruidh, gach neach a tha anns a chor thruaillidh so.

Mar an ceudna, dh' ullaicheadh sibh le so, a thuig-sinn an iompachaibh. Chum na criche so, tuigibh

os-barr, mar nach àill le Dia, gu 'm bàsaicheadh daoin' ann am peaca ; gun do sholair è cungaideh-leighis duinn gu tròcaireach, mar a thug è air a Mhac ar nàdur a ghabhail, chum air bhi dha 'na Dhia-dhuin', ann an aon phearsa, gum bitheadh è 'na eadar-mheadhoin-ear eadar Dia agus duine ; agus air fulang da bàs maslach na croiche arson ar peacaidh, gun saoradh e sinn o mhallaichd Dhe agus o chumhachd an droch-spioraid ; agus mar a shaor è sinn air an dòigh so, thug an t-Athair dha sinn mar a chòir fein. Dhealbh an t-Athair agus an t-eadar-mheadhoin-ear lagh agus co'-cheangal nuadh do 'n duine : cha 'n ann mar an ceud cho'-cheangal, nach tugadh beatha ach do 'n neach a bheireadh ùmhlachd iomlana, agus a dhìdeadh an duine gu dòrainn arson gach peacaidh : ach dhealbh Criod lagh gràis, gheall è maitheanas peacaidh, agus beatha shiorruidh, do gach neach a dh'iompaichear chum Dhè, le fior-chreidimh, aithreachas neo-chealgach, agus leasacha beatha dùrachdach : Mar reachd di-chuimhne no mar lughiadh, a bheir Righ do luchd ceannaire, ma leagas iad an armaibh, ma philleas iad ris le nuadh-umhlachd, agus ma bhuanacheas iad mar iochdrana freagarrach dha anns an àm ri teachd.

Ach mar is aithne do 'n Tighearna gun d' fhàs anam an duine co aingidh, 's nach gabh è a chungaideh-leighis, ma dh' fhàgar dha fein è ; uime sin, roigh-nich an Spiorad Naomh mar obair, gach abstol a theagascg, diadhachd an sgrioptuir a nasgadh le miorbh-uilibh iongantach ; agus nà h-anma taght' a shoill-seachadh agus iompachadh.

Chi sibh o 'n urrad so, mar ata triuir phearsadh anns an Diadhachd, an t-Athair, am Mac, agus an Spiorad naomh, gu bheil obair shonraichte fein ainmicht' air gach pearsa fa leth dhiubh.

Is i obair an Athair ar cruthachadh, agus ar riagh-ladh mar a chlann reusonda, le lagh nàduir ; agus

breith a thoirt oirn da rèir : agus Fear-saoraidh a sholar dhuinn gu tròcaireach, an uair a bha sinn an cunnart dol am mugha ; agus a Mhac a chuir g'ar teasairginn, agus gabhail r'a luach-saoraidh a thug è dha arson peacaidh sliochd Adhaimh.

Is i obair a Mhic air arson : ar saoradh le fhublang-as agus le fhìreantachd ; lagh no gealladh gràsmhor a thoirt d'ar n-anmaibh ; sinn a riaghlaigh agus breith a thoirt oirn mar ar Fear-saoraidh, air mhodh gràsmhor ; eadar-ghuidh' a dheanamh air arson, chum 's gu 'n co-pairtichear ruinn sochairean a bhais ; agus an Spiorad naomh' a chuir d'ar n-ionnsuidh, an Spiorad a tha 'n t-Athair mar an ceudn' a' cuir leis a Mhac.

Is i obair an Spioraid naoimh' air arson : an scrioptuir fior-ghlan a dheachdadadh do na fàidhibh agus do na h-abstolaibh, agus seol' a thoirt doibh g'a chuir an cèill ; cinnt agus firinn an fhocail a nasgadh le miorbhuilish, tiодhlacaibh, agus gniomharraibh ion-gantach slainteil ; luchd teagaisg ghnàthaicht' an t-soisgeil a shoillseachadh agus a bhrosnucha ; cuideacha leo ann an teagasg, agus ann an craobh-sgaoileadh an fhocail ; agus leis an fhocal cheudna, a' soillseachadh agus ag iompachadh anama dhaoine. Anis, mar nach bu chreatuire reusonda sibh mur cruthaicheadh an t-Athair mar sin sibh ; agus mar nach faodadh sibh dol a dh' ionnsuidh an Athar mur saoradh am Mac sibh ; cha mhò na sin a bhitheadh còir aguibh air Criosd, no air tearmunn uaithe mur naomhaicheadh an Spiorad sibh.

Chi sibh anis aobhair fa leth na h-oibre so. An t-Athair a' cuir a Mhic d'ar saoradh ; am Mac 'g ar saoradh, agus a' toirt taigse nan gràs duibh ; an Spiorad naomh' a' deachdadadh agus a' nasgadh an t-soisgeil ; na h-absdoil mar luchd-cogair an Spioraid 'g a sgriobhadh ; luchd teagaisg 'g a fhoillseachadh, agus a' cuir impidh air daoine gabhail ris ; agus tha 'n Spiorad naomha, chum an teagasg a dheanamh

diongmhalt', a' fosgladh cridheacha dhaoin' a thoirt aoidheachd dha; agus so uile dh' ath-nuadhachadh dreach na diadhachd air ar n-anmaibh; a shocracha na h-intinn air Dia a rìs; a thogail an anma os ceann a chreatuir agus fein-speis fheolmhoir, chum an dò theich è o Dhia; agus mar so, a thoirt air gniomh-arraibh na beatha, a chleachd ruith ann an sruth-chlais thalmhuidh, ruith ann an sruth-chlais neamhaidh; agus so uile le aoidheachd a thoirt, trid creidimh, do Chriosd Lèigh an anma.

Uaith so a labhradh ruibh, faodaidh sibh fhaicinn, co è an duin' aingidh, agus co è an duin' iompaichte. Agus tuigidh sibh so ni's fearr, mur meallta mi, ma gheibh sibh s'mion-chunntas air am buaidhibh agus air an giulan fa leth: agur mar a bhuiteas do 'n duin' aingidh, aithnichear e air na tri nithibh so.

1. Is neach è a tha lan-toilichte le nithibh tal-mhuidh; is fearr leis an creatuir na an Cruthai-fhear; agus suaimhneas feolmhor na sonas neamhaidh: tha deagh-thoil aige do nithibh feolmhor air am bheil è eolach, agus mi-thoil do nithibh spioradail air a' bheil è ain-eolach: ge d' abair è, gur fearr neamh na talamh, cha mheas è aige fein gur fearr da rìreadh. Nam b' oighreachd chinnteach leis an talamh, cha ghabhadh è neamh mar roghainn air; b' fhearr leis fuireach an so, na dol air imirich do na flaitheasaibh. Bu roighniche leis beatha shlainteil, shoiceil, àrd-inbheach air thalamh; na beatha fhior-ghlan, shior-shonadh, an làthair Dhe anns na Neamhaidh; seadh, na bhi a' gràdhachadh agus a' sior-mholadh na diadhachd. Ged aidich è gu cealgach, gur ionmuinn leis Dia os gach neach, gidheadh, cha do mhothaich anam riamh cumhachd a ghràidh-dhiadhaidh da rìreadh, ach tha inntinn ni's suidhicht' air an t'Saoghal, agus air suaimhneas feolmhor na air Dia. An aon fhocal, ge b' è neach le 'n ion-

mhuiinne talamh na neamh, suaimhneas feolmhor na Dia, is duin' aingidh neo-iompaicht' è.

Air an laimh eile, tha 'n duin' iompaichte soillsicht' a dearcadh air ionmhuiinneachd na diadhachd: is leur dha urrad mhor-luach anns a' ghloir a tha r'a faghail o Dhia, as gun do shocraich è chridh' orra, ni a's mò gu mòr na air aon ni saoghalta. B' fhearr leis sealla de ghnùis De, agus a bheath' a chaitheadh 'n a ghràdh siorruidh, a' seinn a chliu gu bith-bhuan, na gach saibhreas agus suaimhneas saoghalta. Is leur dha gur diomhanas gach aon ni eile, agus nach sàs-aichear an t'anam ach le Dia amhàin: agus air an aobhar sin, rachadh an saoghal an taobh a thogras è, taisgidh an duin' iompaicht' a shaibhreas agus a mhuiinn-ghinn, anns na neamhaibh; agus ann geall riu sin bheir è thairis de gach ni, gu deonach. Mar a lasas an teine suas, agus mar a 'dhearcas an t-snàthad a bheanas do 'n tarrang-art air an Airde tuath: mar an ceudna, aomaidh an t'anam iompaichte dh' ionnsuidh Dhè. Cha lan-shàsaich aon ni eil' è; cha 'n 'eil toilleachas-inntinn no fois aig' ach ann an gràdh an Tighcarna. An aon fhocal, tha meas agus gràdh aig gach duin' iompaicht' air Dia, ni 's mò gu mòr na tha ac' air an t-saoghal gu leir; agus is roighniche leo sonas neamhaidh, na suaimhneas feolmhor, cia mòr air bith è. Cheibh sibh dearbhadh an teagaisg so anns na sgrioptuiribh a leanas. Phil. iii. 18, 21. Mat. vi. 19, 20, 21. Col. iii. 1, 4. Roimh. viii. 5, 9. xviii. 23. Sal. lxxiii. 25, 26.

2. Is priomh-obair do 'n duin' aingidh bhith co-thacha saibhreas saoghalta' a shàsachadh an-toil fheolmhoir fein. Ged a leughas, ged èisdeas, ge do ni è mòran de ghniomharraibh cràbhach o'n leth a muigh, agus ge do sheachnas e peaca maslach; gidheadh cha 'n 'eil an so uil' ach leth-obair: cha phriomh-obair dha idir Dia a thoileachadh, chum sonas bith-bhuan a shealbhachadh; cuiridh è Dia seachad le

fuighleach an t' saoghail, agus cha toir è dha do ghéill ach am beagan a sheachnas an fheoil, oir cha chuir è a chuid de 'n t' saoghal an geall neamha gu deonach.

Air an laimh eile, is priomh-obair do'n duin' iompaichte bhi a' toileachadh Dhe gu cùramach, agus a' saothaireachadh chum è fein a theasairgin; cha ghabh e sòlas na beatha so ach mar lòn goireasach a thuruis trid an t'saoghail so, chum saoghal a 's fearr; gnàthaichidh è na creatuirean mar a dh' iarras Dia; is toigh leis beatha naomha, agus is fada leis gus am bi e fein ni 's naomha gu mòr; is beag air gach peacadh a ta r'a agradh air; tha è guidhe agus a' cathachadh 'n a aghaidh gu spairneil, agus is bliadhna leis gach là gus am bi è saor dheth. Tha rùn agus togradh anam' an geall air Dia: ma thuiteas è am peacadh cha'n ann gu deonach, ach ann aghaidh rùin shuidhicht' a chridhe; agus air an aobhar sin, èiridh è a rìs, le mor-bhron ar son a neo-chùraim, agus cha'n 'eil è co an-dàna 's gun cuir è peac' air bith an gniomh le fhios. Cuiridh è an saoghal gu leir, cia' mòr air bith a spèis deth, an geall Dhe agus muinghinn an t'sonais shiorruidh, le uile chridhe; bheir è suas do Dhia gu deonach, gach tiodhlac saoghalta' a fhuair è uaithe, le cliu arson an iasad. Chi sibh so uile, ann an Col. iii. 1, 5. Mat. vi. 20, 23. Luc. xviii. 22, 29. Luc. xiv. 18. 27. Roinh. viii. 13. Gal. v, 24. Luc. xii. 21. &c.

3. Cha do ghabh anam an aingidh riamh fior-eolas air obair na saorsadh, ach tha i dha mar dhiomhair-eachd, agus cha'n 'eil spèis aige dhith; cha do ghabh è le buidheachas ri tairgs an t' Slanui-fhir, agus cha do las a chridhe le gràdh do'n Fhear-shaoruidh; ni mò is toileach leis bhi riaghlaichte le lèigh an anma, chum 's gun teasairgear do Dhia è, o chionta, agus o chumhachd peacaidh; ach tha a chridhe neo-mhothachail air an tiodhlac do-labhairt so, agus gu tur 'an

aghaidh nam meadhona slainteil, leis an teasairgt' è nan gabhadh è riu. Abair gur taitneach leis bhith cràbhach air mhodh feolmhor, gidheadh cha d'thug è riamh suas anam do Chriosd, no do chomhairl' a Spioraid agus fhocail.

Air an laimh eile, air mothachadh do'n anam iom-paichte gun robh è millte le peaca ; gun do chàill è a shìth ri Dia, agus a mhuinghinn neamhaidh ; agus gun robh è 'an cunnart dòrainn shiorruidh, ghabh è le buidheachas ri teachdaireachd na saorsa ; chreid è anns an Tighearn' Iosa, niar aon Slanui-fhear, agus choisrig è dha è fein, chum gliocais, ceartais, naomh-achaidh, agus saoraidh. Ghabh e Criosd mar bheatha da Anam agus mar Leigh slainteil da chreuchdaibh ; tha meas mòr agus urramach aige air gliocas agus gràdh Dhe ann obair iongantaich so ar saoraidh. Ann an aon fhocal, tha còmhnuidh Chriosd, 'n a anam trid creidimh, agus tha a bheatha so a tha làthair aige, trid creidimh ann am Mac Dhe, a ghràdhaich è agus a thug è fein air a shon. Seadh cha 'n easan a tha beo, ach Criosd a tha beo ann. A dhearbhadh so, faic Roimh. viii. 1. Philip. iii. 7.—10. Gal. ii. 20. Eoin. xv. 2.—4. 1. Cor. ii. 2.

Chi sibh anis, am briathraibh soilleir o fhocal De, co iad na daoin' aingidh, agus co iad na daoin' iom-paichte. Saoilidh luchd-ain-eolais mur bith daoin' a' cuir ri mionnaibh; no ri mallacha, ri h ana-cainnt, ri misg, no ri neo-ghloine, ri foirneart, no ri h-eacoir an gnothaichibh, agus ma thig iad do'n Eaglais, agus ma ni iad ùrnuigh nach faodar am meas mar dhaoin' aingidh. No ma bha neach ciontach am misg, am mionnachadh, an iomairt thoirmisgte, no an leithid sin de mhi-bheusaibh, ach ma sguireas è dhiu anns an aimsir ri teachd, saoilidh an sluagh ain-eolach gur duin' iompaicht' è so. Saoilidh dream eile, gur duin' iompaichte gun amharus, an neach a bha naimhdeil do'n Diadhachd, agus a' deanamh fanoid air, ma tha è

a' gabhail tlachd dhethanis, a' dol ann cuideachd dheagh-dhaoine, agus uime sin, mar chuspair fuath aig luchd-aingidheachd mar a tha na deagh-dhaoine. Tha cuid 'de dhaoine co amайдeach 's gun saoil iad gu bheil iad iompaichte, ma thogas iad nuadh-bharail mhearach-dach; agus ma thuiteas iad ann an cuideachd eigin a sgarras iad fein o'n t-sluagh, mar luchd ana-baistidh, crith-chreidimh, pàpanachd, no an leithid sin. Saoilidh daoin' eile, gur fior-iompacha, ma chuir eagal ifrinn uamhann orra, ma leigeadh ris doibh an cionta agus ma bhioradh an cridhe le h-agartas coguis air a son; agus ma chuir iad rompa agus ma gheall iad leasacha beatha; agus ma roighnich iad giulan cràbhach beusach o'n leth a muigh. Is iad sin na h-anama mealta truagh, d' an cosmhuil tairbh' ar n-impidh-n' a chall gu tur: an uair a chluinn iad gur eigin do 'n duin' aingidh iompachadh no bàsachadh; saoilidh iad nach do labhradh so riu fein; oir cha 'n 'eil iad aingidh ach lan-iompaichte ma 's fior iad fein. Is è so an t-aobhar a thug air Criosd innseadh do chuid de na Riaghlearaibh Iudhach a b'àrd-inbhiche agus bu shuairce no an sluagh coitcheann; gun rachadh Cios-mhaoir, agus striopachean do rioghachd Dhe air thoiseach orra-san. Mat. xxi. 31. Cha n è gun teasairgir striopach na priomh-pheacach gun iompachadh, ach gum b' usa peacadh, truaigh, agus feum pillidh, a leigil ris do na priomh-pheacachaibh sin, na do 'n dream bu shuairce na iad; dream a bha 'g am mealladh fein le dòchas gun robh iad lan-iompaichte, an uair a bha iad ann am boilsgin an ain-eolais agus ann am meadhon an aingidheachd.

A dhaoine, is obair nach saoil sibh an t-iompacha: cha ghnothach faoin an duine ris nach taitinn ach nithe talmhuidh, a thoirt gu neamh, agus mòr-luach ionmhuinneach na diadhachd a leigil ris da, gus an toir è do Dhia teas-ghràdh nach fuaraich gu bràth, teas-ghràdh a leaghas a chridhe cruaidh gu h-aithreachas

arson peacaidh, agus a bheir air teicheadh chum Criod, da ghlacail mår leigh anma le buidheachas ; gus an iompaichear miann agus togradh a chridhe, chum an truaigh sin a sheachnadh a ghabh è ann an riochd a shonais, agus an sonas sin a roighneachadh, a sheachainn è ann an riochd a thruaighe ; agus gus an trèig è gach crioch agus gnothach a bha aige roimhe sin : ann aon fhocal, “ Is creatuir nuadh an neach a “ tha ann an Criod ; thriall seann nithe seach, feuch “ dh’ fhàs na h-uile nithe nuadh, 2. Cor. v. 17.” Tha aige nuadh-eolas, nuadh-thoil agus nuadh-rùin ; nuadh-dhòlas, nuadh-mhianna, nuadh-ghràdh agus nuadh-shòlas; nuadh-smuainte, nuadh-chainnt, nuadh-chuideachd (ma’s urr è) agus nuadh-iompachadh. Tha am peacadh a bha aige mar aobhar macnus anns an aimsir a chaidh seachad, air fàs a nis co screataidh uabhasach da rosgaibh, ’s gun teich e uaithe mar o’n bhàs. Cha ’n eil an saoghal a bha co luachmhor ’n a shùilibh, ach camparach diomhain a nis ; is è an Dia air an d’ rinn è dearmad, aon sonas anama a nis ; roinhe so leig e Dia air di-chuimhn’, agus bu roighniche leis gach ana-miann na è : ach a nis tha cathair àrd-inbheach a chridh’ aige, agus tha na mianna gu leir fo a cheannsal : is priomh-obair do’n anam, bhi a’ toirt aire agus gèill da : is aobhar dubh-bròin leis gruaim a thriath, agus cha leir dha sonas as eag’uis. Is è Criod air an do chleachd è smuainteachadh le neo-chùram, a mhuinghinn agus a theàrmann ainhàin : tha è da anam mar an t-aran lathail da chorp ; cha ’n fhaod è urnaigh a dheanamh as eag’uis, cha dean è gàirdeach-as, cha smuaintich, cha labhair agus cha bhi è beo as eag’uis. Roimhe so cha d’ ainhairc è air neamh ach mar theàrmann so fhulang a bha dùil aige b’ fhearr a chòrdadh ris na ifrinn, an uair nach faodadh è fuireach ni b’ fhaide air thalamh ; ach anis roighnich e na flaitheas mar cheann-uidhe agus mar chòmhnuidh, mar’ ionad a làn-mhuinghinn, agus a shuaimhnis, anns

am faic, anns an gràdhaich, agus anns an cliuthaich è an Dia g'an do choisrig è anam gu h-iomlan. Roimh so cha d' amhairc è air ifrinn ach mar bhòchdan a chuir eagal peàcaidh air daoine; ach anis crioth-naichidh è roimpe mar ionad na fior-dhòrainn; is baoghalach leis dol 'n a dàil, agus cha sùgra leis fanoid a dheanamh oirre. Roimh so bha è sgith de obair na naomhachd, agus mheas è mar anabharr gun fheum i; ach anis, cha suaimhneas, cha 'n obair, agus cha 'n ealain beathachaидh leis ach i. Roimh so, is beag nach do mheas è am Biobal mar leabhar coitcheann; ach mheas è anis è mar naomh-lagh Dhe, mar litir a sgriobhadh d'a ionnsuidh o neamh, le laimh na mòrachd shiorruidh, agus ghabh è rithe mar riaghait d'a smuaintibh, d'a bhriathraibh agus d'a ghniomharaibh; litir a tha le h-iartus 'g a cheangal, le bagradh 'g a oilteachadh, agus le gealladh a' labhairt briathra na beatha r'a anam. Cha bu mhò air daoine diadhaidh na daoin' eile anns an aimsir a chaidh seachad; ach anis cho leur dha air thalamh daoine sona luach-mhor ach iad. Roimh so b'iad na daoin' aingilh a luchd sùgraiddh; ach anis is iad a luchd-campair, agus ge b' àrd a chluint' a ghàir gairdeachais mu'm peaca; co anis is mò a ghuileas arson am peacaidh; agus an dòrainn, na e? Salm xvi. 3. agus xv. 4. Phil. iii. 18. Am briathraibh aith-ghearr, tha crioch nuadh aige d'a smuaintibh, agus slighe nuadh d'a shaothair; agus air an aobhar sin, tha a chridhe agus a bheatha nuadh. Roimh so bu chrioch dha an-toil fheolmhor fein: agus bu shlighe dha a shuaimhneas, a thairbhe agus a chreideas saoghalta; ach anis is crioch dha Dia agus gloir shiorruidh: agus is slighe dha Criod, an Spiorad, an soisgeul, an t-òrducha diadhaidh, naomhachd a thaobh Dhè, ceartas agus tròcair a thaobh dhaoine. Roimh so, b' àrd-riaghlaire dha fein-spèis, agus b' eigin de 'n choguis agus de ghnothaichibh Dhe bhi fo a ceannsal agus gèill a thoirt di;

ach anis is è Dia ann an Criod trid an Spioraid, am focal agus a fhrithealadh, an t-ard-riaghlaire, d' an gèill fein-speis agus fein-ghnothaichean : air achd 's nach atharracha so, ann an ni no dhà, no fishead ; ach ann an rùin agus ann am beusaibh an anma gu leir. Faodaidh neach ceum-taoibh a thoirt o aon slighe gu sligh' eile, agus aghaidh bhi air an aon àird, agus a thriall a bhi chum an aon àit' : ach cha'n ionann a tharlas ma bheir è aghaidh an taobh a bha chùl, agus ma thriallas e chum àird agus àit' eile. Mar an ceudna, faodaidh neach iompachadh o mhisg gu caomhnadh ; o dhroch-cuideachd agus o mhi-bheusaibh chum cuid de dhleasnais chràbhaich ; agus bhi sior dhol air aghaidh chum nan criche ceudn' a bha roimh sin aig' anns an amharc, agus bhi a' miannachadh suaimhneas feolmhor os ceann gach ni, agus a' toirt àrd-riaghait an anma da fhein-spèis. Ach an uair a dh' iompaichir è, tha cùl air a chuir ris an fhèin-spèis, tilgear as a h ùghdarris i, cuirear an t-anam fo cheannsal Dhe, pillidh an duin' iompaichte ri neamh, agus triallaidh è air an t-slighe d' an ceann-uidhe an t-ionad glormhor sin ; bha è roimh so, fein-spèiseil, agus a' gluasad do rèir an-toil fein ; ach tha è anis, coisrigte do Dhia, agus a' gluasad do rèir a thoile : roimh so, dh' fharraid e dheth fein ciod a dheanadh è r'a aimsir, r'a cheadfaibh, agus r'a oighreachd, agus bhuilich è air fein iad : ach anis feoraichidh è do Dhia ciod a ni è riutha, agus gnàthaichidh è do reir iartais iad. Roimh so, thoilich è Dia co-fhad 's a fhreagradh sin da fhcin-spèis, agus da shuaimhneas feolmhor ; gun mhoran mi-thlachd a chuir orra. Ach anis toilichidh è Dia, cia inor air bith a mi-thlachd a chuireas so air fhèin-spèis agus air a shuaimhneas feolmhor. Is è so an t-atharracha mòr a ni Dia air an dream sin uil' a theasairgear.

Faodaidh sibh a ràdh gu bheil spiorad Dè 'g ar naomhachadh, ach a' bheil fios agaibh ciod is ciall de

naomhacha? Is è so a thaisbein mi dhuibh anis: agus is eigin do gach duin' air thalamh bhi naomhaichte no dol am mugha gu siorruidh. Is eigin doibh pilleadh no bàsachadh.

A dhaoin', an creid sibh so uile? Is cinnteach leam nach 'eil dànanadas agaibh a ràdh nach creid; oir is cùis gun teagamh so, agus cha 'n fhaodar àich-eadh; cha chonnspoid so mu bheil daoine foghlumta diadhaidh an aghaidh a chèile; mu 'n abair aon dream so agus dream eile sud; tha am pàpanach, agus an t-anabaisteach, gach dream agus aitim 'n ar measg, is aithrigh air an ainm chriostuidh a' coshineadh r' a chèile, ann am barail mu na nithe sin a labhair mi, agus mur creid sibh Dia na firinn, anns an ni sin a tha gach dream agus aitim a' creidsinn, cha 'n fhaodar ar leth-sgeul a ghabhail.

Ach ma chreideas sibh so ciod è mu bheil sibh co-sàmhach 'n ur staid neo-iompaichte? Am bheil cinnt agaibh gun d'iompaicheadh sibh? An do mhothaich sibh an t-atharrachadh iongantach so air ur n-anmaibh? An d'ath-ghineadh no 'n do nuadh-chruthaicheadh mar so sibh? nach iongantach an ni so le mòran agaibh? An do mhothaich sibh riamh a leithid annaibh fein? Mur faod sibh là no seachduin ar n-atharrachaidh, no an t-searmoin leis an d'iompaicheadh sibh innseadh, am faod sibh a ràdh gu bheil an obair deanta; gun d' atharraicheadh sibh da rireadh; agus gu bheil na h-intinne sin annaibh a nochd mi cheana dhuibh? Mo thruaigh leanaидh ro-mhòran na gnothaichean saoghalta, agus cha chuir iad ach ro-bheag docair orra fein le smuainte air an atharracha so. Agus ma dh' fhanas neach ach o pheacaibh maslach, agus ma dh' fhaodas è a ràdh, " Cha 'n fhear neo-ghloine, no gadaich, cha 'n "fhear mallachaiddh no mionnachaiddh, chà 'n fhear " misg no fairneart mi, thèid mi do 'n Eaglais agus " ni mi ùrnuaigh." Ma dh' fhaodas neach so a ràdh,

saoilidh è gu bheil è lan-iompaichte, agus gun teas-airgear è co luath ri neach eile. Ach mo thruaighe, tha è 'g a mhealladh fein gu h-amaideach : oir is dimeas anabarrach so air gloir shiorruidh, agus dearmad eagallach air an anam nach bàsaich. Am faod sibh bhith co chaoin-shuarrach mu Fhlaitheas na glòire agus mu ifrinn na dòrainn ? Is goirid gus an taisgear ur cuirp anns an uaigh, agus gus an glac aingle caomh no deamhain bhorb ur n-anmaibh. Is goirid gus am bi gach fear agus bean agaibh, ann an cuid-eachd, agus ann an saoghal eile. Cha 'n fhad a dh' àiticheas sibh ur tighean. Cha 'n fhad a dh' oibricheas sibh 'n ur bùthaibh. Cha 'n fhad a shaothraicheas sibh ur fearann. Cha 'n fhad is ionad còmhnuidh dhuibh an talamh. Is goirid a chi sibh leis na sùilibh sin, a chluinneas sibh leis na cluasaibh sin, agus a labhras sibh leis na teangaibh sin, is goirid gus am fàg saighead a bhàis sibh gun fhradharc, gun chlaisteachd, gun chainnt ; agus bithidh sibh mar sin gus an co'-chean-glar ur n-anam agus ur corp r'a chèile, ann an là na h-ais-èiridh ; agus ciod è an seol' air am faod sibh na nithe so a dhearmad ? O ! ciod è an t-ionad aoibhnis, no dòrainn, anns am bi sibh gu goirid ! O ! ciod è an sealla chi sibh gu goirid anns na neamhaidh shuas, no ann an ifrinn shios ! O ! na smuainte sin a lionas ur cridhe gu goirid, le sòlas do-labhairt, no le h-àmh-ghar uabhasach ! Ciod i a's obair dhuibh anns an t-saoghal sin eile an taobh thall de 'n uaigh ? Am bi sibh a' cliuthachadh Dhe leis na h-ainglibh, agus leis na naomhaibh, no a' sgreadail gu gairisneach ann am builsgin nan deamhan, anns an teine nach mùchar gu bràth ? Agus an còir so uil' a dhearmad ? Bithidh na nithe so uile gun chrioch, agus naisgte gu daingeann le reachid neo-chaochlaideach. Is i an t-shiorruidheachd, an t-shiorruidheachd, leis an toimhsear ur sòlas agus ur dòlas, agus am faodar so a dhearmad ? Is fior so, a dhaoine, is fior gach smid dheth ; an

diaigh dhuibh triall sios agus suas beagan ni 's faide ; agus an diaigh dhuibh codal agus mosgladh tamull beag eile ; spionar a fearann nam beo sibh, agus an sin chi sibh gur fior gach ni a dh' innis mi dhuibh anns an àm so, agus an ceadaich sibh anis dhuibh fein an di-chuimhneachadh ! Cuimhnichidh sibh an saoghal eile, gun cualadh sibh an t-searmoin so, agus gun do chuireadh na nithe so 'n ar cuimhne anns an àm agus anns an àite so ! agus chi sibh an sin, gur mò na nithe so, mìle uair na aon ni a dh' fhaodas sibhse no mis a thuigsinn ann taobh a bhos do 'n uaigh ; agus an deanar dearmad co mhór air na nithe so anis ?

A chairde caomh, mur mosgladh an Tighearna mis a chreidsinn na nithe so, annam chridhe fein, bhithinn air mo dhalladh le dorchadas na fein-speis, agus rachainn am mugha gu siorruidh : ach ma thug è dhomh fior-mhothachadh orra, brosnaichidh so mi, chum truas a ghabhail dhibhse co mhath as dhiom fein. Nam bitheadh ar sùile co fosgailte 's gum faice sibh ifrinn na dòrainn, agus ur coimhearsnaich neo-iompaichte air an iomain d'a h-ionnsuidh, agus a' sgreadadh gu gairisneach 'n a builginn ; ge do mheas sibh iad mar dhaoine deagh-thoilteannach air thalamh, agus ge nach robh eagal orra fein roimh 'n dioghaltas sin ; shaoilinn gun tugadh an sealla so oirbh dol an uaigneas, a smuainteachadh air a rìs, agus a rìs ; agus gun tugadh è oirbh rabha thoirt do gach neach mu'r timchioll mar an Geòcraig an-saoghalt' a chaidh aon mugha, (Luc. xvi. 28.) agus leis am b' àill gun tugta rabha d'a bhràthribh d' an cumail o ionad na dòrainn anns an robh è fein 'g a chlaoidh. Is gnè fhradhairc an creidimh ; is è sùil an anmà, agus dearbha nithe do-fhaicinn : ma chreideas mise Dia, is gnè mhothachaidh so : agus air an aobhar sin guidhean, guidhean oirbh, gabhaibh mo leith-sgeul, ma bhitheas mi co leth dhùrachdach ruibh mu na nithe so, as ge d'

fhaicinn le m' shùilibh iad. Nam b' eigin domh bàsachadh am maireach, agus nam b' urra mi pilleadh o'n t-saoghal eile a dh' innseadh dhuibh ciod è a chunnaic mi, nach èisdeadh sibh riùm gu deonach? Nach tugadh sibh fainear, agus nach creideadh sibh mo sgeul? Nan ceadaichte dhomh ach aon searmoin a thoirt duibh ann diaigh mo bhàis, agus ann diaigh dhomh obair luchd-àiteachaidh an t-saoghail a tha ri teachd fhaicinn, nach b' àill leibh gu 'n innsinn an fhirinn duibh gu soilleir saor, agus nach cruinicheadh sibh mu m' thimchioll do m' èisdeachd? Agus nach taisgeadh sibh mo theagascg 'n ar cuimhne? Ach cha 'n fhaod so tachairt; tha dòigh shuidhicht' aig Dia, d' ar teagascg le a scrioptuir agus le a Mhiuisseiribh; agus cha toir è urrad d' an toil do luchd mìchreidimh 's gun cuir è luchd teagaisg o na marbhaibh d' an ionnsuidh, no gu 'n atharraich è a sheol suidhichte fein; ma ni neach air bith gearan air dorchadas na grèine, cha toir Dia urrad da thoil da, 's gun las è-dha solas is dealraiche. Guidheam oirbh, a chàirde gaolach, guidheam oirbh, thugaibh an aire dhomh anis, co mhath 's ged a thiginn le teachdaireachd d'ar n-ionnsuidh o na marbhaibh; oir faodaidh mi lendarbhadh a thoirt duibh air cinnt agus firinn nan nithe sin a theagaisg mi dhuibh, co mhath 's ge d' fhaicinn le m' shùilibh iad ann an saoghal eile; oir faodaidh teachdair o na marbhaibh ur mealladh; ach cha an fhaod Iosa Criod ur mealladh gu brath; cha 'n fhaod focal Dè a chuireadh an cèill anns an scrioptuir, agus a naisgeadh le miorbhuilbh an Spioraid naoimh, ur mealladh gu bràth. Creidibh so, ma chreideas sibh a bheag idir. Creidibh agus gèillibh, no thèid sibh am mugha. Anis ma chreideas sibh focal De, agus ma ghabhas sibh cùram do leas ur nanma gu bràth, ceadaichibh dhomh an athchuinge reasonda so iarraighe oirbh, agus gu'dheam oirbh na tugaibh an èara dhomh: air fàgail an ionaid so,

cuimhnichibh gun dàil na chualadh sibh, rannsaichibh  
 ur n-intinne gu dùrachdach, agus abraibh ruibh fein.  
 " Am bheil a chùis mar so? An eigin domh pil-  
 " leadh no bàsachadh: Iompachadh no dol am  
 " mugha? Is mithich dhomh anis amharc mu m'  
 " thimchioll, mun tig orm oïche tannis agus bàis.  
 " Och ciod uime nach robh sùil agam air na nithe  
 " so gus anis. Ciod uim' a chuir mi dàil anns a  
 " ghnothach mhòr so gu h-an-dàna; agus mun do  
 " choidil mi air co fhad? An robh mi a' m' fhair-  
 " cach? An robh mo chiall agam? A Dhe uile-  
 " bheannaicht, is i do throcair a chum nach do  
 " spìonadh a fearann nam beo mi, 'mun robh dùil  
 " chinnteach agam ri beatha shiorruidh do m' anam!  
 " Ach nar leigeadh Dia gun dearmaid mi an obair so  
 " tuille gu bràth. Ciod i an staid anns am bheil m'  
 " anam? Am bheil mi iompaichte, no neo-iom-  
 " paichte? An d' oibricheadh an t-atharracha mòr  
 " so air m' anam riamh? An do shoillsicheadh mi  
 " le Spiorad an Tighearn' a thoirt fainear gràineal-  
 " achd peacaidh, feum Slanui-fhir, gràdh Chriosd,  
 " agus àrd-mhor-luach. Dhe na glòire? Am bheil  
 " mo chridhe briste brùite ann am chòm, arson na  
 " ciont' a tha r'a h-agradh orm? An d' thug mi  
 " aoidheachd chàirdeil do m' Thighearn' agus do m'  
 " Shlanui-fhear a thaig è fein domh le maitheanas  
 " agus beatha do m' anam? Am beag orm mo  
 " bheatha chiontach a chaidh seachad, agus fuigh-  
 " leach gach peacaidh a tha ann am nàdur? Am bheil  
 " mi a' teicheadh uatha mar o naimhdibh milteach?  
 " A'bheil mi 'gam thoirt fein suas do ghiulan naoniha?  
 " Am bheil mi ùmhal do Dhia? An taitneach leam  
 " an ùmhachd? Am faod mi a ràdh do rireadh gu  
 " bheil mi marbh do 'n t-saoghal agus do 'n fhèin-  
 " speis fheolmhoir? Agus am bheil mi beo do Dhia,  
 " agus do 'n glòir a gheall è dhomh? Am mò a tha  
 " do m' spèis agus do m' rùin air neamh, na air

" Talamh? An è Dia roghainn m' anma os gach  
 " neach? An d' thug mi an t-àit a 's inbhich ann  
 " am anam dha? Is cinnteach leam gun robh  
 " mi roimhe so beo do 'n t-saoghal agus do 'n  
 " fheoil gu h àraidh, agus nach d'thug mi do Dhia  
 " ach ùmhachd neo-chridheil, seadh, am fuighleach  
 " truagh nach b' fliu leis an t-sannt anabarrach  
 " shaoghalta fheolmhor. An do phill m' anam anis  
 " chum sligh' eile? Am bheil nuadh-rùn, nuadh-  
 " cheadfadhl naomh', agus nuadh-chrioch agam? Am  
 " bheil m' anam agus mo dhòchas a' ploschartaich an  
 " diaigh nam flaitheasa, le ciocras nach diolar gu bràth  
 " ach leo fein? Nach i crioch mo bheatha, lan-rùn  
 " agus dian-thogra m' anma, ruigheachd air neamh,  
 " agus air sealla de ghnùis ghlormhoir mo Thighearn',  
 " agus bhi beo 'n a ghràdh agus 'n a chliu siorruidh?  
 " Am bheil am peacadh an aghaidh rùin agus tograidh  
 " ghnàthaichte mo chridhe? Am bheil mi a' claoih  
 " gach peacaidh ghràineil? am bheil mi sgith dheth;  
 " agus am bu mhath leam bhi saor dheth? so staid  
 " anarà iompaichte. Is eigin domhsa bhi mar so no  
 " bàsachadh. An i so mo staid da rireadh? Is  
 " mithich dhomh freagra fhaghail do 'n cheist so,  
 " mum freagair am breitheamh neo-chlaon i gu h-  
 " uabhusach. Cha 'n 'eil mi ann am choigreach co  
 " mòr air m' anam, agus air mo ghiulan, as nach tuig  
 " mi an caileigin am bheil, no nach 'eil mi iom-  
 " paichte: agus mur 'eil, cha 'n 'eil feum dhomh m'  
 " anam a bhreugadh le dòchas mealltach. Is i mo  
 " rùn gun mi fein a mhealladh ni 's mò: ach a chuir  
 " as an teagamh ami bheil no nach 'eil mi iompaichte;  
 " chum 's ma tha, gun gabh mi air m' aghaidh gu  
 " sunntach ait, a' cliudhachadh mo Dhia glormhor,  
 " gus an ruig mi air a choron a tha dealrach mar a  
 " ghrian agus buan mar m' anam nach bàsaich; agus  
 " mur 'eil mi iompaichte mosglaidh mi o m' neo-  
 " chùram, iarraigd agus grìosaidh mi an gràs, a dh'

" fhaodas mo philleadh, agus iompaichidh mi gun dàil  
 " air bith : agus ma mhothaicheas mi tràth gun do  
 " chaill mi slighe na beatha, faodaidh mi pilleadh le  
 " comhna Chriosd, agus gabhar rium gu failteach ;  
 " ach ma stadas mi gus am fàg Dia m' anam an  
 " dorchadas, agus an cruas, no gus am fuadaich bàs  
 " a' fearann nam beo mi ; is ro anamoch dhomh  
 " pilleadh an sin. Cha ghabhar ann sin re h aith-  
 " reachas agus iompacha ; tha fios agam gur eigin  
 " domh iompachadh anis ann an la tairgse nan gràs,  
 " no dol am mugha gu siorruidh."

A dhaoine, is i so m' athchuinge, gun gabhadh sibh cunntas d' ar n anmaibh agus gun ceasnacheadh sibh iad, air an doigh so, gus am faic sibh, ma 's urra dhuibh ; am bheil no nach 'eil sibh iompaichte ; agus mur faod sibh so a rannsachadh amach le 'r dicheall fein, ruigibh ur luchd teagaisg, ma 's daoine fiosrach dileas iad, agus iarraigibh an còmhna. Tha an gnothach so mòr, agus uime sin na bacadh näire, no neo-chùram sibh. Tha ùghdarras aca os ur ceann a thoirt comhairl' oirbh chum slaint' ur n-anma, mar a bheir lèigh comhairl' oirbh chum slaint' ur cuirp. Tha è cuir as de mhiltibh, gun saoil iad bhi air slighe na slaint', an uair nach 'eil iad ach air slighe na h-ea-slainte : agus gun saoil iad gu bheil iad iompaicht' an uair nach 'eil. Agus an sin, an uair a ghlaodhas sinn riu pilleadh gach la, trialladh iad air slighe na h-ea-slainte, mar bu ghnàth leo ; agus saoilidh iad nach buin a chomhairle so dhoibh-se oir tha, iad iompaichte cheana ma 's fior iad fein, agus tha dùil aca gur leoирcheart an t-sligh' air am bheil iad, mar roighnicheas iad an ceum is gloine, agus ma sheachnas iad an ceum is ro shailiche ; an uair nach 'eil iad fad na h-ùine so, ach beo do'n t-saoghal agus do'n fheoil gu truagh, agus ain-eolach air Dia agus air beatha shiorruidh ; agus air seacharan cian o an t-slighe d' an ceann-uighe flaitheas na glòire. Agus tarlaidh mòran deth so uile

do bhrìgh nach faodar impidh a chuir orra cail-eigin d'an aimsir a bhualeachadh a' smuainteachadh gu dùrachdach air an staid, agus 'g a rannsachadh le cùram. Nach iomad truaghan fein-mhealtach a tha 'g am eisdeachd, nach do bhuilich riamh an ùin is luga d' am beatha, a' ceasnachadh an anma, agus a' feuchainn an robh iad da rireadh iompaichte no nach robh? A Dhe thròcairich, is tus' a ghabhas cùram d'an leithid sin do thruaghanaibh nach gabh cùram dhiu fein, agus a theasairgeas o ifrinn, agus a threòraicheas chum neamh an aitim nach dean ach ro-bheagan air an son fein! Nam b' aithne do 'n dream a tha air an t-slighe chum ifrinn, agus buailteach do leir-sgrios, an cunnart anns am bheil iad, philleadh iad gu grad le h-oillt agus le h-uamhann. Ma cheadaicheas sibh do 'n diabhol ur dalladh le h-ain-eolas mu 'r staid, agus a thoirt oirbh gun creid sibh gur lan-cheart ur slighe, bheir so an dòchas is mò dhà gum faod è ur treorachadh gun spàирн chum leir-sgrios gun tearmann. Nam bu leur dhuibh nach 'eil sibh air an t-slighe chum neamh, agus gun teid sibh am mugha gu siorruidh, ma bhàs-aicheas sibh anns an staid anns am bheil sibh, an leigeadh oillt agus eagal leibh cadal aon o'che, no fuireach aon la innse? An deanadh sibh gàire cridheil no sùgradh anns an staid sin? An deanadh? agus gun fhios agaibh nach tilgear sibh air a cheart uair so ann am boilsgin ifrinn! Shaoilinn gun tugadh so oirbh cùl a chuir ri 'r droch cuideachd agus ri 'r mi-bheusaibh gnàthaichte; agus teicheadh chum slighe na naomhachd, agus co'-chomunn nan naomh. Shaoilinn, air chinnt shaoilinn, gu 'n iomaineadh so sibh a ghuidh cridhe nuadh o Dhia, agus comhairle mar chòmhnhadh o 'n dream ag am bheil i r'a sheachnad. Is cinnteach nach bu mhath le aon neach agaibh dol am mugha gu siorruidh. Agus mar nach bu mhath, guidheam oirbh, guidheam rannsaichibh ur n-anmaibh gun dàil, agus na tugaibh fois doibh, gus an leur

dhuibh ur staid ; chum 's ma tha i math gun gabh sibh air ur n aghaidh innte le gàirdeachas : agus ma tha i olc, gu 'n amhairec sibh mu 'r timchioll gu grad ag iarraidh tearmainn mar dhaoin' a chreideas gur eigin doibh pilleadh no bàsachadh. Abraibh a dhaoine, An i ur rùn agus an geall sibh an t-saothair so a bhualeachadh air ur n anmaibh ? An tionnsgain sibh air an fhein-cheasnacha so an uair a thèid sibh chum ur n ionada còmhnuidh ? An an-iartas m' a'chuinge ? is leur d'ar n anmaibh nach h-eadh : uime sin tionsgainibh air ball ris. Air bhith dhuibh fios-rach gur è so leas ur n anma, guidheam oirbh air ghaol an De a tha 'g a iarraidh so oirbh, agus d' an eigin duibh cuntas a thoirt gu goirid, ann an lathair cathair a bhreitheanais, guidheam oirbh na diultaibh m' a'chuinge reusonda ? Air ghaol nan anma sin d an eigin pilleadh no bàsachadh, guidheam oirbh na tuaibh an èara dhomh : ach glacaibh mar obair, ur cor fein a thugssinn ; togaibh ur muinghinn air stèigh shocraich ; biodh fios agaibh am bheil no nach 'eil sibh iompaichte; agus na h-earbaibh ur n anma ri neo-chùram suaimhneach.

Ach faodaidh è bith, gu 'n abair sibh, ma chi sinn gu bheil sinn neo-iompaichte, ciod a ni sinn an sin ? Treoraichidh so mi chum mo dhara teagaisg ; anns am bheil fuasgla na ceiste so, agus gabhaidh mi anis air m' aghaidh d' a ionnsuidh.

## TEAGASG II.

Is è gealla Dhe gum bi daoин' aingidh beo ma phil-leas iad, gu h iomlan neo-chealgach.

Tha 'n Tighearn' an so ag aideachadh gur taitneach leis, gum pilleadh daoин' aingidh agus gum bitheadh iad beo. Tha neamh co-chinnteach do'n duin' iompaichte, 's a tha ifrinn do'n duine neo-iompaichte. Is firinn cho chinnteach, pill agus bi beo, ri pill no

bàsaich. Cha do chuir ni air bith ach a dheagh-rùn athaireil mar fhiachaibh air Dia, Slanui-fhear a sholar, doras na neo-bhasmhoireachd fhosgladh d' ar muin-ghinn, agus cuire thoirt duinn pilleadh le h-aithreach-as, an uair a chuir sinn as duinn fein le peacadh. Shruth so uile gu saor o chaomh-thròcair ar Triath. A dhaoine peacach, cha 'n 'eil aobhar aig neach agaibh dol da thigh, agus a ràdh, gu bheil mi a' teagastg an-dòchais duibh. An gnàth leinn doras na tròcair' a chrannadh oirbh? Och, b'fhearr nach crannadh sibh oirbh fein ò? An gnàth leinn innseadh dhuibh nach dean Dia tròcair oirbh, ged a philleas, agus ged a naomhaichead sibh? Cuin a chualadh sibh riamh fear teagaisg a' cuir a leithid so an cèill? càinidh cuid agaibh luchd teagaisg an t-soisgeil arson bhith g' iarraidh ur coimhead o ifrinn, agus cuiridh sibh as an leth gun do shearmonaich iad ea-dòchas; ach innsibh dhomh, ma 's urra dhuibh c'uin a chualadh sibh riamh duine glic ag ràdh, nach 'eil aobhar dòchais agaibh, ge d' philleadh sibh le h-aithreachas arson peacaidh? Cha 'n fhaod sibh innseadh: oir is è a cheart atharrachadh sin, a tha sinn a' cuir an cèill duibh o'n Tighearna gach là. Agus ge b' è neach a tha athaghinte, agus a dh' fhàs mar chreatuir nuadh le creidimh agus aithreachas teasairgear è gun teagamh; agus is co-fhad a ghabh e uainne impidh an-dòchais a chuir oirbh mu 'n chùis so, 's gu bheil sinn ag ear-alachadh oirbh gun a cuir an teagamh. Is beatha, agus cha bhàs, ceud chuid na teachdaireachd a tha sinn a' cuir an cèill duibh; is è ar barantas-ne tairgse na slainte chinntich, shiorruidh, ghlor-mhoir, a thoirt do gach aon neach agaibh; do'n diol dèirce dhìblidh, dhaibhir, co-mhath 's do'n triath shaibhir àrd-inbhich; do'n dream is meas agaibh, do luchd misg agus mhionn, do luchd sainnt agus braid, seadh, agus do'n dream a ni dimeas agus fanoid air slighe naomh na slainte. Tha iartas againn o'n triath d' an gèill sinn,

maitheanas gach peacaidh a chaidh seachad a chuir 'n ar taigse, ma philleas sibh ach anis, agus ma 's àill leibh beatha; tha iartas againn bhi 'g earalachadh agus ag asluachadh oirbh gabhail ris an taigse so, agus pilleadh a thoirt fios duibh, ciod 'e an t-ul-lacha sin a rinn Criosc duibh, ciod i an tròcair agus an fhoighidinn, agus ciod è 'n càirdeas a tha a' feith-eamh oirbh o Dhia; agus cia sona, cia sonadh air mhodh do-labhairt, a bhitheas sibh gu cinnteach, ma 's àill leibh sonas. Tha againn gu deimhin, teachd-airreachd feirg agus bàis mar an ceadna, seadh dà ghnè feirg agus bàis: ach cha phriomh-ghnothach dhuinne a h-aon diu: is eigin duinn an fhearg agus am bàs, d'an d' fhàg brise lagh nan gniomharra buailteach sibh innseadh dhuibh: ach cha 'n 'eil so, ach a thaisbinedh dhuibh am feum a 'ta agaibh air tròcair, agus d' ar brosnachadh chum meas urramach a bhi agaibh air gràs an Fhir-shaoraidh. Agus cha 'n innis sinn duibh ach an fhirinn amhàin, air an eigin duibh fein eolas a ghabhail: oir co a dh' iarras cungaidh-leighis, aig nach 'eil fios gu bheil è tinn? Cha dean fios ur truaighe, truagh sibh, ach iomainidh è sibh a dh' iarraidh tròcair. Is sibh fein a tharraing am bàs so oirbh. Ata sinne toirt fios duibh air bàs eile mar an ceudna, seadh bàs gun tearmann, agus dòrainn is ro-mhò, d' am bheil an sluagh nach iompaich buailteach. Ach mar is firinn so 's eigin innseadh dhuibh; is i cui'd a' 's deireannaich, agus a 's muladaiche d' ar teachd-airreachd. Air tùs tha sinn ri tròcair a chuir 'n ar taigse, ma philleas sibh: agus is iad an aitim sin amhàin, a gheibh cuire tròcaireach agus nach pill, is eigin duinn a bhagradh le truaigh. Cuiribh ach cùl ri 'r seacharanaibh, air iartas Chriosd, gun tuille moille, fàsaibh mar chreatuire nuadh, thigibh agus pillibh, agus cha bhagrar sibh le feirg mhiltich, no le bàs. Tha mis' an so, an ainm triath na beatha, a'

gealltainn tràcair agus sonais dhuibhs' uil' a tha 'gam eisdeachd, do 'n dream is measa, do 'n peacach is miò, agus is sine 'n ar measg, ma philleas sibh. Tha tràcair ann an Dia, tha mòr-luach anns an lan diola sin a thug Criod do cheartas De air ur son, tha 'n gealla saor, iomlan, agus uile-choitcheann; agus gheibh sibh beatha ma philleas sibh. Ach mar is ionnuinn leibh ur n-anmaibh fein, cuimhrichibh ciod è 'n t-iompachadh, a tha 'n scrioptuir ag iaraidh. Cha 'n è an seann-tigh a leasachadh, ach a leagadh gu làr, agus a thogail as àir, air Criod, an steigh shocrach, nach fàillnich gu bràth. Cha 'n è cailleigin de 'n bheathla fheol-mhoir a leasachadh, ach na h-ana-mianna feol mhor a chuir gu bàs, agus gluasad do rèir comhairl' an Spioraid. Cha 'n è gèill a thoirt do 'n t' saoghal agus do 'n fheoil air mhodha ath-leasaichte, le peacaibh maslach graineil air bith, no le caileigin de Chràbhadh; ach ur Maighisteir, ur n-obair, agus ur crioch a mhùghadh; ur cùl a thionndadh riu, agus gach aon ni a dheanamh chum na beatha nach facadh sibh riamh; sibh fein agus gach ni a tha agaibh a choisrigeadh do Dhia. Is è so an t-atharracha fo 'n eigin duibh dol, ma's àill leibh beatha.

Anis is fianuisean sibh fein, gur sonas agus nach leir-sgrios, air teagastg mòr a shearmonaich mi dhuibh: agus gur è so a cheud chuid de m' theachdaireachd. Gobhaibh sonas agus seachnaibh leir-sgrios, agus cho teid sinn ni 's faide leibh: oir cha chuireamaid an dragh, no an t-eagal is lugha oirbh, le h-ainm an leir-grios mur b' eigin è.

Ach mur àill leibh tearmann, cha 'n 'eil teasairgin agaibh, ach 's eigin gun leir-sgriosar sibh. Oir ni bheil roghainn agaibh eadar tearmann agus leir-sgrios: ach 's eigin duibh bàs no beatha thogail mar roghainn.

Agus cha 'n 'eil sinn amhàin ri beatha chuir 'n ar tairgse; ach ri dearbha thoirt duibh, ciod è an t' ùghdarras a ta agáinn chum so a dheanamh, agus gairm a thoirt duibh a chreidsinn gu bheil rùn Dhe mar tha è 'g a labhairt: gu bheil an gealla fior agus gun ruig è oirbhs' air chumhnanta sonraichte, co math as air daoin' eile, agus nach meanm-mhacus neamh, ach fior-shonas.

Ma chuireas sibh mar cheist oirne ciod è an t' ughdarras leis am bheil sinn a' toirt na tairgse so dhuibh? ann am measg ceud teagasc scriobtuir, tha ar n' ùghdarras leor--shoilleir o 'n bheagan so.

Air tùs, chi sibh ar barandus, ann an stèigh mo theagaisg, agus anns na rannaibh a leanas, agus anns an xviii Esec. co-shoilleir 's is urrainn briathran g'a dhearbhadh. Agus ann an 2 Cor. v. 18.—20. tha agaibh suim ar baranduis; "Tha na h-uile nithe o "Dhia, a rèitich sinne ris fein, trid Iosa Criod, agus "a thug dhuinn fritheala na rèite; eadhon gun robh "Dia ann an Criod, a' rèiteachadh an t-saoghal ris "fein; gun bhi a' meas an cionta dhoibh, agus "dh' earb è ruinne focal na rèite. Uime sin "is teachdairean sinn arson Chriod, mar gun cuire- "adh Dia impidh leinne: tha sinn a' guidheadh "oirbh as uchd Chriod bithibh rèidh ri Dia."— Mar an ceudna, Marc. xvi. 15, 16. "Imichibh air "feadh an domhain uile, agus searmonaichibh an "soisgeul do gach dùil. Ge b' è chreideas agus a "bhaistear, saorar è, ach ge b' è nach creid, dìtear è." Agus Gniomh. xiii. 38. "Uime sin biodh fhios "agaibhse, fheara agus a bhràithre, gur ann tre 'n "duine so tha maitheanas peacaidh air a shearmonacha "dhuibh." Agus chum 's nach saoileadh sibh gun d' thugadh an tairgse so do'n fhine Iudhach amhàin, faicibh Gal. vi. 15. "Ann an Iosa Criod cha 'n 'eil "eifeachd sam bith ann an timchioll-ghearradh, no

“ ann an neo-thimchioll ghearradh, ach ann an cruth-  
“ achadh nuadh.”

Chi sibh anis, gun do sparradh oirne tairgse na  
beatha thoirt duibh uile, agus innseadh dhuibh o Dhia,  
ma philleas sibh gum bi sibh beo.

Is tearuinte dhuibh ar n anma earbsa ris an tairgse  
so ; oir shruth i o ghràdh Dhè, agus choisinn fuil  
luach-mhor Mhic Dhe i : chuir firinn agus dìlseachd  
Dhe mar fhiachaibh air, a ghealla fein a choi-lionadh :  
naisgeadh firinn a gheallaidh so, gu tric le miorbh-  
uilibh : chuireadh luchd teagaisg air feedh an t  
saoghail ga fhoilseachadh : tha baiste agus suipeir an  
Tighearn' orduicht' agus gnàthaichte chum an gealla  
so a thoirt gu follais air taobh Dhe, agus a ghabhail  
air ar taobh-ne : fosglaidh an spiorad an cridh' a  
ghabhail ris an tairgse so, agus tha è fein againn mar  
airlis gun lan-shealbhaich sinn i Mar so is firinn  
gun teagamh gun teasairgir sibh uile, eadar dheagh-  
dhaoin' agus dhroch-dhaoine ; ma bhuanacheas an  
deagh-dhuin' ann am beusaibh fior-ghlan an t-soisgeil,  
agus ma philleas an droch-dhuine, o dhroch-shlighe.

Gu deimhin, ma chreideas sibh gun teasairgir sibh  
gun iompacha, creididh sibh breug : agus nan teagais-  
ginn sin duibh theagaisginn breug : cha 'n è so creid-  
sinn ann an Dia, ach anns an droch-spiorad, agus 'n  
ur n' intinnibh cealgach fein. Tha a ghealla beatha  
fein aig Dia, agus a ghealla beatha fein aig an Diabhol.  
Is è gealla Dhè, “ Pill agus bi beo ;” ach is è gealla  
an diabhoil, “ Bithidh tu beo ge nach pill thu gu  
“ bràth.” Tha briathra Dhe mar dh' innis mi dhuibh,  
“ mur iompaichir sibh agus mur bi sibh mur leanbana,  
“ cha tèid sibh chum rioghachd neamha. Mat. xviii.  
“ 3. Mur aith-ghinear duine cha 'n fhaod è riogh-  
“ achd Dhe fhaicinn. Eoin. iii. 3. Gun naomh-  
“ achd cha 'n fhaic aon neach an Tighearna. Eabh.  
“ xii. 14.” Is è briathar an droch-spioraid : “ Teas-  
“ airgir sibh, agus bithidh sibh lan-cheart, gun ath-

"ghineamhuinn, gun iompachadh agus gun naomh-  
 "acha cha n'eil Dia ach a cuir eagail oirbh, tha è  
 "ma's trócairicne na gun dean è mar a bhagras è;  
 "bithidh è ni & fearr na a ghealla dhuibh." Agus  
 mo thruaighe creididh cuid mhòr de'n t'saoghal  
 focal an diabhoil roimh fhocal De; ceart mar a  
 thainig ar ceud pheacadh agus truaigh chum an t  
 saoghail. Arsa Dia r' ar ceud shinnis, "Ma dh'  
 "itheas sibh básaichidh sibh;" ars' an diabhol, an  
 aghaidh Dhe, "Ge d' ith sibh cha bh'saich sibh;"  
 agus chreid Eubh an deamhan roimh Dhia. Mar so  
 anis ars' an Tighearna, "Pill no básaich;" ach ars'  
 an diabhol, "ge nach pill cha bliasaich, ma dh'iar-  
 "ras sibh trócair o Dhia anns an uair dheireannaich,  
 "agus ma sguireas sibh de'n pheacadh, an uair nach  
 "urra sibh g' a chuir an gnomh." Agus is i so cainnt  
 a chreidear leis an t'saoghal. Och, aingidheachd ard-  
 uanhasach! an droch-spiorad a chreidsinn roimh  
 Dhia!

Agus cha 'n è so cuid is measa; ach their luchd-aingidheachd ri so, gu dia-mhaaslach, creidsinn ann an Dia, agus bhithearbsach as, an uair a chuireas iad è an riochd Shatain, Athair nam breug' o thoiseach; agus an uair a chuireas iad mar fhiachaibh orra fein gur breug focal De, their iad ri so, creideamh ann an Dia, agus earbs' a dheanamh as chum slainte. Ach cia an t' ait anns an dubhairt Dia rianih, gun teasair-gir daoinne gun aith-ghineamhuinn, gun iompachadh, agus gun naomhacha? Dearbhlaibh stind de so o'n scrioptuir, ma's urra dhuibh. Bheir mi ur dubhlan. Oif is i so cainnt an droch-spioraid, agus ge b' è neach a chreideas i, creididh è na deamhain, agus is i so a chionta ris an abhar gu coitcheann peacadh an-dàmadais. Agus an abair sibh ti so, creidimh ann an Dia, agus earbs' a dheanamh as? Tha focal Dè lan fhoghain-teach a thoirt neart agus comh-thurtachd do anmaibh an t'sluagh naomhaichte; ach cha 'n'eil ionradh

air bith air lamha dhaoin' aingidh a neartachadh, no air dochas an tearmainn is lugh' a thoirt do dhuine gun iompacha gun naomhacha.

Ach ma philleas sibh re slighe na tròcair, tha tròcair an Tighearn' agaibh mar aoidheachd ullamh. An sin is teàinte dhuibh ur sonas earbsadh ri Dia le muinghinn agus le dànapas; oir ghabh è ur teasair-ginn air fein, 'n a fhocal. Cha 'n athair caomh è ach d'a chloinn dhileas, cha teàsaig è ach dream a chuireas cùl ris an diabhol, ri sannt anabarrach saoghalt' agus ri h' ana-miannaibh feol-mhor, agus a thig chum a theaghlaich, agus a dh' ionnsuidh co-chomuinn nan naomh, chum bhith mar iochdrana freagarrach d'a Mhac. Ach mur tig iad a'steach is i so an coire fein: oir tha doras na tròcair sior-fhos-gailte do 'n t'sluagh iompaichte, agus cha chrannar gu bràth air duine dhiu è. Cha do chuir è riamh leithid na teachdaireachd so dh'ionnsuidh aon neach agaibh: "Tha è ro an-moch anis: "cha 'n fhosgail, "agus cha toir mi aoidheachd dhuit, seadh ged a tha "thu iompaichte fein." Tha è sior-ullamh a ghabhail ruibh, nam bitheadh sibhs' ach ullamh a philleadh gu cridheil neo-chealgach. Agus foilsichear ionlainneachd na firinn so ni 's soilleire o'n da theagastg a leanas, agus air an aobhar sin, gabhaidh mi air m' aghaidh d' an ionnsuidh, mun dean mi tuille feum, do'n teagastg so.

### TEAGASG III.

Is taitneach le Dia iompachadh agus sonas dhaoine, ach is mi-thaitneach leis am bàs agus an truaighe; is roighniche leis gu'n iompaicheadh agus gum maireadh iad beo, na gun gabhadh iad air an aghaidh agus gum bàsaicheadh iad gu truadh.

Nochdaidh mi dhuibh air tùs cia mar a thuigear an teagastg so; agus a ris soilleirichidh mi dhuibh a chinnt agus fhirinn.

1. Agus air tùs mar a bhuineas do thuigsinn an teagaisg so, thugaibh fainear na nithe so a leanas. Is i an tlachd aon-fhilte ceud gniomh an anam, a leanas am beachd no an t'eo las aon-fhilte, mun coimeas an t' anam nithe r'a chèile. Ach leanaidh gniomh an roighneachaidh, a roimh-chiallaicheas gniomh a choimeis no a cho-shìnadh; agus faodár an dà gniomh so a shineadh a dh' ionnsuidh chuspairean calg-dhireach an aghaidh a chèile, gun chiont' air bith do'n anam.

2. Tha ceuman eagsamhail no neo-ionann anns an toileileachd, no anns an tlachd neo-chealgaich. Is co taitneach leam cuid de nithibh, 's gun dean mi urrad diu, 's is urrainn domh; agus is fior-thoileach leam gun deanadh neach eile cuid de nithe, an uair nach dean mi fein cuideachla leis, do rèir mo neart, do bhrìgh gu bheil iomad aobhar bacaidl agam; ge do ni mi gach aon ni is còir dhomh.

3. Tha toil riaghlaир, mar riaghlaир, foillsichte, ann an déalbh' agus ann an cuir reachd an gniomh: ach is i toil an duine, a chumhachd aon-fhilte, nàdurra, mar Ard-thighearn' a mhaoine fein, agus tha a thoil foillsichte ann am miannachadh nithe taitneach, agus ann an diultadh nithe mi-thaitneach.

4. Is i toil riaghlaир, mar reachd-thabhartair, air tùs, agus gu sonraichte, gun gèillear d'a reachd, agus nach cuirear a phaineachas an gniomh ach air na h-Iochdranaibh nach gèill. Ach tha toil riaghlaир, mar bhreitheamh, a' roimh-chiallachadh gun do choimh-deadh no gun do bhriseadh an reachd: agus air an aobhar sin is i a rùn duais a thoirt duinn, no diogh-altas a dheanamh oirn d'a rèir.

O thug mi dhuibh na h-eadar-dhealacha feumail so, cuiridh mi nis iad ris a ghnothach an laimh, anns na briathraibh a leanas.

1. Tha 'm focal agus an cruthachadh a' teagasg, gur eigin duinn eolas a ghabhail air Dia anns an t'

saoghal so : agus mar sin, do rèir mor-luach nàduir an duine, cuiridh sinn as leth Dhè, maitheas, eolas, gliocas, cumhachd, ag atharrachadh uaidh gach neionlaineachd air bith, agus a' toirt dha ard-iomlaineachd gach buaidh luach-mhor, do bhrigh nach 'eil doigh is fearr againn chum eolas a ghabhail air.

2. Mar an ceudna, leis an scriobtuir, eadar-dhealaichidh sinn gniomharra Dhe, do reir an cuspairean eadar-dhealaichte, ged a tha iad uile mar aon ghniomh, ann am bith na diadhachd.

3. Agus le tuille danadais, an uair a labhras sinn air Criod do bhrigh gu bheil an tuill' aobhair againn o a nàdur mar dhuine.

4. Mar so their sinn, gu bheil toil, tlachd, no spèis aon-fhilt' aig Dia, do gach neach a tha math, air mhodh nàdurra no beusach, do reir gnè agus tomhais am maitheis. Agus mar an ceudna gur taitneach leis iompachadh agus sonas nan uile chreatuirean reusonda, ge nach tachair so gu brath.

5. Tha toil Dhe, mar riaghlaifhear agus mar reachd-thabhartair an t'saoghail, co ghniomhach chum sonais dhaoine, 's gun do thairg è dhoibh Criod agus beatha, mar thiodhlaca saor. Dhealbh è reachd dearmaid peacaidh, do 'n dream nach diult an tiodhlaca so gu neo-urraramach, ach a ghabhas ris, gu deonach. Thug è iartas teann d'a theachdairibh an tiodhlaca so a chuir an tairgs' an t'saoghail uile, agus a ghuidheadh orra gabhail ris gu fàilteach. Rinn è so uile chum sonas dhaoine, mar reachd-thabhartair agus mar bu chòir dha ann an lorg a gheallaidh.

6. Ach gidheadh, is toileach leis mar lagh-thabhartair, gun tèid an dream nach pill am mugha : agus mar bhreitheamh, an uair a thèid la tairgse nan gràs seach, cuiridh è an reachd so an gniomh.

7. Mar so is fior-thoileach le Dia gu 'n iompaich-eadh an dream nach iompaich gu brath, ach cha 'n àill leis a lan-toil uil fhoghaointeach, agus a mhór-

chumhachd a chuir an gniomh, mar Ard-thighearna, d'an iompachadh gun teagamh air bith. Tha comas aig righ, cùl-choimhead a chuir air fear-murt ga chumail o 'n chroicli a thoiltinn dh'a fein: Ach ma bhitheas deagh aobhar aig righ gun an ro-chùram so a ghabhail do luchd-murt, ach fios, agus rabhadh a thoirt da iochdranaibh, agus a ghuidheadh orra gun iad a bhi ciontach ann am murt, tha dùil agam gu 'm faod è a ràdh nach bu mhath leis gun crocht' air son murt iad; oir cha taitneach leis so, ach gum bitheadh iad neo-choireach, agus gum maireadh iad beo. Agus ma ni è tuille arson cuid de dhaoine, air aobhair shon-raicht' eigin, am bheil è mar fhiachaibh air, sin a dheanamh arson an iomlain? Is ceart do 'n Righ a ràdh re uile luchd-murt agus mi-ghniomh a rioghachd, " Cha'n 'eil tlachd air bith agamsa 'n ar bàs, ach bu " roighniche leam gu mor sibh a thoirt gèill do m' " reachd, agus a bhi beo; ach mur gèill sibh, is i mo " bhreith gu 'n fuiling sibh bàs." Is ceart do 'n bhreitheamh a ràdh ri meirleach, no ri fear-murt, " Mo thruaigh a dhuine, cha taitneach leamsa do " bhàs; b' fhearr leam gu mòr gun coimhlideadh tu " an reachd, agus gun teasairgeadh tu t' anam fein; " ach o nach do choimhead thu an lagh, is eigin " domh do dhìeadh gu bàs, oir bu bhreitheamh " claon mi mur deanainn sin." Mar an ceadna, ge nach bheil tlachd air bith aig Dia 'n ar leir-sgrios, agus air an aobhar sin, ged tha è toirt gairm dhuibh pilleadh, agus bhi beo, gidheadh, is taitneach leis a cheartas fein a dhearbhadh agus a reachd a chuir an gniomh, agus air an aobhar sin, is i a rùn suidhichte, mur pill sibh gun teid sibh am mugha. Nam bith-eadh Dia co mhór ann aghaidh bàis dhaoin' aingidh, 's gun cuireadh è a mhór-chumhachd an gniomh d'a bhacadh, an sin cha rachadh dhuine do 'n t-sluagh am mugha. Ach tha Dia co-mhór an aghaidh ur leir-sgrios, 's gu bheil è a' toirt teagaisg agus rabhaidh

dhuibh, agus a' cuir bàis agus beatha fa'r roghainn, agus a' sparradh air a mhinisteiribh earalachadh oirbh, gun sibh fein a chuir am mugha, ach gabhail ri tràcair gu deonach, agus mar so, dh'fhàg è gun leth-sgeul sibh; ach mur iompaich so sibh, gheall è gur i a rùn suidhichte, ur milleadh le leir-sgrìos gun teagamh; agus sparr è oirn a ràdh ruibh 'n a ainm fein, Rann. 8. "A dhuin' aingidh gheibh thu gu deimhin bàs!" Agus is beag nach do mhionnaich Criosd a rìs, agus a rìs, ag ràdh, "Gu deimhin, deimhin, mur bi sibh "iompaichte agus ath-ghinte, cha 'n fhaod sibh dol "a steach do rioghachd neamh gu bràth," Mat. xviii. 3. Eoin. iii. 3. Thugaibh fainear gun dubhaint è, "Cha 'n fhaod sibh." Is bruadar diomhain, dùil a bhi agaibh ris an rioghachd so, gun iompachadh: oir cho sealbhaich daoine neo-iompaichte gu bràth i.

Chi sibh anis seadh an teagaisg so, chi sibh nach 'eil Dia, reachd-thabhartair an t'saoghail gu leir, a' gabhail tlachd air bith ann am bàs dhaoin' aingidh, ach gur roighniche leis gum pilleadh, agus gum mair-eadh iad beo: ge nach i a rùn gidheadh, gum bi beatha, ach aig an dream a philleas; agus mar bhreith-eamh, is taitneach leis ceartas agus foillseachadh a dhiom an aghaidh peacaidh; ge nach taitneach leis Truaigh mar atha i innfein, an truaigh sin a tharraig daoin' aingidh air an anmaibh.

2. Mar a bhuineas do dhearbhadh an teagaisg so, gheibh sibh sin am briatharaibh ath-ghoirid, do bhrìgh mar a shaoileas mi, gur furasd leibh a chreid-sinn cheana.

1. Tha nàdur gràsmhor an Thighearna foillsichte; Ecsod. xxiv. 6. agus xxvi. 6. agus gu tric an ionadaibh eile, a' dearbhadh dhuibh nach 'eil tlachd air bith aige 'n ar bàs.

2. Nam bu taitniche le Dia do bhàs, na t' iom-pachadh agus do bheatha, cha sparradh è ort co tric pilleadh, na fhocal; cha tugadh è dhuit a choilion geal-

ladh air beatha, nam pilleadh tu ; agus cha chuireadh è impidh ort gu pilleadh, le urrad reusoin ; mar a dhearbas an Soisgeul.

3. Tha am barandas a thug Dia do mhinisteiribh an t' soisgeil a' lan-dearbhadh an teagaisg so. Nam bu taitniche le Dia do leir-sgrios, na t' iompachadh agus do shonas, cho sparradh è riamh oirnè tròcair a thraigse dhuit ; an t' slighe chum na beatha shiorruidh, a theagast dhuit, gu diomhair agus gu folla-sach ; a ghuidheadh agus a ghriosadh ort pilleadh agus bhith beo ; fios gràineileachd agus cunnairt peacaidh a thoirt duit ; urrad 's atha 'n ar comas a dheanamh chum t' iompochaidh ; agus huanachadh le foighid anns an obair so, ged a bheireadh tu fuath agus mi-ghnàthacha dhuinn arson ar saothair. An deanadh Dia so air ur son, agus am foillsicheadh è dhuibh a reachd chum ur leas, nam bitheadh tlachd aige 'n ur bàs, agus leir-sgrios ?

4. Mar an ceudna, tha so soilleir o riaghait ghnàth-achite freasdail an Tighearna. Nam bu roighniche le Dia ur leir-sgrios agus ur dòrainn, na ur n-iompachadh, agus ur tearmann, cha cho-shìneadh a ghniomh-arra r'a ghealla ; cha tàlai'eadh è ris fein sibh le caomhalachd gach là ; cha n altramadh è sibh le nithibh maith na beatha so, na meadhona sin d' ar treorachadh chum aithreachais, Romh. ii. 4. cha leagadh è 'n t' slat-smachdachaidh oirbh co-tric, a chuir ciall annaibh, agus a thoirt mothacha cunnairt duibh ; cha tugadh è dhuibh coilion eisampleir, agus cha ghiulaineadh è leibh co-fhoighidneach, 's a rinn è o là gu là agus o bhliadhna gu bliadhna. Cha chomh-arra so gu bheil tlachd aige 'n ar bàs ; oir nam bu taitneach leis ur dòrainn, nach b' fhurasda a dha ur n iomain chum ifrinn o chionn fhada ? Nach faodadh è gu tric roimhe so, ur spònadh a fearann nam beo, am boilsgin ur peacaidh, ur n ain-eolais, ur n-uaill, agus ur n-ana-mianna, an uair bu mhallachadh, mionnan

eithich, no breug bu chainnt duibh ; an uair a bha sibh gun chèill le misg, no a' deanamh gàire fanoid mu naomh-reachd Dhe ? Nach b' fhurasda dha stad a chuir air ur n anail, ur claoïdh le plàigh, anns an t' saoghal so, agus ur lan-cheansachadh le dòrainn arns an t' saoghal eile ? An spàирн leis an uile-chumhachdach an teangadh is mo ana cainnt agus mi-naomhachd a riaghlaidh ; glas-lamh a chuir air luchd dian-ruagaidh is mò mi-rùn ; buaireas nan eas-cairdean is fuileachd-aiche rùn, a chiuineachadh ; agus a dhearbhadh dhoibh gur cnuimhibh diblidh so-chlaoidh iad ? Nan amh-airceadh è oirbh ach le gruaim, thuiteadh sibh bonn os ceann, anns an uaigh. Nan tugadh è barandas do aon d'a ainglibh, dol a chasgradh deich mìle peacach, nach grad a rachadh an t'iartas an gniomh ? Nach furasda dha ur leagail air leabaidh na h-ea-slainte, gus am bi sibh ag èigheach le claoïdh ? an deacair dha a thoirt oirbh gu 'n ith sibh an ana-cainnt a thug sibh da luchd-muintir, da fhocal, da aoradh, agus da shlighe naomha ? an cruaidh air a thoirt oirbh cuir a shireadh còmhnnadh eadar-ghuidhe na h-aitim air an d' rinn sibh diineas an-dàna ? Nach fhurasda dha t' fheoil uaibhreach a chlaoidh le saigheadaibh agus le h-osnaibh, gus am bi i gràineil mar shalchar na talmhainn, agus mar ionad còmhnuidh neo-iomchuidh do t' anam ? an fheoil sin is eigin duit anis a dhiol leis na nithibh is fearr a chòrdas ria, agus nach suail duit a mi-thoileachadh. An fheoil sin is eigin duit a riarachadh le biadh, le deoch, agus le h-aodach, ge b' è ni a their Dia an aghaidh so ; cia grad a chuireadh gruaim an uile-chumhachdaich as di ? 'N uair a bha thu a' tagradh cùis do pheacaidh gu dian ; a' conn-sachadh ris an dream leis am b' àill do tharraing uaidhe ; a' taisbineadh t' an-iocld ann aghaidh do luchd-achlinhasain, agus a' gabhail leith-sgeil obair an dorchadais ; nach b' fhurasda do Dhia t' fhuadachadh leis, agus do chuir ann an lathair a Mhòrachd uabh-

asaich ; anns am faiceadh tu deich mìle de mhìltibh aingeal glormhor a' feitheamh air cathair a bhreith-eanais ; agus am breitheamh a' toirt gairm dhuit, do chùis a thagradh, agus a cheist so a fhreagradh, " Ciod " è anis ata agadsa r'a ràdh an aghaidh do chruthaifhir ; an aghaidh flirinn ; an aghaidh a luchd-muintir ; agus an aghaidh a naomh-reachd ; l'agair " anis do chùis mar is fearr is urrainn duit. Cia mar " a ghabhas tu leith-sgeul do pheacaidh ? freagair air " son do shaoghaltachd anabarraich ; do bheatha fheolmhoir ; t aimsir agus gach tròcair a mhi-bhuilich thu." Och, nach leaghadh do chridhe cruaidh ; nach ilslicheadh do shealla borb ; nach uainicheadh do ghìnìs le h-uamhann ; nach iom-paicheadh do bhriathra maslach gu tosd, no gu sgreadail ghairisneach ; nan cuireadh Dia mar sin thu an làthair cathair a bhreitheanais, agus nan tagradh è riut a chùis fein, a chùis sin a dhìt thusa co mhi-runach air thalamh ? mar bu rèidh do Dhia a ràdh ri t' anam ciontach, " Imich, na bi tuille anns an fheoil sin gu la na h ais-èirigh," am faodadh tu cuir an aghaidh so ? sgaoilidh focal a chuinhachd co'-cheangal t' anma agus do chuirp, agus an sin bithidh gach cumhachd chorpor'a ta agad gun eifeachd, agus gach ball gun mothacha. Nan abradh Dia riut, " Na bi beo ni 's faide ; no, triall chum ifrinn ;" Am faodadh tu gun ghèill a thoirt da ?

Ach cha d'rinn Dia so ; ach chaomhuinn è beo thu gu foighidneach ; chum è suas thu gu tròcaireach ; fhuair thu uaidh' an anail leis an d' thug thu ana-cainnt dha ; gach tiodhlac a thug thu mar iobairt do'n fheoil ; gach tiodhlac leis an do shàsaich thu do shlugan ciocrach ; agus gach uair de 'n aimsir sin a mhi-bhuilich thu air diomhanas, misg agus an-saoghaltachd : agus nach 'eil an fhoighid agus an tròcair so gu leir, a' dearbhadh dhuit nach taitneach le Dia do leir-sgrios ? Am faod lòchrann lasadh gun ola ? an

seas do thigh gun an talamh ga ghiulan? cha mhò na sin a sheasas tusa aon uair ann am fearann nam beo gun chòmhna Dhè. Ciod uime chum è co fhada beo thu, ach a chum 's gun smuainticheadh tu air am-maideachd do shlighe, agus gu 'n iompaicheadh tu chum bhi beo gu sona siorruidh? An cuir neach air bith arm gu deonach ann an laimh a nàmhaid a chuir cath air fein? no 'n cum duine glic solas ri fear-murt a chosgras a chlann; no ri fear-tuarasdail chum 's gum bu leur dha aimsir a mhi-bhuileachadh le sùgra no le diomhanas? Is ni cinnteach gun do ghiulain Dia leatsa co fhada, chum 's gum pilleadh tu agus gum bitheadh tu beo.

5. Os-barr, tha bàs Mhic Dhe a' dearbhadh, nach taitneach le Dia bàs dhaoin' aingidh. An saoradh è o bhàs iad le luach co daor? An cuireadh è iongantas co-mhor air aingle, agus air daoine, le aontacha ro ghràsmhor? An tigeadh Dia an riochd seirbhisich a ghabhail còmhnuidh ann am feoil, agus an gabhadh è irisleachd ann an aon phearsa leis an Diadhachd? Am fuilingeadh Criod urrad dholais 'n a bheatha, agus an rachadh è fo bhàs mallaichte, arson luchd peacaidh; nam bu taitniche leis am bàs na am beatha? Nam faiceadh sibh è gu dùrachdach a' teaghasg slighe na beatha, agus a' leigheas creuchdan luchd ea-slainte, Marc. iii. 23. Nam faiceadh sibh è an-fhad ann an trosga, Mat. iv. Nam faiceadh sibh è fad oïche re h-ùrnaigh, Luc. vi. 12. Nam faiceadh sibh è fo dhrùchd fallais fhola, le spàирn ùrnaigh, Luc. xxii. 24. Agus nam faiceadh sibh fluil neo chiontach a' smùidrich air a chroich, agus è a' dortadh amach anna mar iobairt arson ar peacaidh. Nam faiceadh sibh so uile, an saoileadh sibh gum bu taitneach le Criod bàs siorruidh dhaoin' aingidh?

Na smuaintichibh mor-luach a bhàis a lughdachadh, le ràdh, gun do bhàsaich è arson dhaoine taght' amhàin. Oir is e do pheacadhs' agus peacadh an t'

saoghail gu leir an t' uallach a bha air ur Fear-saoraidh ; agus thug è lan-dioladh ann' uile, leis an iobairt a thug è do cheartas De air an son ; agus thairgeadh tairbhe na h-iobairt so do gach duine fa leth de 'n t' sluagh ; ach is fior, nach b' i rùn Chriosd riamh maitheanas agus tearmann a dheonachadh do'n dream nach pill le creideamh agus le h-aithreachas. Nam faiceadh agus nan cluinneadh sibh è, a' caoidh agus ag osnaich arson staid an t' sluaigh eas-umhail gun aithreachas, Luc. xix. 41. 42. No a' gearan air an easurram, Mat. xxiii. 37. " A Ierusalem, a Ierusalem, " cia tric a b' àill leam do chlann a chruinneachadh, " mar a chruinnicheas cearc a h àlach fo a sgiathraig, " agus cha b' àill leibh so ?" No nam faiceadh agus nan cluinneadh sibh è air a chrann-cheusaidh, ag eadar-ghuidheadh arson a luchd dian-ruagaidh, " Athair " thoir maitheanas dhoibh, oir cha 'n 'eil fios aca ciod " atha iad a' deanamh." Nan cluinneadh sibh so, an cuireadh sibh an umhail da gun robh tlachd aige ann am bàs dhaoin' aingidh ; seadh ann am bàs na h-aitim sin fein a chaidh am mugha le mi-chreideamh toileil ? " An uair a ghràdhach Dia an saoghal co " mhor, 's gun d' thug è aon-ghin Mhic fein, chum " 's ge b' è neach a chreideadh ann, nach rachadh è " am mugha, ach gum faigheadh è beatha shiorruidh :" shaoilinn gun do dhearbh è air an dòigh so, an aghaidh mi-ruin dhaoin' agus dhiabhla, nach 'eil tlachd air bith aig' ann am bàs dhaoin' aingidh, ach gur roigh-niche leis gum pilleadh iad agus gum bitheadh iad beo gu sona siorruidh.

6. Fa dheoidh, mur creid sibh so uile, agus mur toilich è sibh, creidibh focal Chriosd fein ; oir is aithne dha a rùn fein, ni 's fearr na 's aithne dhuinn i. No air a chuid is lugha crcidibh a mhionnan : ach treor-aichidh so mi chum a cheathraimh teagaisg.

## TEAGASG IV.

DHAINGHNICH an Tighearna dhuinn le Mhionnaibh, nach 'eil tlachd air bith aige ann am bàs dhaoin' aingidh, ach gur roighniche leis gum pilleadh iad agus gum bitheadh iad beo; chum 's nach biodh aobhar aig duine de 'n t' sluagh an fhirinn so a chuir an teagamh.

Ma chuireas sibh focal an Tighearna ann an teagamh gu h-an-dàna, tha dùil agam nach cuir sibh cunnail an-dàn' air a mhionnaibh. Mar a mhionnaich Criod gu follaiseach, nach faod an dream nach 'eil ath-ghinte agus iompaichte dol chum rioghachd neamha gu bràth. Mat. xviii. 3. Eoin. iii. 3. Mar an ceudna, mhionnaich Dia nach taitneach leis bàs luchd-aingidheachd, ach an iompaichadh agus am beatha: agus *ars'* an t' Abstol, Eabh. vi. 13—18. "Do bhrìgh " nach faod Dia mionnachadh air neach is mò na è " fein, mhionnaich è air fein, &c. Mionnaichidh " daoine gu deimhin, air neach is mò na iad fein, " agus is è am mionna-daighneachaидh crioch gach " coimsachaidh. Air bhith do Dhia deonach, neo- " chaochlaindheachd a chomhairl' a thaisbinedh do " dh' oighreachaibh a gheallaidh, dhaighnich è le " mionnaibh è Chum is trid dà ni neo-chaochladh- " ach anns nach faod Dia breug a dheanamh, gum " bi co'-fhurtachd laidir againn, a theich chum didein " gu greim a dheanamh air an dòchas a chuireadh " romhainn, agus a tha againn mar acair għramail " chinntich an anma." Ma tha duin 'air bith de 'n t' sluagh nach urrainn so a reiteachadh ri teagasg roi-òrduchaidh, no fior-dhite dhaoin' aingidh, is i so coire ain-eolais fein; cha 'n 'eil aobhar air bith aige an fhirinn so àicheadh no a chuir an teagamh: oir dhaighnicheadh i le mionn Dhe, agus air an aobhar sin cha 'n fhaodar a lùbadh a cho-shìneadh ri bar-

ailibh mearachdach, ach barailean neo-chinn teach a lùbadh da h-ionnsuidh, agus is eigin a chreidsinn gu bheil firinne àraig a' co-fhreagradh dhi, ge nach urrainn ar n-anma criochnaicht'-ne an co'-rèit' a thuig-sinn ach gu gann.

## FEUM.

GUIDHEAM ort, ma 's peacach neo-iompaichte thu, smuaintich re tamaill bhig air na teagaisg sin a chualadh tu, agus smuaintich co leis an taitneach do pheacadh, agus do dhòrainn? Is cinnteach nach taitneach le Dia iad: oir mhionnaich è mar is beo è nach 'eil tlachd air bith aig' annta. Agus is deimhin leam nach bi do rùn Dia a thoileachadh le peacadh. An abair thu gu h-an-dàna, gun d' òl, gun do mhionnaich, gun do dhearmaid thu dleasnas naomha, agus gun do mhùch thu comhairl' an spioraid a thoileachadh Dhe? Mar gun tugadh tu anacainnt do'n righ, eas-umhlachd d'a reachd, agus ionnsuidh mhillteach air fein; agus gu 'n abradh tu, rinn mi so uile g'a thoileachadh.

Co eile leis an taitneach do pheacadh agus do bhàs? Cha taitneach le dream air bith air am bheil dreach na diadhachd, oir is eigin gur ionann inntinn dhoibhsan agus do Dia fein. Tha fios aig Dia, gur initlachd le d' luchd teagaisg dileas, amharc ort a' toirt gèill do d' nàmhuid millteach, gu h-ei-cèillidh a' cuir do shonais shiorruidh an cunnart, agus ged' thilgeadh fein ann an lasair ifrinn. Is aobhar bròin leo bhi 'g amharc air an dòrainn a rinneadh air t' anam, le h-ain-eolas, cruas-cridhe, an-toileileachd, leisg agus neo-chùram, mu thriall trid an t'saoghail so air slighe na beatha agus na sìth; is aithne dhoibh, gur comharr a bàis, agus feirg Dhe iad sin; is aithne dhoibh o fhocal De ciod is cosmhuil a bhi na chrìch dhoibh: agus air an aobhar sin, cha taitniche leo iad, na le lèigh tiom-chridheach neasgaide plàigh fhaicinn air

daoine tinn a tha fo laimh. Is truagh a bhi leirsinn ur dòrainn shiorruidh roimh-laimh, agus gun seol againn air gabhail roimpe! Bhi faicinn cia dluth sibh air ifrinne, agus gun seol againn a thoirt oirbh sin a chreidsinn, agus a thoirt fainear! bhi leirsinn gum b' fhurusda dhuibh tearnadh, gu cinnteach, nam b' aithne dhuinn ach ur deanamh toileach, a ghnàthachadh nam meadhòna! cia dlùth sibh do shionas bith-bhuan, nam pilleadh sibh, gu cùramach, saothair-eachail, agus le uile dhicheall ur beatha! ach cha phill sibh. Ge do chuireamaid ar n anma ann geall, cha 'n urra sinn impidh a chuir oirbh so a dheanamh. Tha sinn a' dealbh gach o'ch agus là, ciod a theagaisgeas sinn duibh a chuir impidh oirbh, ach chàill sinn ar saothair. Tha sinn a' dearbhiadh dhuibh o fhocal Dè, nach teasaírgir sibh mur pill sibh; ach is eigin duinn cuid mhór agaibh fhàgail neo-iompaichte mar a fhuair sinn sibh. Tha dùil againn gun creid sibh focal Dè, ge nach creid sibh sinne, agus gun toir sibh fainear è, an uair a chi sibh sgrìobht' è; ach is diamhain ar dùil, agus is diamhain ar saothair mu atharracha slainteal ar n anmaibh. Agus an saoil sibh gur tait-neach leinne so? is tric bu mhaith leinn cruas ar cridh' a ghearan ri Dia, ann an ùrnaigh dhiomhair le dubhachas anma, ag ràdh, "Och a Thighearna, labh-  
 " air sinn riu ann a t' ainm, ach is beag a thug iad  
 " fainear sinn; dh'innis sinn doibh na dh'iarr thu oirn  
 " mu chunnart an staid neo-iompaichte, ach cha do  
 " chreid iad sinn; dh'innis sinn doibh gun do mhion-  
 " naich thu nach 'eil sìth do'n duin' aingidh; ach 's  
 " gann a chreideas an dream a 's measa dhiu gu bheil  
 " iad aingidh; thaisbein sinn doibh t' fhocal, anns an  
 " dubhaint thu, ma chaitheas iad am beatha do rèir  
 " na feola gum bàsaich iad; Roimh, viii. 13. ach is  
 " cainnt doibh gun creid iad thu, ge nach creid; agus  
 " gu'n earb iad asad, an uair nach creid iad smid de  
 " t' fhocal, an dùil gu bheil do bhagra breugach;

" agus their iad gur dòchas diadhaidh so ; agus ged a  
 " nochdas sinn doibh an t' àit anns an dubhairt thu,  
 " gum bàsaich uile dhòchas an duin' aingidh, an uair  
 " a bhàsaicheas e fein ; gidheadh cha 'n urra sinn an  
 " iompachadh o'n dòchas mealltach ; Gnath. xi. 7.  
 " Dh' innis sinn doibh, cia screataidh mi-tharbhach  
 " am peacadh, ach 's ionmhuinn leo è ; agus uime  
 " sin cha trèig iad è. Thoirmisg sinn doibh gun an  
 " sonas siorruidh a chuir gu dàna an gealt sòlais  
 " dhiom-buain pheacaich, d' an crioch dòrainn bhith-  
 " bhuan ; agus sheun, agus choisrig iad iad fein, agus  
 " cha d' thug iad fainear ar toirmreasg ; ach ni iad mar  
 " a ni am mor-shluagh peacach ; do bhrìgh gu bhùil  
 " Dia tròcaireach, cha chreid iad a bhagradh, ach  
 " cuiridh iad an anam an cunnart, ciod air bith a  
 " thàrlas. Dh' innis sinn doibh gu bheil Dia deon-  
 " ach gabhail riu ma philleas iad ; agus cha d' thug so  
 " orra ach dàil a chuir ann an aithreachas, agus peac-  
 " achadh le tuille dànanadais. Is cainnt do chuid diu  
 " gu bheil aithreachas ann an rùn an anma, ach tha  
 " iad do ghnàth air aon doigh ; *arsa* cuid eile dhiu,  
 " ghabh sinne aithreachas cheana ; gidheadh tha iad  
 " neo-iompaicht' o'm peacaibh. Ghuidh agus ghrìos  
 " sinn orra pilleadh, agus thairg sinn cuipeachadh leo,  
 " ach cha b' urra sinn impidh a chuir orra ; ach an  
 " dream a bha misgeach tha iad misgeach ; an dream  
 " a bha àilgheasach feol-mhor, tha iad àilgheasach  
 " feol-mhor ; an dream a bha an-saoghalta, tha iad  
 " an-saoghalta ; agus an dream a bha ain-eolach,  
 " borb, agus fein-speiseil, tha iad mar sin, gun athar-  
 " racha. Is tearc iad a chi agus a dh'aidecheas an  
 " peacadh ; agus is teirce iad a thrèigeas è, ach is  
 " aobhar misnich leo, gu bheil na h-uile dhaoine  
 " peacach ; mar nach biodh peacach iompaichte agus  
 " peacach neo-ionpaichte eadar-dhealaichte. Cha tig  
 " cuid diu am fogasg dhuinn, ged a bhios sinn toileach  
 " an teagasg, ach saoilidh iad gu bheil iad fein lan-

" fhoghlumta cheana, gun fheum air tuille. Eisdidh  
 " cuid eile ruinn, ach ni iad an an-toil fein. Tha  
 " cuid mhor dhiu mar dhaoine marbh gun mhoth-  
 " acha ; cha 'n urrainn duinn a thoirt air teagastg an  
 " t' sonais shiorruidh gun drùigh smid dheth air an  
 " anmaibh, no gum faicear a dhreach air an giulan.  
 " Mur gèill sinn doibh, mur freàgair sin an an-iartas,  
 " mur baisd sinn clann dhaoin' aingidh ro dho-lùbaidh,  
 " mur toir sinn doibh suipeir an Tighearna, agus mur  
 " dean sinn gach aon ni is àill leo, seadh ann an  
 " aghaidh focail De, bheir iad fuath agus anacainnt  
 " duinn ; ach ma ghuidheas sinn orra am peacadh  
 " aideachadh, agus a thrèigsinn, agus an anmaibh a  
 " theasairginn ; cha dean iad sin. Dh' innis sinn  
 " doibh, ma philleas iad, nach diult sinn baiste d'an  
 " cloinn, no suipeir an Tighearna dhoibh fein ; ach  
 " cha 'n èisd iad riunn : b' àill leo gun tugamaid eas-  
 " umhlachd do Dhia, agus gun leir-sgriosamaid ar 'n  
 " anma fein air an iartas-san ; gidheadh cha phill agus  
 " cha teasairg iad an anma fein air iartas De. Is glice  
 " iad 'n an sùilibh fein no an luchd teagaig uile ; tha  
 " iad air mhire le buaireas agus ro-earbsach as an  
 " slighe fein ; ged a chuireamaid ar n anma an geall,  
 " cha b' urra sinn an atharrachadh. A Thighearna,  
 " is i so staid ar treuda truagh, agus cha 'n urra  
 " dhuinn a leasachadh; chi sinn iad an cunnart tuiteam  
 " an ifrinna na dòrainn, agus cha 'n urra dhuinn am  
 " bacadh : tha fios againn ma philleas iad gu neo-  
 " chealgach, gun teasairgir iad ; ach cha 'n urra dhuinn  
 " an impidh sin a chuir orra ; ge do ghuidheamaid orra  
 " air ar glùnaibh, pilleadb, cha drùigh ar n impidh  
 " orra, ge do ghrìosamaid so orra le deuraibh, chaill  
 " sinn ar saothair : agus am bheil tuille 'n ar comas ?"

Is è so an gearan dionhair, is eigin d'ar luchd  
 teagaig a dheananmh le h-osnaibh mhuladach, agus  
 an saoil sibh gur taitneach leo aobhar an gearain ?  
 An taitneach leo ar trialls' ann an slighe peacaidh

chum ifrinn agus dòrainn, agus gun seol' air ur baca? bhi ag' amharc oirbh ann am meadhon truaigh' gun chomas aca thoirt mothacha dhuibh air ur cunnart? bhi ag' amharc oirbh ri sùgradh, agus gun fhios agaibh am bheil uair eadar sibh agus ifrinn? bhi smuainteachadh ciod is eigin duibh fhlàng gu siorruidh, do bhrigh nach do phill sibh ann an la tairgse nan gràs? agus bhi smuainteachadh ciod a bheatha shiorruidh ghlormhor a thilg sibh uaibh, le dimeas toileil; an urra dhuibh a dhealbh ni air bith a chuireas tuille campair air luchd teagaisg na so?

Co nis ata sibh a' toileachadh le 'r peacadh agus le 'r bàs? cha taitneach le 'r deagh chairdibh tuigseach è. Och, is campar inntinn leo bhi 'g amharc air ur truaigh; is tric a ghuileas iad air ur son, an uair nach toir sibh dhoibh ach ro bheagan buidheachais, agus an uair nach 'eil mothachadh agaibh a chaoi dh ur staid fein.

Co nis leis an taitneach ur peaca! Co ach tri naimhde mor an Tighearna Dia; na naimhdean sin a thrèig sibh 'n ar baiste, agus ris an do phill sibh anis, a thoirt lan-ghèill doibh.

1. Is deimhin gur taitneach leis an diabhol ur peacadh agus ur bàs: oir is i so fior-chrioch uile bhuairidh, agus fhurachrais oirbh gach oïch agus là. Cha 'n urra dhuibh a dhealbh ni a's taitniche leis an droch-spiorad na sior-ghiulan peacach. Nach ait leis 'n uair a chi è sibh a' dol chum tigh na misge, no peacaидh eile? am bheil ceol a's binne leis na bhi 'g èisdeachd do mhionnachaidh, do mhallaichaidh, agus t' anacainnt? Cia taitneach leis bhi 'g èisdeachd riut, a' toirt anacainnt do t' flear teagaisg, leis an àill do philleadh o shlighe peacaidh a threoraicheas chum ifrinn, agus do sduireadh air slighe an t' soisgeil chum fhlaithis na glòire? 'S iad sin sòlas an diabhoil!

2. Is sòlas le luchd-aingidheachd do pheacadh agus do thruaigh; oir is ionmhuinn leis gach neach a chos-las.

3. Ach gidheadh, tha fios agam nach è do rùn an diabhol a thoileachadh; seadh an uair a thoilicheas tu è: ach is è do rùn t' fheoil fein, an namhuid is mò agus is cunnartaich' a tha agad, a thoileachadh. Is taitneach leis an fheoil a diol de bhiadh, de dheoch, agus de thrusgan, ga deanamh tlachdmhor an cuid-eachd, agus creideasach àluinn an sùilibh an t'saoghal. Is taitneach leis an fheoil sùgradh, ana-miann, agus diomhanas; so am poll anns am bàthar daoin' aingidh nach iompaich; agus an Dia d'an gèill iad; oir is è am bolg an Dia. Phil. iii. 18.

Ach guidheam oirbhfanainb tamall beag agus smuain-tichibh air na nithe so.

### CEIST I.

An còir dhuibh ur feoil a thoileachadh roi 'r Cruthai-fhear? am mi-thoilich sibh an Tighearna, ur luchd teagaisg, ur càirdean diadhaidh, agus gach duine, chum ur n-ana-miannaibh brùideil a thoileachadh? Am fiu leibh Dia a riaghlaigh ur feola? mur riaghlaich è i, na biodh dùil agaibh gun teasairg è i.

### CEIST II.

Is taitneach le 'r feoil peacadh: ach an taitneach le 'r coguis è? Nach 'eil i gearan air ur staid, agus gu tric ag innseadh dhuibh, nach 'eil sibh co tearuint' s a shaoileas sibh? agus nach còir dhuibh ur n anmaibh agus ar coguisibh a thoileachadh roi 'r feoil?

### CEIST III.

Ach nach solair ur feoil a sòlas fein? is ionmhuinn leis a chorp am biadh, ach an ionmhuinn leis an dubhan? Is ionmhuinn leis deoch laidir, greim blasda, socair, cluich, agus sùgradh; is ionmhuinn

leis saibhreas, deagh alladh, agus àrd-inbh shaoghalta ; ach an ionmhuinn leis mallachd Dhe ? an ionmhuinn leis seasamh le geilt-chrith 'an lathair cathair a bhreitheanais, gus an toirear breith a thilgeil anns an teine shiorruidh ? An ionmhuinn leis bhi air a chlaoidh leis na deamhuin gu bràth ? Gabhaibh iad so uile le chèile ; oir cha sgarar ifrinn o pheacadh, ach le fior-chreidimh agus iompachadh amliàin ; ma choimheadas sibh ur peacadh, is leibh ifrinn gu cinnteach. Ma 's sòlas leibh bàs agus ifrinn, cha 'n iongantach ged a thriallas sibh ann an slighe peacaidh : ach mur sòlas leibh iad, mar is cìnnteach leam nach h-eadh, cia taitneach air bith am peacadh, an diong è call an t' sonais shiorruidh ? Am bheil biadh, no deoch, no socair ; am bheil deagh alladh o pheacach-aibh, no saibhreas saoghalta ni 's luach-mhoire na sòlas neamhaidh ? no an diong iad claoiùd an teine shiorruidh ? A dhaoine ! nach còir do gach neach aig am bheil-reuson a chreidsinn gu bheil anam aige r'a chall no r'a chosnad, smuainteachadh air na ceistean so, mun tèid è ni 's faide ?

Seadh anis, mhionnaich an Tighearna ann so, nach sòlas leis ur bàs, ach gur roghnaiche leis gum pilleadh agus gum bitheadh sibh beo. Gidheadh, ma thriallas sibh chum bàis, mar roghainn air pilleadh ; cuimh-nichibh nach ann a thoileachadh Dhe, ach g' ar toileachadh fein agus an t' saoghail, a rinn sibh sin. Ach ma chuireas sibh am inuga sibh fein, g' ar toileachadh fein, agus ma ruidheas sibh chum claoiùd shiorruidh ag iarraidh sòlais, agus mur 'eil de chéill, de chridhe, no de ghràs agaibh, eisdeachd ri Dia, no ri daoinibh leis an àill ur pilleadh ; na biodh dùil agaibh ri tearmann, ach mealaibh duais ur droch-thoilteanais, agus gabhaibh aithreachas air mhodh eile, an uair a bhios è ro anamoch.

Mun gabh mi ni 's faid' air m' aghaidh chum tuille feum a dheanamh de na nithibh sin a chualadh sibh,

thugamaid fainear an teagasg a 's faigse ; agus bheir sin tuille cothrom dhuinn.

### TEAGASG V.

THA Dia co dùrachdach mu iompacha dhaoin' aingidh, 's gun d' àithn agus gun d' earalaich è gu dian, *Pillibh, pillibh, ciod uim' a bhàsaicheas sibh?*

'Tha an teagasg so ag earalachadh oirbh, feum iomchuidh a dheanamh de 'n teagasg a chualadh sibh fa dheire, agus laimhsichear è do rèir sin. Am bheil peacach neo-iompaichte air bith, a' cluinntinn briathra dùrachdach so an Tighearna 'Dia? Am bheil fear no bean anns a choimh-thional so nis, a tha ain-eolach air obair an Spioraid naoimh' a nuadhaicheas agus a naomhaicheas? (is coimh-thional sonadh è, mur 'eil cuid mhòr dheth neo-iompaichte!) Cluinnibh guth ur Cruthai-fhir, agus pillibh ris trid Chriosd gun dàil. An àill leibh eolas air toil De! Is i so a thoil gum pill sibh air ball. An cuir an Dia beo teachdaireachd cho dùrachdach chum a chreatuirean ; agus nach còir dhoibh gèill a thoirt di? Cluinnibhs' uile a tha beo do 'n fheoil ; chuir an Tighearn' a thug dhuibh ur bith agus ur beatha, teachdaireachd o neamh d' ar n-ionnsuidh ; agus is i so a theachdaireachd, *Pillibh, pillibh, ciod uim' a bhàsaicheas sibh?* An ti ag a bheil cluasa chum èisdeachd èisdeadh è. An deanar dìmeas air guth na mòrachd shiorruidh? Ma labhras è le guth na tairneanaich uabhasaich, tha geilt-chrith oirbh. Ach is còir dhuibh tuille suim a ghabhail de ghuth so a theachdaireachd. Nan innseadh è dhuibh gum bàsaich sibh am maireach, an cuireadh sibh so an neo-brigh? ach is àithne agus earail an teachdaireachd so, anns a' bheil do bhàs no do bheatha shiorruidh. Mar gu 'n abradh è ris gach duine fa leth, " Sparram ort, air sgàth na h-umhlachd mhionnaicht" " a dhligheas tu dhomhsa do Chruthai-fhear agus t'

"fhear-saoraidh, sparram ort, cùl a chuir ris an diabhol, ris an t' saoghal, agus ris an fheoil, agus pilleadh riunisa, chum 's gum bi thu beo gu tearuinte. Aontaicheam a ghuidheadh ort, ma tha gràdh agad air an Dia a chruthaich thu, no eagal ort roimhe; ma tha gràdh agad air t' anam fein, agus air beatha, seadh beatha shiorruidh, pill agus bi beo; mar a b' àill leat tearnádh o dhòrainn bhith-*bhuan*," *Pill, pill, ciod uim' a bhàsaicheas tu?* Am bheil cridh' ann an duine, ann an creatuir reusont', is urrainn an cuireadh, an t'iartas, agus an earail dhùrachdach so a dhiultadh? ma tha, nach gàbhaidh cruaidh è!

Eisdibhs' uile leis an ionmhuinn sibh fein agus ur sonas: so an teachdaireachd is mò sòlas a thainig riamh chum cluasaibh dhaoine, *Pillibh, pillibh, ciod uim' a bàsaicheas sibh?* cha do għlasadh fo an-dòchas sibh. So tròcair 'n ar tairgse; pillibh agus gheibh sibh i. A dhaoine, cia mòr an gairdeachas anma leis an còir dhuibh gabhail ris an teachdaireachd so! Tha fios agam nach è so an ceud àm a chualadh sibh i: ach cia mar a thug, no cia mar a bheir sibh anis fainear. i? A pheacachaibh ain-eolach neo-chùramach, cluinnibh focal an tighearna! Cluinnibhs' uil' a dhaoin' an-saoghalt' a shàsaicheas ur n-anamiannaibh feol-mhor; sibhs' a luchd-craois agus misge, a luchd neo-ghloin' agus mhionn; sibhs' a luchd cùl-chainnt, maslaidh, anacainnt agus bhreugan; *Pillibh, pillibh, ciod uim' a bhàsaicheas sibh?*

Cluinnibhs' uil' a luchd na h-aidmheil· fhuar-chràbhaich o 'n leth a muigh, a tha ain-eolach air beatha Chriosd nach do għabh eolas riamh air cumhachd a cheusaiddh agus ais-ċiridh, nach do inħothaich riamh ur n-anmaibh laiste le gràdh dha, agus nach do għabh beatha uaith-san, neart ur n-anmaibh; *Pillibh, pillibh, ciod uim' a bhàsaicheas sibh?*

Cluinnibhs' uile aig a' bheil intinne gun gràdh Dhe, gun togra 'n a dhiaigh, agus gun tlachd ann am muinghinn glòire; ach a tha ni 's toighiche gu mòr mu shuaimhneas agus mu shioirbheacha saoghalta, na mu shòlas neamhaidh? Sibhs' uile nach 'eil ach leth chràbhach, agus nach toir do Dhia ach an ùmh-lachd a sheachnas an fheoil; agus nach do chuir cùl ri 'r fein-spèis fheolmhor, agus nach do thrèig gach ni a tha agaibh arson Chriosd le lan-run suidhicht' anma, ach aig a bheil ni saoghalt' eigin co'-luachmhor 'n ur barail 's nach dealaich sibh ris arson Chriosd fein, ged a dh' iarras è oirbh è, ach leis an roighniche dol an cunnart a dhiom, na cùl a chuir ris an ni thoirmisgte sin, *Pillibh, pillibh, ciod uim' a bhàsaicheas sibh?*

Mur cualadh agus mur d' thug sibh roimhe so fainear è, cuimhnichibh gun d' innseadh dhuibh anis o fhocal De, ma philleas sibh, gum bi sibh beo; ach mur pill sibh, gum bàsaich sibh gun teagamh.

Ciod anis a ni sibh a dhaoine? Ciod è atha 'n ar rùn? Ain pill no nach pill sibh? Na stadaibh ni 's faid' eadar dha bharail: ma 's è 'n Tighearn' ur Dia leanaibh è: ach ma 's i'n fheoil ur Dia, thugaibh tuille gèill di. Ma 's fearr leibh neamh, na talamh agus sòlas feolmhor, thigibh agus iarraibh dùthaich a 's fearr, agus taisgibh ur n-ionnhas far nach truail meirg no leomann, agus far nach cladhaich agus nach goid meirleach, agus mosglaibh anis le 'r n' uile neart, a dh' iarraidh rioghachd nach gluaisear, Eabh. xii. 28 Builichibh ur n-aimsir air grothach is àirde, agus pillibh sruth ur càram agus ur saothair chum sruth-chlais eile, anns nach b' àbhaist leo ruith. Ach ma 's fearr agus ma 's buaine leibh talamh na neamh; cumaibh agaibh è, deanaibh am feum a 's fearr leibh dheth agus leanaibh ris. A dhaoin' an do smuaintich sibh ciod è a ni sibh? Mur do smuaintich, bheir mi

earail no dha eil' oirbh, a shealtainn an toir reuson  
oirbh socrachadh air leas ur n-anmaibh.

1. Faicibh ciod è an sonas a dheasach an Dia  
tròcaireach dhuibh: agus cia truagh an gnothach gun  
rachadh aon duin' am mugha na dhiaigh so uile. Bha  
aimsir anns an robh cloidheamh lasarradh air an t-  
slighe, agus chumadh mallachd Reachd Dhe air t' ais  
thu, cia toileach air bith a bhithheadh tu chum pilleadh  
ri Dia: bha aimsir, anns nach b' urrainn thu fein  
agus t' uile chairdean saoghalta, maitheanas do pheac-  
aidh a chaidh seachad a chosnadh dhuit, seadh ged a  
bhithheadh tu 'g a chaoineadh agus 'g a leasachadh gu  
la do bhàis. Ach thug Criod an ceap-tuislidh so as  
an t' slighe, le dorta fhola-mar ar luach-saoraidh.  
Bha àm, anns an robh Dia aimhreidh riut, do bhrìgh  
nach d' fhuair è dìoladh ann am brise a reachd: ach  
anis tha è co'-diolt' ann an so, agus co-rèidh riut, 's  
gun d' thug è amach mar lagh, nach cuimhnich è do  
pheaca dhuit ni's mo, ma ghabhas tu ri Criod agus  
ri sonas air cùmhnan an t' soisgeil, mar atha è 'g an  
tairgseadh dhuit, agus 'g an cuireadh ort gu saor, a'  
dearbhadh dhuit, gur leat iad ma's àill leat. Oir,  
"bha è ann an Criod, a' reiteachadh an t' saoghal  
"ris fein, agus thug è dhuinne focal na rèite sin,"  
2 Cor. v. 18, 19. A luchd ceannaire, tha iartas  
againn an teachdaireachd so a reic ruibh uile, mar o  
Dhia. "Thigibh oir tha na h-uile nithe ullamh,  
"Luc. xiv. 17." Am bheil na h-uile nithe ullamh,  
agus am bheil sibhse neo-ullamh? Tha Dia ullamh  
a thoirt aoidheachd dhuibh, le maitheanas gach peac-  
aidh a chuir sibh an gniomh 'n a aghaidh, ma thig  
sibh. Cia fada, cia toileil, no cia uabhasach air bith  
a pheacaich sibh, tha Dia ullamh g'a thilgeil so uil'  
air cùl ma thig sibh Ge do theich sibh o Dhia, mar  
a theich am Mac struidheil o Athair, agus ge d' fhan  
sibh co fhad uaidhe, tha è ullamh a ruidh 'n ar còmh-  
ail, chum ur fàilteachadh ann an glacaibh a ghràidh,

le gairdeachas mu'r n-iompacha, ma philleas sibh. Gheibh an duin' an-saoghalt' agus am misg-fhear buaireasach, Dia ullamh a chuir fàilt' orra, ma philleas iad. Nach iompaich so do chridhe? A pheacaich, mas cridhe feola, agus nach cridhe cloich' a th' agad, shaoilinn gun leaghadh so è. Am fan Ard-righ neamha ri d' philleadh, agus am bheil è ullamh a ghabhail riuts' a thug mi-ghnàthacha dha, agus a dhearmaid co fhad' è? An gabh è tlachd ann a t' iompachadh, agus gum b' fhurasda dha a cheartas a ghlòrachadh ann ad leir-sgrios? agus nach leagh so do chridhe cruaidh, agus nach 'eil thu ullamh gu pilleadh? Nach 'eil urrad aobhair agatsa bhi ullamh gu teachd, 's atha aig Dia a thoirt cuire failteach dhuit?

Ach cha'n è so an t' iomlan; rinn Criod a chuid fein air a chrann-cheusaidh, rinn è an t'slighe co rèidh dhuit chum an Athar, 's gur furasda dhuit triall oirre, agus 's è do bheatha air son Criod, ma thig thu. Agus nach bheil thu fhathast ullamh.

Dheonaicheadh, agus thairgeadh dhuit maitheanas anns an t' soisgeul. Agus am bheil thu ullamh a ghabhail ris?

Tha luchd teagaisg an t' soisgeil ullamh a chuid-eachadh leat, gu d' theagasg agus a labhairt briathra sith-chainnteach an fluasglaidh ri t' anam, tha iad ullamh a dheanamh ùrnuiigh air do shon, agus a nasgadh do mhaitheanas le fritheala suipeir naomh' an Tighearn; agus nach 'eil thu ullamh fhathast?

Tha uile luchd eagail De mu d' thimchioll ullamh a dheanamh gairdeachais mu t' iompachadh, a ghabhail riut ann an comunn nan naomh' agus a thoirt deas-lamh a cho chomuinn duit, seadh ged a thilgeadh roimh amach o'n cuideachd thu: cha'n 'eil do dhàandas aca gun mhaitheanas a thoirt duit, an uair a chi iad o t' aidmheil agus o t' iompacha gun d' thug Dia maitheanas duit: cha'n 'eil do dhàandas aca, do

pheacadh a chaidh seachad a chuir mar chunnuil ort, do blhrigh gu bheil cinnt aca nach maoidh Dia ort iad. Cia maslach air bith do ghiulan san àm a chaidh seachad, ma philleas tu gu cridheil agus ma thig thu a steach, cha diult iad thu, abradh an saoghal na 's àill leo. Agus am bheil iad sin gu leir ullamh a ghabhail riut agus nach 'eil thus' anis ullamh a theachd a-steach ?

Seadh, tha neamh fein ullamh : gabhaidh an Tigh-earna riut chum glòir a chuid naomh, ge bu ghràineil a chnuimh thu, ma 's àill leat do ghlanadh ; agus gheibh thu àit inbheach ann an làthair cathair a mhòrachd : bitidh na h-aingle mar chùl-choimhead a threòrachadh t' anma chum ionada còmhnuidh a ghàirdeachais, ma thig thu ach a steach gu neo-chealgach. Agus am bheil Dia, am bheil iobairt Chriosd, am bheil an gealladh, agus maitheanas ullamh ? Am bheil luchd-teagaisg, am bheil pobull De, am bheil neamh agus aingle ullamh, agus iad sin uile a' feith-eamh air t' iompachadh : agus nach 'eil thu fein ullamh ? Ciod è ? nach àill leats' a bha marbh o chionn fhada, gabhail ri beatha ? nach àill leats' a bha co fhad as do bheachd, teachd gu d' chèill mar am mac struidheil ? Nach àill leats' a tha an cunnart dol am mugha, gabhail ri teasairginn ? Nach 'eil thu ullamh a dheanamh greim air Chriosd a shaoras tu an uair a tha thu deas gu dol fodha ann an doimhne dòrainn ? nach àill leat do shaoradh o ifrinn, an uair a tha thu abuich ri d' thilgeil innte gun tearmann ? Och a dhuine ! am bheil fios agad ciod è tha thu a' deanamh ? ma bhàsaicheas tu neo-iompaichite, thèid thu am mugha gun teagamh : agus cha 'n 'eil cinnt agad am bi thu beo gu ceann uaire : gidheadh ni bheil thu ullamh gu pilleadh agus teachd astigh. Och, a dhuine thruaigh ! nach d' thug thu gèill làn-fhada do'n diabhol agus do'n fheoil ? nach 'eil do dhìol peacaidh agad ? Am bheil am peaca co-math agus co-tarbhach dhuit 's a

shaoil thu? am bheil dùil agad gun diong è tuille dhuit? An robh coilion cuire agus coilion tròcair, coilion buille agus coilion eisimpleir agad; agus am facadh tu coilion duine taisgt' anns an uaigh, agus nach 'eil thu sgìth de pheacadh, toileach cùl a chuir ris, agus teicheadh uaidhe chum Chriosd? Ciod è! an diaigh do d' bharailibh mearachdach bhi air an leigeil ris duit co tric, an diaigh coilion tagradh coguis, coilion rùin agus geallaidh, nach 'eil thu ullamh chum pilleadh agus bhi beo? Och, nach 'eil do chridh' agus do shùilibh fosgait' a leursainn mòr-luach na tairgse so! agus cia sòlasach an teachdaireachd air an do chuireadh sinn, seadh, a thoirt cuire dhuit, a chionn gu bheil na h-uile nithe ullamh?

2. Thoir fainear mar an ceudna, gach gairm a bha agad chum pilleadh agus bhi beo. Cuimhnich cia lionmhor, cia h-àrd-ghuthach, cia dùrachdach, cia uabhasach, seadh, agus cia sòlasach mor-bhuídhneach do ghairm.

Oir 's è Dia fein do phriomh-fhear-cuiridh, 's è an Triath a riaghlas neamh agus talamh a tha sparradh ort pilleadh; pilleadh air ball agus gun dàil. Bheir è iartas do'n Ghrèin a cuairt a ruidh, agus èirigh orts a gach maduinn, ge d' is creutair co ghlòrmhor i, agus ni 's mò gu ro mhor na an talamh, gidheadh, bheir i gèill da, agus cha mhi-bhuilich i a bheag g' a h-aimsir chumta. Riaghlaichidh Dia na reulta seachranach uile, agus na speuraibh neamhaidh, agus bheir iad gèill da. Bheir è iartas do'n fhairge traoghadh agus lionadh, agus do'n chruthacha gu leir fuireach 'n a riaghait fein, agus gèillidh iad uile. Bheir na h-aingle neamhaidh ùmhlaichd da thoil, an uair a chuireas è iad a fhrithealadh do chnuimhibh diblidh talmhaidh mar sinne, Eabh. xi. 14. Gidheadh, ma dh' iarras è air peacach ach pilleadh cha toir è gèill da: saoilidh è gur glise è fein na Dia, tagraidh è cùis peacaidh agus cha ghèill è. Ma labhras an Triath uile-chunihachd-

ach ach am focal, gèillidh neamh agus a luchd-àiteachaidh uile dha: ach ma ghairmeas è geòcach o thigh na misge, cha ghèill è; no ma bheir è gairm do pheacach an-saoghalta feolmhòr, fhein-spèis fheolmhòr a sheachnad agus a mharbhadh, agus intinn a shocrachadh air oighreachd is fearr, cha ghèill è.

Nam b' aithne dhuit Dia, agus nam b' ionmhuiinn leat è, thuigeadh tu a ghuth, agus ghlaodhadh tu, ag ràdh, “ Is i so gairm m' athar, agus an ceadaich mo “ chridhe dhaomh gun a freagradh ? ” Is aithne do threud Chriosd a ghuth, èisidh iad ris, leanaidh iad è, agus saodaichidh se iad air ionaltra na beatha shiorruidh, Eoin. x. 4. Nam biodh beodhalachd spioradail, agus mothachadh agad, nach abradh tu nis, “ is i so “ gairm uabhasach mo Thighearna, co nach freagradh “ i ? ” oir ars' am Fàidh, Amos. iii. 8. “ Bheuc an “ leomhann, co air nach bi eagal ? ” cha duine Dia, gun deanadh tu moille, no gun deanadh tu sùgra ris. Cuimhnich na labhair è ri Pol ann an àm iompachaidh, “ Is cruaidh ortsa breabadh an aghaidh nan “ dealg, Gniomh. ix. 5.” An dean thu tuille dimeis air guth an Tighearna ? an cuir thu an aghaidh a Spioraid ? an druidh thu do chluas’ an uair a chluinneas tu a ghairm ? Co is mò a chreanas air so ? Am bheil fios agad co d'am bheil thu 'toirt eas-umhlachd, co ris a tha do chonspoid, agus ciod a tha thu a' deanamh ? Bu ghlice, agus b' usa gu mòr dhuit, connspoid a chuir air an sgitheach dheilgneach, agus a bhreabadh cos-ruisgte, no a phronnadh lamh-ruisgte, no do cheann a sparradh ann an tìrlach lasaradh. Na meallar sibh, cha ghabh Dia ri fanoid, Gal. vi. 7. Cia air bith eil' a ghabhas ri fanoid, cha ghabh Dia ris : b' fhearr dhuit sùgra ri teine ann am brat do thighe, na ri teine feirge loisgich do Thriath. “ Oir “ is teine millteach ar Dia, Eabh. xii. 29.” O ! nach neo-iomchuidh an seise còmhraig do Dhia thu ! “ oir “ is baoghalach an ni tuiteam ann an lamhaibh an Dè

“ bheo Eabh. x. 31.” Air an aobhar sin, ’s uabhasach an gnothach connspoid a chuir air Dia, no cathachadh ris! Mar is ionmhuinn leibh ur n’ anmaibh, thugaibh fainear ciod a ni sibh. Ciod a tha agaibh ri ràdh ma thòisicheas è ri ’r tagradh ann am feirg? Ciod a ni sibh, ma leagas è ach a lamh oirbh? An cathaich sibh an aghaidh a bhreitheanais an sin, mar a chuireas sibh anis an aghaidh a ghràis? Deir an Tighearna Dia, Isa. xxvi. 4. “ Annamsa cha ’n ’eil dian chorruich.” ’S è sin, cha ’n ’eil tlachd agam ann an leir-sgrios; cuiream ’an gniomh è le m’ ann-toil: gidheadh, “ Cò “ chuireadh an droighionn agus an dreas a’ m’ agh- “ aidhs’ anns a chath? rachainn rompa, loisginn iad le “ chèile.” Cha chòmhrag eadar da sheise, còmhrag teine ri crion-dhreasaibh.

Mar so chi sibh co a tha ’g ar gairm, agus aomadh sin sibh chum èisdeachd agus pilleadh air iartas: thugaibh fainear mar an ceudna, ciod an doigh, agus cia tric, agus cia dùrachdach a tha è ’g ar gairm.

1. Tha gach duilleag de leabhar beannuichte Dhe, mar gum b’ ann, a’ glaodraich riut gu h-àrd-ghuthach, *pill agus bi beo: pill no bàsaichidh tu.* Am fead thu so a leughadh, no a chluaintinn, gun a thoirt fainear gu bheil Dia a’ toirt gairm pillidh dhuit?

2. Is è so iartas gach searmoin a chuala tu: oir ciod eil’ is crioch do gach teagasc diadhaidh, ach bhi toirt curidh dhuit, a’g earralachadh, agus a’ cuir impidh ort gu pilleadh.

3. Is i so comhairl’ an spioraid a chuireas an impidh sin ort a rìs, agus a rìs, gu h-uaigneach a’ sparradh ort pilleadh.

4. Is cosmhuil gur è so iartas do choguis fein air uairibh. Nach do leigeadh ris duit air uairibh, gu bheil fonn t’ anma agus gniomharra do bheatha micheart? Nach innis do choguis gur eigin duit bhi mar nuadh-dhuine, agus nuadh-rùn altram ann a t’ intinn; agus nach tric a ghlaodh i riut pilleadh?

5. Is è so iartas eisempleir luach-mhoir nan deagh-dhaoine. An uair a chi thu an giulan neamhaidh, 'n uair a chi thu iad a' teicheadh o 'n pheaca sin anns am bheil do thlachd-sa, nach glaodh so riut pilleadh.

6. Is è so iartas uil' oibre Dhe. Oir is iad sin mar an ceudna, leabhar Dhe, a theagaisgeas so dhuit, le 'm mòrachd, an gliocas, agus am maiteas, agus a ghlaodhas riut an Cruthai-fhear agus iad fein a thoirt fainear le mor-iongantas. Sal xix. 1. *Cuiridh na neamha an cèill glòir Dhè, agus nochdai na speura gniomh a lamh.* Glaodhaidh a ghrian riut pilleadh, gach uair a dhealras i ort, mar gu 'n abradh i, "Ciod uim' a " shoillsicheas mis' an saoghal, ach a leigeil glòir a " Chruthai-fhir ris do'n t' sluagh, agus a thoirt solas " iuil doibh a dheanamh obair-san : agus am faic mi " thus' a' deanamh obair peacaidh gach là, agus a' " caitheadh do bheatha ann an trom-chodal an neo- " churaim ? Mosgail thus' a choidleas, agus éirigh o " na marbhaibh, agus bheir Criod solas duit. Ephes. " v. 14. Is mithich dhuinn anis mosgladh o chodal : " chaitheadh an oi'che, agus dhraid an là ruinn : " uime-sin cuireamaid dhinn oibre an dorchadais, " agus cuireamaid umainn armachd an t' solais. " Gluaiseamaid gu cubhaidh mar anns an la, cha 'n " ann an rui'teireachd no ann am misg, no ann an " seomraibh ri macnus, no ann aii ais-sith agus am " farmud ; ach cuiribh oirbh an Tighearn Iosa Criod, " agus na deanamh ullachadh arson na feola, chum " a h-ana-mhianna a shàsuchadh. Roimh. xiii. 11. " ——14." B' è an teagasg so meadhon iompachaidh Augustin.

7. Is è so iartas gach tròcair a shealbhaicheas tu. Nan cluinneadh agus nan tuigeadh tu iad, glaodhaidh iad uile riut pilleadh : ciod uim' a' ghiulaineas an talamh thu, ach chum 's gu 'n iarradh tu an Tighearna, agus gun tugadh tu gèill d'a ? Ciod uim' a thilgeas an talamh do lòn mar thoradh, ach a chum 's gun

deanadh tu riar an Triath? Ciod uim' a bheir an t'àile anail duit, ach a chum's gun cluudhaicheadh tu do Chruthai-fhear? Ciod uim' a riaraich na creatuire thu le 'n saothair, agus leo fein; ach chum's gun riaraicheadh tus' an Tighearna leo-san agus leat fein? Ciod uim' a bheir è dhuit ùin agus slainte, neart agus reuson, ach a dheanamh a riar? Ciod uim' ata agad biadh, deoch agus eadach ach chum gèill a thoirt do d'Dhia? Am bheil ni air bith agad nach d' fhuair thu? Ma fhuair thu iad, nach reusonta dhuit a smuainteachadh, co uaidh' agus ciod uim' a fhuair thu iad, agus ciod è am feum is còir dhuit a dheanamh dhiu? An do ghlaodh thu riamh air cuideachadh o Dhia ann a t'eigin? agus nach do thuig thu ann an sin gum b'è do ghnothach pilleadh agus gèill a thoirt do t' fhearcuideachaidh, nan saoradh è thu! Rinn Dia a chuid fein, choigil è tamall beag eile thu, agus dhearbh è thu o bhliadhna gu bliadhna; gidheadh, nach pill thu? Is aithne dhuit coinneas a chlirionn fhìge mhit-tharbhaich, Luc. xiii. 6.—9. *Ars'* an Tighearna, "Gearr a nuas è, c' arson a chuireas è dragh air an "fhearrann?" Chuireadh impidh air, a dhearbhadh fad bliadhn' eile, agus an sin mur bitheadh è tarbhach a ghearradh. Rinn Criosc fein feum iomchuidh de 'n choimeas so, a rìs agus a rìs, anns an 3 agus anns an 6 rann. "Mur gabh sibh aithreachas, theid sibh "uil' am mugha mar an ceudna." Cia h-iomad bliadhn' a bha dùil aig Dia ri toradh gràidh agus naomhachd uaitse, ach an d' fhuair è so? gidheadh chaomhainn è beo thu. Nach tric, le t' ain-eolas, do neo-chùram agus t' eas-umhlachd, a bhrosnuich thu 'n Dia co'-thromach gu ràdh, gearr anuas è, ciod uim' a chuireas è dragh air an talamh? gidheadh, chuir tràcair impidh air ceartas, agus chum foighid am buille mil-teach uait gus anis; Nam biodh tuigse duin' agad, chluinneadh tu so uil' a' glaothaich riut pilleadh. "Agus am meas thu a dhuine, gun teid thu as o

“ bhreitheanas Dè ? No 'n dean thu dimeas air saibh-  
 “ reas a mhaiteis, fhoighidin agus fhad-flulangais,  
 “ gun fhios agad gun treòraich maitheas Dè thu chum  
 “ aithreachais ? Ach a rèir do chruais agus do chridhe  
 “ neo-aithreachail, taisgidh tu dhuit fein fearg chum  
 “ la na feirge, agus foilseachaidh ceart-bhreitheanais  
 “ Dè : a bheir do gach aon a rèir a ghniomhara.  
 “ Romh. ii. 3.—6.

8. Os-barr, is è iartas gach àmhaghair gum pilleadh tu gun dàil. Glaodhaidh' tinneas agus claoi'dh riut pilleadh : tha bochdainn, call chairde gaoil, agus am meangan is caoile de n' t' slait-smachdachaidh, a' glaodhaich riut pilleadh ; gidheadh an toir thu cluas bhodhar do'n ghairm ? Thainig iad so dlùth dhuit, lot iad thu, agus tharraing iad osna ghearanach uait ; gidheadh, an toir iad ort geilleadh.

9. Tha do bhith, agus cruitheachd do nàduir, ag iarraidh ort pilleadh. C'arson ata reuson agad ach chum thu fein a riaghadh, agus gèill a thoirt do d' Thriath, eolas a ghabhail air a thoil, agus gluasad da rèir ? C'arson atha cridh' eagalach, miannach, gràdhach agad, ach chum 's gum biodh eagal an Tighearn' ort, gun gràdhraigeadh, agus gum miannraigeadh tu è os ceann gach ni agus neach ?

10. Seadh, tha do mhòid agus do ghealladh fein do'n Tighearn', a' glaodhaich riut pilleadh ris agus gèill a thoirt da. Naisg thu thu fein ris le coi-cheangal baistidh, thrèig thu an diabhol, sannt an-saoghalt' agus t' ana-mianna feolmhor : agus dhaingnich thu do chocheangal le h-aidmheil an t' soisgeil chriostuidh, dh' ath-nuadhaich thu air bord suipeir an Tighearn' è, agus an aimsir do thinnis iarganaich : agus an geall, agus aìn mionnaich thu an ni nach co'-gheall thu gu bràth ; an geall thu pilleadh ri Dia agus nach pill thu ?

Nis co'-shìn iad sin uile r'a chèile, agus faic an crìoch. Tha 'n scrioptuir naomh, agus luchd-teag-

aisg soisgeil Chriosd, agus an Spiorad naomh a' glaodhaich riut pilleadh: tha do choguis fein, tha eisembleir agus impidh nan deagh-dhaoin' a' glaodhaich riut pilleadh: tha an saoghal gu h-iomlan, agus gach creatuir a tha agad anns an amharc, a' glaodhaich riut pilleadh: Tha foighidin fhad-fhulangach Dhe, a' glaodhaich pill: tha gach tròcair a fhuair thu, a' glaodhaich pill: tha slat-smachdachaidh Dhe, a' glaodhaich pill: tha do reuson, agus cruitheachd do nàduir ag iarraidh ort pilleadh: agus mar an ceudna, tha gach gealladh agus mionn' a thug thu do Dhia, gu h-aon-sgeulach a' glaodhaich riut pill: gidheadh a' bheil thu cuir romhad pilleadh?

3. Os-barr, a pheacaich chruaidh-chridhich thruaigh! an do smuaintich thu riamh ciod i do dhaimh ris an Dia a tha fad na h-ùine so ag glaodhaich riut pill? Is leis fein thu, dlighidh tu dha do bhith agus gach ni a tha agad, agus nach faod è a chòir fein iarraidh ort? Is tu a dhaor-òglaoch, agus aige-san amhain tha còir air do ghèill. Tha thu fa ràidh a thròcair, tha do bheatha 'na laimh: agus cha 'n àill leis do thearnadh air chùmhnant air bith eile, ach cumhnant a shoisgeil: is lionmhor do naimhde mi-runach spioradail leis am b' ait gun trèigeadh Dia thu: gun leigeadh è eadar iad fein agus thusa, agus gum fàgadh è thu fa ràidh an an-toil: chum gun leir-sgriosadh iad thu gu grad. Agus cha 'n fhaodar do shaoradh uatha, mur pill thu ri Dia. Thuit thu cheana fo fheirg-san le d' pheacaibh: agus cha 'n aithne dhuit cia fhad a ghiulaineas fhoighidin leat. Co aig a' bheil fios nach i so do bhliadhñ, agus nach è so do là deireannach air thalamh? Tha cloidheamh Dhe ri d' chridh' am feadh ata fhocal ann a' d' chluais; agus mur pill thu, is duine marbh thu. Nam bitheadh do shùile co fhosgailte 's gum bu leur dhuit cia an t' àit air am bheil thu ad sheasamh, eadhon air bruaich ifrinn, agus nam bu leur dhuit cia lion

mìle peacach atha ann an sin, nach do phill ann an là tairgse nan gràs; nach bu mhithich leat amharc mu d' thimchioll?

Seadh, a dhaoine, gabhaibh ar n-anmaibh fein anns an amharc anis, agus innsibh dhomh an taitneach leibh tairgs' an Tighearna? Chuala sibh a rùn; cha taitneach leis ur bàs: tha è a' glaodhaich ruibh, *pillibh, pillibh*. Is uabhasach an ni mur gluais, seadh mur glidich so sibh; agus is uabhasaiche gu mòr, ma ni è sibh ni 's neo-chùramhaich ann am boilsgin ar truaighe, a chionn gun cluinn sibh mòr-thruacantachd ur De. Innsidh cibreachadh an leighis duinn ann an cail-eigin, an ion duinn dùil a bhi againn r' ar slainte. O nach b' ait an sgeula leis an dream atha ann an ifrinn cheana, nam biodh an teachdaireachd so aca o Dhia! nach b' ait leo gu 'n abairete riu, *pillibh agus bitibh beo?* Seadh, nach bu shòlasach an sgeula leat fein, nam biodh tu claoidh le feirg Dhe ach car aon uair; no an diaigh claoidh mìle no deich mìle bliadhna nan cluinneadh tu acli an cuire so o Dhia, *pill, agus bitibh beo?* Gidheadh, an dean thu dimeas air an teachdaireachd so, agus an leig thu do luchd teagaisg uait gun an gnothach?

Faicibh a luchd peacaidh, chuireadh sinn air theachdaireachd o 'n Tighearn', a chuir bàs agus beatha 'n ar tairgse; cluinneamaid co dhiu is roigh-niche leibh? Tha Criod an so agus flaitheas na glòir' aig' an aon laimh, agus ifrinn na dòrainn anns an laimh eile, a' tairgseadh ur roghainn duibh; ach co dhiu is àill leibh? Crioithneadh guth an Tighearna na creaga, agus nach bi geilt-chrith orts' an uair a chluinneas tu an Tighearn' a' bagradh, *mur pill gum bàsaich thu?* Nach cluinn, agus nach tuig thu an guth so, *Pillibh, pillibh, ciad air son a bhàsatcheas sibh?* Is guth gràidh so, guth teas-ghràidh nach fuaraich gu bràth, guth do charaid a 's fearr, agus a 's caoimhe, guth na tiom-chridhe agus na tràcair, mar

is furasda dhuit aithneachadh air fhuaim, agus am faod thu dimeas a dheananh air? Is leur do 'n Tighearna do thriall, agus ceann t' uighe, ni's fearr gu mòr na 's lear dhuit fein, agus uime sin, glaochaidh è air do dhiaigh, *pill, pill*. Is leur dha do leir-sgrios mur *pill* thu: Ars' an Tighearna ris fein; "Och "tilgidh am peacach truagh so è fein ann an dòrainn "shiorruidh mur *pill* è; is eigin domhs' ann an "ceartas buntainn ris do rèir mo reachd cho'-thro- "maich." Agus air an aobhar sin glaochaidh è air do dhiaigh, *pill, a pheacaich pill!* Nam b' aithne dhuitse mar am mìle cuid, co mhath 's is aithne do Dhia, an cunnart d' am bheil thu buailteach, agus an truaigh is ceann-uighe do d' ghiulan, cha 'n fheum-eadh luchd teagaisg tuill' impidh a chuir ort chum pileadh.

Os-barr, is è an guth sin a tha 'glaodhaich riuts', a chuir impidh cheana air na mìlte, agus a ghairm chum neamh na h-anma sin uil' a tha 'g a h-àiteachadh: agus cha b' àill leo anis air mìle saoghal, nach freagradh iad, agus nach pileadh iad ri Dia. Ciod anis atha 'n dream sin a phill air impidh Dhe a' sealbhachadh? Is leur dhoibh anis gum b' impidh ghràdhach a ghairm sin, agus nach robh i bàsmhor ach slainteil. Agus ma fhreagras tus' a ghairm sin, sealbhàichidh tu an sonas ceudna. Is eigin do na miltibh ifrionnach bhi 'caoidh gu siorruidh nach do phill iad, ach cha 'n 'eil anam air neamh leis an duilich gun d' iompaicheadh è.

Seadh a dhaoine, an àill no nach àill leibh pileadh? Am feum mi tuill' a labhairt ruibh? Ciod a ni sibh? Am *pill* no nach *pill* sibh? A dhuine labhair ri Dia o d' chridhe, ge nach labhair thu riumsa: labhair air eagal gun gabh è do thosd mar dhiulta. Labhair air ball, air eagal nach toir è an tairgse cheudna dhuit tuille. Labhair do rùn gu neo-chealgach; oir cha 'n àill le Dia luchd leanamh-

ainn mealtach. Abair anis o d' chridhe, gun tuille fuireach, agus gun ghlideachadh as an àite so, " Le " gràs Dhe is è mo rùn pilleadh air ball. Agus do " bhrìgh gur aithne dhomh mo neo-fhoghainteachd " fein, roighnich mi fuireach ri gràs Dhe, agus easan " a leanamhainn 'na shlighe fein, mo ghiulan agus " mo chuideachd ghnàthaichte fein a threigsinn, agus " mi fein a thoirt suas do chomhairl' an Tighearna " Dia."

A dhaoine, cha do dhruideadh suas sibh ann an dorchadas chinneach, no ann an ea-dòchas na h-aitim a chaidh am mugha; tha beatha 'n ar taigse agus gheibh sibh i air chumhnanta reusonta, ma 's àill leibh i; seadh, air chùmhnnanta saor agus gun luach, ma ghabhas sibh i. Tha slighe Dhe gu còmhnràidh ann ad làthair, fosglaidh an Eaglais dhuit, agus gheibh thu Criosd, maitheanas, agus naomhachd ma 's àill leat iad. Ciòd atha agad ra ràdh? an àill no nach àill leat iad? mur àill no mur abair thu smid, ach gun gabh thu air t' aghaidh gun tamh, is Fianais Dia, an co-thional so, agus do choguis fein, cia math an tairgs' a fhuair thu an diugh! Cuimhnich gun robh Criosd ann ad' thairgs' agus nach b' àill leat è. Cuimhnich an diaigh dhuit beatha shiorruidh a chall, gun robh i ad' thairgse, co mhath 's a bha i ann an taigse dhaoin' eile, agus nach b' àill leat i: agus cha d' fhuair thu i, do bhrìgh nach pilleadh tu! Ach thigeamaid chum an teagaisg a 's faigse, agus cluinneamaid do leith-sgeul.

## TEAGASG VI.

*Tha 'n Tighearn' ag aontachadh a chùis a reusonachadh ri peacachaibh neo-iompaichte, agus a' fiosrachadh dhìu c' arson a bhàsaicheas iad?*

Is im-reuson iongantach so, mar a bhuineas do 'n chònnspoid agus do 'n luchd-connspoid,

1. Is i a cheist a tha r'a connsachadh, c' arson is taitneach le luchd-aingidheachd iad fein a chuir am mugha? no ciod air son is fearr leo bàsachadh na pilleadh? agus am bheil deagh aobhar aca chum so a dheanamh?

2 Is iad an luchd-connsppoid Dia agus Daoine: an Dia uile-naomha, agus daoin' aingidh neo-iom-paichte.

Nach iongantach an ni, gu bheil aobhar aig Dia a mheas, gur taitneach le duin' air bith bàsachadh agus dol am mugha gu siorruidh? seadh, gur i so roghainn dhaoin' aingidh gu leir; no a chuid a's mo do 'n t-saoghal? ach *arsa sibhse*, "cha 'n fhaod sin "bith! oir is nàdurra do gach neach gur ionmhuinn "leis a thearmann agus a shonas fein; agus is fein- "speiseile luchd-aingidheachd na daoin' eile, air a "chuid a's lugha; air an aobhar sin, an taitneach le "neach air bith dol am mugha?"

1. Is è mo cheud fhreagra dha so, gur cinnteach nach taitneach le neach air bith olc mar olc, gidheadh is taitneach le neach an t' olc a ghabhas è an riochd a mhaith: cha mhò na sin is taitneach le neach dòrainn shiorruidh. Cha taitneach leis truaigh mar thruaigh.

2. Ach gidheadh, is ro fhior an ni sin a theagaisg Dia dhuinn an so, gum bàsaich agus gun tèid daoin' aingidh am mugha, do bhrìgh nach àill leo ach bàs agus dòrainn. Agus tha so soilleir air iomad doigh.

1. Do bhrìgh gun triall iad air an t' slighe chum ifrinn, ge d' innis Dia agus daoine dhoibh an crioch agus ceann an uighe: agus ged a gheall Dia co tric 'na fhocal, ma ghabhas iad air an aghaidh anns an t' slighe sin, gun tèid iad ain mugha; agus nach teas-airgir iad mur pill iad, Isa. xlvi. 22. "Cha 'n 'eil "sith, deir an Tighearna, do'n aingidh, Cha 'n aithne "dhoibh slighe na sith; ni mò tha ceart-bhreth "nan ròidibh, inn iad dhoibh fein ceuma cama; "co air bith a shiubhlas annta, cha 'n aithne dha "sith."

'Tha focal agus mionn' an De bhith-bheo aca, mur pill iad, nach tèid iad a steach chum a shuaimhnis gu bràth. Gidheadh, tha agus bithidh iad aingidh, abradh Dia agus daoine an toil ! tha agus bithidh iad feolmhor agus saoghalta, ge d'innis Dia dhoibh, " gur naimhdeas do Dhia cairdeas an t' soaghail, ge " b' é air bith neach uime-sin leis an àill bhi 'na charaid do 'n t' saoghal, tha è na namhuid do Dhia. Sheum. " vi. 4." Mar so 's toileach leis na daoinibh sin dol am mughla, ge nach ann gu direach : is taitneach leo an t' slighe chum ifrinn, agus is ionmhuinn leo fior-aobhar an claoideadh, ge nach taitneach leo ifrinn fein, agus ge nach ionmhuinn leo an dòrainn a 's eigin doibh flulang.

Nach i so ur ceart staid a dhaoine ? Cha bu mhath leibh bhi 'g ar losgadh ann an griosaich ifrinn gu siorruidh, ach lasaidh sibh teine na dòrainn le 'r peacailbh, agus tilgidh sibh 'na mheadhon sibh fein ; cha bu math leibh bhi 'g ar claoideadh leis na deamhain gu siorruidh, ach ni sibh am mi-ghniomh a thoilleas sin duibh, an aghaidh gach impidh. Mar gu 'n abradh tu, " olaidh mi deoch de nimh bhàs-mhoir, gidheadh " cha bhàsaich mi. Tilgidh mi mi fein bónn os ceann " o bharr torr an-àird, gidheadh cha mhill mi mi fein ; " sàthaidh mi a bhiodag so ann am chridhe, gidheadh " cha mharbh mi mi fein ; cuiridh mi sop teine " ri m' thigh, gidheadh cha loisg mi è." Is ionann a thachair do luchd-aingidheachd : bithidh iad aingidh agus triallaidh iad a rèir an t' saoghal agus na feola, gidheadh cha 'n àill leo gun tèid iad am mughla. Ach nach aithne dhoibh gun treòraich na meadhona chum na criche ? agus gun do chuir Dia roimhe 'n a lagh co'-thromach gur eigin doibh pilleadh no bàsachadh ? Ma dh' òlas neach deoch de nimh bhàsmhoir is ionann sin a's fein-mhilleadh ; oir cha tachair ni 's fearr na sin da fa dhereire : ge bu bhlasta leis i, arson mil-seachd an t' siucair leis an do choi-measgadh i, agus

ge nach b' urra neach air bith a chuir an cèill da gum bu nimh bhàsmhor i, agus nach faodadh è a h-òl gu tearainte; ach cha 'n i a bharail agus a mhisneach fein a theasairgeas anam. Mar so, ma 's taitneach leibh misg', neo-ghloin' fheolmhor agus an-saogh-altachd, is ionann so 's mar gu 'n abradh sibh gu soilleir, thèid sinn am mugha; oir gun teagamh air bith, thèid sibh am mugha gu siorruidh, mur pill sibh. Nach tugadh sibh achmhasan do 'n mhéirleach amaid-each no do 'n fhear-mhurt, nan abradh è, "cuiridh "ni slad agus murt an gniomh, ach cha chrochar mi," an uair is leur dha ma chuireas è fein a chiont' an gniomh, gun cuir am breitheamh co'-thromach an dioghaltas an gniomh mar an ceudna. Nan abradh è, *ni mi slad agus mirt*, is ionann sin as mar gu 'n abradh è, *crochar mi*; agus ma ghabhas sibhs' air ur naghaidh ann an slighe na neo-ghloin', is ionann sin, a's triall chum ifrinn.

2. Os-barr, cha ghnàthaich luchd-aingidheachd na meadhona ris an do cho-cheangail Dia gu neo-sgarail fior-dhòchas an t-sonais shiorruidh. Ma dhiultas neach biadh, is ionann sin, as cùl a chuir ri beatha, mur 'eil seol' aig' air bhi beo gun bhiadh. Ma dhiultas neach dol air asdar, is ionann sin 's a ràdh nach ruig è ceann uighe. Air tuiteam do neach ann an uisge, ma dhiultas è teachd as, agus mur ceadaich è do neach eile cuideachadh leis, nochd è gur àill leis è fein a bhàthadh do rireadh. Mar an ceudna, mur àill leibhs' a tha neo-ghan agus mi-dhiadhaidh, iompachadh, no na meadhona sin a ghnàthachadh leis an iompaichir sibh, agus ma smuainticheas sibh gur an-abharr neo-fheumail so r'a dheanamh, dhearbh sibh gur àill leibh dol am mugha do rireadh. Oir ma tha seol agaibh chum sibh fein a thearnadh gun ionpacha fhuair sibh seola nach robh aig neach eile riamh.

3. Seadh, cha 'n è so uile, ach cha, 'n àill le luchd-aingidheachd sonas siorruidh fein, ge bu mhath leo

aca ni eigin ris an abair iad neamh, gidheadh cha 'n àill leo neamh mar ata i innte fein : is fuath le 'n anmaibh i. Is iad na neamha ionada còmhnuidh na fior-ghloine gun smal, na fior-naomhachd, an teas-ghràidh nach fuardach gu-bràth, agus na h-aleluia cheol-mhoir; agus cha taitneach le luchd-aingidheachd iad sin. Cha taitneach leo, an gràdh, an cliu, agus an naomhachd neo-iomlan a tha ri m faghail anns an t' saoghal so fein ; agus ni 's lugha na sin, an iom-laineachd neamhaidh : tha 'n sòlas neamhaidh co fhior-ghlan spioradail, 's nach faod luchd-aingidheachd fhior-mhiannachadh.

Mar so chi sibh nis an t' aobhar a bha aig Dia a mheas, gum bu taitneach le luchd-aingidheachd an leir-sgrios fein : cha phill iad ga d' is eigin doibh pilleadh no bàsachadh : is fearr leo dol an cunnart truaigh shiorruidh na iompachadh; agus chum suaimhneas a thoirt doibh fein ann am peaca, cuiridh iad mar fhiachaibh orra fein gun tearuinn iad gun iompacha.

2. Mar is aobhar iongantais a chonnspoi, is aobhar iongantais an luchd connspoi mar an ceudna. Is cùis iongantais gu 'n islicheadh Dia e fein co mhor, 's gun tagradh è a chùis ri duine ; agus gum bitheadh an duine co ro-chrosda dhall, 's gum feumeadh è so uil' ann an cùis co shoilleir, seadh, agus gun cuireadh è an aghaidh gnothaich ris am bheil a shonas an earbadh.

Cha 'n iongantach ge nach èisd daoin' aingidh r'an luchd teagaisg, agus nach 'eil annta ach daoine mar iad fein, an uair nach èisd iad ris an Tighearna, arsa Dia, Esec. iii. 7. an uair a chuir è am Fàidh chum sliochd Israel ; "cha 'n èisd tigh Israel riut ; "oir cha 'n èisd iad riumsa ; oir tha tigh Israel mi "nàrach, agus cruaidh-chridheach uile." Cha 'n iongantach ma chonnsaicheas iad an aghaidh an luchd teagaisg, an uair a chonnsaicheas iad an aghaidh an Tighearna fein, seadh, an aghaidh an fhocail a 's soil-

leir' a labhair è, agus a shaoileas iad gur ann aca fein a tha chòir : an uair a sgìthicheas iad an Tighearna le briathraibh, is cainnt doibh, " Co leis a sgìthich sinn è, Mal. 2. 17 ? " Dh' fhiosraich na sagarta sin a rinn dimeas air ainm an Tighearn', a cheist an-dana so ; " Co leis a rinn sinn' dimeas air t' ainm ? " agus an uair a thruaill iad Altair, agus a tharraing iad dimeas air bòrd an Tighearna, dh' fhiosraich iad gu minnàrach ; " Co leis a thruaill sinn thu, Mal. 1. 6. 7 ? " Ach ars' an Tighearn', " Is an aoibhinn dhàsan a ni " stri ra Chruthai-fhear ! an t' sligec hreadha ri fear " deilbh na creadha, an abair a chria ris an ti a chumas " i, Ciod atha thu a' deanamh, Isa. xlvi. 9 ? "

*Ceist. C' arson a reusonaicheas Dia cui's ri duine ?*

*Freag.* Mar is creatuir reusont' an duine, buinear ris do rèir sin ; agus cuirear impidh reusont' air : chum na criche so thug Dia reuson d'a r'a ghnàthachadh do rèir iartais fein. Shaoileadh neach nach bu chòir do chreatuir reusonta, cuir an aghaidh an aobhair a 's fearr air domhan, an uair a nochdar dha e.

*Freag. 2.* Air a chuid is lugha, chi daoine nach d' iarr Dia ach ni reusont' orra, agus nach do thoirmisg è dhoibh ach ni mi-iomchuidh, agus air an aobhar sin gur iomchuidh dhoibh gèill a thoirt da, agus gur mi-iomchuidh dhoibh bhi eas-umhal. Mar so, 's eigin do 'n dream a thèid am mugha ceartas De aideachadh, 's eigin doibh aideachadh gum bu reusonta dhoibh pilleadh ris ; is eigin doibh iad fein a dhìteadh, agus aideachadh nach bu reusonta dhoibh iad fein a mhilleadh le dearmad a dheanamh air Gràs De, ann an la tairgse na slainte.

### FEUM.

A luchd-aingidheachd, feuchaibh an dean sibh an t iul 'duibh fein leis an reuson a 's fearr a tha agaibh : chi sibh anis co ris a tha ur gnothach. A thruaghain ana-miannaich neo-iompaichte, ciod a tha agatsa r'a

ràdh? am bheil do dhànad as agad dol a chuir connspoid air Dia? an urrainn thu a thilgeil a reusoin-sau bonn os ceann? Am bheil thu deas a dhol 'n a dhàil? Chuir Dia mar cheist ort, c'ar son a bhàsaicheas tu? am bheil freagra deas na ceiste so agad? An gabh thu os-laimh a dhearbhadh gur è Dia an coireach, agus nach tusa? Nach truagh an oirp so! An dara cuid, tha an eacoir aig Dia a tha 'g iarraidh t' iompachaidh, no agads' a tha diultadh iompachaidh: Ghlaodh è riut pilleadh, ach cha phill thu; tha è 'g iarraidh ort pilleadh air ball, am fad sa mhaireas là tairgse nan gràs, agus tha thu 'g a chuir air ath-là, an dùil gur leoir dhuit pilleadh 'n a dhiaigh so. Is aill leis do lan-iompacha, agus gum bi thu mar nuadh-chreatuir naomh' agus aith-ghinte: agus saoilidh tusa gun dean ni is lugha na sin an gnothach, agus gur leoir an seann-duin' a leasachadh, gun fhàs mar nuadh-dhuine. Co nis aig am bheil a choire, aig Dia no ag-adsa? Tha Dia a glaodhaich riut pilleadh ri beatha naomh, agus cha phill thu; is ni solleir o d' ghiulan eas-umhal, nach pill thu. Ma b' àill leat pilleadh, c'arson nach do phill thu cheana? agus ciod air son nach tionsgain thu 'nis? Tha do ghiulan fa cheansal do thoile fein. Faodaidh sinn a mheas air chinnt nach àill leat pilleadh, o nach 'eil thu a' pilleadh. Agus ciod air son nach 'eil thu a' pilleadh? am bheil leith-sgeul agad ris am faodar leith-sgeul a ràdh?

Ge nach 'eil annams' ach cnuimh, agus do cho-chreatuir ea-comasach, bheir mi dùbhlàan an fhir is glice do 'n t sluagh aingidh, an uair a thagras mi cùis mo Chruthai-fhir; agus is mòide mo mhisneach gu bheil fios agam nach tagair mi ach a chùis a tha Dia a' tagradh, agus nach 'eil mi mi a' connsachadh ach cùis na ti aig am bi a chuid is fearr fa dheire. Nam biodh agam ach an da aobhar choitcheann so ann a' t' aghaidh, is cinnteach leam nach bi deagh aobhar air bith agads' air do thaobh fein.

1. Is cinnteach leam nach deagh aobhar a tha an aghaidh Dhe an reusoin agus na firinn ; oir cha solas a tha an aghaidh na grèine. Cha'n 'eil eolas ann an creatuir air bith, ach eolas a fhuair è o Dhia ; agus air an aobhar sin cha 'n fhaod neach bhi ni 's glice na Dia : is an-dànnadas a thoilleas sior-chlaoideh do 'n aingeil is àirde, bhi 'g a choimeas fein r'a Chruthai-fhear ; agus nach ro fhearg-thoillteanach an ni do mheall salachair, no do 'n ùmaidh a 'tha ain-eolach air fein agus air gach aon ni a chi è, agus a tha ni 's ain-eolaiche gu mòr na daoin'eile, cuir an aghaidh gliocais an Tighearna ? Is lan-fhoillseachadh air aingidheachd uabhasach agus àrd-chuthach dhaoin' ana-mèineach peacach, gun cuireadh famh co diblidh connspoid air a Chruthai-fhear, no cunnuil air fhocal : Seadh, tha sluagh 'n ar sgìreachdaibh a tha co ain-eolach bhrùid-eil, 's nach urrainn iad freagra ionchuidh thoirt air ceist air bith a chuirear orra mu cheud-thùs a chràbhaidh, gidheadh, a tha co ghlic 'n am barailibh fein, 's gun cuir iad cunnuil agus connspoid gu h an-dana air dearbh-fhirinn De, agus cha chreid iad i, ni 's faide na a cho-shineas i r' an neo-ghliocas fein ; oir is tearc smid ghliocais a chluinneas am beul.

2. Mar ata lan-chinnt agam gu bheil a chòir aig Dia ; mar an ceudna, is leur dhomh gu soilleir, gu bheil a chuis a tha è a' dìteadh, co ghràineil, 's nach ionchuidh do dhuin' air bith a tagradh. Am faod deagh aobhar bhi ag duine de 'n t' sluagh lagh an Tighearn' a bhriseadh ; an Triath glòrmhor a chean-aich è, a mhaslachadh agus a mhi-ghnàthachadh ? Am faod deagh aobhar bhi aig neach air bith, anam neo-bhàsmhor fein a chuir am mugha ? Cluinnibh, agus comharraichibh ceist an Tighearna, *pillibh, pillibh, c'arsan a bhàsaicheas sibh?* an ion duibh bàs siorruidh a mliannachadh ? am bheil trom-ghaoil agaibh air ifrinn ? Ciod è an t aobhar a tha agaibh sibh fein a mhille gu deonach ? Ma shaoileas sibh gu bheil

cail-eigin aobhair agaibh peacadh a chuir an gniomh, nach ion duibh a chuimhneachadh gur duais do 'n pheaca bàs? Romh. vi. 23. Agus smuaintichibh am bheil aobhar agaibh sibh fein a milleadh eadar anam agus chorp gu siorruidh. Cha chóir dhuibh amhain a chuir mar Cheist oirbh fein, an ionmhuinn leibh an nathair nimhe, ach an ionmhuinn leibh a Gath. Is ni co oillteil do neachlì sonas siorruidh a a thilgeil uaidhe, agus peacachadh an aghaidh Dhe, 's nach faodar deagh aobhar a chuir air; ach mar is mòid a ghabhas è a leithsgeul fein, is mòid a nochdas è de Chuthach. Ge do bhiodh moir-fhearachd no rioghachd ann ad thairgse arson gach peacaidh a chuireadh tu an gniomh, cho diongadh an duais do chall, agus bu chuthach dhuit a cosnadh: bu ro shuarrach an tuarusdal, r'a choimeas ris an t' sonas a chailleadh tu; ge d' fhaigheadh tu arson gach aingidheachd an ni is luach-mhoir' agus is fearr leat air thalamh, chum do lùbadh gu peacadh. Ge do thoilicheadh tu an caraid is mò agus is fearr a tha agad; ge do bheireadh tu gèill do 'n Righ is àrd-inbhich' air thalamh; ge do theasairgeadh tu thu fein o 'n truaigh shaoghalta is dòrainniche, le peacadh; cha bu chóir dhuit gum bu leoir leat sin uil' a chuir impidh ort chum am peacadh a chuir an gniomh. Nam bacadh do làmh no do shùil-dheas do shonas; b' fhearr dhuit an tilgeil uait na dol chum ifrinn g' an tearnad. Oir cha tearnar bloidh dhiot ma chaillir thu fein gu h-iomlan. Tha siorruidheachd shona cho luachmhor, 's nach coimeas ni saoghalta' air bith dhi. Cha diong beatha, crùn rioghail, no rioghachd, a call. Cha'n fhaod fior-aobhar, no leith-sgeul bhi aig duine do 'n t' sluagh, a shonas siorruidh a chuir an cunnart. Ma chailleas tu fiaitheas na gloire, ciod a ni suas do chall? Ma thilgeas tu thu fein ann an ifrinn na dòrainn, ciod a lughdaicheas do thruaigh, no a bheir fuasgla no comh-fhurtachd dhuit gu brath? Air an aobhar sin, cha 'n eil mòr -

luach ni 's leoir, ann an ni air bith, a ghabhail do leith-sgeil, ma dhearmaideas tu do shonas bith-bhuan : oir ars' ar Slanui-fhear, " Ciod è an tairbhe do " dhuine, ged a chosnadh è an saoghal gu h-iomlan, agus anam a chall." Marc. viii. 36.

A dhaoine, 's truagh nach aithne dhuibh mòr-luach nan nithe sin air am bheil sinn anis a' labhairt ruibh ! Cha 'n i ur barails' a tha aig naomh-shluagh nam flaitheas orra. Nam faodadh an diabhol dol far am bheil iad sin an lathair Dhè air lasadh le teas-ghràdh d' an Triath, agus le h-umhlachd d'a naomh-reachd, agus nan tairgeadh an àm-huid so dhoibh deoch bhuaireasach bhlasta, no ban-striopach, no cuideachd mhacnusach d' am mealladh o Dhia na gloire : guidheam oirbhì innseibh dhomh, cia mar a shaoileas sibh a chòrdadh sin riu ? Seadh, ge do thairgeadh am buaireadair dhoibh inbh agus cumhachd rioghail air thalamh, an saoil sibh gum mealladh so iad anuas o neamh ? O cia mor an t'antlachd agus an fhanoid naomha leis an deanadh iad dimeas air an tairgse, agus leis an diultadh iad i ! Agus c' arson nach deanadh sibhs' an ni ceudna, sibhs' aig am bheil neamh fosgailte d' ar creideamh, nam biodh creideamh agaibh clum so a thoirt fainear ? Cha'n eil anain ann an ifrinn, do nach leur anis gur mi-chiallach neamh a reic arson sòlais fheolmhoir ; oir cha bheagan macnus no sòlais, cha bheagan saibhris saoghalta no urrain, agus cha bheagan gean-maith no gealltanais dhaoin', a mhùchas tein' ifrinn, no a bheir co-leàsacha do 'n neach a chailleas anam. O ! nam faiceadh agus nan cluinneadh sibh na nithe sin a chreideas daoin' eil' o fhocal De, dh' aidicheadh sibh nach 'eil aobhar no barantas iomchuidh' aig duine do 'n t' sluagh anam fein a leir-sgrios, agus cha leigeadh an t'egal duibh tamh aon oi'ch' eil' a ghabhail gus an rùnaicheadh sibh pilleadh agus bhi beo.

Ma chi sibh neach a' sparradh a laimh anns an teine gus an loisgear dheth i,-is iongantach leibh so ; ach faodaidh caileigin de ghnè aobhair bhi aig neach chum so a dheanamh ; mar a bha aig Easpuig *Cranmer* a loisg dheth an lamh a chuir e ri pàpanachd. Ma chi sibh neach a' sgathadh cois no gàirdein deth fein, is sealla dèistinneach sin ; ach faodaidh deagh aobhar bhi aige chum so a dheanamh, eadhon a thearmann fein. Ma chi sibh neach a bheir a chorp d'a losgadh gu luaitre, no g'a chlaoidh le h-innealaibh dòrainn, agus an neach sin fein a' diultadh tearmainn ; is ro-chruaidh so air fuil agus feoil. Ach faodaidh aobhar sàr-mhath bhi aige chum so a dheanamh ; mar a chi sibh, Eabhx. xi. 35. 36. Agus mar a rinn iomad fianais no Mairtireach criostuidh. Ach duin' a chuir cùl ris an Dia a chruthaich è, agus a ruith chum tein' ifrinn, agus fios aig' air a chunnart, agus cuireadh aige gu pilleadh chum's gum bi è tearuinte ; is giulan so nach gabh aobhar air bith a leithsgeul. Oir diongaidh neamh gach ni a chaillear 'g a cosnadh, agus gach saothair a bhulichear oirre. Ach cha diong ni air bith call neamha.

Guidheam oirbh, anis fosglaihb ur n-anmaibh do 'n teagascg so. Mar a leigeadh ris duibh nach 'eil aobhar agaibh sibh fein a mhilleadh, innsibh dhomh c' arson a dhiultas sibh pilleadh ri Dia chum bhi beo gu sona ? C' arson nach bi sibhs' a luchd an-saoghaltachd, misge, ain-eolais agus neo-churaim, co naomha agus co' chùramach m' ur n anmaibh ris gach dream eile is aithne dhuibh ? Nach bi ifrinn co loisgeach dhuibhs' as do 'n chuid eile de 'n t' sluagh pheacach ? Nach còir d' ar n anmaibh bhi co luach-mhor agaibh 's atha an anma fein aig daoin' eile ? Nach 'eil urrad ùghdarais aig Dia os ur ceann, 's atha aige os an ceannsan ? air an aobhar sin, c' arson nach sluagh naomh-ichte sibh co mhath riu-san ?

A dhaoine, reusonaich Dia ruibh o nàdur na cùise fein, agus nochd è dhuibh gu soilleir, nach mò tha do aobhar agaibh bhi mi-naomha, na tha agaibh ur n anmaibh fein a mhilleadh ; agus mur tuig sibh so, agus mur pill sibh, is cosmhuil gu bheil sibh an staid ea-dochais.

Agus anis, an dara cuid tha aobhar agaibh a dh' ionnsuidh ar deanadais, no cha 'n 'eil. Mur 'eil an cathaich sibh an aghaidh reuson ? An dean sibh ni agus gun aobhar agaibh a dheanamh ? Ach ma shaoileas sibh gu bheil aobhar agaibh, taisbinibh è. Reasonaichibh a chùis riumsa ar co-chreatuir, car tamaill bhig, oir is usa dhuibh so gu mòr, no a reusonachadh ri Dia. A dhuine, innis domh nis, an làthair an Tighearna, mar gum biodh tu ri bàsachadh air ball, c' arson nach rùnaich thu pilleadh an diugh, seadh, mun gluais thu a ionad do bhonn ? Am bheil aobhar agad so a dhiultadh no a dhearmad ? Am bheil aobhar agad a thoilicheas do choguis fein ? Am bheil aobhar agad a thagras tu gu dàna mar do leithsgeul aui làthair cathair breitheanais do Thriath ; ma tha aobhar agad cluinneamaid è, cuir an cèill agus dearbh è. Ach mo thruaigh is anacainnt gun seadh an àite reusoin, a tha sinn a' cluinntinn gach là, o 'n t' sluagh an-diadhaidh. Bu nàr leam a h-ainmeachadh mur b' eigin domh.

1. *Ars' aon neach, mur saorar ach na daoin' iompaichte, naomhaichte, mar a labhras tusa, an sin cha bhi neamh ach falamh, agus gun cuidicheadh Dia leis a mhòr-shluagh.*

*Freag.* Coid e ! is cosmhuil gun saoil sibh nach 'eil eolas aig Dia, no nach ion a chreidsinn ! Na measaibh gur sibh fein an t'iomlan, oir tha naomh-shluagh gun àireamh aig Dia. Ach is fearr dhuibh am feum sin a theagaisg Criod a dheanamh do 'n fhìrinne so : Mat. vii. 13. 14. “ Rachaibh a steach ‘ air an doras chumhann le spairn ; oir is cumhann, “ an doras agus is aimhleathan an t' slighe a threor-

“ aicheas gu beatha, agus is beag a gheibh eolas oirre ;  
 “ ach is farsaing an doras, agus is leathan an t’ sligh’  
 “ a threoracheas gu sgrios, agus, is mòr a thèid a  
 “ steach oirre ” Luc. xii. 32. Arsa Criod r’ a naomh-  
 shluagh, “ na biodh eagal orts’ a threud bhig : oir is  
 “ i deagh-thoil ur n-Athar an rioghachd a thoirt  
 “ duibh.”

*Cun. 2. “ Is cinnteach leam ma thèid mo leithidse chum  
 “ ifrinn, nach bi di cuideachd oirre.”*

*Freag.* Agus am fois no co’-fhurtachd dhuitsa sin ?  
 no an saoil thu nach faigh thu ni ’s lecir de chuideachd  
 air neamh ? An caillear le di cuideachd thu ? No  
 ’n creid thu nach cuir Dia a bhagradh an gniomh, do  
 bhrìgh gu bheil a choilion duine ciontach ? Is bar-  
 aile mealtach iad sin uile.

*Cun. 3. Ach tha na h-uile dhaoine peacach, seadh an  
 dream is fearr.*

*Freag.* Ach cha sluagh peacach neo-iompaichte na  
 h uile dhaoine. Tha naomh-shluagh Dhe saor do  
 pheacadh gràineil ; is uallach trom agus aobhar bròin  
 leo an laigse ; is è an guidhe dùrachdach gach la gun  
 lughdaicheadh Dia i ; cathaichidh iad gu spàirneil ’n  
 a h-aghaidh gach là, agus is bliadhna leo gach uair  
 gus am bi iad saor dhith. Cha’n eil iad fo cheannas  
 peacaidh,

*Cun. 4. Cha leur dhomh gur fearr luchd-aidmheil a  
 chreidimh na daoin’ eile : tha iad co shannach chealgach,  
 fhoir-neartach ri sluagh air bith.*

*Freag.* Cha ’n ionann do dheanads luchd beul-chrà-  
 bhaidh, agus do għniomħaraibh dhaoine naomhaichte.  
 Tha sluagh gun àireamh, taitneach ann an sealladh  
 Dhe: ge do chuireas an saoghal mi-runach iomad ciont’  
 as an leth, air nach do smuaintich iad riamh, agus  
 nach dearbhar gu brath. Is tric le luchd-aingidheachd  
 an naomh-shluagh a dhìdeadh arson peacaidh cridhe,  
 nach leur do neach ach do Dhia fein ; gun aobhar air  
 bith, ach do bhrìgh nach urrainn iad a dhearbhadh ’n

an aghaidh, gach ciont' a tha soilleir 'n an gniomharaibh fein.

*Cun. 5. Ach cha duine neo-ghlan, misgeach, no foir-neartach mise; agus air an aobhar sin, c'arson a ghlaodhas tu rium iompachadh.*

*Freag. 5.* Mar nach ginteadh thu agus pòr nan ana-mianna feolimhor ann ad nàdur, agus mar nach gluaiseadh tu d' an reir co mhath ri daoin' eile ! nach peaca co mòr riu sin, inntinn thalmhuidh gun chreidimh gun umhlachd a bhi ann an duine, agus an gràdh a dhlighearn do Dhia a thoirt do 'n t' saoghal ? Seadh, cead-aichibh dhomh innseadh dhuibh, gu bheil mòran a sheachnas peacadh maslach, co tàite ris an t' saoghal, co tràileil do 'n fheoil, co ain-eolach air Dia, agus mu neamh nan giulan lochdach, 's a tha daoin eile 'nan gniomharaibh peacach a tha gu nàr follaiseach.

*Cun. 6. Cha 'n 'eil mi mi-runach, no cronail do neach air bith; agus c'ar son a leir-sgriosas Dia mi ?*

*Freag.* An cron leat di-meas a dheanamh air an Dia a chruthaich gun mhearachd thu, agus a chuir chum an t' saoghal thu ga d' sdiuradh gu sonas le focal a chumhachd ? an cron leat barrachd speis a thoirt do 'n chreatuir na bheir thu do 'n Chruthaifhear ; agus a thairgse ghràsair a dhiultadh gu tàireil gach là ? Is è doimhne do pheacaидh bhi gun mhothachadh air : cha mhorthaich am Marbh gu bheil è marbh ! Nan ath-bheothaichte thu, chithe tu tuille do mhearachd annad fein, agus b' iongantas leat gun robh thu co neo-mothachail air do chunnart.

*Cun. 7. Is meallta mi, mur cuir thu daoin' air boile an àit an iompachaidh : is leoир a chuir sluagh bochd 'nam breislich, bhi smaoineach air gnothach a tha co an-àrd os ceann an tuigse.*

*Freag. 1.* Am faod thusa bhi ni 's mo air boile na tha thu ? air a chuid is lugha, am bheil cuthach is cunnartaiche na dimeas a dheanamh air do shonas siorruidh, agus thu fein a mhilleadh gu deonach ?

2. Cha 'n 'eil duine fior-shocrach an cèill gus an iompaichear è; cha 'n aithne dha Dia, no Criosd, cha 'n aithne dha è fein, no an saoghal; cha 'n aithne dha peacadh; agus cha 'n aithne dha an gnothach a dh'earb Dia ris a dheanamh air thalamh, gus an iompaichear è. Ars' an sgrioptuir *Is mi-rèusont' an sluagh aingidh, no, is amайдeachd le Dia gliocas an t saoghails,* 1 Cor. i. 20. Agus air teachd do 'n Mhac struidheil gu cheill, rùnaich è pilleadh, Luc. xv. 17. Nach glic an saoghal, an uair a bheir iad eas-umhlachd do Dhia, agus a ruidheas iad chum ifrinn, air eagal bhi gun chiall?

3. Ciod a th' anns an obair a dh'iarras Criosd, a chuireas duin' as a bheachd? An cuir teas ghràdh do Dhia, earbs' as, gairm air, smuainte sòlasach air glòir shiorruidh, cùl a chuir ri peaca, gràdh bràthaireil, agus spèis do obair an Tighearna; An cuir na nithe sin daoin' air mhearaichinn?

4. An uair a ghearaineas sibh gu bheil na nithe sin an-àrd air arson, tha sibh a' dìdeadh Dhe fein; do bhrigh gun d' thug è na nithe sin duinn mar obair, agus gun do chuir e fhocal an cèill duinn, a' sparradh air gach neach leis an àill sonas, *gluasad d'a rèir gach oïch' agus là.* An an-àrd ri beantainn doibh, na nithe sin chum an do chruthaicheadh sinn, agus chum am bheil sinn beo? Ma gearaineas sinn so, ni sinn neo-dhaoine brùideil dhinn fein; agus tha sinn mar dhream nach bean re gnothaichibh is àirde na nithe talmhuidh feolmhor. Ma 's an-àrd na flaitheas ri smuainteachadh orra, agus deanamh air an son, is an-àrd iad mar an ceudna r'an sealbhachadh gu bràth.

5. Nan ceadaicheadh Dia do dhuine ceann-lag, a chiall a chall air uairibh le smuaintibh air nithe siorruidh; tharladh so o ain-eolas an duine sin air nithe siorruidh, agus do bhrigh gun do thriall e gun Fhear iuill: agus b' fhearr leam gu mor mor bhi ann an

staid an fhir sin, na ann an staid an t sluaigh cheann laidir neo-iompaicht' a mheasas mire cuthaich mar an gliocas.

*Cun. 8. Shaoilinn nach'eil urrad churaim aig Dia de smuaintibh, de bhriathraibh, agus de gniomharaibh dhaoine; 's nach'eil è caoin-shuarrach umpa.*

*Freag.* Tuigear uaidh' so nach creid sibh focal Dè, agus mur creid, ciod è a chreideas sibh? Nach tugadh ur reuson fein duibh teagascg a's fearr na chunnui so, ga nach creid sibh an sgrioptuir? An saoil sibh nach robh càram aig Dia dhinn, an uair dh' aontaich è ar cruthachadh le focal a chumhachd, ar cumail suas le a laimh thrèin, agus ar n'altrum le a mhaiteas nach traogh? An dean duine glic obair innealt' an diomhanas? An dean no an ceannaich sibh uaireadair adh'amharc air gach là, gun chàram a ghabhail am bi è ceart no mi-cheart? Air chinntè mur creid sibh gu bheil sùil aig Dia 'n a fhreasdal sonraicht' air ur 'n intinnibh, agus air ur giulan, cha chreid sibh gu bheil sùil aig' air ur n'uireashbhi, no gun dìolar leis è. Agus nan gabhadh Dia co beag càram dhibh's a shaoileas sibh, cha bhiodh sibh beo gus anis: bhithheadh ceud galar ann an gleac spàirneil adh' fheuchainn co dhiu is luaith' a chuireadh as duibh. Seadh, thathaich-eadh na deamhain sibh agus dh' fhuadaicheadh iad leo sibh beo, mar a chosgras an garbh-iasg am min-iasg, agus an ealt fheoil-reubach na h-ealtadh eile. Cha 'n urrainnduibh asmuainteachadh nach do chruthaich Dia an duine chum crìch no feum eigin: agus ma chruthaich è chum feum air bith e, is ann a chum bhi sonadh ann an gèill a thoirt da fein. Agus an saoil sibh nach math le Dia gum freagadh an duin' a chrioch sin, agus gun deanadh è an obair chum an do dhealbhadh è; an obair o'n sruth sonas da anam?

Seadh leis a chunnui an-diadhaidh so,<sup>b</sup> aill leibh a dhearbhadh, gun do chruthaich agus gun do chum

Dia suas an saoghal an diomhanas. Ach c' ar son a chruthaich e creatuire iochdaranach na talmhainn, ach a chum feum an duine? Nach 'eil an talamh 'g ar giulan, agus 'g ar n-altrum? Nach 'eil gach beathach a tha air, a' freasdal d' ar feum, leo fein agus le 'n saothair? An do dhealbh Dia àros co ghlòir-mhor; an d' thug è do 'n duine mar ionad comhnuidh è; agus an do chruthaich è luchd freasdail d'a mar an ceudna; agus anis an saoil sibh nach 'eil dùil aig Dia ri ni eigin o lamhaibh an duin' air a shon so uile? An saoil sibh gur coma le Dia ciod è a smuainticheas, a labhras, no a ni an duine? ma shaoileas sibh so, tha ur barail ro mhearachdach.

*Cun. 9. Nach bu mhaith an saoghal, an uair nach robb an cràbhadh co dochrach do 'n t'sluagh?*

*Freag. I.* Bu ghnàth leis gach linn an aimsir a chaidh seachd a chliuthachadh. Bu ghnàth leis an t'saoghal a tha thus' ag' clìuthachadh a ràdh gum b' fhearr linn an sinnsearachd no an linn fein, agus b' i roghainn an sinnsearachd an linn a chaidh seachad: b' è so gearan gach linn de 'n t'saoghal. Is leur dhuinn olc ar linne fein, ach cha leur dhuinn an t'olc a chaidh seachad.

*II.* Mar mo bharail, tha sibh da rireadh: oir saoilidh daoin' an-saoghalta nach 'eil linn is fearr na an linn is taitniche leo fein: an linn anns am bi iad subhach sòlasach. Agus cha 'n 'eil è mar cheist orm, nach abair an diabhol co-mhath ruibhse gur iad na linne a chaidh seachad a b' fhearr, an uair a fhuair è fein mòran sòlais, anabharra gèill, agus beagan eas-umlachd. Ach's è saoghal a's fearr gu mòr an uair a gheibh Dia mòran gràidh, speis agus umhlachd. Agus ciod eil' an dòigh air an aithnich sibh maitheas no olcas an-t'saoghail ach so?

Cun. 10. *Tha coimhlion gnè chràbhaidh ann, 's nach 'eil fios againn ciod è an creidimh d' am bi sinn ; uime sin, fanaidh sinn mar tha sinn.*

*Freag.* Do bhrigh gu bheil iomad gnè chreidimh ann, am bi thusa do 'n chreidimh is meas' is aithne dhuit ? Cha 'n 'eil neach is faide o shligh' an fhior-chreidimh na am peacach an-saoghalta, ifrionach, neo-iompaichte : oir cha chuir a Bharail so, no a Bharail ud air seachran è, mar neach eile : ach is aon seachran claon a bheatha gu h-iomlan. Nan rachadh tu air turus ris am biodh t' anam an earbsa, an stadadh, no am pilleadh tu air t' ais, do bhrìgh gun tachradh slighe neo-chòmhnr gharbh ort, no do bhrìgh gum faiceadh tu cuid de 'n luchd-astair a' triall air sligh' a mharc-shluagh, cuid air slighe nan coisichean, agus cuid a' leum fàil, seadh, agus cuid eil' a' call na slighe air fad ? no nach b' fhearr leat an t sligh' iarraidh gu cùramach spairneil ? Ma tha cuid de luchd-tuarasdail agad, nach 'eil eolach air t' obair a dheanamh gu ceart, agus cuid a tha mi-dhileas, am bu mhath leat càch eil' a bhi diomhain, do bhrìgh gum faic iad an co luchd-tuarasdail cuid ri mille gnothaich, agus cuid eile ri macnus ?

Cun. 11. *Cha leur dhomh gur fearr staid dhaoine diadhaidh nà staid dhaoin' eile. Tha iad co aim-beartach dhocrach ri luchd-aingidheachd fein.*

*Freag.* Abair gu bheil daoine diadhaidh ni 's aim-beartaich agus ni 's docraich na daoin' eile, an uair a chi Dia sin iomchuidh : gidheadh an saoil thu gur tuarasdal leo socair agus saibhreas saoghalta ? Thaisg iad an ionmhas agus am muinghinn ann an saoghal eile, no cha 'n fhior Chriosdui'ean iad. Mar is lugha tha aca, is mòid' a tha aca r'a fhaghail : agus

fanaidh iad gu neo-ghearanach, gus an toir Dia dhoibh na nithe sin a tha dh' easbhuidh orra, a dheanamh an sonais iomlan.

*Cun. 12. An diaigh dhuit urrad a ràdh 's is urrainn thu, is i mo rùnsa, mo dhòchas a chuir ann an Dia, agus earbs' a dheanamh as, an ni is fearr a tha am chomas a dheanamh, ach gun urrad leth-trium a chuir orm fein le cràbha 's atha thus' ag iarraidh orm.*

*Freag. 1. An è sin a bhi 'deanamh an ni is fearr a tha ann ad chomas, an uair nach pill thu ri Dia, ach a bhithéas do chridh' an aghaidh gèill dhùrachdaich naomh' a thoirt dha? Creideam gur è sin an ni is fearr a tha ann ad rùn, ach cha 'n è an ni is fearr a tha ann ad chomas; agus 's è sin aobhar do dhòrainn fa dheireadh.*

*2. Is è m' iartas dùrachdach, gun cuir thu do dhòchas ann an Dia, agus gun dean thu earbs' as. Ach ciod è ris am bheil do dhùil? An i do dhùil gu'n teasairgear thu, ma philleas tu, agus ma naomh-aichear thu? Gheall Dia sin duit; agus na caomh-uinn dùil a bhi agad ris. Ach ma shaoileas tu gun teasairgear thu gun iompachadh agus gun bheatha naomha, cha 'n è so dòchas a chuir ann an Dia, ach anns an diabhol, agus ann ad fein: oir cha d' thug Dia an gealla so dhuit, ach a cheart atharrach: ach thug an diabhol agus t-fhein-spèis dhuit è, agus mhosgail iad an dòchas sin annad.*

Seadh, mur 'eil cunnuil agaibh an aghaidh iompaich aghaidh agus beatha naomha ach an leithid sin, chaill sibh ur saothair, oir ni bheil ann' uil' ach neo-ni: agus ma shaoileas sibh gur deagh aobhar dhuibh gach cunnuil dhiubh sin, a chuir impidh oirbh cùl a chuir ri Dia agus sibh fein a thilgeil ann an ifrinn na dòrainn; gun teasairgeadh Dia sibh o leithid sin do reuson, agus o chruaidh-chridh' ain-eolach gun mhoth-

achadh. Am bi do' mhisнич agaibh gach cunnuil dhiubh sin, a chuir an cèill mar leith-sgeul, ann an lathair cathair-breitheanais an Dè mhoir? An saoil sibh gur leith-sgeul do neach air bith a ràdh ris an Tighearna, " cha do phill mi do bhrìgh gun robh " urrad agam r'a dheanamh air thalamh; a chionn " nach bu taitneach leam giulan cuid de luchd- " aidmheil a chreidimh; agus do bhrigh gu'm facadh " mi coillion gnè chràbhaidh aig daoine." O, cia grad a leigeas solas an latha sin ris, laigse mhaslach nan cunnuire sin. An robh an saoghal agad ri cùram a ghabhail deth? Thugadh an saoghal d' an d' thug thu gèill, do thuarasdal duit, agus teasairgeadh è thu ma's urr' è. Nach robh saoghal a b' fhearr agad ri cùram a ghabhail deth air tùs? Nach do sparradh ort rioghachd Dhe agus a ceartas iarraidh air tùs, agus nach do ghealladh gun cuirear na h-uile nithe eile riut, Mat. vi. 33. Agus nach d' innseadh dhuit, gu bheil an diadhachd aig am bheil gealla na beatha a tha làthair, agus a tha chum teachd, tarbhach chum nan uile nithe, 1 Tim. iv. 8. An do chum peaca luchd-aidmheil a chreidimh air t' ais' thu? Bu chòra dhuit bhi ni b' fhurachair, agus rabhadh a ghabhail o'n cùl-sleamhnacha-san gu bhi air t' fhaicill, agus bhi ni's cùramaich; is è an sgrioptuir agus cha'n è an giulan-san bu riaghailt duit. An do chum ionad gne chreidimh an t' saoghal air t' ais' thu? Cha do theagaisg an sgrioptuir, riaghailt do ghiulan, duit ach aon slighe, agus b' i sin an t' slighe cheart: nan leanadh tu a chuid a bha còmhnhard reidh dh ith, cha rachadh tu riamh air seacharan. Nach cuir an leithid so do fhreagraibh amla tosdach ort? Mur cuir, tha seol' eil' aig Dia, a chuireas tosd ort gu siorruidh. An uair a chuir Dia mar cheist air an duine neo-iompaichte, Mat. xxii. 12. *A charaid cionnas a thainig thus' ann so gun trusgan na bainse umad?* Is è sin ri ràdh, ciod è do ghnòthach do m' eaglais, ann

am measg m' fhior-luchd-cràbhaidh, gun chridhe agus giulan naomh' agad? Ciod am freagra thug an duine neo-iompaicht' air a cheist so? Cha d' thug focal; ach òha è tosdach, gun a bheag r'a ràdh aige. Druididh a cheist shoillear so, agus mòrachd uabhasach na diadhachd, beul nan daoin' aingidh sin is tul-chuisiche 'n ar measg, ge nach cuirear cosg ortsa, le h-aon ni is urrainn luchd teagaisg a ràdh riut anis, ach connsaichidh tu gur ceart do chùis fein cia mi-cheart air bith i. 'Tha dearbh-fhios agam nach bi feum dhuit fa dheire, ann an aon leith-sgeul is urrainn thu anis a chuir au ceil, an uair a rannsaicheadh do chùis an làthair an Tighearna agus an t'saoghail gu lèir.

Seadh, 's gann a chreideas mi gur taitneach le 'r coguisibh fein ur leith-sgeulan. Oir ma 's taitneach is cosmhuiil nach 'eil aithreachas 'n ar rùn. Ach ma tha so 'n ar rùn, is cosmhuiil nach mòr ur n-earbs' as a chunnuil a tha sibh a' cuir air, no as an leith-sgeul a tha agaibh 'n a aghaidh.

Ciod è anis a pheacaich neo-iompaicht? am bheil deagh aobhar agad gun iompachadh air ball agus le t' uile chridhe? no an triall thu chum ifrinn a dh' ain-deon gach reusoin? Thoir an aire dhuit fein trà, oir is ro ana-moch dhuit sin a dheanamh gu goirid. Am faod thu gearan a dheanamh air Dia, air obair, no air do thuarasdal? Am measa an t'uachdaran Dia na an diabhol agus an fleoil d'an gèill thu? Am bheil cron ann an giulan naomha? Am fearr giulan an-saoghalta, agus mi-naomha na è? An abair do choguis riut gun dean iompachadh agus beatha naomha do chron? Ciod an cron a ni iad? An olc leat spiorad Criod a bhi annad? An olc leat cridhe fior-ghlan? Nam b' olc bhi naomh', an abradh Dia, *bithibh naomha, oir tha mise naomha!* 1. Pead. i. 16. An olc bhi cosmhuiil ri Dia? Nach do chruthaich *Dia an duine do reir a dhreach fein?* Is i an naomhachd so iomhaigh Dhe: Chaill Adhamh i, agus is àill le Criod a h-ais-

eag dhuitsa, agus do'n dream sin uil' a theasairgeas è le fhocal agus le spiorad. C'arson a bhaisteadh thu fein agus do Chlann do'n Spiorad naomha, mar do t' fhearr-naomhachaidh, mur àill leat gun naomhaichir thu, agus ma shaoileas tu gun dean naomhacha do chron? Innis domh gun bhreug, mar ann an làthair an Tighearna; ge d' is leasg leat bhi naoinha, nach b' fhearr leat bàsachadh mar naomh, na mar dhroch-dhuine? Nam bitheadh tu ri bàsachadh air ball, nach b' fhearr leat bàsachadh mar dhuin' iompaichte, na mar dhuine neo-iompaichte? Mar dhuine fior-ghlan neamhaidh, na mar dhuine feolmhor talmhuidh? Agus nach abradh tu le Balaam, Aireamh. xxiii. 10. *Faigheamsa bàs an ionracain, agus bitheadh mo chrioch dheireannach mar a chrioch-san?* Agus c'arson nach guidh thu anis, an ni sin a ghuidheadh tu air adhart bàis? anis no an diaigh so, 's eigin duit iompachadh, no thig ort oi'che tannis agus bàis anns nach faod thu so a dheanamh, ge do b' àill leat è:

Ach ciod è ata eagal ort a chall ma philleas tu? An caill thu do chairde neo-iompaichte? Ma chailleas gheibh thu cairdean eile is fearr na iad; gheibh thu Dia, Criod, an Spiorad naomh, agus gach criosuidh. Gheibh thu aon charaid is fearr dhuit, agus a ni tuill' air do shon, na 's urrainn gach caraid saoghalt' a dheanamh. Mhealladh na cairdean sin a chaill thu, chum ifrinn thu, ach cha 'n fhaod iad do theasairginn: ach saoraidh an caraid a gheibh thu t' anam o ifrinn, agus bheir è thu chum a shuaimhnis shiorruidh fein.

Tha eagal ort gun caill thu t' aoibhneas, agus nach bi là subhach agad gu bràth ma philleas tu. Mo thruaigh, an sòlasaiche leat sùgradh amaideach feolmhor, na beatha chràbhach, smuainte air glòir shiorruidh, teas-ghràdh do Dhia, seirc do'n chinne daonna, sìth coguis, agus aoibhneas anns an Spiorad naomh, anns am bheil staid nan gras' a' co'-sheasamh? Romh.

xvi. 17. Nam bu mhò an sòlas leat smuainteachadh air t' fhearrann agus air t' oighreachd, nam biodh Tigh-earnas na tire gu leir agad, na smuainteachadh air cluich cloinne bige ; c' arson nach fearr leat smuainteachadh air rioghachd neamhlì, mar t' oighreachd, na air saibhreas an t' saoghalil gu leir ? Mar is amaideachd leanbuidh a bheir air cloinn bhig urrad thlachd a ghabhail ann an nithibh faoin, 's nach cuir iad ann an geall t' oighreachd iad ; mar an ceudna is amaideachd anabarrach a bheir orts a urrad thlachd a ghabhail do t' inbh, do d' shaibhreas agus do d' shòlas saoghalta, 's nach cuir thu iad ann an geall an t' sonais neamliaidh. Ach ciod a ni thu arson sòlais, an uair a chailleas tu iad sin ? Nach smuaintich thu air so ? an uair a chriochnaicheas do shòlas saoghalta le h uabhas. agus a theid è as mar smal le droch bholtrach, bithidh sòlas neamhaidh an naomh-shluagh a' sior-dhol am meud. Bhlaic mi fein beagan do'n t' sòlas neamhaidh, ann an dearcadh air an dearbh-blíeachd a tha agam air gràdh Dhe ann an Criosd, agus ann an roi-smuainteachadh air an là bheannaicht' a tha ri teachd : agus tharraing mi lan-deoch de 'n t' sòlas thalmhuidh, gidheadh, is eigin domh aideachadh o m' mhothacha fein, nach coimeas d' a chèil' iad : Is eigin domh aideachadh ma shoillsicheas grian na beatlia gu dealrach oirn, gur sòlasaich aon là ann an staid na naomhachd, na siorruidheachd ann an staid an t' sòlais pheacaich. " Is " fearr là a' d' chùirtibh na mìle : b' fhearr leam a " bhi ri dorsaireachd ann an tigh mo Dhè, na bhi 'm " chòmhnuidh ann am pàilliunaibh aingidheachd."

Sal. lxxxiv. 10. Tha gàire luchd-aingidheachd, mar ghàire luchd-cuthaich, do nach leur an dòrainn fein : uime sin arsa Solamh ris a ghàire sin, " is mire chuth- " aich è : agus ri sùgra ciod is feum dha ? Eccles. ii. 2. " Is fearr dol chum tigh a bhròin' na chum tigh " cuirme : oir is è sin crioch gach aon duine, agus " gabhaidh am beo ga chridhe è. Is fearr bròn na

“gàire : oir le dubhachas na gnùis, nithear an cridhe  
 “ni's fearr. Bithidh cridhe nan daoine glice ann an  
 “tigh a bhròin, ach cridhe nan amàdan ann an tigh  
 “an t-subhachais. Is fearr èisdeachd ri achmhasan  
 “duine ghlie, na gun èisdeadh duine ri h-òran  
 “amadana ; oir mar fhuaim droighnich fo phoit, mar  
 “sin tha gàire an amadain : is diomhanas so mar an  
 “ceùdna. Eccles. vii. 2—6.” Tha an sòlas feolmhor  
 gu leir, mar an sòlas a bheir tach'as na sgrìobaich do'n  
 neach air am bi i : is i an ea-slaint a bheir air an sòlas  
 so a mhiannachadh : agus b'fhearr le duine glic na an  
 sòlas so uile, bhi saor o'n ea-slainte. Cha'n'eil ur  
 sùgradh ard-ghuthach, ach mar ghàire duine chigilté:  
 ni è gàire gun aobhar gàirdeachais. Is glice dhuit  
 gu mor t' oigreachd a thoirt arson gair' a thoirt ort le  
 cible, na cùl a chuir ri gràdh Dhe, ri sòlas na naomh-  
 achd, ri dòchas neamhaidh, agus thu fein a chuir am  
 mugha ; chum 's gun toilichear t' fheoil le sòlas peac-  
 aidh car tamaill bhig. Smuaintich mar dhuine geur-  
 chuisseach an glic an giulan so. Is è do nadur mi-  
 naomhaicht' a bheir ort giulan naomh' a mheas mar  
 leath-trom, agus giulan ana-miannach a mheas mar  
 shòlas. Ma philleas tu, bheir an Spiorad naomh  
 dhuit nadur agus togradh eile, agus an sin, is sòlasaiche  
 leat gu mòr cùl a chuir ri d' pheaca, na bhi 'g a altrum  
 ni's faide ; agus is cainnt duit an sin, nach robh eolas  
 agad air sòlas beatha, agus nach robh thu riamh ceart,  
 gus an do ghabh, thu tlachd ann an Dia, agus ann an  
 naomhachd.

*Ceist.* C' arson a tha daoine co mhi-reusont' ann  
 an gnothach ris am bheil an sonas an earbsa ? Tha iad  
 leoir-gheur-chùiseach an an gnothaichibh eile, ach c'  
 arson a tha iad co-leisg gu h-iompachadh, a's gur  
 saothair chaillte bhi labhairt riu, air cùis co shoilleir ;  
 oir caithidh cuid mhor dhiubh am beatha agus bàsaich-  
 idh iad gun iompachadh ?

*Freag.* Chum a cheist so fhuasgladh ann am briatharaibh aithghearr.

1. Tha anabharra gràidh do'n t' saoghal agus do'n fheoil ann an nadur dhaoin' aingidh; rugadh iad le pòr nan ana-mianna péacach, agus tha an nàdur co naimhdeil do Dhia agus do naomhachd, 's a tha an nathair do'n duine: agus an uair a bhios gach teagasg a gheibh iad, ann an aghaidh droch-rùin shuidhicht' an nàduir, cha 'n ìoghnadh ged chailleas luchd teagaisg an saothair, agus ge nach toir iad buaidh le 'n impidh.

2. Tha luchd-aingidheachd ann an dorchadas co dui-neulach thiugh 's nach leur dhoibh an ni sin a chluinneas iad. Mar dhuin' a rugadh dall, a chluinneas mòr chliu an t' solais; ach 's coma, dha so mur leur dha è. Cha 'n aithne dhoibh Dia, no curnhachd an 't soisgeil, cha 'n aithne dhoibh an Spiorad naomh, no giulan seirceil do rèir an fhior chreidimh: cha 'n aithne dhoibh ionchuidheachd, cinnt, mòr-luach, agus buanas na h-oighreachd neamhaidh. Cha 'n aithne dhoibh an t' iompacha, no intinn agus giulan naomha; seadh, ge do chluinn iad iomradh orra. Dhalladh iad le duibhre dorch an ain-eolais. Chaidh iad air seacharan peacach, mar dhuin a chaill a shlighe anns an oïche, gun fhios aige c'ait an robh è, gus an do bhris an là speur-ghlan a dheanamh an iùil dha gu ceann uidhè.

3. Tha dùil an-toileil aca nach feum iad lan-iompaichadh, ach cuid atharrachaidh; agus gu bheil iad air an t' slighe chum neamh cheana; agus gu bheil iad iompaichte ge nach 'eil. Agus ma chi thu neach a chaill an t' slighe gu tur, cha 'n 'eil feum dhuit bhi 'glaodhaich ris pilleadh, mur creid è gu bheil è air seacharan.

4. Is tràillean daoin' aingidh d' an ana-miannaibh feol-mhor; tha iad bàit' ann an-saoghaltachd, agus cha ni leo ach solar talmhuidh. Chuir an ana-mianna

ciòcrach, an togra neo-gheimnidh, agus am buaireas intinn, as an cèill iad, agus fhuair iad lamh-an-uachdar orra co mòr, 's nach urr' iad a dhiultadh gèill a thoirt doibh, no ni air bith a thoirt fainear ach iad : air an aobhar sin ars' am misg-fhear, " Is ion- " mhuinn leam deagh dheoch laidir, agus cha bheo " mi as a h-eag'uis." Ars' an geocach, " Is ion- " mhuinn leam cuirm shòghail, agus cha sòlas leam " ach i." Ars' an neo-ghlan, " is ionmhuinn " leam m' ana-nihianna feol-mhor, agus cho sonas " leam, ach an lan-shàsuchadh." Is ionmhuinn le fear-cluiche a chleusachd, agus cha ni leis ach ì. Mar so is tràillean ceangailte do'n t' saoghal agus do'n fheoil iad, agus is ea-comas an toilealachd ; agus an ni nach àill leo, cha'n urr' iad a dheanamh, ma's fior iad fein. Tha an duin' an-saoghalta co chùramach mu nithe talmhuidh, 's nach bheil ùine, cridhe, no rùn aige, chum smuainteachadh air nithe neamhaidh, ach mar dh' ith bà granda chaola Pharaoh, na bà sgiamhacha reamhara, Gin. xli 4. Mar an ceudna, shluig smuainte talmhuidh smuainte neamhaidh.

5. Tha cuid de dhaoin air seachran le sruth na droch cuideachd, agus ni bheil ach droch bharail aca air giulan diadhaidh, do bhrigh gun cluinn iad an luchd-comuinn 'g a shior-dhìeadh : no air a chuid is lugha, saoilidh iad gur tearuinte dhoibh am mor-shluagh a leanamhuinn, agus mar so thèid iad air an aghaidh aìn an slighe peacaidh ; agus ged a spionar neach agus neach eil' uatha, d' an tilgeil ann an ifrinn, cha chuir so oillt orra, oir cha leur dhoibh c'ait an do thilgeadh iad : ach mo thruaigh triallaidh iad ann an slighe peacaidh, gun fhios aca gu bheil an luchd-gaoil agus comuinn, a tha ann an dòrainn, 'g a chaoineadh so gu goirt, Luc. xvi. Bu mhath leis an duine dhoichiollach shàibhir ann an ifrinn, neach a thoirt rabhadh d' a chuig bhràthairibh, mun

rachadh iad chum ionad sin na dòrainn. Is cosmhuiil gum b' aithne dha an rùn agus an giulan, agus gun robh cabhag orra chum ifrinn, gun smuainteachadh gun robh am bràthair an sin; seadh, agus gur gann a chreideadh iad aon neach a dh' innseadh dhoibh gum bu chòmhnuidh dha ionad na sior-chlaoïdh. Is cuimhne leam sealladh, a dh' innis duin' uasal eigin domh, (Mr. R. Rowly o Shrewsbury air drochaid Acham) a chunnaic è fein air drochaid Severn. Bha fear ag iomain treud reamhar uan, agus choinnich ni eigin iad, a chuir sgaoim orra, a thug air aon uan leum air balla na drochaid, agus air sleamhnachadh da chosaibh, thuit è anns an t-sruth; chunnaic càch an t' uans' a' dol as an sealladh, agus leum gach aon diu an diaigh a chèile thar an Drochad anns an t-sruth cheudna; agus is beag nach do bhàthadh iad uile; cha robh fios aig an deire ciod bu ðiol do 'n toiseach, ach shaoil iad gum bu tearuinte dhoibh a mhòr-chuideachd a leantainn; ach co luath 's a thuit iad bonn os ceann thar a bhalla, mhothaich iad atharracha. Is amhuil a thachair do 'n t-sluagh fheolimhor neo-iompaichte. Bàsaichidh neach laimh riu, agus tuitidh è ann an ifrinn, agus leanaidh neach eil' è: agus triallaidh càch air an luirg, do bhrìgh nach smuaintich iad c'ait ann deach' iad. Ach an uair a dh' fhosgaileas am Bàs an sùilean, agus a chi iad an dòrainn a tha air an taobh eile de 'n bhalladh; seadh, ann an saoghal eile, ciod nach tugadh iad air son bhi far an robh iad!

6. Os-barr, tha nàmhaid mi-runach, innleachdach, agus neo-fhaicinneach aig luchd-aingidheachd; nàmhaid a leagas a cheap-tuislidh anns an dorchadas; agus is priomh-obair dha bhi a' bacadh an iompachaidh; 'g an cumail far am bheil iad; a' cuir impidh orra gun an scrioptuir a chreidsinn; gún dragh a chuir air an intinne leis; droch-bharail a bhi aca air beatha dhiadhaidh; a mheas gur anabharr neo-fheumail i, agus

gun tearnar iad gun iompachadh, agus gun urrad dhraghl; agus gu bheil Dia co-tròcaireach 's nach leir-sgrios è an leithid sin; air a chuid is lugha, gum faod iad fuireach tamull beag eile; an leoir sòlais a ghabhail; an saoghal a leantainn beagan ni's faide; agus an sin, cùl a chuir ris le h-aithreachas. Leis na h-ais-innleachdaibh mealltach so, cumaidh an diabhol cuid mhòr do 'n t-sluagh fo bhruid, agus treoraichidh se chum a dhòrainn fein iad.

Is iad sin, agus an leithid eile do cheapaibh tuis-lidh, a chumas anabharra sluaigh o iompacha. Ge do chaith Dia agus Criod, an Spioraid naomh agus luchd teagaisg, urrad shaothair air an iompacha; gidheadh, do bhrigh gun do chuireadh todh air an reuson, agus nach urradh iad freagra thoirt air an Tighearn' a ghlaodhas air an diaigh, *Pillibh, pillibh, ciod air son a bhàsaicheas sibh?* chailleadh gach saothair a bhuilicheadh air cuid mhòir dhiu; agus cha 'n fhàg iad anis aig luchd-teagaisg r'a dheanamh, ach suigh-eadh sios, agus an dòrainn a chaoidh.

Thaisbineadh anis duibh iomchais eachd iartais De, agus mi-reasontachd eas-umhlachd dhaoin' aingidh. Agus mur dean so feum, agus ma dhiultas luchd-aingidheachd pilleadh, bheirear fainear anns an àit is faigse, co aig am bheil a choire ma thèid iad am mugha. Agus treoraichidh so sinn chum an teagaisg dheireannaich, eadhon.

## TEAGASG VII.

*Mur iompaich dasin' aingidh na dhiaigh so uile, cha 'n i coire Dhè ach an coire fein gun leir-sgriosar iad; is i an an-toil fein fior-aobhar an dòrainn: oir bàsaichidh iad do bhrìgh gur roighniche leo bùs na iompacha.*

Ma thèid sibh chum ifrinn, ciod a chobhair a nitear oirbh? Shaor Dia è fein o'r ful; cha luidh coire ur leir-sgrios air-san. Faodaidh fear teagaisg neo-chùram-

ach, agus an dream a bheir misneach dhuibh anns an olc, agus nach toirmisg ur peaca dhuibh, cuid d' ur ciont' a tharraing orra fein; ach bithibh cinnteach, nach agrar air Dia i: Ars' an Tighearna mu Fhion-lios gun toradh, an diaigh dha a thogail ann am fonn tarbhach, na clochan a thilgeil as, agus rogha nan cranna fiona shuidheachadh ann, Isa. v. 3. 4. "Am "faodar tuill" a dheanamh re m' Fhion-lios, na rinn "mi ris?" Mar an ceudna, am faodadh Dia tuill' a dheanamh ruibhs' acli na rinn è? Chruthaich è ur cuirp gu h-iongantach; chuir è anma reusont' annta d' an riaghladh; chum è suas sibh le chumhachd; dh' altrum è sibh le mhaitheas; thug è air creatuirean eile bhi freasdalach dhuibh; thug è dhuibh lagh co-thromach iomlan d' ar sduireadh: an uair a bhris sibh è, agus a chuir sibh as diubh fein; dh' amhairc è oirbh le tiom-chridhe, dh' aontaich è gu h-iongan-tach gràsmhor Aon mhac siorruidh a bhàsachadh, mar iobairt air son ur peacaidh, agus bha è ann an Criod a' rèiteachadh an t-saoghal ris fein. Thug Criod duibh è fein, agus beatha shiorruidh mar thiodhlac saor, ma ghabhas sibh è agus ma philleas sibh. Air a chumhnant reusonta so thraig è dhuibh gu saor lan-mhaitheanas 'n ar n' uile pheacaidh. Sgriobh è so 'n a fhocal, naisg è le a spioraid è, agus thraig è dhuibh le luchd teagaisg è, gu tric agus gu minig, agus ghuuidh iadsan oirbh a ghabhail agus pilleadh ri Dia. Thug iad earail oirbh 'na ainm, reusonaich iad a chùis ruibh, agus fhreagair iad ur n-uile chunnule fann. Dh' fhuirich Dia fada ruibh. Dh' fhuiling è anacainnt uaibh. Chum è suas sibh gu gràsmhor ann am boilsgin ur peacaidh: chuartach è sibh leis gach gnè throcair! choimeasg è sólas le 'r dòlas, a chuimhneachadh ur n-amaideachd dhuibh, agus d' ar gairm g' ur ceil: bu tric a Spiorad a' gleachd r'ur n-anmaibh, agus ag ràdh riu, fa leth, "pill a pheacaich, "pill air iartas do Dhe: c' àit an triall thu? ciod is

"obair dhuit? An aithne dhuit do chrioch, no ceann  
 "t' uighe? Cia fhad a bheir thu fuath do d' chàir-  
 "dibh, agus gràdh do d' naimhdibh? C' uin a thrèig-  
 "eas tu gach peacadh, a philleas tu ri d' Dhia, a  
 "bheir thu suas thu fein d'a umhlachd, agus a chuireas  
 "tu t' Fhear-saoraidh ann an seilbh a t-anam? C' uin  
 "a tharlas so?" Thagradh leas t-anma riut air  
 a mhodh so. Agus air bhi dhuit màidheanach, spar-  
 radh ort' cabhag a dheanamh, agus ghlaodh Dia riut  
 greasad ort, ag ràdh, "*An diugh, am feadù a mhair-  
 eas an là, na cruadhaich do chridhe: nach pill thu anis gun  
 tuille moille?* Chuireadh beatha ann ad thairge;  
 leigeadh ris duit an sòlas neamhuidh anns an t'soisgeul.  
 Dhearrbadh a chinnt, agus cinnte dòrainn shiorruidh  
 na h-aitim a chaidh am mugha dhuit. Mar b'aill leat  
 scalla de fhlaitheas na glòire, agus de ifrinn na-dòr-  
 ainn fhaicinn, ciod tuille dh' iarradh tu. Nochdadadh  
 dhuit Criod air a cheusadh am fianuis do shùl, Gal.  
 iii. 1. Dh' innse dhuit gu minig, *gur duine càillt thu*  
*mar pill thu;* agus is co tric a chuala tu olc agus  
 diomhanas peacaidh; agus faoineachd sòlais agus  
 saibhris an t' saoghail so; giorrad agus neo-chinnte  
 do bheatha: agus siorruidheachd sòlais agus dòrainn  
 an t' saoghail eile. Leigeadh so agus tuille ris duit, a  
 ris agus a ris; gus an robh thu sgìth 'g a èisdeachd:  
 agus is lughaid a thug thu fainear è, gun cualadh tu  
 è co minig, mar Mhada Gobha, air an d' fhuair  
 cleachdainn lamh-an-uachdar co mhòr, 's gun coidil è  
 gu suaimhneach fo fhuaim nan òrd, agus na drith-  
 leanna a' sradadh mu chluasaibh; agus ge nach d'  
 iompaich so uile thu, gidheadh, tha thu beo, agus  
 gheibh thu trocair an diugh, ma 's àill leat i. Anis  
 leig a chùis fa ràidh, do reusoin fein; agus fiosraich  
 dheth, an i coire Dhe no do choire fein, ma thèid thu  
 am muglia gun iompachadh na dhiaigh so uile? Ma  
 bhàsaicheas tu anis; is ann do bhrigh gur fearr leat  
 bàs na beatha. Ciòd è tuille a dh' fhaodar a ràdh

riut? No innis fein ma's aithne dhuit, ciod eil' an doigh air an teasairgir thu? An abair thu, "och bu 'mhath leam iompachadh mar nuadh-chreatuir, ach 'cha'n urra mi; bu mhath leam mo chuideachd, 'mo smuainte, mo bhriathra, agus mo ghniomhara 'atharrachadh, ach cha'n urra mi sin a dheanamh." Nach b' urrainn thu nam b' àill leat? Ciod a bhac thu ach aingidheachd do chridhe fein? co a thug ort peacachadh; no a chum air t' ais thu o leas t' anma? Nach robh an teagast, an ùin, agus an comas ceudna agadsa gu bhi diadhaidh, a bha aig do dheagh nàbaidh? Agus c'arson nach faodadh tusa bhi diadhaidh mar an ceudna; an do chrannadh doras na h-eaglais ort? no, nach do chum thu fein amach thu? no, nach do shuigh agus nach do choidil thu; agus nach cualadh tu mar nach cluinneadh tu. An do chuir Dia cunnail ort 'n a fhocal, an uair a thug è cuire do pheacachaibh pilleadh; agus a gheall è dhoibh tròcair nam pilleadh iad? *An dubhارت è, Bheir mi maiheanas do gach neach a ghabhas aithreachas, ach dhuitse?*" An do dhiult è comas aoraidh dhuit? an do thoirmisg e dhuit urnaigh a dheanamh, ni's mò na do chach eile? Tha fios agad nach do thoirmisg. Cha d' iomain Dia uaidhe thu, ach theich thu fein uaidhe. Agus an uair a ghairm è d'a ionnsuidh thu, cha b' àill leat teachd. Nan diultadh Dia dhuit gealladh agus taigse choitcheann na tròcair, no nan abradh è riut; *Seas uam, cha bhi gnothach air bith agam ri d' leithid; na dean ùrnaigh rium, oir cha'n èisd mi riut.* *Cha toir mi feart air t' aithreachas air a mhead, agus cha fhreagair mi cia dùrachdach air bith a dhìarras tu tròcair.* Mur fàgadh Dia agad mar mhuinghinn ach an-dochas bha sàr leith-sgeul agad. Agus dh' fhaodadh tu a ràdh, *Ciod air son a ghabhas mi aithreachas, agus a phil-las mi, agus gun fheum air bith dhòmh ann?* Ach cha b' è so do chor-sa. B' fhurasda dhuit Criosc a bhi agad mar Thighearna agus mar Lèigh, mar atha à

aig daoin' eile, ach cha b' àill leat è ; do bhrìgh nach do mhothaich thu tinn ni 's leoir thu fein, arson an Lèigh ; agus nach b' àill leat dealachadh ri t' easlainte : thubhairt thu le d' chridhe mar an luchd ceannairc, Luc. xix. 14. *Cha'n àill leinn am fear so mar righ.* Ghabhadh Criodh thu fo a sgiathraighe slainteil, ach cha b' àill leat sin, Mat. xxiii. 37. Nach anabarrach an spèis do leas dhaoin' a thaibh an Tighearna 'n a fhocal fior-ghlan ? Nach mor an tiom-chridhe leis an dubhaint è, "O ! nan èisdeadh " mo shluagh rium, agus gu'n gluaiseadh iad ann ami " shlighibh ! Sal. lxxxi. 13. O ! gum biodh an "gne chridhe so anna, gum biodh m'eagals' orra, agus "gun gleidheadh iad m' aitheantaan uile a ghnàth, a "chum gun èireadh gu math dhoibh agus d' an "cloinn gu bràth ! Deut. v. 29. O ! gun iad a bhi "glic, O ! nach tuigeadh iad so, agus nach measadh "iad an crioch dhéireannach !" bhiodh Dia dhuit mar Dhia, agus bheireadh è dhuit sonas mor mar do mhiann, nan tugadh tu gèill d'a ; ach thug thu barrachd speis do'n t'saoghal agus do'n fheoil na thug thu dha, agus uime sin cha d' èisd thu ris ; ge do chliudh-aich thu è, a' toirt mòr-ainm dha ; gidheadh cha b' àill leat è fa dheire. Air an aobhar sin cha n iongantach ged a thug è suas thu do ana-miannaibh do Chridhe, a għluasad a rèir t'an-toil' fein. Dh' aontaich è a chuis a thagradh riut, agus chuir è mar cheist ort, "Ciod atha annamsa, no ann am obair, 's gum "bittheadh tu co mhor a'm' aghaidh ! Ciod an crón a "rinn mi ort a pheacaich ? an do thoill mi an "gnàthacha mi-shuaирce so o d' lamhaibh ? Is iomad "tròcair a nochd mi dhuit ; agus c'arson a ni thu "dimeas orm ? Am mise no an diabhol is nàmhaid "duit ? An ann o bheatha naomh, no o għiulan "peacach, a tha aobhar agad teicheadh ? Ma theid "thu am mugha, 's tu fein an coireach ; oir thrèig thu "mise do Dhia tearmainn, Ier. ii. 17. Smachdaich-

" idh d' aingidheachd fein thu, agus ni do chùl-  
 " sleambhnachadh fein do chronachadh : aithnich  
 " uime sin agus faic, gur olc agus searbh an ni gun do  
 " thrèig thu mise, Ier. ii. 5. 6 ? Ciod an cron a fhuair  
 " thu dhomh, an uair a thrèig thu mi agus a lean thu  
 " diomhanas ? Ier. ii. 5. 6 .." Tha an Tighearn a'  
 gairm neamh agus talamh mar fhianais a thagraidh  
 r'a shluagh. " Eisdibhse O shlèibhte, agus a bhunaite  
 " laidir na talmháinn, co stri, an Tighearna ; or tha  
 " co-stri aig an Tighearna r'a shluagh, agus tagraidl  
 " è ri h-Israel. O ! mo shluagh ! ciod a rinn mise  
 " ort, agus co leis a sgithich mi thu ? tog fianuis a'm'  
 " aghaidh, oir shaor agus thug mi 'mach as an Eiphit  
 " thu. &c. Mic. vi. 2. 3. 4. Cluinnibh O neamha, agus  
 " eisd o thalamh ; oir labhair an Tighearna. Dh'  
 " altrum agus thog mi suas Clann, agus chathaich iad  
 " a'm' aghaidh. Is aithne do'n damh a shealbhadoir,  
 " agus do'n Asail Prasach a maighstir ; ach cha 'n  
 " aithne do Israel Mise, agus cha smuaintich mo  
 " shluagh orms'. Ach ! cinneach peacach, sluagh  
 " luchdaichte le h-aingidheachd, a shliochd luchd-  
 " uilc ! &c. Isa. i. 2.—4. O shluagh amайдeach agus  
 " gun chèill ? nach easan t' athair a cheannaich thu ?  
 " nach do chruthaich, agus nach do dhaingnich è  
 " thu ? Deut. xxxii. 6." An uair a chunnaic Triath  
 na slainte gun do chuir thu cùl ris fein, gun d' fhàg  
 thu è, agus gun robh thu a' sealg nithe diom-buan  
 saoghalta, leig è do mhi-ghliocas ris duit, agus ghairm  
 è thu gu h-obair bu tarbhaich, ag ràdh, " Ciod air  
 " son a bhuilicheas tu t' airgid air ni nach aran ? agus  
 " do shaothair air ni nach sàsaich ? Eisd gu dùrachd-  
 " ach riumsa, agus ith an ni a tha math, agus bith-  
 " eadh tlachd aig t' anam ann an reamhrachd. Claon  
 " do chluas agus thig am ionnsaidhse ; cluinn, agus  
 " mairidh t' anam beo, agus ni mise co'-cheangal  
 " siorruidh riut, eadhon tròcairean cinnteach Dhai-  
 " bhidh. Isa. iv. ii. 3. Iarraibh an Tighearna, am

"feadh à ta è r'a fhaotainn ; gairmibh air, am feadh  
 "a ta è am fagus. Trèigeadh an t'aingidh a shlighe,  
 "agus an duin eacorach a smuainte, agus pilleadh è  
 "ris an Tighearn, agus nochdai è tròcair dha ; agus  
 "r'ar Dia-ne, oir bheir è mathanas gu pait. Rann.  
 "6. 7." Agus an uair nach èisdeadh tu, nach d'  
 thug thu do'n Tighearn' aobhar gu gearan ort, agus  
 coire do leir-sgrios fhàgail air t'an-toileileachd choirbe  
 fein ? "Biodh ioghnadh oirbh o neamha mu'n ni so,  
 "agus biodh uabhas oirbh deir an 'Tighearna ! oir  
 "chuir mo shluaghsa da olc an gniomh ; thrèig iad  
 "mise tobar nan nisgeacha beo, agus chladhaich iad  
 "dhoibh-fein sluichd, sluichd ea-dionach nach cum  
 "uisge. Ier. ii. 12, 13." Is minig a thug Criosc  
 cuire saor dhuit, ag ràdh, "Thigeadh an neach air  
 "am bheil tart, agus ga b'e neach leis an àill  
 "gabhadh è uisce na beatha gu saor. Foil. xxii. 17."  
 Ach an diaigh gach tairgse, thug sibh aobhar do  
 Criosc an gearan so a dheanamh oirbh ; "Cha tig  
 "iad am ionnsuidhse chum gum faigh, iad beatha,  
 "Eoin. v. 40," Thug è cuire dhuit chum fleadh nan  
 naomh anu an rioghachd a ghràis : agus o nach robh  
 toil agad dith, ghabh thu mar leith-sgeul, nach cead-  
 aicheadh t' fhearrann, t' eallach, agus do ghnothaiche  
 saogalta dhuit gèill a thoirt d'a chuire, agus mar so,  
 bhrosnuich thu e chum feirg, agus chuir è roimhe  
 nach blais thu a shuipeir gu bràth. Luc. xiv. 15—  
 25. Co anis an coireach, co achi thu fein ? co is  
 priomh-aobhar do d' leir-sgrios, ach t' an-toil chean-  
 nairceach ? oir roighnich thu dol am mugha. Leig  
 Criosc ris a chùis gu h-iomlan, Gnath. i. 20—33.  
 "Tha gliocas ag èigheach a muigh, anns na sràidibh,  
 "tha i a' cur a mach a gutha ; ann an àitibh sòn-  
 "raichte a' chomh-chruineachaidh tha i ag èigheach,  
 "ann am fosgladh nan geata ; anns a' bhaile tha i a'  
 "cur a mach a briathra, cia fhad, a dhaoine baogh-  
 alta, a ghràdhcheas sibh baoghaltachd ? agus a

" ghabhas luchd-fochaid tlachd nam fochaid, agus a  
 " bheir amadain fuath do èolas ? Pillibh ri m' achmh-  
 " asan : feuch, dòirtidh mi mach mo spiorad dhuibh ;  
 " ni mi aithnichte mo bhriathra dhuibh. A chionn  
 " gu'n do ghairm mi, agus gu'n do dhiult sibhse, gu'n  
 " do shin mi mach mo làmh agus nach d' thug duine  
 " sam bith an aire ; Ach gu'n do chuir sibh an neo-  
 " brigh m' uile chomhairle, agus nach b' àill leibh a  
 " bheag do m'achmhasan : Ni mise mar an ceudna gáire  
 " ri'r sgriös-sa ; ni mi fanoid 'n uair a thig bhur n-  
 " eagal ; 'N uair a thig bhur n-eagal mar flàsachadh,  
 " agus a thig bhur lèir-sgrios oirbh mar iomghaoith ;  
 " 'n uair a thig teinn agus cràdh-cridhe oirbh An  
 " sin gairmidh iad ormsa, ach cha fhreagair mi ;  
 " iarraidh iad mi gu moch, ach cha 'n fhaigh iad mi ;  
 " A chionn gu'n d' fhuathaich iad èolas, agus nach  
 " do ròghnuich iad eagal an Tighearna. Cha b aill  
 " leo bheag do m' chomhairle, rinn iad tair air m'  
 " achmhasan uile. Uime sin ithidh iad do thoradh  
 " an slighe fèin agus llonar iad le 'n innleachdaibh  
 " fein. Oir marbhaidh claonadh nan daoine baogh-  
 " alta iad, agus sgriosaidh soirbheachadh nan amadan  
 " iad fein. Ach ga b'e dh' eisdeas riumsa, gabhaidh e  
 " còmhnuidh an tearuinteachd, agus bithidh è saor o  
 " eagal uilc." B' iomchuidh leam an teagasg so a  
 chuir an cèill duibh gu iomlan, do bhrìgh gun leig è  
 ris lan-aobhar leir-sgrios luchd-aingidheachd. Cha  
 sgriosar iad do bhrìgh nach do theagaisg Dia iad, ach  
 a chionn nach do ghabh iad foghluin. Cha tèid iad  
 am mugha do bhrìgh nach do ghairm Dia iad, ach a  
 chionn nach do phill iad air impidh. Is i an an-toil  
 fein fior-aobhar an dòrainn.

## FEUM.

O na briathraibh a labhradh ruibh, foghlumaibh  
 os- barr na nithe so a leanas.

1. Uaidhe so chi sibh, nach toibheum agus an-diadhachd amhàin, Dia a choireachadh airson leir-sgrios dhaoin' aingidh ; ach mar an ceudna, gur minnàdurra an ni do luchd-aingidheachd a chàaid so a chuir air an Cruthai-fhear. Glaodhaidh iad gu gearanach, ag ràdh, nach d' thug Dia gràs diobh, gu bheil a bhagra borb; agus nar leigeadh Dia gun leir-sgriosar gach duine neo-iompaichte agus mi-naomhaichte ; agus is cruaidh an gnothach leo gun smachdaicheadh peaca diom-buan le dioghaltas bith-bhuan ; agus is cainnt doibh ma theid iad am mughá, nach faod iad a leasachadh : An uair is sior-obair dhoibh bhi a' cosgradh an anmaibh, agus cha chum iad an lamhan o n leir-sgrios fein air impidh Dhe no dhaoine. Saoilidh iad gur neo-iochdmhor an ni do Dhia an leir-sgrios, gidheadh, tha iad co an-iochdmhor dhoibh fein, 's gun ruidh iad gu dian chum ifrinn ; ge d' innis Dia dhoibh nach 'eili i ach ro ghoirid uatha, gidheadh, cha chuir impidh, gealla, no bagra stad orra. Chi sinn gur beag nach 'eil iad lan-mhillte : Tha am beatha neo-chùramach, fheolinhor, saoghalta, a' dearbhadh gu bheil iad fo chumhachd an diabhoil ; tha fios againn ma thig bàs orra roimh iompacha, nach faod an saoghal gu leir an teasairginn ; agus do thaoblh neo-chinnt am beatha, is aobhar eagail gach la gun tuit iad ann an teine na dòrainn. Air an aobhar sin tha sinn a' guidheadh, dùrachdach a' guidheadh orra, thruas a ghabhail d' an anmaibh, agus gun iad fein a mhilleadh an uair ata trocair dlùth dhoibh ; agus cha 'n èisd iad ruinn. Tha sinn ag earalachadh orra am peacadh a threàgsinn, agus ruidh chum Chriosd gun dàil, agus cail-eigin do thruas a ghabhail diu fein ; ach cha chuir iad tiom-chridhe no tròcair an gniomh. Gidheadh, saoilidh iad gur neo-iochdmhor an ni do Dhia am milleadh gu siorruidh. Och a thruaghana an-toileil peacach ! Cha 'n è Dia ata an-iochdmhor dhuibh, ach sibh fein. Fhuair sibh fios gur eigin dibh pill-

eadh no losgadh gu siorreidh ; ach cha phill sibh. Fhuair sibh fios ma ghleidheas sibh peaca, gun gleidh sibh mallachd Dhe leis ; gidheadh, gleidhidh sibh è. Fhuair sibh fios nach 'eil slighe chum sonais ach slighe na naomhachd, gidheadh, cha bhi sibh naomha. Ciod eile b' àill leibh Dia a ràdh ruibh ? ciod eile b' àill leibh è a dheanamh r'a throcair ? Tha'rg è dhuibh i, agus dhiult sibhs' i. 'Tha sibh ann an doimhne peacaidh agus ann an cunnart dòrainn, agus shìn Dia amach dhuibh a lamh thearmainn, gidheadh, dhiult sibh a chuideacha. Ghlanadh è dhibh sal peacaidh, ach 's fearr leibh oirbh è. Is ionmhuinn leibh ur n ana-miannaibh, craos, misg agus macnus, agus cha trèig sibh iad. Am b' àill leibh gun giulaineadh Dia chum neamh sibh d'ar n-ain-deon? no am b' àill leibh gun togadh è sibh fein agus ur peacadh chum neamh le chèile ? Is ni so co. dho. dheanta ri h-iompacha na gréine gu dorchadas. An saoil sibh gum fosglar na neamha fiorghlan, do'n anam neo-ghlan mhi-naomha ! Cha 'n fhosglar gu bràth, do ni neo-ghlan air bith, Foils. xxi. 27. *Oir ciod è an comunn a bhitheas aig solas ri dorchadas, no aig Criost ri belial ?* 2 Cor. vi. 14, 15. Cied anis a ni sibh ? an glaodh sibh air tròc-air o Dhia ? C' arson ? Ghlaodh Dia ruibh tròc-air a dheanamh oirbh fein, ach cha 'd rinn. Chi luchd teagaisg cupa na h-amaideachd, deoch mhillidh cuirp agus anima, ann an laimh fir-misge, glaodhaidh iad ris iochd a dheanamh air fein, agus gun an cup a chuir r' a bheul ; ach cuiridh e r'a bheul è, oir is toigh leis è, agus olaidh è as è ge do rachadh ifrinn sios leis ; gun leith-sgeul air bith ach nach faod e a leaschadh. Ciod a dh' fhaodas neach a ràdh r'a leithid sin do dhuine ? teagaisgidh sinn do thruaghanaibh an-diadhaidh, neo-chùramach, agus an-saoghalta, "Nach dean a leithid so de ghiulan an gnothach, " agus nach toir è chum nam flaitheas gu bràth iad. "Nam biodh beithir mhillteach an toir oirbh nach

" luathaicheadh sibh ur ceum ? ach ged a' tha mall-  
 " achd Dhe, agus an diabhol, agus ifrinn ann an toir  
 " oirbh, cha ghluais sibh, ach curidh sibh mar cheist,  
 " ciod è aobhar na cabhaig ? Am bheil an t'anam neo-  
 " bhàsmhor co neo-luachmhor'n ar barail? O! deanaibh  
 " iochd oirbh fein!" Ach cha toir iad fainear sinn, agus  
 cha ghabh iad truas air bith dhiubh fein. Teagaisgidh  
 sinn doibh gur searbh an crioch ; oir co is urra còmh-  
 nuidh a ghabhail anns an teine shiorruidh ? gidheadh,  
 cha truagh leo iad fein. Agus an abair na truaghana mi-  
 nàrach sin, gu bheil Dia ni 's tràcairich gu mòr, na  
 gun leir-sgrios è iad. An uair is iad fein a tha gu  
 h-an-dana, an-iocldhmhor, a' ruidh chum leir-sgrios.  
 Ge do ruigeamaid iad ceann-ruisgte, agus ge do chuir-  
 eamaid impidh orra air ar gluinibh lubta, cha 'n urra  
 sinn a chuir stad orra ; ach chum ifrinn is àill leo dol,  
 gidheadh, cha chreid iad gur i is ceann-uighe  
 dhoibh, gus an tuit iad innte bonn os ceann. Ged a  
 ghuidheas sinn orra air ghaol an Dè a chruthaich  
 agus a choimhead iad ; air ghaol Chriosd a bhàsaich  
 air an son ; agus air ghaol an anmaibh bochd ; truas  
 a ghabhail diabh fein ; gun dol ni 's faid' air an t'  
 slighe chum ifrinn ; ach pilleadh ri Criosd, am feadh  
 ata a làmhan sinte d' an glacail gu fàilteach ; tòiseach-  
 adh air beatha nuadh, am feadh ata Doras nan gràs  
 fosgailte ; agus trocair a' ghabhail anis, am feadh ata  
 tràcair so-fhaghail : ge do ghuidheas sinn so orra  
 cha 'n atharraich ar n-impidh iad. Ged a b' ionann  
 leinn 's am bàs è, cha 'n urrainn duinn a thoirt orra,  
 urrad, agus smuainteachadh air an cunnart, agus ni 's  
 lugha gu mòr na sin pilleadh uaidhe. Gidheadh, is  
 furasd leo a ràdh, *Tha dùil againn gum bi Dia tràcair-each.* Ach an do smuaintich sibh riamh gun dubhaint  
 è, Isa. xxvii. 11. *Is sluagh gun tuigs' iad, uime sin*  
*cha ghabh an ti a rinn iad truas diabh, agus cha nochd*  
*easan a dhealbh iad caoimhneas dhùibh.* Mur sgeudaich  
 neach eile sibh air dhuibh bhi lom-nochda, mur

beathaich è sibh air dhuibh bhi ocrach : ma thilgeas è ann an gainntir, ma bluaileas, agus ma chlaoidheas è sibh ; nach abair sibh gur duine gun iochd è ? Gidheadh, ni sibh a mhìle urrad so oirbh fein. Tilgidh sibh uaibh ur n-animaibh agus ur cuirp gu siorruidh, ach cho ghearain sibh ur n-an-iochd fein gu bràth. Seadh, ach is eigin, (mar a shaoileas sibh) gur an-iochdmhor an Dia a dh' fhuirich ruibh gu tròcaireach gus anis, ma smachdaicheas è sibh fa dheire. Mur toir an Dia fior-ghlan comas do na truaghanaibh tràilleil so saltairt le dimeas air fuil a Mhic, agus mar na Iudhaich, bhi tilge seile na aodann ; bhi deanamh tailceis air Spiorad nan gràs ; fanoid air peacadh, agus magadh air naomhachd ; bhi deanamh tuille dimeis air tròcair shlainteil, na air sal anamiannaibh feolmhor ; agus 'n a dhiaigh so uile, mur teasairgear iad leis an trocair a dhìult iad, agus nach b' àill leo, cha 'n abair iad ach an-tighearna gun iochd ri Dia fein. Ach is easan am breitheamh cothromach, a thomhaiseas gniomharradh air meidh a cheartais neo-leth-phairtich ; ge nach cliudhaichear è ann an lathair cathair breitheanas nan truaghana tàireil sin.

Is aithne dhomh iomad gearan sonraicht' a ni daoine neo iompaicht' air an Tighearna, ach cha 'n fhuirich mi r' am freagradh fa leth, oir thilg mi bonn os ceann iad, ann am leabhar air breitheanas, agus leughadh iad è. Nam biodh luchd-connsport an t'saoghail, co chùramach a sheachnadh peacaidh agus leir-sgrios, 's a bha iad dicheallach a rannsachadh aobhar na dòrainn, agus d' a leth-thi'geil mar chunnail air Dia, chuireadh iad an geur-chùis an gniomh air mhodh bu tarbhaiche dhoibh fein, agus dheanadh iad eacoir bu lugha air an Tighearna. An uair a tha duaichneachd co ghraineil ri peacadh annainn, dioghaltais an-trom an tòir air ar n-anama, agus ifrinne a' fosgladh gu h-uabhasach d'ar slugadh beo ; shaoileadh neach gum

bu cheist shoilleir, sho-fhreagraidh, Co an coireach ? An è Dia, no an duine priomh-aobhar ciontach na dòrainn sin ? Is luchd breitheanais co chàirdeil dhoibh-fein cuid de dhaoine, 's gur usa leo gearan a dheanamh air maiteas neo-chriochnach làn-fhoirfidh, na air an anmaibh mi-bheusach fein ; is teomadh leo aithris a dheanamh air an ceud-shinnseachd a thubhlairt ri Dia, *Mheall an nathair mi agus dh'ith mi.* Agus a bhean a fhuair mi uait fein, thug i dhomh, agus dh'ith mi Mar so dh' ftag Adhamh agus Eubh gu cealgach coire an ceannairc air Dia fein. Agus inar an ceudna ars' an sliochd neò-iompaichte, ri Dia, " Tha an t' " eolas a thug thu dhuinn neo-fhoghainteach a thuig- " sinn ar leas ; tha an toil a fhuair sinn uait neo- " choimasach a roighneachadh ar sonais ; tha na " cuspairean leis an do chuartaich thu sinn, a' mealladh " furachrais ar n anma d' an ionnsuidh fein ; agus " tha am buaireadh d' an do cheadaich thu ionnsuidh a " thoirt oirn, a' toirt buaidh." Ann an aon flocal, ge do chruthaich Dia an duin' ann an inbh beagan is isle na inbh nan aingle, gidheadh, cha toilich inbh' air bith an duin' aingidh, is isle na lan-fhoirfeachd an Uile-chumhachdaich !

*Cun. Cha'n urra sinn sinn fein iompachadh; cha'n iom-paichear gu bràth sinn, mur iompaich Dia sinn; cha'n urrainn duinn gne a dheanamh gun ghràs De: cha'n ann o'n ti leis an àill no o'n ti a ruitheas, ach o Dhia a ni tròcair.*

*Freag.* Tha da ghnè thròcair aig Dia r'an nochda : tròcair an iompachaidh ; agus tròcair an t'slànuchaiddh ; agus cha toir è tròcair na slainte 'ach amhain do'n dream leis an àill i, agus a ruitheas d'a h-ionnsuidh ; oir gheall è i dhoibh-san, agus dhoibh-san amhain. Ni tròcair an iompachaidh deonach daoine mi-dheonach ; agus ge nach aithrigh ur toil agus ur dicheall

fein air gràs so Dhe ; gidheadh, tha 'ur diulta toileil a' toiltinn nach toirear dhuibh è. Is i ur mi-thoil fein ur neo-chomas, agus cha ghabh i leith-sgeul ur peacaidh, ach an-tromachaichidh si è. B' fhurasda dhuibh pilleadh nam b' àill leibh ; agus ma tha ur toil co thruaillte, 's nach faod ni air bith ach gràs foghainteach Dhè ur n' iompachadh, is mòid' ur n-aobhar an gràs so iarraidh, aontachadh leis, meadhona nan gràs a ghnàthachadh do rèir ur comais, gun an dearmad, agus gun chathachadh 'n an aghaidh. Deanaibh an ni is fearr a tha 'nar comas, agus an sin gearainibh ma bitheas aobhar agaibh, gun do dhìult Dia a ghràs duibh.

*Cùn. Is cosmhuil gum b' àill leat a ràdh fad na h-ùine so, gu bheil saor-thoil aig an duine.*

*Freag.* Gun dragh a chuir oirbh le connspoid dho-thuigsinn mu 'n t' saor-thoil ; toilicheadh so sibh, gu bheil saor-thoil agaibh, no comas na nithe sin is taitneach leibh a roighneachadh, agus na nithe sin is mi-thaitneach leibh a dhìultadh. Mothaichidh gach duin' an comas so ann fein. Ach gu truagh ! o an-abharr ar neo-chùram 's tric leinn gun gabh sinn ar leas an riochd ar n-aimhleis, agus gur mi-thaitneach leinn è ; gun diult sinn è ; agus gun gabh sinn ar n-aimhleas an riochd ar leas ; gun taitinn è ruinn, agus gun roighnich sinn è. Anis nach feumail an neo-chùram so air smachd o Dhia, d' ar mosgladh ; agus ma dhìultas sinn mosgladh gu bràth, nach do thoill sinn gum buanaichear an smachd gu siorruidh ? Abraibh gu bheil nàmhuid mi-rùnach agaibh, a bheir ionnsuidh mhillteach oirbh fein gach uair a tharlas sibh air, agus a chosgras ur clann gus am bith fuil an cridh' a' smùidrich air faobhar a chuid arm ! an gabh sibh a chainnt so uaithe mar leith-sgeul, *Och cha robh saor-thoil agam, is è so mo nàdur ; cha'n fhaod mi math*

*a roighneachadh mur toir Dia gràs domh?* An gabh sibh a leithid so do leithsgeul o sheirbhiseach a ghoideas ur maoin shaoghalta? An cum an leith-sgeul so luchd murt agus meirle o'n chroich? Mur cum, an saoil sibh gun saor è sibhs' o dhioghaltas an Uile-chumhachdaich air an d'rinn sibh sior-cheannaire an-dàna?

2. Uaidh so thugaibh fainear na tri nithe sin.
  1. Cia ais-innleachdach am buaireadair an diabhol.
  2. Cia cealgach an ni am peacadh.
  3. Cia amaideach an creatuir an duine truailte.
- 1. Is ais-innleachdach am buaireadair an diabhol do rireadh, cuiridh è impidh air mòran triall chum an teine shiorruidh gu deonach, an aghaidh gach earail agus comhairl' a gheibh iad d'an cunail uaidhe. Is ni mealltach am peacadh gu deimhin, cuiridh è druidh-eachd air na milte, chum sonas siorruidh a chuir an geall neo-ni! Is amaideach an creatuir an duine gu dearbh, o'm meallar beatha bhith-bhuan le fhios, arson ni ro shuarrach; seadh, agus le nàmhuid air am bheil è lan-eolach Shaoileadh tu gum bu ni do dheanta le duine glic air bith, air impidh a naimhdibh gu leir, an geall beagain, è fein a thilgeil ann an teine, ann an uisce, no ann an slochd guail, chum a leir-sgrios: gidheadh, tha daoine so-aomaidh le h-impidh an diabh-oil chum iad fein a thilgeil ann an ifrinn. Nam biodh ur saoghal 'nar lamhaibh fein; 's gum faodadh sibh bhi beo gus am milleadh sibh sibh fein; cia fhàd a mhaireadh sibh air thalamh? ach ged a tha ur beatha bhith-bhuan co-mor 'nar lamhaibh fein, fo Dhia, 's nach millear sibh gu siorruidh, gus am mill sibh sibh fein; gidheadh, cia tearc iad a chumas an lamhan o'n leir-sgrios fein? Mo thruaighe, cia h-innleachdach an diabhol, cia truallidh an duine, agus cia mealltach druidheachd a pheacaidh?*

2. Tuigibh uaidh so mar an ceudna, nach mòr an t' aoibhar iongantais ma bhacas daoin' aingidh, daoin' eile o thriall air an t' slighe chum neamh; ma 's àill leo coi-

lion neach a bhi neo-iompaichte 's is urr iad ; ma bu mhath leo niòran a tharruing chum peacaidh agus an glasadò ann ! Am faod sibh dùil a bhi agaibh gun dean iad iochd air daoin' eil' an uair nach dean iad iochd orra fein ? An saoil sibh gun sòr iad leir-sgrios dhaoin' eile, an uair nach sòr iad an leir-sgrios fein ? Cha mheasa do dhaoinibh eil' iad na dhoibh fein.

3. Fa dheoigh, foghlumaibh uaidh so, gur è àrd-namhuid an duine neo-iompaichte è fein ; gur è dioghaltas is mò a nithear air anns an t' saoghal so, fhàgail dha fein ; gur i mor-obair gràs Dhe a theas-airginn uaidh fein ; gur còir ga ghearan, agus ga àrd chasadaid bhi air fein, do bhrìgh nach 'eil obair is deacaire aige na cuir 'na aghaidh fein ; no nàmhuid is mò aige, na a chridhe ana-miannach agus an-toil aingidh, re h-urnaigh a dheanamh 'n àn aghaidh gu dùrachdach, agus ri gleachd spàirneil a chumail riu gach la. Tuigibh ma b' àill leibh math a dheanamh air daoin' eile, agus an cuideachadh chum neamh, gur è cruadh-chas is mo a tha agaibh anns an obair so, an saoradh uatha fein, o dhoilleadh inntinn, o'n an-toil thruaillidh, o'n ana-miannaibh do-theagaisg, o'm buaireas bras agus mi-riaghailteach. Dh' ainmich mi na nithe sin, amhàin, chum 's nach cuirinn sgùis oirbh, agus fàgaidh mi agaibh iad gu smuainteach orra.

Anis a dhaoine, rannsaich sinn amach na ciontaich mhòr sin, luchd millidh an anma, eadhon, daoine fein, agus an an-toil aingidh ; agus ciod anis a nithear riu, ach breith a thoirt orra do rèir an dearbhaidh a tha agaibh air am mi-rùn millteach ; agus earalachadh orra an aingidheachd dhòrainneach so aideachadh ann an lathair an Tighearna, iad fein irioslachadh air a son, agus gun a cuir an gniomh tuille gu brath. Ris na tri cinn shonraichte sin cuiridh mi beagan eile.

1. Chum ìmpidh a chuir oirbh.
2. D' ar n irisleachadh.
3. D' ar n ath-leasachadh, mi 's ion domh dùil a bhi agam gur urrainn mi sin a dheanamh.

1. Is aithne dhuinn urrad do nàdur ro-ghràsmhor an Tighearn' a tha toileach math a dheanamh agus tròcair a nochda; 's nach 'eil aobhar againn a chuir an umhail gur è aobhar ciontach ar dorainn, no a ràdh gu bheil è neo-iochdmhor: oir is è ùghdar gach maitheas, agus Dia tearmainn nan uile: cumaidh è suas iad le uile-chumhachd, riaghlaichidh se iad le gliocas gun mhearrachd, agus altrumaidh se iad le maitheas nach traogh: “Tha sùilean gach dùil a “feitheamh air, agus bheir è biadh dhoibh ann an àm “iomchuidh, fosglaidh è a lamh fhial, agua sàsaichidh “è miann gach ni beo. Tha è ceart 'na uile shligh-“ibh, agus naomha 'na uile ghniomharaibh. Sal. “cxlv. 15.—17. Tha è math mar an ceudna do na “h-uile; agus tha a chaomh-thròcair os cionn uil’ “oibrabh. Sal. clv. 17.” Uaidh so chi sibh nach è Dia ùghdar peacaidh no mi-cheartais.

Ach mar a bhuiteas do'n duine, is ni soilleir gu bheil inntinn dorch, a thoil crosta, agus ana-miannaibh a' tilgeil a shonais bonn os ceann; tha e cuimsichte ri obair a leir-sgrios fein, le h-amaideachd agus le truall'eachd. Nam faiceadh sibh uan marbh air an t'slighe, co dhiu a choiricheadh sibh mar ùghdar a mhillidh, a chaora, no 'n sionnach, air bhi dhoibh mar aon a' seasamh dlùth dha? Ma chi sibh tigh briste agus an teaghlach millte, an luaith' a shaoileadh sibh gur è 'n Righ no am breitheamh glic agus co-thromach, aig nach robh feum air am maoin, a mhill iad, no am meirleach ladurna? Air an aobhar sin arsa Seumas, i. 13—15. “Na h abradh neach sam bith “an uair a bhuairear è, tha mi air mo bhuaireadh le “Dia; oir cha chomhasach Dia a bhuaireadh le h-olc, “cha mhò a bhuaireas è aon neach. Ach tha gach “duine air a bhuaireadh, 'n uair a thairngear, agus a “thàlaidhear è le ana-mhiann fein. An sin air bhi “do'n anamhiann torrach, beiridh è peacadh: agus “air do'n pheaca bhi air a chriochnacha, beiridh è

"bàs." Chi sibh an so gur è am peaca gineil ur n ana-miannaibh fein, agus nach còir ainmeachadh air Dia mar gum b' è a b' Athair dha; agus gur è am bàs iarmud ur peacaidh fein, agus an tora sin a thilgeas è dhuibh air dha bhi abaich. Mar a tha nimh anns an damhan-alluidh, tha ionmhas an uilc annaibh fein, o'n ginear ur leir-sgrios; agus o'n sniomhar liontaibh ur dòrainn. Is ni soilleir gur è ur nàdur fein fior-aobhar ur truaighe

2. Is ni soilleir gur sibh fein is luchd millidh d' ar n-anmaibh, o tha sibh co obann a ghabhail ris gach gnè bhuairidh, ach beag, a thairgear dhuibh. Is gann atha an diabhol co ullamh d' ar brosnachadh chum uilc, 's atha sibh fein a thoirt èisdeachd dha, agus a dheanamh mar is àill leis. Ma bhuaireas è sibh gu barailean seachranach, gëllidh sibh. Ma bhacas è dhibh deagh rùn, tha so so-dheanta. Nam fuaraich-eadh è ur deagh thograibh, cha 'n e sin is do-dheanta. Nam b' àill leis ur n ana-miannaibh gràineil fhadadh, tha iad so-bheothachaidh. Nam b' àill leis ur brosnachadh gu smuain, gniomh, no giulan docharach tha sibh èasgaidh, cha 'n fheum sibh ur n-earaluchadh g' an ionnsuidh. Nam bacadh è sibh o smuain, o ghniomh, no giulan naomh; is beag a ni sin, cha 'n fheum sibh sparrag. Cha rannsuich sibh a chogar aimh-leasach, cha chuir sibh cùl ris mar a chuireas è an cèill è; agus cha mhùch sibh srad an uilc a shèideas an diabhol annaibh: ach aomaidh sibh leis, bheir sibh comh'ail dha an leth na slighe, gabhaidh sibh a chomhairle, agus brosnachaidh sibh è d' ar buaireadh. Is furasda iasg co chiocrach ruibh a ghlacadh; iasg a ruidheas ag iarraidh lòin, agus a ghlacas an dubhan lòm, mur tachair biadh is fearr air.

3. Is ni soilleir gu bheil ur leir-sgrios uaibh fein, o'n a chuireas sibh an aghaidh gach ni agus neach a chuidicheas leibh, a theasairgeas sibh, a ni math oirbh, no a bhacas ur dòrainn. Chuidicheadh Dia leibh,

theasairgeadh è sibh le fhocal, ach cuiridh sibh 'na aghaidh, oir is ro-theann leibh iartas. Naomhaich-eadh è sibh le a Spiorad, ach cuiridh sibh 'na aghaidh, agus mùchaidh sibh a chomhairle. Ma bheir neach air bith dhuibh achmhasan arson peacaidh, bheir sibh anacainnt da; agus ma b' àill leis ur n-iompachadh gu beatha naomh, agus fios ur cunnairt a thoirt duibh, bheir sibh ro-bheagan buidheachais da, ag ràdh, *Gabhsa curam math do d' leas fein oir cha fhreagair thu air ar soin-ne.* No air a chuid is lugha, cuiridh sibh bhàrr ur n aodain è le buidheachas mi-chridheil, ach cha phill sibh air impidh. Ge do bheireadh luchd teagaisg foghlum diomhair mar chuideacha, cha tig sibh d' an ionnsuidh; cha mhothaich ur n annia diblidh feum aca fein air cuideacha. Nan ceasnachéadh iad sibh, tha sibh ro shean r'ar ceasnachadh, ge nach 'eil sibh ro shean chum bhi ain-eolach agus mi-naomha. Ge b' è ni is urr' iad a ràdh ruibh chum ur leas, tha sibh co fhèin spèiseil, agus ghlic 'n ar barailibh fein; seadh, ann an doimhne ur 'n ain-eolais, 's nach toir sibh feart air aon ni nach còrd r' ar barailibh mearachdach, ach cuiridh sibh an aghaidh ur luchd teagaisg, mar gum bu ghlice sibh fein na iad; cuiridh sibh an aghaidh gach ni is urr' iad a ràdh ruibh, le 'r n-ain-eolas, ur n-an-toileileachd, ur connspoid amaideach, ur leithsgeulaibh fann, agus ur diulta mi-reusonta; agus cha ghabh sibh gu fàillteach ri maith air bith a thairgear dhuibh.

4. Os-barr is ni leor-shoilleir gur luchd fein-sgrios sibh; oir tharraing sibh aobhar ur leir-sgrios, seadh, o 'n Dia uile-bheannaichte fein. Cha chòrd innleachd a ghliocais ruibh. Cha chòrd a cheartas ruibh, ach measaидh sibh è mar an-iochd. Cha chòrd a naomhachd ruibh, ach is ullamh leibh a smuainteachadh gur cosmhuil ruibh fein è, agus gu bheil e co shuarrach mu pheaca ruibh fein. Cha chòrd fhirinn ruibh, ach saoilidh sibh gur breugach a bhagra, seadh, a bhagrach

ard-thighearnail, no ard-ùghdarrach. Ge o shaoileadh neach gu bheil meas àrd-urramach agaibh air a mhaitheas, gidheadh, mi-ghnàthaichidh sibh è ann an cail-eigin, a neartachadh ur peacaidh, mar gu 'm bu leith-sgeul peacaidh dhuibh, gu bheil Dia tròcaireach, agus saibhir paitl ann an gràs.

5. Seadh, bheir sibh leir-sgrios o'n Fhear-shaoraidh bheannaichte, agus bàs siorruidh o thriath na beatha bhith-bhuan. Cha'n eil aobhar misnich is mò agaibh, na gun do bhàsaich Criod air ur son ; mar gun rachadh cunnart bàis shiorruidh seachad, agus air an aobhar sin gur tearuinte dhuibh peacachadh le dànadas : mar gum bu tràill Criod do 'n diabhol, agus d' ar peacaidhs', agus mar gum b' eigin da feitheamh oirbh am feadh a bheir sibh obair dha ; agus do bhrigh gur è lèigh an anma, agus gu bheil comas aige an dream sin uil' a theasairginn gu h-iomlan a thig chum Dhe da thrìd, saoilidh sibh gur eigin da a cheadachadh dhuibh a chuideachadh a dhiultadh ; gur eigin da a chungaidh-leighis a mhi-bhuileachadh oirbh ; agus saoilidh sibh gur eigin da ur teasairginn ge nach tig sibh chum Dhe da thrìd ; mar so, is i an earbs' an-dàn' a ni sibh a bàs Chriod, is aobhar do cluaid mhòir d' ar peacaidh.

Cha smuaintich sibh gun d' thainig Criod, a shaoradh a shluagh o' m peacaibh, agus d' an naomhachadh mar shluagh sònraichte dha fein ; agus g' an co-dhaingneachadh ann an naomhachd a reir iomhaigh an Athair neamhaidh, agus an ceannaird. Mat. i. 21. Tit. ii. 14. 1 Pead. i. 15, 16. Col. iii. 10, 11. Phil. iii. 9, 10.

6. Mar an ceudna, bheir sibh ur dòrainn fein o fhreasdal agus o oibrabh Dhè. An uair a smuainticheas sibh air roi-eolas agus òrducha siorruidh Dhe, is ann d' ar cruadhachadh fein ann am peaca, no a lionadh ur n-anma le smuaintibh connspoideach, mar gum bu chòir do òrducha Dhe saothair ur n-aithreach-

ais agus ur giulan naomh a chaomhnadh, no, mar gum b' è aobhar ur peacaidh, agus ur leir-sgrios. Ma smachdaicheas è sibh is àrd ur gearan ; ma shoirbhicheas è leibh, is mòid' a dhi-chuimhnicheas sibh è agus a bheatha tha chum teachd. Ma shiorbhicheas luchdaingidheachd, di-chuimhnichidh sibh a chrioch a leig-eas ris gliocas agus ceartas freasdail De ; agus is ullamh leibh a smuainteachadh gur co mhath bhi aingidh agus diadhaidh. Agus mar so bheir sibh ur bàs siorruidh fein o gach ni.

7. Agus bheir sibh an leir-sgrios ceudna o chreatuiribh agus o throcair ur De. Thug è dhuibh a chreatuire mar chomhar' a ghràidh, agus mar chungaidh chum ùmhachd a thoirt d'a fein, ach gnàthaichidh sibh iad an aghaidh iartais chum ur n ana-miann-aibh feolmhor fein a shàsachadh. Ithidh agus òlaidh sibh chum cosg ur n-ocrais agus ur n-iotaidh, ach cha'n ann chum glòir Dhe agus g'ar deanamh neart-mhor 'n a obair. Mi-ghnàthaichidh sibh ur n-èididh chum spòrs. Tairngidh ur saibhreas ur n-anma o neamh. Sèididh ur n-urram agus ur deagh-alladh suas sibh le h-uaill. Ni an neart agus an t' slaint' a mhealas sibh, neo-chùramach dearmadach sibh mu'r crìch. Seadh, mi-ghnàthaichidh sibh tròcair dhaoin' eile, chum ur dochair fein. Ma chi sibh an urram agus am mòr-luach, brosnaichidh so ur trùth agus ur farmad. Ma chi sibh an saibhreas, is ullamh leibh a shanntachiadh. Ma dhearcas sibh air maise, mosglaidh so ur togra neo-gheamnaidh. Agus is math an ni mur droch còird sealla de 'n diadhachid fein ruibh.

8. Iompaichidh sibh gu peaca, na deagh thiodh-laca sin a bhuilich Dia oirbh, agus meadhona sin nan gràs a dheasaich se da eaglais. Ma tha ceatfadhlagaibh is luach-mhoire na tha aig daoin' eile, fàsaidh sibh uallach fèin-spèiseil : mur 'eil agaibh ach tiodh-laca coitcheann, measaidh sibh iad mar ghràsa sonraichte. Measaidh sibh èisdeachd ur dleasnais mar

dheagh obair a ghabhas ur leith-sgeul, ge nach cuir sibh ur dleasnas an gniomh. Iompaichir ur n-ùrn-aigh gu peacadh, do bhrìgh gun toir sibh speis de 'n eacoir 'n ur cridhibh, Sal. lxvi. 18. Agus do bhrigh nach triall sibh o eacoir an uair a ghairmeas sibh air ainm an Tighearna, 2 Tim. ii. 22. Tha ur n-urnaigh gràineil, do bhrìgh gu 'n aom sibh ur cluas o èisdeachd an reachd, Gnath. xxviii. 9. Agus a chionn gur deise leibh iobairt nan amadan' a thoirt do Dhia, na èisdeachd agus gèill a thoirt da fhocal. Ecles. v. 1. Cha cheasnaich sibh sibh fein, roimh ghabhail suipeir an Tighearna, ach do bhrigh nach dean sibh aithn' air corp an Tighearna, ithidh agus òlaidh sibh breith-eanas duibh fein. 1 Cor. xi. 28, 29.

9. Seadh, ni sibh fàth peacaidh agus leir-sgrios do 'n dream ris am bi ur co'-luadar, agus d' an gniomharaibh. Ma bhitheas eagal De orra, is beag oirbh iad. Ma bhitheas iad an-diadhaidh leanaidh sibh an cèime. Ma tha luchd-aingidheachd lionmhòr, saoilidh sibh gur tearuinte dhuibh an leanmuinn le dànadas. Ma tha daoine diadhaidh tearc is mòid a ni sibh do dhimeas orra le dànadas. Ma ghluaiseas iad gu h-iomchuidh saoilidh sibh gu bheil iad ro-fhaicilleach thearuinte; ma thuiteas neach dhiu ann am mearachd son-raichte, tuislidh sibh air a mhuin, agus pillidh sibh o naomhachd do bhrìgh gu bheil daoin' eile neo-iomlan an naomhachd: mar gum bu bharantas laghail dhuibh sibh fein a chuir as a mhuineal a chionn gun do chuir daoine neo-fhaicilleach iad fein as na h-altaibh. Ma leigeas am fuar-chràbhach ris e fein, is cainnt duibh gur ionann doibh uile, agus measaidh sibh gu bheil sibh fein co ionraic ris an dream is fearr dhiu. Ma gheibh an duine cràbhach an tuisle is lugha, ma ghearr-as è a mheur, bheir so misneach dhuibh ur scòrnan fein a ghearradh. Ma labhras luchd teagaisg ruibh gu soilleir saor, is cainnt duibh gun do throd iad ruibh. Ma labhras iad ruibh gu macanta ciùin, no gu fuar-

chainnteach, an dara cuid coidlidh sibh, nò cha mhò a dhùrigheas an teagasg oirbh, na air an stol air an suidh sibh. Ma shnàigeas mearachd do 'n eaglais, sluigidh sibh è gu ciocrach, agus dididh cuid eil' an teagasg criosduidh, arson an iomraill sin, ged a tha an soisgeul gu h iomlan 'na aghaidh. Agus ma b' àill le luchd teagaisg ur tarraing o mhearachd sean air bith, aig nach 'eil mar bharantas ach gun do fhreumhaich è fad iomad linn ann an cleachdainn dhaoine, tha sibh co diomach an uair a chomhairlicheas iad duibh a leasachadh. agus cùl a chuir ris, 's ge do bhiodh ur n-anmaibh agus ur sonas an earbsadh ris, agus leanaidh sibh gu teann ri sean mhearachd, an uair is àrd a chluinnear ur glaodh gearanach an aghaidh mearachd ùr. Is tearc coinnspoid a thàrlas am measg luchd teagaisg an t' soisgeil, nach tarraing sibh ur bàs fein uaithe. Cha toir sibh èisdeachd, no air a chuid is lugha, cha toir sibh gèill, do theagasg fior-ghlan an fhir nach co'-shìn ruibh ann am barailibh : Tha neach nach èisd ri fear teagaisg do bhrigh gun leugh è a shearmino, agus neach eile nach èisd ris do bhrigh nach leugh è i. Tha neach nach èisd ri fear teagaisg a chionn gu 'n abair e ùrnaigh an Tighearna ; agus neach eile nach èisd ris do bhrigh nach abair è i. Tha neach nach èisd ris an dream a ghabhas leis an easpuigeachd, agus neach eile nach èisd ris an dream nach gabh. Mar so b' fhurasd a nochdadhbh dhuibh ann an iomad càs eile, gun tárраing sibh leir-sgrios o gach ni a thig dluth dhuibh ; is ni ro shoilleir gur luchd feinsgrios daoin' an-diadhaidh, agus gu bheil an dòrainn uatha fein.

Anis, air smuainteachadh dhuibh air na nithe sin a chualadh sibh agus air ur slighe fein, shaoilinn gum bu chòir dhuibh a chuimhneachadh ciod è a rinn sibh, näire ghabhail deth, agus bhi lan-irioslaicht an uair a bheir sibh fainear è. Agus mur dean sibh so, dearc-aibh air na firinnibh so a leanas.

1. Is peacadh am fein-mhilleadh, a tha an aghaidh an tograidd is neart-mhoir a tha 'n ar nadur, eadhon, togradh an fhein-thearmuinn. Tha spèis nàdurra aig gach bith mothachail da leas, da shonas agus da floirfeachd fein. Agus an roighnich sibhs ur leir-sgrios fein? An uair a sparrar oirbh ur nàbaidh a ghràdhachadh mar sibh fein: tha so a' roimh-chiäll-achadh gur dual duibh sibh fein a ghràdhachadh. Ach mur gràdhhaich sibh ur nàbaidh, ach mar a ghràdh-aicheas sibh sibh fein, is cosmhuil nach b' olc leibh gun rachadh an sluagh gu leir am mugha.

2. Cia mor ata sibh an aghaidh ur rùin agus ur tograidd fein! Tha fios agam nach miann leibh ur leir-sgrios fein, seadh, an uair a bhios sibh 'g a thoilltinn; saoilidh sibh nach 'eil sibh ach a' deanamh math dhuibh fein, le bhi a' sàsuchadh ur n-ana-miannaibh feolmhor. Anis mo thruaigh cha 'n 'eil so ach mar dheoch de 'n uisg' fluar ann an an-teas fiabhruis, a mheudaicheas an tinneas agus a ghoimh. Nam b' àill leibh sòlas, saibhreas, agus urram, iarraibh iad anns an àit' a' bheil iad so-fhaghail, agus na bithibh 'g an sealg air an t'slighe chum ifrinn.

Nach truagh gun deanadh sibh an ni sin oirbh fein, nach urrainn aon neach eil' air thalamh, no ann an ifrinn a dheanamh oirbh! Ge do chruinnicheadh gach duin air thalamh, agus deamhan ann an ifrinn, a thoirt ionnsuidh oirbh, cha 'n fhaod iad ur milleadh no a thoirt oirbh peacachadh, mar aontaich sibh leo. Agus an dean sibh an ni sin oirbh fein, nach fhaod duine no deamhan a dheanamh oirbh? Is beag oirbh aui droch-spiorad, a chionn gur è ur nàmhuid a dhealbhas ur dòrainn è. Agus am bi sibh ni 's measa na diabhoil dhuibh fein? Is è so ur cor cunnartach nan tuigeadh sibh è; an uair a ruidheas sibh o dhiadhachd chum peacaidh, agus a dhiultas sibh pilleadh air iartas Dhè, ni sibh tuille coire d' ar n-anmaibh fein na 's urrainn duine no deamhan a dheanamh oirbh.

Agus ged a chuireadh sibh ur geur-chùis gu leir an gniomh a dhealbh an aimhleis is mò dhuibh fein, cha 'n fhaodadh sibh dòrainn a dhealbh' a bheireadh bàrr oirre so.

4. Tha sibh mi-dhileas anns a ghnothach a dh'earb Dia ruibh. Dh'èarb è mòran d' ar sonas ruibh fein, agus am meall sibh è 'n a earbsa? Sparr è oirbh ur cridh' a choimhead le 'r n uile dhicheall; agus an e so coimhead a ni sibh air? Gnath. ii. 23.

5. Thoirmisg sibh do gach aon neach eile truas a ghabhail dibh, an uair nach gabh sibh truas dibh fein: ma ghlaodhas sibh, ag iarradh tràicair o Dhia ann an là ur n amhghair; ciod ris am faod sibh dùil a bhi agaibh, ach gu'n iomain è uaidhe sibh, ag ràdh *Cha ghabhadh sibh truas dibh fein: agus co a tharraing an leir-sgrios so oirbh, ach ur n-an-toile aingidh fein?* Agus ma chi ur bràthaire sibh ann an dòrainn shiorruidh, an truagh leo sibh, agus gur sibh fein luchd-millidh ur n-anma, agus cha ghabhadh sibh comhairl' ur leas?

6. Is aobhar sior-chlaoidh d'ar n anmaibh ann an ifrinn, bhi a' smuainteachadh, gun d'iomain sibh sibh fein gu deonach chum ionad sin na dòrainn. Och, nach cràdh-cridhe leibh gu bràth bhi a' cuimhneachadh, gur è so ur deanadas fein? Gun d' fhuair sibh fios an leir-sgrios so roi-laimh, a rìs agus a rìs, ach nach do sheachainn sibh è: gun do pheacaich sibh gu deonach o Dhia: gun robh ùin agus aimsir agaibh mar a bha aig daoin' eile, ach gun do mhi-ghnàthaich sibh iad: Bha luchd-munaidh agaibh, mar a bha aig daoin' eile, ach dhiult sibh an teagast: bha eiseim-pleire naomh agaibh, ach cha do għluais sibh d'an rèir; thairgeadh dhuibh Criod, gràs agus glòir, mar a thairgeadh do chàch iad, ach thug sibh tuille spèis d'ar n ana-miannaibh feolmhor, na thug sibh dhoibh! Chuireadh luach 'n ur lamhaibh, ach cha robh cridhe annaibh ga bhualeachadh. Gnath. xvii. 17. Nach sior-chlaoidh d'ar n-anmaibh smuainteachadh air an amaideachd so? Och, nach 'eil ur suile fosgailte, a

lèirsinn gun d' rinn sibh ea-coir air ur n anmaibh gu deonach! Och nach do thuig sibh ni's fearr briathara so Dhe! Gnath. viii. 33—36. “ Eisibh ri teagasg “ agus bithibh glic, agus na diultaibh e. Is beann-“ uicht’ an neach a dh’ eisdeas riumsa, a’ deanamh “ faire gach là aig mo gheataibh’ a’ feitheanh aig “ ursannaibh mo dhorsa. Oir ge b’ è neach a gheibh “ mise gheibh è beatha, agus gheibh è deagh-ghean o’n “ Tighearna. Ach an ti a pheacaicheas a’ m’ agh-“ aidhs’ ni è ea-coir air anam fein: iadsan uil’ a dh’ “ fhuathaicheas mi, gràdhaichidh iad am bàs.”

Air teachd dhomh anis chum co'-dhuna na h-oibre so, is duilich le m’ anam dealachadh ruibh, air eagal an diaigh mo shaothair, gu meall ur n-ana-miarina feolinhor sibh, gun cuir, agus gun gleidh an diabol agus an saoghal sibh, ann an ifrinn. O ro-mheud mo chùram d’ ar n-anmaibh, is eagal leam so, mar is aithne dhomh gu bheil sibh so-lùbaidh gu h-aimhleas: gidheadh, faodaidh mi a ràdh leis an fhàidh Ieremiah xvii. 16. *Tha fios agads’ a Thighearna, nach do mhiannaich mi là na truaighe.* Cha do mhiannaich mi le Seumas agus le Eoin gun tigeadh teine o neamh a leir-sgrios na h-aitim sin a dhiult gabhail re h-Iosa Criosd, Luc. ix. 54. Ach shaothairich mi fad na h-ùine so a ghabhail roimh an teine shiorruidh sin: agus is duilich leam gun robh feum agaibh air ino shaothair! Is truagh nach robh sibh co neo-fheumail air mo shaothairs’ ann am barail Dhe agus dheagh-dhaoin, ’sa bha sibh ‘n ar barailibh fein! A chàirde caomh! is co duilich leam gun luidheadh sibh ann an dòrainn an teine shiorruidh, agus gun crannar doras nan neamha oirbh gu brath, a’s ma’s urra mi gabhail roimhe, gun cuir mi a cheist so oirbh aon uair eile, *Ciod anis ata ‘n ar n-aire?* *Am pill no am bàsaich sibh?* Amhaircim oirbh mar dh’ amhairceas lèigh air duin’ ea-slan ann an tuinneas cunnartach, ag ràdh, *Ged a tha thu ann an gàbha co mliòr, nan gabhadh tu ach a chungaich-leighis*

*so, agus nán diultadh tu ach na nithe millteach so, chuirinn m' anam ann an àite t' anima, ach mur gabh thu mo chomhairl, is duine marbh thu.* Ciod e ur barail air a leithid so de dhuine, mur faod a leigh no a chàirdean gu leir, impidh a chuir air aon chungaидh-leighis a ghabhail d'a theasaирginn fein, no beagan de nithibh nimheil millteach a sheachnadh? 'Sè so ur corsa. Ach cia mor air bith an cunnart anns am bheil sibh arson ur peacaидh, piilibh ach anis ri Criod, agus gabhaibh a leigheas, agus mairidh ur n'anma beo gu sona. Cuiribh uaibh am peaca bàsmhor le h-aithreachas, agus na pillibh tuille ris ach ri leas ur n-anma, agus bithidh sibh gu math. Ach nam b' ann a mhain ri 'r cuirp a bhiodh ur gnothach-ne, bhiodh caileigin de bharail againn ciod a dheanamaid ruibh. Ge nach aontaicheadh sibh, chumamaid no chean-glamaid sibh, agus dhortamaid an ioc-shlainte sios 'n ar sluganaibh; chumamaid nithe dochannach uaibh. Ach cho bhuinear ri 'r n-anmaibh air an dòigh so; cha 'n fhaod sinn ur n-iompachadh an aghaidh ur toile. Cha ghiulainear luchd-cuthaich gu neamh fo chuibileach. Faodar ur milleadh an aghaidh ur toile, oir pheacaich sibh le 'r toile, ach cha 'n fhaodar ur teasairginn ann aghaidh ur toile. B' iomchuidh leis an Dia uile-ghlic, cuid mhòr de shonas agus de leir-sgrios dhaoin' a chuir fo roghainn an toile fein: chum's nach tèid neach air bith chum neamh, ach an ueach a roighnich an t' slighe chum neamh, agus nach tèid neach air bith chum ifrinn, ach neach d' an eigin a ràdh, *fhuair mi mo roghainn, thug mo thoil fein ann an so mi.* Nam faodainn a thoirt oirbh bhi lan-toileach le rùn socrach anma, bhiodh an obair tuille 's leth-dheanta. Ach mo thruaigh, an eigin duinne ar càirdean a chall, agus dhoibh-san an Dia, an sonas, agus an anma a chall, as eagmhuis so? Ach nior leigeadh Dia? Is mor an t' iongantas leam, gu bheil daoine co an-iochd-mhor, agus air cò beag mothachaidh anns na gnothaichibh is mò, an uair atha iad co

deagh-mhèineach, shuairc, agus chomplant' anns na gnothaichibh is lugha. Mar mo bharail, tha gach coimhearsnach a ta agam co sheirceil domh, 's nan iarrainn co'-sta reusonta dhomh fein o gach neach fa leth dhiu, gun deonaicheadh iad è ; gidheadh, an uair a thig mi dh' iarraidh orra an gnothach is fearr air bith a dheanamh dhoibh fein, tha moran diubh nach toir dhomh ach eisdeachd fhoighidneach. Cha 'n fhios domh an saoil no nach saoil an sluagh gu bheil fear teagaist do rireadh a' labhairt o 'n chrannaig do rèir eolais : gidheadh, shaoilinn gur tearc coimhearsnach ata agam, nan suidhinn leis gu caidreach, ag innse dha ciod a chunnaic, no ciod a rinn mi, no ciod is aithne dhomh anns an t' saoghal, nach creideadh agus nach tugadh fainear mo sheanachas : ach an uair a dhearbas mi dhoibh o fhocal an De nach breug-aichear, ciod a chi iad fein anns an t' saoghal a ta ri teachd, taisbinidh iad le 'n giulan, an dara cuid nach creid, no nach toir iad fainear mo theagast. Ma tharlas mi air neach air bith dhiubh air an t' slighe, agus ma dh' inuseas mi dha sud slochd guail, no so beo-ghaineamh, no sin luchd-millidh ann an ionad uaigneath a' feitheamh ort ; is furasda dhomh impidh a chuir air dol taobh eile. Ach an uair dh' innseas mi dhoibh gu bheil an diabhol ri fàth-fheitheamh chum an leir-sgrios, gu bheil am peaca millteach dhoibh, agus nach ni faoin bhi sùgradh re h-ifrinn, triallaidh iad air an aghaidh mar nach cluinneadh iad focal. Gu fior a choimhearsnachaibh, tha mi co dùrrachdach ruibh o 'n chrannaig, 's atha mi ann an co'-luadar càirdeil ; agus ma bheir sibh fainear mi gu bràth, guidheam oirbh thugaibh an so fainear mi. Shaoilinn nach bheil neach agaibh uile, nam bitheadh nì' anam fo a ràidh, nach biodh toileach a theasairginn, ge nach faod mi a ghealltann gun trèigeadh è a pheacadh air mo shon. Innis dhomh a mhisg-fhir, am bheil thu co an-iochdmhor dhomhs'

a labhras riut, 's nach leigeadh tu seachad cup no dha dibhe, nan saoileadh tu gun teasairgeadh sin m' anam o ifrinn? Am b' fhearr leat gun loisginn ann an sin gu siorruidh, na gum biodh tu fein neo-mhisgeach mar dhaoin eile? Ma b' fhearr leat sin, nach eigin domh a ràdh, gur Uilebheist gun iochd thu, agus nach duine? Nan tiginn ocrach no lom-nochda dh' ionnsuidh do dhoraic, nach dealaicheadh tu ri tuille na cup dibhe chum mo theasairginn? Is cinnteach leam gun dealaicheadh: nam bu tearmann do m' anam è. Tha fios agam gun cuireadh cuid agaibh sibh fein ann an cunnart air mo shon. Agus nach gabh sibh os-laimh, air m' impidh, 'dealachadh ri 'r n-ana-miannaibh feolmhor air sgàth ar sonais fein? An diultadh tu ceud deoch, a dhuine, a theasairginn m' anmas', nam biodh a thearmann an earbsa re d' ghean-math? agus nach dean thu sin a shaoradh t' anma fein? Creidibh mi a dhaoine, guidheam oirbh an diugh co dùrrachdach ar n-anma fein a theasairginn, 's a ghuidhinn uaibh tearmann domh fein, nam feumainn dol mar dhèirceach a dh' ionnsuidh ur dorsa ga iarraidh. Agus air an aobhar so nan èisdeadh sibh rium an sin, èisdibh anis rium. Nam bu truagh leibh mis' ann an àmhghar, guidheam oirbh gabhaibh truas anis dhibh fein. Guidheam oirbh a rithist, mar air mo glùnaibh lùbta, èisdibh ri 'r Fear-saoraidh, agus pillibh air impidh-san, chum 's gum bi sibh beo. Sibhs' uil' a bha fo ain-eolas, fo neo-chùram, agus fo an-dànanadas gus an diugh; sibhs' uil' a bha bàit' ann an ro-chùram saoghalta, agus nach do chuimhnich Dia, no glòir shiorruidh: sibhs' uil' a tha fo thràill-ealachd d' ar n-ana-miannaibh feolmhor, do bhiadh, do dheoch agus do shùgra neo-gheamnaidh: agus sibhs' uile do nach aithne feumalachd na naomhachd, agus nach robh eolach riagh air obair naomhachaidh an spioraid 'n ar n-anmaibh, agus nach do ghabh ri 'r Fear-saoraidh beannaichte le creidimh beo, le h-ion-

gantas, buidheachas, agus mothacha da ghràdh, agus nach do mhothaich riamh spèis is mò, no gràdh is eridheile do Dhia agus do neamh, na a bha annaibh d' ur suaimhneas feolmhor, agus do nithibh tal-mhuidh : guidheam oirbh gu dùrachdach, cha 'n ann amhàin air mo sgàth-sa, no air sgàth ur n-anmaibh fein, ach air sgàth an Tighearna, na triallaibh aon latha tuille 'nur ceud slighe ; ach amhaircibh air gach taobh, agus glaodhaibh ri Dia, ag iarraidh gràis an iompachaidh, chum 's gun nuadh-chruthaichear, agus gun saorar sibh o na plàighibh a tha dluth dhuibh, agus d' am bheil sibh buailteach. Agus ma ni sibh gnè gu bràth air mo shon, deonaichibh an ath-chuinge so, *pillibh o 'r droch shlighibh, agus mairibh beo* ; Diultaibh dhomh aon ni a dh' iarras mi gu bràth dhomh fein, ma dheònaicheas sibh ach so dhomh. Agus ma dhiultas sibh so dhomh, is coma leam aon ni eil' a dh' fhaodas sibh a dheònachadh. Seadh, ma 's àill leibh aon ni a dheanamh gu bràth air iartas an Tighearn a chruthaich agus a shaor sibh, na diultaibh so dha : oir ma dhiultas, is coma leis ciod eile dh' fhaodas sibh a dheònachadh dha. Ma 's àill leibh gum freagair è ur n-ùrnaighe gu bràth, gun deònaich è ur n-iartas, agus gun toir è tearmann duibh ann an uair bàis, an là breitheanas, no ann an àmhghar air bith ; na diultaibh dha an ath-chuinge so anis ann an là ur socair. O ! creidibh mi a dhaoine. Cha 'n fhaic sibh bàs agus breitheanas, neamh agus ifrinn, le 'r sùilibh corporra an uair a bhitheas iad fad uaibh, air an doigh air am faic sibh iad dluth dhuibh. Ann an sin cluinnidh sibh leithid na teachdaireachd a chuir mis' ann cèill duibh, le tuille mosglaidh agus fur-achrais anma.

Seadh, ge nach 'eil barail co math agam air gach neach, tha dùil agam gur i rùn cuid agaibh pilleadh anis agus bhi beo : agus gu bheil sibh ullamh a chuir na ceist sin, a chuir na h-ludhaich air Peadar, (an

uair a bhioradh an cridhe,) ag ràdh, Gniomh. ii. 37. *Fheara agus a bràthaire ciod a ni sinn?* Ciod an doigh air an lan-iompaichir sinn? Tha sinn toileach bhi ùmhail do Dia, nam b' aithne dhuinn ar dleasnas. *Nar leigeadh Dia gun diult sinn iompachadh, agus gun roighnich sinn leir-sgrios, mar a rinn sinn gus anis.*

Ma's i so rùn, agus ma's iad sin smuainte ur n'anima, faodar a ràdh ruibh mar a thubhairt Dia ri sluagh a thug deagh ghealla dha, Deut. v. 28. 29. "Is maith a thubhairt iad gach ni a labhair iad, "O! gun a leithid sin do chridh' anna, gum biodh "m' eagals' orra, agus gu'n gleidheadh iad m' àith- "eantan gu bràth :" Is sàr-mhath ur rùn-sa, agus O! gun chridh' annaibh ga chuir an gniomh! agus an dùil gun tachair sin, is cridheil a sheolas mi dhuibh ciod a ni sibh; agus sin gu h aithghearr, chum's gur usa dhuibh a chuimhneachadh r'a chuir an gniomh.

*Sèòladh I.* Ma b' àill leibh bhi iompaichte agus àir ur saoradh, gnàthaichibh dicheall spàirneil, a thuigsinn feum agus fior-nàdur an iompaichaidh, ciod air son, co uaidhe, co dh' ionnsuidh, agus co leis, is eigin duibh iompachadh.

Tuigibh ciod è an cor bronàch anns am bheil sibh, gu h-uair ur n-iompaichaidh, chum's gum faic sibh nach cor è anns an tearainte dhuibh còmhnuidh a ghabhail. Tha sibh fo chionta gach peacaidh a chuir sibh riamh an gniomh; fo fheirg Dhè, agus fa mhàllachd an lagha; is tràillean cuibhrichte do'n diabhol sibh, tha sibh saothaireach 'na obair gach là, an aghaidh an Tighearn; an aghaidh ur leas fein, agus math dhaoin eile: tha sibh gu spioradail marbh agus duaich-ni, air bhi dhuibh gun bheatha, gun nàdur agus gun dreach naomh na diadhachd. Tha sibh neo-iom-chuidh air obair naomha, cha dean sibh gnè a tha fior-thaitneach le Dia. Tha sibh gun ghealla gun chinnt agaibh air tearmann uaidhe, mur pill sibh. Tha sibh sior-bhuailteach d'a cheartas, gun fhios agaibh c'uin a

spònar chum ifrinn sibh, ach tha lan-chinnt agaibh gun d' thèid sibh am mugha, ma bhàsaicheas sibh anns an staid sin: agus cha ghabh ach iompacha roi 'n chunnart anns am bheil sibh. Cha dean suairceas, leasacha, no dìcheall is lugha na lan-iompacha tearuint' ur n anma gu bràth. Cuimhnichibh ciod is ciall do 'n truaigh mhi-nàdurra so, agus mar an ceudn am feum a tha agaibh air iompacha.

Agus an sin is eigin gun tuig sibh ciall an iompachaidh: is ciall da, nuadh-chridhe, nuadh-rùn agus nuadh-chaithe-beatha naomha.

*Ceist. C'arsón is eigin duinn iompachadh?*

*Freag.* Chum gach crioch dhiu so a leanas, agus air am faod sibh ruigheachd.

1. Air iompachadh dhuibh, is beo-bhull de chorp Chriosd sibh gu neo-mheadhonach, bithidh seilbh agaibh ann, ath-nuadhaiclear sibh do rèir iomhaigh Dhè, èidiclear sibh le ghràsaibh uile, beothaichir sibh le beatha nuadh neamhaidh, teasairgear sibh o antighearnas an droch-spioraid agus a pheacaidh, saorar sibh o mhallaichd an lagha, gheibh sibh maiteanas ann an uile pheacaibh ur beatha, gabhaidh Dia ruibh mar a Chlann, bheir è comas duibh ur n-Athair a ràdh ris le dàñadas, agus dol d'a ionnsuidh le h-ùrnaigh an aimsir teinn agus airc, agus gabhaidh è ruibh mar a gheall è; gheibh sibh an Spiorad naomh a ghabhail còmhnuidh annaibh, d' ur naomhachadh agus d'ar seoladh: gheibh sibh comh-pàirt ann am bràithreachas, co'-chomunn agus ùRNAIGH NAN NAOMH: nithear iomchuidh air obair Dhe sibh; saorar sibh o an-tighearnas peacaidh; bithidh sibh mar bheannacha feumail do'n ionad anns am bi ur còmhnuidh, agus gheibh sibh gealla na beatha so, agus na beatha a tha chum teachd. Cha bhi dì nithe air bith oirbh a tha do rireadh math dhuibh, agus gheibh sibh neart a ghiulan

ur n-àmhghara feumail; blaisidh sibh cail-eigin de cho'-chomunn Dhe anns an Spiorad; gu sonraicht' anns gach òrdugh naomh, anns am bheil Dia a' deas-achadh cuirm shlainteil d' ar n-anmaibh; is sibh oighreacha neamh am feadh a bitheas sibh air talamh; gheibh sibh roi-shealla de 'n ghlòir shiorruidh le sùil creidimh, agus mar sò bithidh sibh beo, agus gheibh, sibh bàs ann an sìlh: agus cha bhi sibh gu bràth co iriosal bhochd, 's nach bi ur sonas ni 's mò gu mòr na ur truaighe.

Cia luach-mhor gach beannacha dhiubh sin, nach ainmich mi ach gu h-aithghearr, agus a tha ri 'm faghail anns a bheatha so fein.

2. Agus ann an am bàis thèid ur n-anmaibh a dh' ionnsuidh Chriosd, agus ann an là bhreitheanais, firinnichear, agus glòraichead ur n-anma agus ur cuirp, agus cuirear ann an seilbh iad ann an gàirdeachas ur Tighearna: agus nithear suas ur sonas leis na sòlasaibh sonraichte so.

1. Nithear coi'-lionta sibh: nithear neo-bhàsmhor ur cuirp bhàsmhor, agus cuiridh ur truaill'eachd oirre neo-thruailleachd; cha bhi sibh ocrach no iotmhòr, sgìth no ea-slan tuille: cha bhi aobhar eagail agaibh roimh näire, roimh dhòlas, roimh bhàs no rounh ifrinn. Làn-shaorar ur n-anmaibh o pheacadh, agus lan ullaichear sibh a ghabhail eolais air Dia, agus a thoirt gràidh agus cliu dha.

2. Is obair dhuibh dearcadh air glòir an Fhirshaoraidh, ann an co-chuideachd neamhaidh nan naomh: agus sealladh a ghabhail de ghlòir an De uile-bheannaichte; ard-chuspair ur gràidh a dheanamh dh' easan a ghràdhdaich sibh; agus a chliudh-achadh gu siorruidh.

3. Meadaichidh ur glòir, glòir Ierusalem nuaidh, cathair an De bhith-beo, agus is mò so dhuibh na sòlas aonaranach.

4. Glòraichear am Fear-saoraidh 'n ur glòir-se, cliudhaichear a mhòrachd leibh gu siorruidh, agus is taitneach leis sibh, oir is sibh saothair anima: agus is mò dhuibh so na ur glòracha fein.

5. Agus glòraichir 'n ar glòir-se mòrachd shiorruidh an De bhith-bheo: mar a chliudhaichear a mhòrachd leibh, mar a cho'-pàirticheas è a ghòl air agus a mhaiteas ruibh, agus mar is taitneach leis sibh, agus coilliontachd oibre ghòlrmhoir fein ann an glòir an nuadh-Ierusalem, agus ann an glòir a Mhic shiorruidh.

Is cinnteach gum faod an dèirceach is aimbear-taiche 'n ur measg, so uil' a shealbhachadh gu siorruidh.

2. Chi sibh c' arson is eigin duibh iompachadh: agus anis, is eigin duibh a thuigsinn co uaídhl' is eigin duibh iompachadh: agus an aon fhocal, 's eigin duibh iompachadh o'r fein-spèis fheolmhor, crioch an t'sluaigne neo-iompaicht' uile. Is eigin duibh iompachadh o ana-miannaibh feolmhor, leis an àill gun toilich-eadh sibh iad fein roimh Dhia, na h ana-mianna sin, a tha 'g ar mealladh chum so a dheanamh. Is eigin duibh iompachadh o'n diabhol, agus o'n t'saoghal, am biadh leis am meall an t'iasgair cealgach sin ur n-anma. Agus mar so 's eigin duibh iompachadh o gach peaca toile is aithne dhuibh.

3. Is eigin duibh a thuigsinn co dh' ionnsuidh is còir dhuibh iompachadh, eadhon a dh' ionnsuidh Dhe mar ur crioch; a dh' ionnsuidh Chriosd mar an t'slighe chum an Athar; a dh' ionnsuidh naomhachd mar an t'slig' a dh' òrduich Chriosd, agus mar so a dh' ionnsuidh feum uile mheadhona nan gràs a thairg an Tighearna dhuibh mar chuideacha.

4. Fa dheoigh, 's eigin duibh a thuigsinn co leis is còir dhuibh iompachadh, Eadhon le Chriosd, an t'aon Fhear-saoraidh, agus an t'aon Fhear éadar-ghuidhde? agus leis an Spiorad fhior-ghlan, am Fear-naoinh-

achaidh ; agus leis an fhocal mar inneal iompachaidh an Spioraid ; agus lé creidimh agus aithreachas mar na meadhona agus na dleasanais r' an coilionadh air ur taobh-se. 'S eigin da so uile bhith

*Seol. II.* Ma 's àill leibh iompachadh agus bhi tearuinte, smuaintichibh gu dùrachdach ann an uaigneas ; oir millidh neo-chùram an saoghal. Rachaibh gu tric an uaigneas agus smuaintichibh an sin air a chrich chum an d' rinneadh sibh ; air ur beatha a chaith sibh, air an aimsir a chaill sibh, agus air a pheacadh a chuir sibh an gniomh : smuaintichibh air gràdh, fulangas agus iomlaineachd Chriosd ; air a chunnart d' am bheil sibh buailteach ; air dlùthas bàis agus breitheanais duibh ; agus air mor-luach chinnteach an t' sòlais neamhaidh ! smuaintichibh air uabhas cinnteach, agus air dòrainn bhith-bhuan ifrinn, agus air an siorruidh-eachd sin mar aon ; smuaintichibh air feumalachd an iompachaidh, agus naomhachd beatha. Maothaichibh ur n anma le smuainte mar iad sin.

*Seol. III.* Ma 's àill leibh iompacha agus bhi tearuinte, feithibh air focal Dè, meadhon gnàthaicht' an iompachaidh. Leughaibh no èisdibh na scrioptuire naomha, agus sgriobha diadhaidh eil' a chuireas ruibh an scrioptuir gu tric, agus feithibh air searmonacha follaiseach an fhocail. Mar a shoillsicheas Dia an saoghal leis a ghrèin, agus cha'n ann leis fein amhàin : mar sin iompaichidh agus teasairgidh Dia an sluagh Ie a luchd teagaisg, oir is iad solas an t' saoghail. Gniomh. xxvi. 17, 18. Mat. v. 14. An uair a dh' irioslaich è Pol, gu miorbhuiteach, chuir è Ananias d'a ionnsuidh Gniomh ix 10. Agus an uair a chuir è aingeal a dh' ionnsuidh Chornelius, dh' iarradh air fios a chuir air Peadar, a dh' innseadh dha ciod bu chòir dha a chreidsinn agus a dheanamh.

*Seol. IV.* Cleachdaibh dhuibh fein dol a dh' ionnsuidh Dhe le h-ùrnaigh dhùrachdaich gu tric. Aid-i chibh agus caoidhibh ur beatha a chaidh seachad,

agus farraibh gràs d' ur soilseachadh agus d' ur n' iompachadh. Guidhibh maitheanas gach peacaidh a chaidh seachad, agus gun toir Dia a Spiorad duibh, a dh' atharrachadh ur cridh' agus ur giulain, agus d'ur sduireadh air a shlige fein, agus d'ur teasaiginn o bhuaireadh. Agus saothairichibh ann an obair an Tighearna gach la gun sgios.

*Seol. V.* Sguiribh air ball de gach peaca toil' is aithne dhuibh, stadaibh agus na triallaibh anns an t' slighe sin tuille; na biodh misg oirbh tuille, ach seachnaibh fàth agus ionad na mi-chèille. Na mallaichibh, na mionnaichibh, agus na càinibh tuille. Tilgibh uaibh le gràin ur n.-ana-mianna agus ur sòlas peacach: agus ma rinn sibh eacoir air neach, thugaibh coi'-leasacha dha, mar a thug Sacheus. Ma chuireas sibh ur seann-pheacadh an gniomh a rìs; an ion duibh dùil a bhi agaibh ri beannacha Dhè air meadhona ur n' iompachaidh?

*Seol. VI.* Ma bha droch-cuideachd agaibh roimh so, atharraichibh iad air ball, ma dh' fhaodas sibh. Cha'n ann le cùl a chuir ri'r càirdean dileas, ach ri'r companachaibh peacach agus neo-fheumail, agus ceangailibh sibh fein ri luchd eagail an Tighearna, agus iarraigibh eolas uatha air an t' slighe gu neamh.

*Seol. VII* Thugaibh suas sibh fein do'n Tighearn Iosa, lèigh ur n.-anma, chum's gun glan è sibh le fhuil, gun naomhaich è sibh le Spiorad, le fhocal, agus le luchd teagaisg, meadhona iompachaidh an Spioraid. Is è Criosd an t' slighe, an fhirinn agus a bheatha; agus ni bheil slighe ri dol chum an Athar ach trid Chriosd. Eoin. xiv. 1. Ni mo atha ainm eile fo neamh, o'n sruth ioc-shlainte mhiorbhailteach. Gniomh. iv. 12. Air an aobhar sin gabhaibh eolas air a phearsa agus air a nadur, tuigibh ciod a rinn, a dh' fhuiling, agus a ni è air arson; agus smuaintichibh cia mar a bhitheas è lan-diongmholt a riarrachadh ur n-uil' uireasbhuidh.

*Seol.* VIII. Ma 's àill leibh do rireadh pilleadh agus bhi beo, deanaibh so air ball agus gun dàil. Mur àill leibh pilleadh anis, cha 'n àill leibh pilleadh gu bràth. Cuimhnichibh gu bheil sibh fad na h-ùine so 'n ur fuil fein ; fo chionta nam mìlte peacadh, agus fo fheirg Dhe air an son ; gu bheil sibh 'n ur seasamh air bruach ifrinn, agus gun ach ceum eadar sibh agus bàs. Agus am faod ach duine gun chiall bhi suaini-neach anns a chunnart so ? Air an aobhar sin, mosglaibh, mosglaibh gu grad, agus teichibh le 'r n-anmaibh ; mar a theicheadh sibh o thigh r'a theine os ur ceann. Och ! nam bu leur dhuibh an sior-chunnart anns am bheil sibh, an call do-labhairt fo 'm bheil sibh gach là, agus cia sona tearuinte dh' fhaodadh sibh bhi, nan iompaicheadh sibh, nam bu leur dhuibh so, cha sheasadh sibh diomhain, ach philleadh sibh air ball. Tha mòran à' dol am mearachd nach pill gun dàil agus gu deònach, an uair a leigear ris doibh gur eigin doibh iompachadh no dol ami mugha. Tha ur beatha neo-chinnteach gearr ; agus ciod an staid anns am bi sibh ma bhàsaicheas sibh gun lan-iompacha ! Dh' fhuirich sibh an-fhada cheana ; bha sibh ro-fhad a' deanamh eacoir air Dia, fàsaidh am peaca neartmhòr, agus freumhaichidh è gu teann, mur spòn sibh as a bhun è gun dàil. Fàsaidh ur n-iompacha ni 's cruaidhe agus ni 's cunnartaiche, ma chuireas sibh dàil ann ; tha mòran agaibh cheana r'a dheanamh, agus air an aobhar sin na cuiribh dàil anns an obair uile, gu deireadh ur n-aimsir, air eagal gun trèig Dia sibh, agus gun toir è suas dhuibh fein sibh, agus ma thàrlas so thèid sibh am mugha gu siorruidh.

*Seol.* IX. Ma 's àill leibh pilleadh ri beatha gu bràth, pillibh air ball agus làn-dheonach. Na taigibh an coi'-cheangal so a dheanamh ri Criod, eadhon gun roinn sibh ur n-anma eadar è fein agus an saoghal, gun trèig sibh cuid d' ur peacaibh air iartas-

san ; gun gleidh sibh cuid eile dhiu ; agus gun cuir sibh uaibh urrad 's a cheadaicheas ur n-ana-mianna dhuibh a sheachnad. Is fein-mhealltoireachd so ; oir is eigin duibh gu cridheil deonach cùl a chuir ris gach ni a tha agaibh, no cha deisciobuil do Chriosd sibh, Luc. xiv. 26. 33. Mur gabh sibh Dia agus sonas mar chrannchar, agus mur leag sibh ur n-uile inhaoin gu h-iosal ag cosaibh Chriosd, cha deisciobuile dha sibh. Ach cha 'n fhuilear leibh crannchur de dheagh nithibh talmhuidh, oir cha leoir leibh Dia, agus glòir shiorruidh, agus is diomhain bhi 'g an tairgseadh dhuibh mar shonas coilionta. Cia cràbhach air bith sibh 'n ur barailibh fein, gidheadh mur 'eil agaibh do 'n chràbhadh ach treibh-dhireas, soirbh-eacha, sòlas, agus tearmann feolmhor, na h-earbaibh ur sonas riu, oir cia taitneach air bith leibh fein iad so, tha iad air chinnt, co dòrainneach bhàsmhor ri h-ana-diadhachd fhollaiseach, ge d' is i an dreach beagan is fearr.

*Seol.* X. Ma 's àill leibh pillealh agus bhi beo, iompaichibh gu rùnach, agus na gabhaibh ùin fhada g' ar comhairle, mar ann an gnothach amharusach. Na bithibh iomluath, mar dhaoin a tha neo-chinnteach, an è Dia, no 'n i an fheoil, uachdaran is fearr ; an i neamh, no ifrinn ceann-uighe is fearr ; an è am peaca, no naomhachd slighe is fearr. Ach cuiribh uaibh ur seann ana-mianna feolmhor, agus roighnichibh leasacha beatha air ball, agus le rùin shuidhicht anma : na bitheadh aon rùn agaibh an diugh agus rùn eil ami màireach ; ach thugaibh litir-dhealachaidh do'n t' saoghal uile ; agus le làn-rùn thugaibh suas sibh fein agus gach ni a tha agaibh do Dhia Anis air cluinntinn, no air leughadh so dhuibh, roighnichibh leas ur n-anma, m'an coidil sibh oi'che eile, agus m'an gluais sibh as an àite so. M'am bi fàth aig an diabhol ur fuadachadh leis, roighnichibh iompachadh. Oir cha phill sibh gu bràth, gus an roighnich sibh

pilleadh, le làn-rùn agus dian-thogra gun chaochla.  
*Gabhaibh an urrad so de sheolaidh shlainteil.*

Anis rinn mise mo dhìcheall anns an obair so, chum 's gu 'n iompaich sibh air iartas Dè, agus gum bi sibh beo gu sona siorruidh. Ach ciod a bhuil a bhitheas air mo shaothair cha 'n aithne dhomh. Chuir mi pòr air iartas Dè, ach cha 'n urra mi a thoirt air fàs. Cha 'n fhaod mi dol ni 's faide le m' theachdaireachd ; cha 'n urra mi a sparradh 'n ur n-anmaibh, no a thoirt oirre oibreachadh annta ; Cha 'n fhaod mi ur n-obairs a dheanamh air ur son, eadhon, a thoirt oirbh aoidheachd a thoirt do m' theachdaireachd, no smuainteachadh oirre : ni mò is urra mi a dheanamh obair Dhe, eadhon, ur n-anma fhosgladh chum a gabhail air aoidheachd ; no a thoirt sealla-sùl duibh air flaitheas na glòire, no air ifrinn na dòrainn, no a thoirt maoth-chridhe nuadh dhuibh. Nam b' aithne dhomh tuill' a dheanamh chum ur n-iompaichaidh, is doigh leam gun déanainn è gu deònach.

Ach, O ! Athair chaoimh nan uile Spiorada, mhion-naich thu mar is beo thu, nach taitneach leat leir-sgrios dhaoin aingidh, ach gur roigniche leat gum pilleadh agus gum bitheadh iad beo ; na diult do bheannacha do gach impidh agus Seola dhiu so, agus na ceadaich do d' naimhdibh buadhachdadh ann ad làthair ; na leig do mhealltoir mòr an anma lamh an-uachdar fhaghail air do Mhac, air do Spiorad, no air t' fhocal. Amhairc le tiom-chridhe air gach peacach truagh neo-iompaichte, leis nach truagh è fein, agus nach iarr cuideacha. Faiceadh an dall, cluinneadh am bodhar, agus mosgladh am marbh air t' iartas ; agus na leig le peaca no le bàs cuir ann a t' aghaidh. Dùisg an neo-chùramach, fuasgail gach imcheist, socraich an duin udalach, agus sileadh sùilean gach peacach a leughas na briathra so le deuraibh frasach

an aithreachais arson peacaidh; aisig an ciall doibh,  
agus pill ri d' Mhac iad, seal m'an iomain am peaca  
chum dòrainn iad. Ma labhras tu ach am focal bith-  
idh buil air mo dhìcheall sa, a theasairginn mòran anma  
chum an gairdeachais shiorruidh, agus chum do ghlòir  
bhith-bhuan-sa. *Amen.*

## — C R I O C H .

T R I

## URNUIGHEAN.

---

Aon do theaghlaichibh ;  
Aon eile do pheacach làn aithreachais ; agus  
Aon r'a gnàthachadh air là an Tighearna, leis an  
dream sin amhàin a dh' fheumas a leithid so do chuíd-  
eachadh.

*A Leughadoir,*

LEIS an dà aobhar a leanas, bhrosnaicheadh mi,  
chum na h-urnaighean so a chuir ris an leabhar so.

1. Chi mi gu bheil mòran sluaigh anns am bheil  
cail-eigin do dheagh thogradh a' dearmad aoradh  
cràbhach a thoirt do Dhia ann an teaghlaichaibh, do  
bhrigh an laigse, agus an ain-eolais ; ach tha dùil  
agam nach dearmaid iad an dleasnas so, ma gheibh  
iad beagan cuideachaidh. Agus ged tha mòran ur-  
naighean sgriobhta, gidheadh, is tearc teaghlaich bochd  
'g am bheil iad, agus faodaidh mise m' ùrnaighean  
fein a thoirt dhoibh ni 's saoire, na dh' fhaodas mi  
ùrnaighean eil' a cheannach dhoibh.

2. Tha cuid de dhaoine d' an cosmhuil bhi iom-  
paichte chum aithreachais agus nuadheachd beatha, le  
beannacha Dhe air leugha mo sgrìobhaidhs' a' guidh-  
eadh orm riaghait a sduireadh an teaghlaichean ann  
an ùrnuigh, a sgriobhadh dhoibh, mar chuideacha, a  
chionn nach do chleachd iad urnuigh a dheanamh ann  
an lathair dhaoin' eile.

Ma 's beo mi a sgriobhadh riaghait a sduireadh  
theaghlaichean anns an ùrnuigh, is i mo rùn tuill' a  
chuir riu so.

~~~~~

*Urnuigh teaghlaich, moch-thrà agus trà feasgair.*

O ! DHE, is tus' an Spiorad siorruidh, neo-chrioch-nach, agus iomlan ann an cumhachd, ann an glio-cas agus am maitheas ; cha 'n fhaic rosga bàsmhor, agus cha làn-tuig eolas cruthaichte do nàdur ; tha do làthaireachd leinn gach àm ; is leur dhuit diomhair-eachd ar n anma ; is aithne dhuit ar peacadh agus ar n-uireasbhuidh ! ach iarraidh tu ar n-aidmheil mar obair ar n-aithreachais, agus ar n-iartas mar obair ar mianna agus ar n-earbsa mhacanta ! Och is truagh nach tearr an aithrigh ar n-anma air do làthaireachd fhiòr-ghlan, agus nach 'eil sinn ni 's iomchuidh air an obair mhoir agus naomha so ! O ! thus a bheir cuire tràcaireach do pheacachaibh truagh teachd do t' ionnsuidh air slighe na beatha nuadh ; na coinnich sinn annad cheartas mar theine lasrach, ach gabh ruinn air sgàth ceartais Mic do ghràidh, oir tha ar muinghinn na shior-eadar-ghuidhe.

Is tusa àrd-chruthai-fhear nan uile nithe ; dhealbh thu sinn a rèir t' iomhaigh fein, chum eolas a ghabhail ort, gràdh agus ùmhìlachd a thoirt dhuit : ach thruaill am peacadh ar cumhachdan uile ; chlaon è uats iad, agus o 'n chrìch chum an do chruthaich thu sinn : ghabhadh, ghineadh, agus għluais sinn ann am peacadh, ag an-tromachadh ar gin-chionta agus ar truaighe. Ged a bha fios againn gum bu tu ar sealbhadoir, għluais sinn mar dhaoin air an comhairle fein. Ghairm sinn ortsar mar ar Righ agus ar riaghlaifhear, ach rinn sinn ceannairc a' t' aghaidh agus thug sinn ùmhìlachd d'ar n-an-toil fheolmhoir fein : is fior-mhaiteas agus gràdh thu, is tu ùghdar gach aon ni air bith a tha math agus ion-mholta. Agus bu chóir d'ar n anmaibh teas-gràdh a thoirt duit gu deònach ; ach tha iad ain-

eolach air do mhor-luach, ag iarraidh sòlais ann an diomhanas saoghalta, agus ann an sàsúchadh ana-miannaibh feolmhor. Ghlac an saoghal cealgach so ar gràdh, ar càram agus ar smuainte, ar briathara, ar n-aimshir agus ar saothair, mar gu 'm bu shior-ionad-còmhnuidh agus oighreachd bhith-bhuan d' ar n-anmaibh è, am feadh a dhearmaid sinn ar Dia, agus ar n-anma nach bàsaich. Chuir thu ciocras glòire shiorruidh annainn, ghlaodh thu ruinn a h-iarraidh, agus ar smuainte a thogail suas riut fein: ach ghluais sinn mar nach creideamaid t' fhocal, agus rinn sinn di-meas air gàirdeachas neamhaidh a thaig thu dhuinn, agus roighnich sinn sòlas diom-buan feolmhor. Thug sinn aoradh dhuit gu diomhanach, agus umhlachd dhuit gu fuar-chràbhach le 'r briathraibh amhàin. Thug sinn t' ainm uabhasach an diomhanas; agus mhi-ghnàthaich sinn do latha naomha. Thug sinn eas-umhlachd d' ar n-uachdranaibh, agus dhearmaid sinn ar n iochdarain. Bu chòir dhuinn ar teaghlaichean a riaghadh mar eaglais naomh Dhe, ach bu tigh-ean diomhanais, saoghaltachd, agus talachaидh air an staid iad. Bha ar smuainte ciontach an diomhanas, an amaideachd, an amhluadh, am mi-run, agus ann an ain-miannaibh neo-ghlan. Bha ar teanga ciontach ann an cainnt amaidich dhiomhain, am briathraibh feargach, an ana-cainnt, an còmhradh truaillidh mi-stuamadh, an cùl-chainnt air daoin eile, agus am mòran bhreug. Cha do ghràdhaich sinn ar coimhers-nach mar sinn fein; ni mò a rinn sinn do chàch an ni b' àll leinn uatha: ach bha sinn uile fein-speiseil, gu h-uallach a' miannachadh meas mòr agus ard-inbh; gu sanntach ag iarraidh ar leas, agus ar sòlais ana-miannaich fein; an uair a ghabh sinn ro-bheagan càram do leas corporra agus spioradail dhaoin eile. Bha sinn ro-mhall a ghràdhachadh ar naimhde, agus mi-chridheil a thoirt maitheanas cionta dhoibh. Mhi-ghnàthaich sinn do thiодhlaca, mhi-bhuilich sinn ar

n-aimsir luach-mhor le diomhanas, is ro-bheag feum a rinn sinn air thalamh.

Ge do sholair do thròcair iongantach dhuinn Fear-saoraidh, agus cungaидh-leighis ni 's leoir ann-san : agus ge do thug thu dùbhlà eolais aingle agus dhaoine, ann am foillseachadh iongantach so do gliocais agus do ghràidh ; gidheadh, fhuair sinn tuisle air t' fhocal le 'r neo-chreidimh, agus dhearmaid sinn an t' slainte mhòr so gu neo-mhothachail. Cia neo-chùramach a chualadh agus a leugh sinn do shoisgeul? Nach beag a chuir gràdh agus fulangas ar Slanui-fhir oirn? Bheireamaid buidheachas do neach air bith a bheireadh dhuinn tearmann no saibhreas saoghalta : ach cia mi-bhudheach a bha sinn do Chriosd a rinn an urrad so, a theasairgin ar 'n-anma o leir-sgrios siorruidh ! Mo thruaigh, tha ar cridheacha do-lùbaidh agus neo-irioslaichte, a' cuir a pheacaidh agus diom cho-throm-aich Dhe, an suarrachas, agus coma mu Chriosd agus mu ghràs. Agus is ceart dhuits' an tròcair air an d' rinn sinn urrad dhimeas, a dhiultadh dhuinn gu siorruidh.

Ach buin ruinn O ! Thighearna do rèir do mhaiteis fein, agus a rèir ar feum ana-barraichne ; agus na smachdaich sinn do rèir aì droch thoillteanais. Pheacaich sinn mar dhaoine, ach bi thusa tròcaireach mar Dhia. Mar ata ar peacaidh-ne lion-mhor, biodh do ghràs ni 's lionmhoire gu mòr ! Thug thu Slanui-fhear do 'n chinne-daonna, an uair bu naimhde dhuit sinn ; agus bha thu ann an Criosd ag aih-reiteachadh an t' saoghail riut fein : is i do rùn ard-thighearnail, fàth a dheanamh d'ar beag-luach, agus d'ar truaigh, a ghlòrachadh do ghràidh agus do thròcair iongant-aich, ann am mòran peacaidh a lughadh, agus am faod sinne gun mhòran gràidh a thoirt dhuits' air a shon so ? agus 'n a dhiaigh so uile, ma chuireas sinn an teagamh, gu bheil thu deònach maitheanas a thoirt do 'n chreideach a tha lan aithreachais, ni sinn ea-coir

ana-barrach air saibhreas do ghràis. Dh'iarr thu sinn an uair nach d'iarr sinne thusa! is ann air t' iartas fein a shireas sinn thu, agus a ghuidheas sinn tròcair. Thug thu dhuinn na ceart mhianna sin a dhortas sinn amach ann ad lathair. Ghuidh thu oirne bhi rèidh riut, agus gabhail ri d' ghràs; agus an cuir sinn an teagamh gu bheil thu toileach a dheonachadh? Tha coi-leasacha iomlan do d' cheartas air son ar peacaидh, ann an iobairt agus deagh-thoillteannas do Mhic, agus ioc-shlainte ni's leoир a dh' fhirinneachadh a chreidich a tha lan aithreachais ann ad làthair. Thug thu do Mhac mar flear teagaisg gun mhearachd do t' eaglais: is Righ lan-chumhachdach d' ar riaghladh, d' ar coimhead, agus d' ar fireanachadh è. Thug thu do Spiorad a naomhachadh ar n-anma; agus tha do ghràdh lan-dhiongmhalta chum ar sonais agus ar suaimhnis shiorruidh. Air an aobhar sin, bheir sinn suas sinn fein dhuitse ar Dia, ar n-Athair, ar Fear-saoraidh agus naomhachaидh; agus guidheamaid ort, gabh ruinn air cùimhnanta coi'-cheangail do ghràs. Na cuimhnich ann ar n aghaidh amaideachd, ain-eolas, agus ana-miannaibh ar n-òige: lugh dhuinn ar peaca diomhair agus follaiseach; ar peaca neo-chùraim, obann agus an-dànadais, gu sonraighe na peacaидh sin a chuir sinn an gniomh gu deonach, an aghaidh ar n-eolais, agus co'-spàирn do ghràis. Ath-nuadhaich agus lan-naomhaich sinn le d' Spiorad: buin uainn an seann-chridhe clochach, agus thoir dhuinn an cridhe maoth, brùite agus soi-theagaisg: thoir dhuinn an nàdur naomha neamhaidh; naomhaich sinn le dreach t' fhior-ghloine: thoir oirne sinn-fein, agus gach ni a thug thu dhuinn, a choisrighe dhuitse d' am buin iad, gu h iomlan. Lan-umhlaich do d' riaghlailt uile chumhachd ar n-anma agus ar cuirp. O! leig ris duinn do mhaithheas nach traogh, t' iomlaineachd ghlòrmhor, agus do thròcair iongantach, a thug thu dhuinn ann an Croisd; doirt amach do ghràdh air ar

n-anma le d' Spiorad naomh, gus an toir do ghràdh. oirne, gur eigin duinn do ghràdhachadh, os ceann gach ni agus neach, le 'r n-uile chridhe, le 'r n uil' anam agus le 'r n-uile neart. Lasadh dealra do ghràidh ar n-anma, chum 's gun toir sinn teas-ghràdh dhuit gu deonach ; gum blais sinn tionnsgna an t'sonais agus an t' sólais neamhaidh ann ad ghràdh ; gun tuig sinn nach 'eil doigh againn air ni 's leor a thoirt dhuit do ghràdh ; agus gu 'n abair sinn gu neo-chealgach gur fada leinn gus am faod sinn tuille thoirt duit. Cha cheadaich ar neo-iomlaineachd dhuinn a ràdh, gun toir sinn gràdh dhuit do reir do mhor-luach, oir tha so os ceann neart aingle agus dhaoine : ach, o nach urra sinn urrad ghraidh a thoirt dhuit 's bu mhath leinn, gus an ruig sinn air an staid lan-bheannaichte sin, anns an gràdhaich sinn thu ni 's mò na 's urra sinn anis a mhiannachadh ! Ge nach peacaicheamaid riagh am focal no an gniomh, is peaca nach urrainn duinn a chaoidh gu bràth, easbhuidh ar gràidh dhuitse; is uallach nach urra sinn a ghiulan, masla ar nadur thruailte ! Cha 'n iarr sinn tuille sonais anns a bheatha so, ach barrachd eolais ortsa, agus neart a thoirt tuille gràidh dhuit. Thoir dhuinn Spiorad na h-uchdmhacachd, a lionas sinn le rùin mhacanta dhuitse ar Dia, agus ar n-Athair neamhaidh, a tha rèidh ruinn ann an Croisd. Thoir oirne ar n àrd chrioch àraighe a dheanamh dhiotsa, agus do ghloir iarraidh anns gach gniomh. Deonaich gur e dian-thogra ar n-anma, thus' a thoileachadh anns gach ni, soirbheachadh do rioghachd, agus do thoil a dheanamh. Ardaich do ghloir os ceann nan neanìha, naomhaich t' ainn air an talamh uile, iompaich an saoghal ana-creideach, agus cuir fa cheannsal do Mhic è. Thoir luchd-riaghlaidh glic agus naomh do na rioghachdaibh, rachadh soisgeul do Mhic amach mar a ghrian, a shoillseachadh gach cearna de 'n talamh. Och, nach gabhadh an saoghal a tha fo mhi-

riaghailt righ mi-rùnach an dòrchadais, ri d naomh-reachd, agus nach tugadh iad gèill da ! och, gun iad a bhi ni 's cosmuile ri-luchd-áiteachaidh naomh nan neamha, ann am maise agus ann an coi'-sheirm na naomhachd ! Ath-leasaich gach eaglais a tha truailte agus fo dhorchadas. Tilg anuas an t' an-tighearnas, an ain-diadachd, an saobh-chreidimh agus an eas-aonachd sin, a chumas amach eolas, naomhachd agus sìth. Dion agus beannaich na h-eaglaise ath-leas-aichte ; gu sonraichte anns na rioghachdaibh anns am bheil sinne. Beannaich ar n-aon uachdaran dligheach, agus an teaghlaich rioghail uile ; agus gach neach a tha ann an ùghdarras ; ar luchd teagaisg, agus thoir aodhaire comasach diadhaidh do gach treud anns na rioghachdaibh so. Thoir fonn, siocail, diadhaidh, so-theagaisg do 'n t' sluagh. Cuir impidh oirne, do rioghachd agus do cheartas fein iarraidh air tùs : agus cuirse gach aon ni feumail eile ruinn Cum suas agus beathaich ar nàdur le nithibh feumail, agus deonaich gum bi sinn lan-toilichte le 'r n-aran lathail ; agus foighidneach fo 'n uir-easbhuidh a thoill ar peacadh. Teagaisg dhuinn ar n-aimsir luach-mhor a dheagh-bhuleachadh, agus gun a mi-bhuleachadh le diomh-anas peacach ; ach crioch a chuir air an obair ris am bheil ar beatha shiorruidh an earbsa ; agus ar giulan a bhi mar bu mhath dhuinn anns an uair dheireannaich. Deonaich aithreachas, agus maitheanas gach la ann am peaca gach latha, trid Chriosd : agus thoir dhuinn muinghinn 'na eadar-ghuidhe-san do rèir ar sior-fheum. Teagaisgear dhuinne le 'd mhòr-ghràdh, agus le 'd thròcair a mhaitheas peacadh, ar coimhearsnach a ghràdhachadh mar sinn fein ; ar n-eascairde a ghràdhachadh, ciont' a mhaitheadh, agus math a deanamh air gach neach do reir ar comais fein ; agus am feum-san. Cuidich leinn cathachadh an aghaidh an diabhoil, an t' saoghail agus na feola, agus buaidh a thoirt orra. Coimhead sinn o 'n pheacadh

chealgach agus na leig dhuinn sinn fein iomain gu buaireadh Dion sinn o ain-eolas agus o neo-chreidimh, o an-diadhachd agus o fhuar-chràbhadh, o uaill agus o shaoghaltachd anabarrach, o leisg agus o shàsachadh ar n ana-mianna peacach feol-ìnhor. Cuir impidh oirn aoradh a thoirt dhuit ann an naomhachd; t' ainm uabhasach a luadh gu h-urramach; do là naomh a chuimhneachadh agus a choinhead gu cùramach. Gleidh sinn o eas-umhlachd pheacach a thoirt d' ar n-uachdranaibh; o dhearmad ciontach a dhéanamh air ar n-iochdranaibh; agus o ea-coir a dhéanamh air aon neach an smuain, am briathar, no an gniomh! Coimhead sinn o bhuaireas peacach na feirge; o smuaintibh agus o mhiannaibh; o bhriathraibh agus o ghniomharaibh neo-gheamnaidh. Cum sinn o mheirle agus o mhealltaireachd a dhéanamh air daoin eile, o bhreugaibh, o mhasladh agus o chùl-chàine. Marbh an fhein-speis sin a tha an aghaidh leas ar coimhearsnaich. Dion sinn o 'n dioghaltais a thoill sinn. Co'-oibrícheadh ar n uil àmhgħiara chum ar leas. O! cuidich leinn triall trid an t' saoghaileòdhaibh so, 'g ar n ullachadh fein fa chomhair bàis. Biodh ar n-anma agus ar co'-luadar air neamh. Na trèig sinn an aimsir ar n àmhghair dheireannaich. Ach glac ar n anma aig uair bàis, agus thoir do Chriosd iad.

### *Abair Moch-thrà.*

Dion, sdiuir agus beannaich sinn án diugh, 'nar slighe agus 'nar saothair laghail, chum as trà feasgair gun toir sinn duit buidheachas le gàirdeachas irid Iosa Chriosd ar n aon Slanui-fhear: agus le bhriath-raibh-san, co'-dhùnaidh sinn ar n urnuigh: “Ar na “Athair a ta air neamh, gun naonhaicheadh t' ainm, “gun tigeadh do rioghachd; gun deanar do thoil air

“ thalamh mar nithear air neamh. Thoir dhuinn an  
 “ diugh ar n-aran lathail. Agus maith dhuinn ar  
 “ fiacha, mar a mhaitheas sinn d’ ar luchd fiacha, agus  
 “ na leig ann am buaire sinn, ach saor sinn o olc :  
 “ Oir is leats’ an rioghachd agus a chumhachd, agus  
 “ a ghlòir gu siorruidh. *Amen.*”

*Abair Tra Feasgair.*

Coimhead sinn an nochd, agus deònaich dhuinn  
 an suaimhneas cuirp agus anma sin, a dh’ ullaicheas  
 sinn chum saothair an là is faigse, air sgàth Iosa  
 Criod ar Slanui-fhear ; agus le bhriathraibh-san co-  
 dhùnaidh sinn ar n-ùrnuigh : “ Ar n-Athair a tha  
 “ air neamh, &c.”

*Aidmheil agus ùrnuigh peacaich a tha fo aithreachas.*

O ! Dhe lan-chumhachdaich, uile-ghlic agus ghràs-  
 mhoir, ge d’ is beag ortsa uile luchd dheanamh na h-  
 aingidheachd, agus ge nach faod thu bhi rèidh ri  
 peacadh ; trid eadar-ghuidhe do Mhic uile-bhean-  
 naichte, amhairc le tiom-chridhe ormsa peacach  
 truagh, a tha tuiteam le glùnaibh lùbta aig cos-stòl  
 do ghràis. Nam freagrainn an àrd chrioch àraidih  
 fhior-ghan sin chum an do chruthaicheadh agus an  
 do shaoradh mi, dh’ fhaodainn anis teachd a t’ ionn-  
 suidh le muinghinn agus le dànadas mic, agus le dearbh-  
 bheachd gun dean thu cuspair do ghràidh dhiom :  
 ach rinn mi ceannairc amaideach a’ t’ aghaidh! dhear-  
 maid mi gu deonach an Dia a chruthaich mi ; an  
 Slanui-fhear a shaor mi ; agus a ghlòir shiorruidh a  
 chuir thu ann am thairgse. Dhi-chuimhnich mi an  
 gnothach air ’n do chuir thu chum an t’ Saoghail mi ;  
 ghluais mi mar nach cruthaichte mi, ach chum beagan

aimsir a struidheadh ann an suaimhneas feolmhor, agus mo chorp a reamhrachadh mar lòn do dhaolaioh na h-uaighe. Dhi-chuimhnich mi le m' thoil gur duine mi, a fhuair reuson chum m' fheoil a riaghlaidh, eolas a ghabhail air mo Dhia, roi-shealladh a ghabhail do m' bhàs, agus do staid na neo-bhàsmhoireachd. Chuir mi mo reuson fo cheannsal cumhachd iochdranach m' anima, agus għluais mi mar bħrūid a bhàsaicheas. Och ! an aimsir luach-mhor a chaill mi, agus cha 'n fhaod an saoghal gu leir a' toirt air a hais ! O ! an cuire gràs-mhor a dhearmaid mi ! O ! gairm Dhe a dhiult mi ! an gràdh iongantach ris an do chuir mi cùl le mi-thaingealachd agus an tròcair shaibhir a mhi-ghnàthaich agus a dh' iompaich mi gu macnus peacach ! Cia domhainn a chiónt a chuir mi an gniomh ! agus cia mòr na sòlais a chaill mi ! Dh' fhaodainn bhi fad m' aimsir ann ad għraddh s' a Dhe thirċairich; agus ann an sòlas t' fhocail agus do shlighe fħior-ghloin ; ann an roi-shealla sòlasach neamh gach latha ; agus ann an aoibhneas an spioraid naoimh, nan gabħainn do naomh-reachd-sa mar riaghilt : ach dh' ēisd mi ris an fheoil, agus ris an t' saoghal aingidh chealgach, agus roighnich mi beatha dħiom-buan pheacach, roimh d' għraddh-sa agus roimh għlòir shiorruidh !

Och ! ciod a rinn mi o thainig mi chum an t'saogħail ! Thug peacadh agus amaideachd uam m' aimsir. Is nàr leam ath-shealladh a għabħail do gach bliadhan a mhi-bħu il-lich mi ; no smuainteachadh air a bhuaireadh gan d' aom mi : Och ! ciod an diomħanas a mheall o m' Dhia mi ? Nach beag a bha agam air son an t' sòlais naomh a chaill mi ? Mar Esau reic mi mo chòir-bħreith gu sanntach air aon lan beoil ; a thoileachadh mo mheanm-mħacnus, mo chiocrais, agus m' ana-mianna, rinn mi di-meas air gach sòlas neamhaidh ; agus tailceas mhi-nàdurra air maitheas mo Chruthai-fħir ! Rinn mi tar̄ air gràdh agus gràs m'

Fhir-shaoraidh ! chuir mi an aghaidh do Spioraid naoimh ; chuir mi tosd air mo choguis, agus campar air do mhinisteiribh, agus air mo chàirdibh ro-dhileas fein. Chuir mi anns an staid mhuladaich thruaigh so mi fein, agus is aobhar näire agus uallach dhomh fein mi, agus is uabhall leam Dia, a bhiodh agam mar mhuinghinn agus mar shòlas mur bu mhi fein an coireach.

Is leur dhuitse mo pheaca diomhair, .ge nach leur do dhaoinibh è ; 's aithne dhuit gach ni a tha 'g a an-tromachadh ! O ! Thighearna, fhuair mo pheacadh agus mo dhòlas lamh-an-uachdar orm ! Ma dh' amhairceas mi air mo dhiaigh, chi mi m' aingidheachd air tòir m' anna mar nàmhuid neart-mhor, deas gu m' ghlacadh agus do m' leir-sgrios ! Ma dh' amhairceas mi romham, chi mi do bhreitheanas co'-thromach uabhasach, agus tha fios agam nach saor thu an ciontach, ach air chumhnanta soisgeil do Mhic. Ma dh' amhairceas mi air m' anam, chi mi cridhe truailte dorch. Ma dh' amhairceas mi an taobh amach dhiom, chi mi an saoghal a' sior-thairgseadh nuadh-bhuaire gu 'm mhealladh. Ma dh' amhairceas mi os mo cheann, chi mi do mhòrachd uabhasach d' an d' thug mi oilbheum. Ma dh' amhairceas mi fotham chi mi ionad na dòrainn shiorruidh a thoill mi, agus a chuid-eachd ifrionnach air an aithrigh mi ! is eagal leam bhi beo, agus is mò an t' eagal leam bàsachadh !

Ach gidheadh, an uair a ghabhas mi sealla do d' Mhac ; do shaibhreas do thròcair ; agus do d' choi-cheangal ; tha dùil chinnteach agam gun coi-shìn do mhaiteas ri d' mhòrachd ; is fior-ghràdh thu, agus tha do thròcair os ceann t' obair uile. Dh' aontaich do Mhac bhi co gràsìnhor do pheacachaibh, air mhodh co iongantach ; rinn agus dh' fhuiling è urrad chum ar saoradh 's na 'n cuirinn an ceist gu bheil thu toileach maitheanas peacaidh a dheònachadh, gu 'n ann-tromaichinn m' uile chionta, le h eas-urram a

thoirt do d' thròcair gun choi'meas a chuir thu romhad a ghlòrachadh. Os-barr chi mi sgriobht ann a' t' fhocal, gun d' rinn thu coi'-cheangal gràis trid Chriosd, agus gun d' thug thu reachd dearmaid amach, anns an do dheònaich thu cheana maitheanas do na h-uile, air chumhnanta, ach gu saor; a' toirt doibh maitheanas nan uile pheacaiddh, gun neach air bith a dhruideadh amach a philleas riut trid Iosa Criosd, le creidimh, aithreachas, agus leasacha beatha neo-chealgach. T'ha do throcair a thaibhinn thu cheana dhomh, a'meudachadh mo mhuinghinn, do bhrìgh nach do leir-sgrios thu mi, agus nach d' thug thu thairis mi do chruas mo chridhe fein; ach gu bheil thu a' leigeil ris mo pheacaiddh agus mo chunnairt domh m' an d' thèid mi a' àite teasairginn.

O! uime sin, amhairc ormsa peacach, a tha air mo ghlùnaibh lubt' ann ad làthair, a' bualadh m' uchd mar an cìos-mhaor, agus leis an nàr mo shùil a thogail ri neamh. O! Dhe dean tròcair ormsa peacach. Tha mi 'g aideachadh, cha 'n è amhain mo pheaca gin ach amaideachd agus cuthach m' òige, lionmhoireachd peacaiddh m' ain-eolais, agus m' eolais, mo neo-chùraim agus mo thoileileachd, mo dhearmaid agus mo ghniomharra, an aghaidh an reachd nàdurra, agus an aghaidh gràis agus soisgeil do Mhic. O! mo Dhia, teasairg mi, agus deonaich dhomh maitheanas, air sgàth saibhris do thròcair, air sgàth iobairt agus morluach do Mhic, agus air sgàth geallaidh a mhaiteananais a thug thu dhuinn trid do Mhic; oir annta sin amhàin tha mo mhuinghinn uile. Na dìt mi oir tha mi 'g am dhìeadh fein. O thus' a dh' fhosgail tobar luach-mhor do pheacadh agus do neo-ghloine, gu h-iomlan ionnail mi o m' aingidheachd, agus glan mi o m' pheacadh. Ged a thoill mi o d' cheartas m' iomainn chum ifrinn gu grad, thugadh do thròcair buaidh ann am thearmann. Cha 'n 'eil tlachd air bith agad ann an leir-sgrios peacaich; ach is roigh-

niche leat gum pilleadh è le h-aithreachas agus gu 'm bitheadh è beo. Mur 'eil m' aithreachas mar is aill leat, O! maothaich mo chridhe cruaidh cloiche, agus deonaich dhomh aithreachas slainteil. Pill, mi riut fein, O! Dhe mo shlainte; agus tog dealradh do ghnùis orm. Cruthaich cridhe glan, agus ath-nuadhaich Spiorad ceart annam. Air pilleadh dhomhsa do Mhic struidheil truagh, na còinnich ann am feirg mi, ach fàillteach mi ann an glacaibh do chaomh-throcair. Na tilg o d'shealla mi, agus na fògair uait mi le luchd dheanamh na h-aingidheachd. O! Athair a dh' fhuiling mi gu foighidneach an uair a rinn mi di-meas ort, anis, air iarraidh dhomh a' t' ionnsuidh, na diult mi, agus mi ar mo ghlùnaibh anns an luaithre a' guidheadh do throcair. Dh' iompaich thu Manaseh aingidh, agus Saul t' fhear dian-ruagaidh, agus thug thu maitheanas doibh; agus tha mòran air neamh, a bha naimhdeil duit, mar an ceudna! le maitheanas a thoirt do ro-lionnhoireachd mo pheacaidhs' glor-aichi tu làn-shaibhreas do ghràis.

Cha 'n 'eil mi 'g iarraidh comas peacachaichd a rìs, ach saorsadh o chumhachd mo nàduir pheacach. Deonaich dhomh do m' nuadhachadh Spiorad do Mhic, a naomhaicheas uile chumhachda m' anma. Thoir dhomh an reuson, agus an nàdur nuadh neamhaidh, agus Spiorad na h-uchdmhacachd do m' ath-chruthachadh a rèir t' iomhaigh ghlormhoir fein, chum 's gum bi mi naomh mar atha thu fein naomh. Soillsich mi le h-eolas slainteil ort fein agus air do Mhic Iosa Criosd. O! lion mi le d' ghràdh, chum 's gun socraich mi m' anam gu h-iomlan ort; agus gun gabh mi tlachd os gach ni, ann an cuimhne do mhòrachd neamhaidh. Ruidheadh mo smuainte gu saor air do dhiaigh le tlachd! labhradh mo theanga gu sòlasach saor, ort fein, air do ghlòir, air do rioghachd, air t' fhocal agus air do shlighe. O! taisgear m' ionmhas air neamh, agus labhram le tlachd air an

ionad aoibhinn sin gach là. Deonaich gur è ard-ghnothach m' anma choisrigte gach la, thus a thoileachadh, agus a chliuthachadh ; do rioghachd a chuir air a h-aghaidh, agus do riar a dheanamh ! Cuir t' eagal ann am chridhe, chum 's nach trèig mi gu bràth thu ! Bha tuille 's a chòir fein aig an t' saoghal so do m' anam cheana ; ach anis ceasar an saoghal dhomhsa, agus mise do 'n t' saoghal, trid crann-ceusaidh Chriosd. Na gràdhaichim an saoghal no nithe saoghalta gu h-anabarrach : ach air bhith do bhiadh agus do eudach agam, thoir orin bhi toilichte leo. Cuir as do 'm uil' ana-mianna feol-mhor, chum 's nach amhairc mi le sannt an diaigh na feola ach an diaigh an Spioraid. Coimhead mi o ribe na cuideachd aingidh, o chomhairle agus o shlighe dhaoin' an-diadhaidh. Beannaich mi le co-chomunn nan naomh mar cluideacha ; agus leis na meadhonaibh sin uil' a dh' òrduich thu a shoir-bheachadh le 'r slaint' agus naomhacha. Och gun mo shligh a bhi co direach 's gum faodainn do naomh-reachd a choimhead. Na leig dhomh pil-leadh ri h-amaideachd gu bràth, no coi'-cheangal mo Dhe a dhearmad. Cuidich leam mo cheud thogra peacach a mhùchadh, agus gràin a ghabhail do gach smuain agus mianui peacach. Neartaicheadh do Spiorad mi an aghaidh gach buaireadh chum 's gun toir mi buaidh, agus gum buanaich mi ùmhail dhuitse gu brath. Ullaich mi fa chomhair fulangais, bàis, agus breitheanais, chum 's an uair is eigin domh an saoghal peacach so fhàgail, gum faod mi mo Spiorad a thoirt suas lè gàirdeachas, ann an lamhaibh dìleas m' Flir-shàoraidh chaoimh ; agus chum 's nach àireamhar mi le luchd-aingidheachd, a bhàsaicheas ann am meadhon am peacaidh neo-lughta, agus a thriallas chum dòrainn shiorruidh : ach gum bi mi ann an Chriosd leis a cheartas a tha o Dhia trid creidimh ; agus gun ruig mi air ais-eirigh nam firean ; chum 's

gum brosnaich cuimhn' a pheacaidh agus na dòrainn o'n do shaor thu mi, mo shior-chliu dhuitse mo Chruthai-flear, m' Fhear-saoraidh agus m' Fhear naomhachaidh.

O ! gun gairmeadh agus gu 'n iompaicheadh tu cinnich thruagh an iodhoil-aoraidh agus an neo-chreidimh ; agus lion-mhoireachd luchd-fuar-chràbhuidh an-diadhaidh, aig am bheil an t' ainm criosduidh, gun fhirinn, gun chumhachd, agus gun beatha an t' soisgeil. O ! cuir amach luchd-saothaireach chum t' fhogharaidh agus na bacadh an diabhol iad. Soirbhich le soisgeul, agus le rioghachd do Mhic, chum 's gu'n iompaichear t'uile pheacaich a t' ionnsuidh, agus gum bi an talamh so ni 's cosmhuite ri neamh ; 's a chum 'n uair a chruinnicheas tu sinn uil' an aon bhuidheann fo Chriosd, gun cuirear as do leth, le gràdh agus le gàirdeachas iomlan, rioghachd, cumhachd agus glòir, gu suthainn siorruidh. *Amen.*

*Urnaigh agus mola do Dhia air là an Tighearna.*

A ИНОВНАH ghlormhor, ata thu gu neo-chriochnach os ceann cliu aingle, agus gu sonraicht os ceann cliu chnuimhe peacach mar sinne : Gu ma fad a ghabhas è or n anmaibh a smuainteachadh gum feum thu aon ni is urrainn duinn a dheanamh, no gum faod ar n-uile mhola gnè air bith a chuir ri 'd shonas ! Ach dh' àrdaich do ghràdh agus do thròcair sinn chum na h inbh urramaich so, agus thug thu dhuinn ar sonas mar dhleasnas : agus thèid gach neach a tha fad uait am mugha ; ach is maith dhuinne teachd dlùth dhuit : agus air eagal gum bachd diomhanas agus gnothaiche saoghalta sinn, shònraigheach thu mach do latha naomh, chum 's gun dearc sinn le smuaintibh socrach, air do ghràdh, agus air do chliu ; agus chum gum feith sinn air an Tighearna gun bhuaireas, agus gum blais sinn

ar suaimhneas siorruidh fein roimh laimh. O ! bi thus' anis mår Spiorad beatha, soillse, gràidh agus cumhachd do'n dream a ni do riар ! beothaicheadh a bheatha neamhaidh sinn, chum a ghnothaich neamhaidh so ; chum ann ad sholas rùn-phairtichte, gum faic sinn thu fein trid creidimh : chum gun las ar gràdh le teas-chràbha sòlasach, trid co'-pairteachaidh bhlasda do ghràidh : chum gum bi gach ni a tha annainn, (a tha cathachadh a t' aghaidh,) lan-smachd-aichte le d' neart, a tha follaiseach 'n ar laigse ; agus chum mar so, gum bi an iobairt sin dhinn fein, agus d' ar cliu, a thairgeas sinn gu h-umhal air t' iartas, taitneach leat, agus ion-ghabhail ria, trid Iosa Criosd.

Is Dia thus agus thus amhàin ; is tu an Spiorad neo-bhàsmhor, do-fhaicinneach, siorruidh agus neo-chriochnach ann am bith agus ann an iomlaineachd : roimh chruthachadh an t' saoghail, o shiorruidheachd gu siorruidheachd is tua Dia. Tha t' eolas neo-chriochnach : tha thu lan-eolach ort fein, agus air gach ni agus neach : ach cha 'n fhaod aon neach eile t' iomlaineachd a thuigsinn : is maith do rùn, seadh, is fior-mhaiteas agus gràdh foirfe è : is ionmhuinn leat thu fein agus t uil' obair ! is tu an t' Uile-chumhachdacli, agus cho chruaidh ort cùis air bith : is tu Cruthai-fhear an t' saoghail uile : ghairm thu gach ni o neo-ni ! labhair thu agus dhealbhadh an domhan ! thug thu bith do na li ainglibh glòrmhor, agus do gach Spiorad tuigseach eile ! Dhealbh thu na flaith-easa uile ! Las an solas air t' iartas ! Cruthaich thu grian agus reulta : thug thu dhoibh an cumhachda iongantach, agus an obair, chum le 'n solas, le 'n teas, agus le 'n siubhal, gun toir iad beathta agus gluasad, agus gum bi iad chum aimsire agus mithise, air thalamh. Cia glòrmhor thu O ! Thighearna, ann an oibríbli iongantach sin do chumhachd ! Tha am mòrachd, an glòir, agus am fearta, an-àrd os ceann ar tuigse dhorch-ne. Bheir na h àrd-aingle aig am bheil

eolas is fearr orra, na tha againn, agus a tha 'g àiteachadh nan árd-ionada còmhnaidh glòrmhor, cliu is fearr na ar cliu-ne dhuits' an Cruthai flear cumhachdach, a dhealbh le t' fhocal cruth iongantach an t' saoghail, an uair a sheinn reulta na maidne coi'-sheirm, agus a rinn uile mhic Dhe gairdeachas. Chruthaich thu 'n talamh tioram agus a mhuir, agus gach creutoir a tha 'g an àiteachadh: gach eun agus iasg, gach beathach agus luibh; ann an iomad dreach iongantach, le mais agus feartaibh dhealbh thu iad uile. Is iad t' oibre mòr agus iongantach do-sgrùdaidh, an t' athar agus na neoil, an dealanach agus an tairneanach, an t' uisg' agus an sneachd, gaoth agus crith-thalmhainn, lìonadh agus tràdha iongantach na fairge, seadh, tha a chnuimh no à bhìlath is lugha, gu h-an-àrd os ceann ar tuigse agus ar n-eolais. Air an aobhar sin cionnas a làn-thuigeas daoine bàsmhor, mòrachd agus riaghaitt iongantach innealt' an t' saoghail? Cionnas a stèighich thu 'n talamh air neo-ni? agus ciod a tha 'n a dhoimhneachd? cia mar tha thu cumail suas, agus a' gluasad a chruthachaidh uile; agus a' buanachadh a riaghaitt sheolta? Cia mar a dhoirteas tu gu frasach, fearta cumhachdach sòlasach an teas neamhaidh anuas air nithe talmhaidh? cia mar a dhruideas tu suas an fhairge le dorsaibh gainmhein, agus a rinn thu truscan di do na neulaibh, agus crios-pasgaidh do'n dorchadas thiugh; ag ràdh, Thig an fheadh so, ach na tèid ni's faide? Cia mòr a Thighearna, agus cia lionmhor t' oibre: le gliocas gun mhearachd, le maitheas nach traogh, agus le h-uile chumhachd dhealbh thu iad uile?

Ach 's è an duin' an creatuir is luachmhoir a chruthaich thu dli' àiteachadh na talmhainn; shèid thu anail na beatha 'n a phollaruibh, agus dh' fhàs anam beo ann; chruthaich thu è ann an inbh is isle beagan na na h-aingle; chuir thu coron air de ghlòir agus de mhòr-luach; thug thu uachdaranaichd dha os ceann

uil' oibre do làmh air thalamh ; agus chuir thu fo cheannsal iad uile. Dhealbh thu è a rèir do dhreach fein, thug thu anam tuigseach dha, toil shaor o fhoir-neart, agus comas a' cuir an gniomh. Chruthaich thu è chum eolas a ghabhail ort fein, gràdh agus gèill a thoirt duits a Chruthai-fhear math, glic agus cumhachdach. Shuidhich thu air thalamh è, chum triall trid na beatha so, a dh' ionnsuidh do làthair-eachd ghlòrmhoir fein : mar is tu a shealbhadoir, is tu mar an ceudn a riaghlaifhear, a phriomh mhath, ard-fhear-comuinn, a chrioch àraig agus Athair caomh ; chum 's gun tugadh è lan-ùmhachd neo-fhuasgalte, agus gràdh dhuit. Thug thu dha reuson agus iartas, mar riaghait mhath, naomh agus cho-thromaich, chum le giulan a reir do chomhairle, gun toilicheadh è thu, agus gun sealbhaicheadh è làn-shonas. Dheonaich thu dha gach ni a bha feumail chum ùmhachd, chuir thu mar fhàchaibh air le saibhreas do thoirbheartais gèill a thoirt dhuit. Ach thuit è gu grad o neo chiontas agus o inbh urramaich, le pilleadh o Dhia, chreid è am buaireadair far-madach mealltach, seadh, an uair a chuir è tarniad agus cealgoireachd as do leth-sa : mar nach dearbhadh t uil oibre agus do thròcair iongantaich, gur fior agus math thu Is è so a thug an duin amaideach da Thighearna, an èiric a mhaitheis, thrèig è carraig a shlainie : agus le h aon duine thainig peacadh a steach do'n t saoghal, agus bàs le peacadh. Ach rinn tràcair gairdeachas an aghaidh breitheanais, agus cha do leig thu mach t' fhearg iomlan ; ach ri binne bàis choi-cheangail thu gealla Fir-shaoraidh. O ! gun cliuthaicheadh daoine Dia, arson a mhaitheis, agus arson a ghniomharradh iongantach do chloinn nan daoine !

Mar a thug thu gealla tràcaireach d' ar ceud-sinsir ; mar an ceudna, ann an iomlaineachd na h-aimsir chuir thu do Mhac chum an t' saoghal. Thainig è,

agus ghabh è ar nadur-ne chum a dhiadhachd ; ghabh-adh è leis an Spiorad naomh ; rugadh le h-òigh è ; bha è fo 'n lagh ; chaidh è fo dhimeas ; ghabh è riochd seirbhisich air ; agus dhealbhadh mar dhuin è. O ! aontachadh iongantach ! O ! gràdh gun choimeas ! Chuir aingle an cèill è ; ghabh iad iongantas mòr dh'eth ; rannsaich iad è ; agus siodhlearcaidh iad air iomadai gliocais Dè. Cia h-iosal anis is còir do pheacachaibh saorta tuiteam, gu h-ùmhal, a' gabhail iongantais chràbhaich da ghràs ! Cia h-àrd is còir dhoibh binne-cheol buidheachais a sheinn d' am Fear-saoiuidh !

Thainig è chum an t'saoghail so, a cho'-luadar ri daoinibh, hum eolas a thoirt doibh air an Dia neo-fhàicionnach, agus air nithe do-leursainn an ath-shaoghail : thainig è mar sholas, agus mar Shlanai-fhear an t'saoghail, a thoirt beatha agus neobhàsmhoireachd chum soillse. Bha è naomha, neo-choireach, neo-thruailte, eadar-dhealaichte o pheacachaibh, agus a' coi'-lionadh gach ceartais, chum bhi mar shagart iomchuidh, agus mar Shlanui-fhear foghainteach do pheacachaibh. Sheol è dhuinn le teagasg agus eisimpleir fhoirfe, gèill a thoirt do Dhia gu h-ùmhal, dimeas a dheanamh air sannt anabarrach saoghalta, fein-speis àicheadh, agus a chrann-ceusaidh a ghiulan, chum gun ruig sinn air crùn de 'n ghloir shiorruidh. Dh'irislich se è fein, fo chasaid agus fo mhi-chliu chealgaich an t'sluagh pheacaich, agus fo bhàs maslach cràiteach na croiche, chum gun deanadh è dh'eth fein iobairt agus rèiteach air son ar peacaidh, agus èirc air son ar n'anma ciontach, chum gunn bi sinn leighiste le a bhuillibh. O gràdh gun choimeas ar Slanui-flir, a leag sios anam luach mhor, seadh, arson a naimhde ! Chuir è bàs agus uaigh fo cheannsal, agus naomhaich è do gach Fior-chreideach iad. Air an aobhar sin ghabh è co'-pairt ann am ful agus ann am feoil, chum trid bàis, gun sgriosadh è an

diabhol aig an robh cumhachd bàis ; agus gun saoradh è an dream a bha le h-eagal bàis, fo bhruid, fad aimsir am beatha gu leir. Sholair è co'cheangal gràis do 'n chinne-daonna, agus naisg se è mar a thiomna le fhuil. Agus anis tha maitheanas agadsa chum gum bithear fo t' eagal, agus gun toirear gèill duit le muin-ghinn. O ! Athair, 's è do ghràdh do 'n t' saoghal, a thug t' aon-ghin Mhic dhuinn, chum 's ge b' è neach a chreideas ann nach tèid è am mugha, ach gun sealbhaich è beatha shiorruidh. Bha thu ann an Criosd a' rèiteachadh an t' saoghal riut fein, gun am peacadh a chuir as an leth. Thug thu briathara na rèite do d' luchd-teagaisg, a chuir impidh air luchd-aingidheachd, seadh, ann a t' ainm fein, agus ann an àite Chriosd, bhi rèidh riut. Sparr thu orra do thròcair a thraigse do gach neach, agus an èigneachadh a steach le dùrachd chum as gun lionar do thigh, agus gum bi bord do mhòr-fhleadha bheannaichte làn le h-aoidhibh. Cha chuir thu cùl ri h-aon neach a thig do t' ionnsuidh trid Chriosd ; cha diult thu tròcair do neach air bith, ach do 'n duine cheann-laidir nach gabh ria gu bràth : Thug thu beatha shiorruidh do mhic bàis ; agus 'si a bheatha so do Mhac ; oir tha è leoир-chomasach a lan-theasairginn gach neach a thig a' t' ionnsuidhs' air impidh agus air a chùmhnhanta fein. Do mheud 's a ghabh ris, thug thu comas bhi mar chloinn Dè. Thug thu dhoibh Spiorad do Mhic mar an ceudna ; seadh, Spiorad na h-uchdmhacachd, d' an ath-nuadhachadh do rèir t' ionmaigh naomh, chum 's gum bi iad cosmhuil ri 'n Athair neamhaidh ; d' an naomhachadh dhuit fein, agus le dòrtadh do ghràidh air an anmaibh, g' an tarraing suas do t' ionnsuidh fein ann an gràdh. Rinn thu sluagh sonraichte dhuit fein diu, agus eud-mhor mu dheagh-oibre, chum am bheil thu 'g an aith-ghin-eamhainn. Bheir thu dhoibh mar an ceudna aith-reachas chum na beatha : agus ceusaidh tu an fheoil

le a h-ana-miannaibh : teagáisgidh tu dhoibh bhi measarra, co'-thromach, diadhaidh, agus saoruidh tu iad o 'n droch linn so ; marbhaidh tu an sannt ana-barrach saoghalta ; chum 's gum bi an gràdh agad fein, agus gum bi thu dhoibh mar lan-shonas. O ! cia an gradh leis an do ghràdhaich thu sluagh truagh ceannairceach peacach, chum gu 'n iompaichteadh iad gu bhi mar chloinn Dhe ! seadh, mar oighreacha neamh agus mar cho'-oighreacha le Criod, ma' sè gu 'm fuiling sinn leis, gu 'n glòraichear leis sinn mar an ceudna.

Thog thu t' eaglais air carraig, air an Fhear-eadar-mheadhoin bheannaithe ; chum nach buadhaich cumhachd ifrinn 'na h-aghaidh. Rinn thu a Fear-teagaisg, a Sagart agus a Righ dh' easan : uaidh-san fhuair sinn eolas ortsa, agus air do thoil Air a sgàth-san, tha sìth, fàillte, agus comas dol a' t' ionnsuidh againn. Is è Tighearna nam marbh agus nam beo. Thug thu na h-uile nithe 'na lamhaibh, agus dheonaich thu dha àrd-cheannsal t' eaglais. An uair a chaith è suas do neamh, thug è iartas g'a mhini-steiribh, eaglais uil' a chruinneachadh, a riaghlaidh, agus a theagast : thug è 'n Spiorad gun mhearrachd d' a Abstolaibh, g' an treòrachadh chum gach firinn ; agus Spiorad nan cumhachda miorbhuleach a thogail fianuis leis do 'n t' saoghal. Theagaisg iadsan dhuinn gach aon ni air bith a dh'iarr è orra, agus thug iad teagast an scriobtuir dhiadhaidh, do na h-aodhairibh agus do 'n luchd teagaisg sin, d' an d' òrduich thu a choimhead agus a chuir an cùill, agus ris an d' earb thu do threud ionaltradh gu crioch an t' saoghal. Agus ged a thruaill peacadh, agus ged a roinn eadar-dhealacha t' eaglaise gu truagh ; gidheadh tha thu nam measg, a' giulan le 'n anmhuiinneachd a' toirt do chomhairle dhoibh, 'g an gairm chum naomhachd, sìth, agus gràidh ; agus is aithne dhuit do chruith-neachd fein ann am measg a mhuill.

O gum moladh daoin' an Tighearna arson a mhaith-eis, agus arson a ghniomhara iongantach do chloinn nan daoine : Cia glormhor thu ann an naomhachd, a Thighearna, agus cia h-urraimach ann an coi'-thional do naoimh, agus an uile shluaign a tha timchioll ort ? Tha naomhachd iomchuidh air do thigh gu siorruidh : agus ann ad theampull labhraidh gach neach air do ghlòir. Gum beannuichear t' ainm a Cruthaifhear chumhachdaich : gum beannuichear t' ainm Fhirshaoraidh ghlormhoir : agus gum beannuichear t' ainm a Spioraid fhior-naomh. O ! gun cliu-thaicheadh ar n-anma mòrachd an Tighearna le tuille buidheachais, agus gun deanadh ar Spiorad gàirdeachas ann an Dia ar Slanai-fhear, a rinn iochd oirn 'n ar staid chaillte ; oir mairidh do thròcair gu siorruidh. Cliu dhuit air son ar bith. Cliu dhuit air son ar saoraidh o pheacadh agus o ifrinn. Cliu dhuit gun d' thug thu sinn le baiste fo choi-cheangal nan gràs, agus chum t' eaglais. Cliu dhuit air son nan sochairean mòr agus diadhaidh so ; nach 'eil sinn coimheach coigrich an am measg nan Cinneach, agus an t' saoghal gun chreidimh ; ach gu bheil sinn ann an coimhearsnachd nan naomh, agus do theagh-lach Dhe. Moladh dhuit gum faod sinn seasamh ann an làthair do naomhachd, cliu a thoirt dhuit ann an coi'-thional nan creideach, agus nach d' fhògradh sinn o obair agus o chuideachd naomh. Is fearr là ann ad chùirt na mìle là. Is fearr leinn doirsearachd tighe Dhe, na còmhnuidh ann an tigh rioghail na h-aingidheachd. Is beannaicht an dream a chluinueas an fhuaim aoibhneach, agus a bhitheas tarbhach fa dhruichd neamh ; gluaisidh iad ann an dealra do ghnùis, ann a' t' ainm ni iad gàirdeachas fad an là agus àrdaichir iad ann ad cheartas ; oir is tus an glòir agus an neart ; agus ann ad dheagh-ghean bithidh iad tearainte, ait agus àrd-inbheach.

Ach gu sonraichte, cha 'n fhaod an dream a thug thu chum eaglais fhaicinnich an t' sluaigh nuadh-ghinte, mòrachd do ghràis a leoir-chliuthachadh. An uair a bha sinn gun Dia anns an t' saoghal, agus gun spéis neo-chealgach againn diot, ach a' ruagadh ar n ana-mianna feol-mhor, agus diomhanais chealgaich an t' saoghail; an uair nach robh Dia 'nar smuaintibh, agus nach robh tlachd againn a'd shlighe naomh; an uair a rinn sinn dimeas air gràs, a chuir sinn cath air do Spiorad, agus a chuir sinn peacadh ri peacadh; an sin ghabh thu truas dhinn, 'n ar fuil; chuir thu t' fhocal gar n' ionnsuidh; thug thu buaidh dha air ar n anma reasgach; thug thu oirn smuainteachadh air ar staid agus air ar slighe, agus dheonaich thu dhuinn cail-eigin de striochdadhdh agus de aithreachas. Is sòlasach ath-smuainteachadh air spàирн agus buaidh do ghràis, air caomhhalachd do thròcair, agus air co'-fhurtachd do ghràidh. An uair a bha eagal oirn gun leir-sgriostadh le 'r peacaibh sinn, agus nach gabhadh tusa gu bràth ri sluagh ceannaireach gràineil mar sinne; cia saor a mhath thu dhuinn ar n uile chionta? cia toileach a nochd thu tròcair, agus a thug thu buaidh air ar n anma le lan-shaibhreas do ghràidh? O! cia iomadui na peacaidh a mhath thu dhuinn? Nach bu mhòr saothair do Spioraid ri 'r n-anmaibh ain-eolach, borb, fein-spèiseil, ana-mèineach, saoghalta, agus eas-umhal. Cia h-iomad tròcair, tearmann, agus co-fhurtachd a dheonaich thu dhuinn o' n àm sin? Cia h-iomad miann a thug thu dhuinn agus a shàsaich thu? Cia h-iomad àmhghar a lughdaich no a naomhaich thu! Cia h-iomad uair shòlasach tharbhach a chaith sinn leats' an uaigneas! agus leats' agus le d' shluagh ann an co'-chomunn nan naomh! Is lionmhòr a Thighearna t' oibre iongantach, agus do smuainte tròcaireach air do luchd-muinnitir: nam b' àill leinn am meas, agus an cuir an cèill gu riaghailteach, rachadh aп àireamh thar ar

tugse. Agus air an son sin uile, tha sinn an so, mar shagartaibh do Dhia, a' tairgseadh iobairt ar cliu agus ar buidheachais le gàirdeachas, dhuitse, ar crànnchur agus ar slainte shiorruidh.

An uair a chriochnaichear a bheatha dhocrach ghearr so, gheall thu dhuinn suaimhneas maille riut fein gu siorruidh. Treòraichidh, agus sduiridh tu sinn le 'd chomhairle, trid an fhàsaich so, agus bheir thu sinn ann an àm iomchuidh chum do Ghloir. Cha d' thug thū dhuinn an diomhanas na ceutfai so, ga t' iarraidh fein, a ghabhail eolais ort, a thoirt gràidh dhuit, agus a ghabhail tlachd annad : air chinnte coillionadh tu, nàdur agus gràs gu foirfeachd, agus bheir thu orra gun ruig iad air an crìch. Cha bhi morthionnsgnadh, obair agus fulungas an Fhir-shaoruidh an diomhanas. Cha bhrisear do ghealla naisgte. Cha d' ath-nuadhaich, agus cha do naisg do Spiorad sinn ann an diomhanas chum an latha bliqueannichte. Cha mheall an geall-dainghnich, an earlais agus t' fhianais a thug thu dhuinn sinn. Cha teid ar mianna agus ar n-osna am mugha : agus tha tionnsgna fann na soillse agus a ghràidh sin, a' roi-thaisbinedh gun sealbhaich, seadh, gun lan-shealbhaich sinn foirfeachd mòr mar ar miann, agus maireannach mar ar n-anma. Tha siol a ghràis, a taragradh glòir : agus tha roi-bhlas a ghràidh a' dearbhadh, gum bi sinn sonadh ann ad ghràdh sa gu siorruidh. Cha 'n fhàg ar dòchas ri d' mhaitheas, a' d' Mhac, agus a' d' choi'-cheangal, gu-bràth sinn folamh agus maslaichte.

Air an aobhar sin, beannaichidh sinn t' ainm a Thighearna, mar dhream a shaoradh o bhàs agus o ifrinn ; mar dhream a dh' àrdaicheadh chum inbhidh chloinne ; mar dhream a theasairg thu o 'n naimhdibh uile ; ach gu sonraicht' uainn fein, agus o 'r peacaibh : beannaichidh sinn t' ainni, mar dhream a tha tionnsgnadh air glòir, agus aig am bheil dùil ri bhi sona le Criosd gu siorruidh air neamh ; as an crannar amach

gach peacadh agus dòlas, gach nàmhuid aguseagal, agus cho chuir iad tuille campair air ar n-anma gu bràth.

Gheibh sinn roi-shealla le sùil a chreidimh air an là shona sin, air Ierusalem nuadh, air ainglibh gun àireamh, agus air spioradaibh foirfe nan naomh! chi sinn an dealra glòir-mhor, an teas-ghràdh, agus an coi'-sheirm iomlan! cluinnidh sinn le creidimh am binn-cheol buidheachais agus cliu! Roimhe so, bha iad ìosal dubh-bhronach ann am peacadh agus ann an dòlas, ann an iomdaidh laigsinn, fulangais, agus eagail, mar atha sinn fein. Ach le creidimh agus foighidinn thug iad buaidh. Agus le creidimh agus foighidinn is àill leinn ar Tighearna agus iadsan a leanmhainn gu dlùth. Tha an t' àm dlùth dhuinn anns an iom-paichir an fheoil so chum luaithre gu grad, agus fuasglar ar n-anma o chuibhreach corporra, agus thèid iad do t' ionnsuidh fein. Is goirid gus an tachair so. An sin, is diom-buan ar peacadh agus ar n-àmhghar: an sin, chi sinn thu aghaidh ri h-aghaidh! agus gheibh sinn solas o d' dhealra! cha bhi sinn tuille a' glaodhaich, no ag osnaich ann an dorchadas. *Och!* *gun tuill' eolais againn air do mhòr-luach a Thighearna!* an sin bheireamaid gràdh fior-ghlan, foirfe, gun truailleadh dhuit; agus cha 'n fheumamaid bhi ag osnaich agus a' glaodhaich, *Och!* *gun againn anma laiste le gràdh dhuit.* An sin, chliuthaicheamaid thu, gu h-inntinneach, le buidheachas agus le gàirdeachas, a tha os ceann ar tuigse agus ar tograiddh anns an àm so.

O! tulite soillse agus gràidh bheannaicht', a shruth-as air ar n-anma gu siorruidh o d' ghnùis ghlor-mhoir gun smal! cia h-an-àrd an t' sàbaid shiorruidh, agus an cliu foirfe sin gun tosd, os ceann ar dìchill dhùllidh gun neart! co an-àrd 'sa tha cathair bhuadhach Dhe, os ceann eaglais neo-fhoirfe, leanbuidh, agus neo-shuidhichte fein air thalamh.

Beothaich a Thighearna, beothaich ar ciòcras an diaigh na staid agus an latha bheannaichte sin. Thig a Thighearn Iosa, thig gu grad, agus coi'-lion t' fhocal, chum's gum bi sinn leat, agus gum faic sinn do ghlòir. Na fuirich gus am fàillnich creidimh air thalamh. Na fuirich gus an toir cumhachd an dorchadair buaidh air fuigheall t' oighreachd gu h-iomlan, agus gus an dean è an saoghal so ni 's cosmuile re h-ifriùn; no gus an sguir daoine diadhaidh agus treibh-dhireach ann am measg clann nan daoine. O! c'uin a ghabhas an saoghal riut mar an Cruthai-fhear, c'uin a ghabhas iad gràin roi iodhalaibh, agus a sguireas iad de mhi-chreidimh? Cuin is oighreachd do d' Mhac a chuid eile de na Cinnich? Cuin is rioghachd dha uile rioghachda na talmhuinn? O! c'uin a leanas an talamh eisempleir neamh, agus a ghàbhas daoine tlachd ann an deanamh do thoil? Cuin a chuireas an duin' uaibhreach, an-saoghalta, agus ana-miannach cùl ri cealgaireachd, agus a gluaiseas è gu h-ùmhal naomha le Dia? c'uin a philleas an t' amadan truagh a dh' àich'eas an Tighearna 'na chridhe, agus nach gairm air t' ainm, ach a dh' itheas do shluagh mar aran? c'uin a bhitheas eagal t' ainm air, agus a sguireas è a chathachadh an aghaidh a Chruthai-fhear? Luathaich a Thighearna slainte do shluaign, agus coimhead iad ann an treibh-dhireas agus ann am foighidinn gu bràth. Dean trocair air gach eaglais ain-eolaich agus neo-iompaicht air thalamh: dion iad o An-tighearnas na h-àird-an-Ear, agus an Iar, a chumas an cleth meadhona eolais agus leasacha beatha: agus aisig dhoibh an ceud fhior-ghloine, aon-fhilteachd agus aon-sgeulach, chum gum bi an solas a' dealradh amach, a chosnadhl an t' saoghal neo-chreideach, a dh' iomaineadh o Chriosd le 'n truailleachd. Dion agus leasaich ni 's mò, agus ni 's mò, na h eaglaise ath-leasaichte; agus ath-bheothaich eolas, naomhachd, agus sith na measg. Beannaich na rioghachdan so,

le solas, naomhachd, agus sìth an t' soisgeil. Beannaich ar n-aon uachdaran laghail, agus a theaghlach rioghail uile, agus gach aon neach eil' ann an ùghdaras, beannaich iad, leis gach gliocas, naomhachd agus sonas, a tha feumail dhoibh fein agus do leas coit-chionn nan rioghachda so. Dean na h-iochdarana dleasnach dhuit fein, agus d' an uachdarnaibh saoghalta, chum gum bi ar beatha siochail, suaimhneach, anns gach diadhachd agus ionracas. Beannuich gach coi-thional le soillsibh lasarradh dealrach; agus til-gear luchd reic agus ceannuigheachd amach as do theampull. Na bacadh mi-run an diabhoil, no naomh-ghoid dhaoine, soisgeul do rioghachd, agus na mealladh iad o obair t' fhogharaidh do luchd-saothaireach coisrigte dileas.

Deonaich dhuinn nithe feumail na beatha so, agus bitheamaid lan-toilichte le tcirbheartas do laimh; agus sgrios ar n-an-saoghaltachd agus ar n-ana-mianna feolmhor.

Teagaisg dhuinn bhi beo gach là trid creidimh 'n ar Fear-saoraidh, agus as à leth-san, deonaich dhuinn sior-chomas dol a t' ionnsuidh fein. Maith dhuinn peacadh gach latha, agus cuidich leinn gràdh agus maitheanas a thoirt do dhaoinibh eile.

O! dion sinn o chogar cealgach an diabhoil, o aisinneachdaibh an t' saoghail; o mhealltoireachd luchd peacaidh, agus o gach togra truaillidh feolmhor. Agus na toir thairis sinn do pheaca, no d'ar n-an-sannt; no do mhi-run dheimhan no dhaoin an-diadhaidh; no do'n dioghaltas mhillteach a thoill ar peacanna.

Thoir eolas dhuinn air obair na beatha, agus air mor-luach ar n-aimsir ghoirid nach mair ach seal; agus cuidich leinn ar n-ùin a bhualeachadh chum co-fhurtachd d' ar n-anmaibh, an uair a ghabhas sinn ath-shealla dhith. Teagaisg dhuinn mar dh' àireamhar leinn ar làithe, chum gun socraich ar cridh air gliocas,

Na leig dhuinn bhi mar an t' amadan, a struidheas le diomhanas an aimsir luach-mhor sin, ris am bheil a shonas siorruidh an earbsa ; an aimsir, nach faod an saoghal gu leir, a gairm air a h-ais. Deanamaid t' obair le 'r n uile neart, gu sonraicht 'n ar n-ealainibh agus 'n ar daimhibh fa leth. Deanamaid ar gairm agus ar tagha cinnteach. Builicheamaid ar n-aimsir, ann an obair thaitnich a chreidimh, na muinghinn agus na seirc. Cum sinn do ghnàth re faire, agus ullamh fa chomhair bàis agus breitheanais, a' gabhail fadail gus an tig an Tighearna. Biadh ar n-anma agus ar co'-luadar air neamh, o 'm bheil dùil againn ri 'r Fear-saoraidh ; agus le bhriathraibh co'-dhunaidh sinn ar n uil' ùrnuiigh—*Ar n-Athair a tha air neamh,*  
Etc.

## C R I O C H.

---

James Clarke,  
Printer, Cowgate.

---

## MEARACHD A CHLO-BHUALAIDH.

*Taobh.*    *Sreath.*

- |       |     |              |                   |              |                     |
|-------|-----|--------------|-------------------|--------------|---------------------|
| xxx,  | 31. | <i>arson</i> | <i>co'-comunn</i> | <i>leugh</i> | <i>co'-chomunn.</i> |
| xxxv, | 25. | ..           | ulluchaidh        | ..           | adhlaacaidh.        |

